
民國叢書

第五編 • 95 •



民

或

叢

書

第五編 ・95 綜合類 茹經堂文集 (三一六)

唐文治著

上降吉店

茹

唐文治著

經

堂

文

集

第三編

w/5/05/0° 2/ 137231

繫治忽之故有過之無不及也孟子曰我知言我善養吾浩然之氣氣集義所生蘊之爲道德措之爲事業發之爲文 各諫疏不下於賈生之陳政事也宋儒治經專重義理晦翁各封專則上視介甫子瞻之萬言書下視文山之對策關 不僅較道而不及事功也審矣漢儒治經仲舒子政叔重康成立身皆有本末然許鄭之文攷據而已董之三策劉之 昔韓愈氏之論行文也曰氣盛則言之短長與聲之高下皆宜夫氣何由盛讀書富積理足更事多而已然則姚 呫嗶小儒繁帨華士規規於詞章爭短長哉余與太倉 章也言文也被辭邪辭之數者生心害政發政害事知之而後有不易之言故又曰予豈好辨哉予不得已也此豈如 所謂義理攷據詞章三者缺一不可其說爲未備矣魯叔孫穆子以立德立功立言爲三不朽德與功皆藉言傳文之

堂马學朱子氣核盛而才亦隨之下筇汨汨不能自休其積理自信甚為故其詞直而壯雖對至奪敢抗辯無所於屈 詞章之工已也然余以爲文正自貢學韓頗務詞章之工而才氣不足筠伯登知書屋集才有餘而理氣不足獨養晦 稱三仙謂復仙據部與骨文正滌仙郭尚書筠仙而吳南屏梓湖一集不與焉蓋三人者皆務爲輕世之文不規規 未刋者命叙飜讀一過歎曰尚書之文與湘擲劉霞仙先生發晦堂之文一何相似也當成同間湖兩諸老能文者號 唐蔚芝尚書相識且三十年而未稔垂老卜居吳會尚書招就錫山講席出示所已刋茹經堂文集初二編而 非昌黎所凯言短長聲高下皆宜者歟 以三編

尚書少為經生南著書院高足也其治經液朱豫采合致據義理而一

之中歲第甲科迴翔耶署不十年而廣賴

Æ

哉豈其然哉重光協洽嘉平年愚弟陳衍拜叙 典乃國家新政參決動關大計所不可雖權費力爭不少貶晚講學鄰邦於舉世不悅學之日獨以通經致用爲根本 遠耳世之讀者不富積理不足更事不多者旣短於氣藉口昌黎之遏抑蔽匿曰吾陰柔之美與陽陽者異也豈其然 毋涵蓄蓋平日力宗紫陽根柢整深登以數十年宦海世途之閱歷故與養晦堂之作相伯仲而經術湛深又劉所不毋涵蓄蓋平日力宗紫陽根柢整深登以數十年宦海世途之閱歷故與養晦堂之作相伯仲而經術湛深又劉所不 要閩猪口曉音愁置學子之耳其作爲文章於平日讀書見事所得力遇題而左右逢源發抵盡致寧繁毋殺甯透露

之本天地賴以不息人類籍而不滅其長遠勝於彼二者而流弊爲尤少雖以東原氏之深於名物訓詁猶有轎 歌雜綿懶怫雖木强人識之莫不感動流涕而不能釋手蓋先生以至性至情發而爲天地之至文其所以維觸 及者至廣且微然要其歸必有關乎世道人心不專爲一人一家而作而稱述忠勇義烈之士矯蘇友愛之情可 冶之旣已損漢儒考據之長以闡發宋儒之淺理矣又時時吐爲文章以舒其所抱雖其海湎地覓事習瀦匯網 中人之喻则谈理之於三者不尤可貴也哉吾師錫山唐蔚芝夫子於三者之學無不精其治歷實鎔淡宋於一 世亦或議之者則以空疎病之查爲束背不観游談無根者發也要之三者各有所長未可偏廢而淺理所以立人 然史籍所載嘉言懿行文集篇章名言至理兼收竝蓄觸類而通孰不足以助發其性理願視其人之愛好何如 去而枝是取形之守而神已亡則碎義逃難便辭巧說之譏豈可免哉篤好義理者以六經爲堂奧諸子爲戶牖固矣 訓詁而明其字義字義明而後古昔聖賢之義理顯則用之於經子未爲失也而僻者爲之支離破碎移極穿鑿 雖謂之侮聖人之言玩物以喪志可也考據用以辨世次之先後明制度之得失雖聖人不能廢也推而極之因聲音 成其炳炳琅琅之文章悅目而快耳其治史取其華詞也治經與子亦爲其詞章使耳極其弊則華文少實寢以無行 育其書 試 以四部言者經與子則義理之科也若史則考據類也若集則多屬於詞章者也然此特就其歡之質性言而已若 姫傳氏言學問之堂有三日義理日詞章日考據戴東原氏亦以爲言竊當論之天下學術之三者括義盡 而各專其所好則又有其人之質性爲而短長見矣才華之士學聖經賢傳子史雜記繼列胸次供其驅役以 泣可 爐而 夫

は口でにからて、住民二二日間

肯行其所學故先生之學皆坐而言起而能行者也學與言與行合而爲一者也故先生之義理又躬行實踐之義理 嘉稱伯昏无人之德日我怫然而怒而適先生之所則廢然而返不知先生之洗我以眷邪若先生之誠摯寬容使人 大儒君子之度望之儼然卽之也溫聽其言藹然仁厚長者聞之者莫不心悅誠服若春風時雨之化昔莊周遠申徒 先生之書者雖甚衆而或未親炙先生則於先生平居治學所以養而致此者猶或未瞭然也養先生得於天者之主 教於不墜激發仁慈孝友於末世者每篇之中未當不三復致意焉故先生之文以義理而發爲詞 之學則身心之益庶幾其有進乎民國二十年十一月門人北流馮振謹序 必歸本於義理先生之義理必歸本於躬行讀先生之文章者必求之於義理求先生之義理者必反之於躬行夫而 以魏先生行身治學之萬一因不辭固陋略述其胸臆以就正而敬謹爲讀先生之書者槪括而告之曰先生之文章 先生所著茹經堂文集其第一二編久已行世令又將刊布其第三編學命爲之序振竊惟侍先生也久妄以爲或可 也言義理者茍皆歸本於躬行縱不能文章何害而先生獨兼擅考據詞章之長以相媲獎輝映則尤難能而可貴耳 自棄於鄙 性至情旣獨厚又務益濟之以學居常言行一準乎法則讀書治事必有定時雖大飲酒不稍亂遇人接物尤足表見 後乃可以得先生之大者而振方沈溺於訓詁詞章而一無所就先生儻以其餘暇從容訓誨導而歸之於義理躬行 倍則又過乎此矣先生之學大抵尤重於義理而必反之於心身躬行而實踐之推而至於齊家處世實是 也 然世

茹經堂文集三編目錄

卷一 雜著類

克已爲治平之本論 辛未 廢孔爲亡國之兆論 辛未

天地機論 甲子

王文貞先生學案丁卯

知覺篇 丙寅

预朱子仁說 丁卯

國文陰陽剛柔大義緒言 庚戌

急救米荒揭 庚午

急救水災議 辛未

續救水災議 辛未

學校當研究水利議 辛未

上海交通大學第三十屆畢業典體訓辭及午

入德胜釋 壬申

月以

太 倉 唐 文 冶 蔚 芝

苍

雜 著 類

维崇道德爲務東海西海心理皆同歐美各邦皆知尊孔遂譯我經籍搜採我史母東方營造孔廟有大規模之建築 乎體淺云亡精神淪毀魂魄游散國魂離矣國本撥國資製國魂離國烏有不亡者哉失當世界文明之會各國皆以 今天下亡國之聲洋洋盈耳雖三尺童子亦知不免於國難莫知其所以然之由而亦莫思所以挽救之者此眞大惑 孔子爲之祖述而憲章爲之繼往而開來爲之簽揚而光大今一旦隱地無餘國寶裂矣老子曰載魂魄抱一能無難 知古詩有之顯沛之揭本實先撥道德爲立國之本道讓旣喪國本撥矣文化者國寶也我中國數千年之文化質賴 不解者也吾特斷之日廢孔則國必亡尊孔則國可以不亡兩言而決耳而或者疑尊孔之與保國若判然爲二事不 殷孔爲亡國之兆論

請言人道球國人之所以異於會獸者幾希惟在一念之良知存否耳因體大司馬婁九伐之法國有島獸行則獨之 叫嚣燎笑如醉如狂莫测其故傅曰國家將亡必有妖孽此之謂也用是大聲疾呼詳論之以教吾將亡之國 **遊人有內亂爲賦行天將以禽獵獸痛法待之是以孔子曰道不遠人君子以人治人流子曰人之有道也逸居無**

而我中國有孔子乃無端相與掃除之有官廢孔者相與崇拜而鼓吹之有言尊孔者相與詬爲而吐棄之胥年之士

山坐をて爬三扇

世人遠於禽獸刦運消弭而國乃可以不亡 機已伏於此矣誠發明孔子之道以救之張四維修五德尚辭讓去爭奪克已而愛人戒欺而務實人道教育大明於 害理悖天於是爭地爭城殺人如草芥原野婴人內川谷滅人血其待我同胞不啻禽獨獸薙之慘人道 則近於禽獸(孟子學孔子孟教即 孔教)乃近世之士惟 恐 人之遠于禽獸 一般孝弟 薄 忠信 破 醴 数 寡 廉 滅絶亂亡之 晔 狙

爲小人而不爲君子抑知園於天地必有與立所以立者正氣爲之也正氣消歇國焉得而不亡且夫孔門論士曰行 請言人格救國禮記曰言有物而行有格此人格之權與也子曰君子上達小人下達君子喻於義小人 父慈子孝兄良弟悌夫義婦聽長患幼順君仁臣忠十義是正興大同之治而國乃可以不亡 成性犯上作亂相率效尤人綱人紀掃地無餘名不正則言不順言不順則事不成也春秋時辛有至伊川見破髮祭 野者曰不及百年此其戎乎其禮先亡矣今吾國蔑棄倫紀殆甚於昔時之夷狄痛乎悲哉誠發明孔子之道以救 明欺天乎欺人乎朋友則相傾相軋 道 秩有禮同寅由是協政治由是和故曰人倫明於上小民親於下人而 輕合易離自殺者接踵性命輕於鴻毛义況漁色者流廣畜侍妾子矜挑闥穴隙相窺女權陵躐 請言人倫救國孔子曰天下之達道五所以行之者三君臣也父子也夫婦也昆弟也朋友之交也五者天下之達 知仁勇三者天下之達德也不行五達道不能有知仁勇之德且人倫者秩序所由生典禮所由 無論矣父不能教 與蹠之分無 他利與善之間人格高下奚啻筲壤義利之辨而已今者舉國上下惟利是鶩營緣 其子兄不能勉其弟不遜不悌蕩越檢閑至於婚姻自由宜以禮爲之範圍 · 無復有台志同方者矣甚者昏棄祭祀遠不知追終不 無倫何有於秩叙令居中國而 知慎人忘其 | 茲者夫| 殆盡如是而號爲文 |起也天叙有典天 奔競 去人倫君臣之 喩 本於是桀驁 婦之道日苦 狗苟蠅惫 於利孟

已有 莫之或聞卑鄙齷齪至極孟子所謂人役郭隗所謂亡國與役處宜其爲外人所輕視所以使削類乘肆無忌憚者皆 講託徇私情滅公理得小事則國小利得大事則圖大利不逞之徒越人於貸暴行殄民無過而問者小民日號籲天 由廢孔階之属也誠發明孔子之道以捄之一介不與一介不取氣節屹然富貴不淫實賤不移威武不屈天下有人 所以爲人之道而 恥不辱君 |命惟有恥而後能不學惟舉國皆有恥而後舉國皆不學一人無恥全國變學今各國方講求道 中國固有之孔子乃以其不便於己摧殘惟恐不至尙巧詐去誠實甚者道路流傳賄賂苞苴奔走

請言人心救國孔子曰成性存存又曰操則存舍則亡出入無時莫知其郷惟心之謂與惟心亡故身亡家亡國亡惟 泯宮室之美妻妾之奉所識窮乏者得我日日黨灼其心平旦之氣無復存者始也好惡乖遠是非顯倒繼也充穿歡 心治故身治家治國治宋陸子靜先生之學日本心明王陽明先生之學日良知此皆孔子眞傳也今也本心 格而國乃可以不亡 以救之心不踰矩心不遂仁先立乎其大正其心以正天下人之心而國乃可以不亡 忍人之心與不忍人之政乎哉莊子日哀夷大於心死其所以亡心以至亡國者非一朝夕之故也誠發明孔子之道 之心充害人之心刀矛戈戟無不出於其心世路喻蠟擬步如漆於是惻隱羞惡辭讓是非之心澌滅靡遠其尚有不

偽疑爲假託是必先疑其爲若針而後可先疑其祖若考而後可彼其心不過曲學阿世取快一時之論議以役天下 拟 心以而後成功文章道揆法守備哉燦爛篋耀古令孔子集墓聖之大成始移條理上等百王下開諸子奠之能諡 中國城新以 者曰上古中古之世某人疑偽也某經疑偽也某事疑假託也嗚呼以古聖賢之精神材力學問政敍而猶疑爲 來自伏義神及黃帝以迄堯舜禹湯文武周公道統相頗治化相承數千年問旣城目力旣城耳力旣

指鹿爲馬之計洪水猛獸焚醬坑儒害未有大於此者嗚呼人必自侮而後人侮之滄浪之歌濁斯濯足孔子曰小子 也又何以畏難若此中國人不信中國文教庸有是理彼其意不過欲靈刻先王之典籍拔本塞源故爲此以呂易嬴 謂白話文以代之出辭氣日益節倍號於衆日國文之難也夫使古人而皆聰明也後人何不肯若此今人而皆賢智 之耳目而不知其疑孔刺孔叛孔廢孔之端聲於此矣不特是也堯曰文思舜曰文明爲曰文命孔子上承]文不在茲乎四教先以文四科殿以文觀乎人文化成天下郁郁乎彬彬乎豈不重且大哉今視文章若粃 文王 糠有所 一之緒

緯地濟世以安民天德王道聖功一以貫之徵我孔子其誰與歸抑且廟貌母嚴千秋木鐸復春秋仲丁二祭享祀不 戶誦文化滂興海外殊俗重譯來歸豈非神明之式哉然而根本之地尤在躬行孔子曰天下有道行有枝葉又曰先 張顏文陸之氣節也韓柳歐蘇之文學也皆孔子之徒也而今世善國之樂尤在周程張朱性理之書庠序盈門家絃 九流瑰奇鴻博入我範國供我驅使若夫集部則文苑之菁華也貴在操其理要屈子之孤忠也武侯宣公之經濟也 俗教化学故沿革皆宜耦爲課本分類研求餉遺學子國史熟則愛國之心益深論世審則格物之途愈廣諸子百家 以爲二千年來事蹟巨細畢賅西國無此完備之書廢興存亡之迹賦稅國用之經外交地利用兵之要舉凡 於孟子以擴其母民之用大矣哉經正民與邪慝不作矣西人嘗評論我國二十四史合濟史爲二十五史相與歎羨 其廣博易良也學於禮以致其恭儉莊敬也學於春秋以致其屬辭比事也乃復從容於孝經以盡其愛敬之源涵 吾於是反之於經學於易以致其潔靜精微也學於書以致其疏通知遠也學於詩以致其溫柔敦厚也學於樂以致 行其言而後從之蓋聖門宗旨知行合一所讀之魯必措諸實行不務僞飾不尙空談庶幾乎道問學 **拿德性經天而** 切風

克已爲治华之本論 辛來

雅燦莊嚴之中國以告我剛健中正純粹之國民

矣朱子之言大哉焦氏之說順於已之害已之滿克已之學與治平之道所以息息而相通者猶未能暢發而無 爲仁朱子注曰克勝也已謂心之私欲也近儒焦氏循曰克已即毋我也能克已則人已無問即一貫忠恕之道也精 已之皆極深已之禍最烈伏於無形之中刻於骨髓之內鮮有知其受病之緣者也背顏淵問仁孔子告以克已復證 春秋時楚重王尋텕奢驕夸慢凶橫致遇乾豁之難孔子論之日古也有志克己復禮仁也楚重王若能如是

THE PERSON AND THE PE

老

克己之道淺者見淺深者見深自天子至於庶人自聖咒至於愚不肖皆當奉爲主歸而不可須臾離者 予者已也紂之言曰我生不有命在天我者已也嗚呼已之害豈不深已之鸝豈不烈哉聖人知治平之本端在仁恕 自古生人之大患在乎知有己而不知有人墮於血氣心知之偏於是乎尊己而卑人益己而損人利己而害人 日余殺人子多矣能無及此乎則其忠恕之良知未當不的然呈露惜乎覺悟太遲耳於是周臂往籍詳察人情乃 子之傳而作七篇其言曰行有不得者皆反求諸己其身正而天下歸之所謂天下歸仁也又曰仁者如射射者正己 孔子曾子之傳而作中庸其言曰忠恕遠道不遠施諸己而不願亦勿施於人勿施者克己也正己而不求於人則 利者義之和以義爲利而不以利爲利以財發身公己也以身發財私己也此治亂之分途千秋之燭戒也子思子闡 道則克己之功大矣其端首在謹好恶辨義利民之所好好之民之所恶恶之不好人之所恶不恶人之所好克己也 敬哀矜敖惰之辟克己也治國之要則曰君子有諸己而後求諸人無諸己而後非諸人克己也若夫平天下絜矩之 **曾子闡孔子之傳而作大學克己之書也其大要在修身以誠意爲本毋自欺考克己也齊家之要在去親愛賤惡** 施於人以資人之心實已以恕己之心恕人先人而後己不先已而後人不一心以不天下人之心而天下於焉大治 是以立毋我之訓嚴克己之欲善則歸人過則歸己利則歸人害則歸己已欲立而立人已欲達而達人已所不欲 而殺人至於害人殺人人心由是不平而天下棼然大亂而不可遏矣人之言日予無樂乎爲君唯其言而莫予 於乾谿余皆證而疑之以爲大賢如顏子方可爲克己之學楚靈何人詎足語此及見靈王聞羣公子死自投 而後發發而不中不怨勝已者反求諸己而已矣反求諸己克己也如何而不爲人役知恥而已矣知恥則知克已矣 怨正己者克己也誠者非自成已而已也成己仁也克己也推九經以至王天下克己之虧也孟子闡孔子會子子思

心之公私別

執己之非而

無取

進而

為善蓋克已之極至於舍已則克已之量與天地同其次矣所謂由淺以入深也禍蘊無不自己求之者太甲曰自作

||至於聞過則喜則克已之功深矣進而至於聞善言則拜則克已之功念深矣大舜有大爲舍已從人取

話

人以

名利

氯而

德林場此天

帄

厚而天下皆歸反於仁也四海之人皆將輕千里而來告之以善則天下皆歸與其仁也大矣廣矣滯矣徵矣如是而 交戰之界先之以慎獨致之以中和而人性大同焉此克之終事也故天下歸仁有二義焉明明德於天下 民 (徳歸

已若者亡蓋咈百姓之欲以從已而又自謂人莫已若則滅亡不旋踵而致一已衡行萬方多雞悲夫悲失有聖賢作 曾知克己之善夫是之謂大恕夫然後進於太平若謂世人皆不克己而**吾亦以是應之是何異以水濟水以墊附墊** 叉曰己者起也當於起念時護之也已者紀也當本身以作人紀也而或者日世之人皆不克已而一人獨克已則受 辟藏 克嚴城浩哉此薛文清王文成講學之效所以能壹民心而禦外侮也夷孜漢許叔重說文解字曰已中宮也象萬 外干戟鏦其心可畏哉顏子克已之功曰不遷怒不貳過有不善未當不知知之未當復行夫治國之經强爲善 骨敛壬之璟已也如约按之璟城湖流澒洞之吸已也如磁石之吸鐵威福玉食之寝已也如陷阱之寝車蟊賊脅其 克敵者宋之有也蓋人各懷已私則心理不能一心不一則不和不和而師有能克者哉意氣之附已也如難 是所謂龐然自大妄席人耳訑訑之聲音顏色距人千里之外誤國莫大焉若夫不能克已不畏天命不恤民 且夫欲勝人者人之恆情也欲克敵者又人心之大願也然欲勝人而不求勝已挾惟我獨奪之心傲慢一切自以爲 已之害已之禍乃絕滅而不復作 其不滾決而麇煸者幾希易大過之過涉減頂小過之從或戕之正謂此也傳日罔咈百姓以從已之欲又日謂人 人之侮故當以不克已勝之嗚呼是何言歟聖人立敎必示天下以標準開風氣而不爲風氣所移一身克已而天下 矣孟子告滕文公善國恭儉體下取於民有制皆克已之方也明戚南塘有言克嚴城易克私欲難惟克私欲而後龍 形也克象刻木之形然則人與人相周旋必當辟藏退調盧已下人而其爲心性之學當實而不舍也明矣故 疽 情而 之附 而

| 天地機論 〒子

於師 쇣 發氣以傳音是香氣之彌綸也若此此所訓無形機也吾當訓一家一鄉一國之中苟有詬醉怪戾之聲鬥復悖逆之 子宅以废 淫樂之氣瀰漫其間數百年後碎瓦頹垣中尚發氣以傳音蓋惡氣之鬱積若此此所謂無形機也漢咎恭王欽壞孔 從逆凶惟影響也今之人曰吾知科學而已則試以科學之理推之善惡兩氣之在天下猶電氣之傳遞留聲器之攝 圆 言豈誣妄哉蓋天地之間一氣之感應而已矣一家有眷氣一家感之無不善者一郷有善氣一郷感之無不善者 引詩曰永言配命自求多福其他諸經歷史所載與夫唐宋元明諸大儒所述鬼神禍福之論難以更僕數夫聖賢之 公大學人也於當有秉圭册配之文紙懼天命之訓孔子大學人也於易傳有天地鬼神吉凶消長之稹子思子逃娶 嘗欲以天人感應驅善禍淫之理詔示天下人皆笑爲迷信甚或斥爲妖妄庸愚固也吾素不信虛無者然有進焉周 也於中庸有致中和天地位萬物育明乎郊社之禮禘嘗之義治國其如示諸掌之說孟子亞聖也言事天事上帝兩 一二百年不息易日鸣筠在除其子和之孔子曰君子居其室出其言眷則千里之外應之不善則千里之外違之言 則其氣漸沒少至數十年多至一二百年不息苟有清爽和樂之聲孝弟仁讓之行則其氣浸潤少至數十年多至 也更記樂書根衛霆公朝晉舍濮水之上夜半開鼓琴聲其狀似鬼神師涓端坐拔琴聽而寫之宿智乃成至晉聞 | 有遊氣一國感之無不善者反是而爲惡氣其感應亦然故曰積善之家必有餘慶積不善之家必有餘殃惠迪吉 瞬日 安得此 ,其含夜半聞管弦絲竹之聲懼而止蓋三千弟子弦歌雅韻廣大清明日聞四方二百年後講堂變會中尚 亡國之首其在淡水之濱乎背商紂好爲長夜之飲命師延爲雕曼之樂武王伐紂師 延投機 水中

市型省と長二届・卷一

£

之學說 造時語 即充案乎宇宙可不畏哉可不敬哉而或以吾言爲迂不知當電綫初發明時語以無綫電理人必不信八音樂初 魄甯而天下安人心多恶氣則魂離魄落而天下亂善恶之界人心生死之關天下治亂之機也一氣甚 之德風 也皆吾心之魂魄爲之君子之言行其氣鼓動乎天地之中而卽播爲風氣故易日 之魂魄也 君子之所以 者知 :以留聲機具人必不信故今日告人以善恶禍福感應之說人亦必不信 一小人之德草此蓋以本心之魂魄感召天下人心之魂魄惟神也故不疾而速不 |聖人與鬼神合其吉凶蓋以本心之魂魄對 無 形 動天地也大哉聖人之言蓋言者 中善氣機之消息往來疾於桴鼓庶有以淑世淑民感人心而天下和平 氣 所 |越天地間之鬼神十目所親十手所 生行 者 精 所萃氣之凝而 待 爲魂精之結而 數 撓 十年後科學日進有能省察吾 萬物者莫疾乎風論 行而止人心多善氣 矣 指非有鬼神監察 爲 魄 放鬼神者 微不轉 語 **川塊定** 於 日 瞬間 君子 (其間 人心 搆

庸耳傳日發茲有苗骨迷不恭侮慢聖賢荒道敗德此蚩尤之霧黃帝所爲摧陷而廓清之者也 配也故曰非其鬼而 矣乎一則曰敬鬼神 尚鬼湯告天之辭日敬昭告於皇皇后帝又日有夏多罪天命孫之湯聖敬日躋而尊崇天命若此墨子因之創 之學周尙文與股稍異而左傳一書實爲講因果之權奧羣言淆亂折諸聖善乎孔子之言一則日鬼神之爲德其盛之學周尙文與股稍異而左傳一書實爲講因果之權奧羣言淆亂折諸聖善乎孔子之言一則日鬼神之爲德其盛之 丽 邵陽魏氏源書古微曰上古之世神之與人旦有語夕有語 神典 人始隔據此可見上古質樸至黃帝時文明漸啓絕地天通然未當不敬天也夏尚忠致孝鬼神殷 祭之韶也報本反始破除迷信二者兼鑑其道廣 而遠之由前之說所以敬天神地祇人鬼也故曰孝弟之至通於神明由後之說所以敬淫配逆 之者諄諄然命之乎此蓋古散按此即師巫所自始萬章曰天與 而大矣小人不知天命而不畏肆無忌憚直妄 至黄帝 時 乃 命重 一黎絕地 尚質 明鬼 乃又 天 通

休咎之徵始於洪範恭願之效時雨時風蒙狂之驗恆風恆雨歲月日時 無易百穀用成义用明俊民用章家用平康

移之間

雨之

以致

良知猶在清夜自思有不椎心流涕者乎 懸遺像設花圈如是則稱之曰文明我國人之爲紀念也懸影神設祭品如是則斥之曰迷信天下有是理乎嗚呼生 殷之乎且孝者善繼人之志善述人之事是故孝子臨尸而不怍當祭祀時省察此心必求其清廉潔白可以無 忌日之謂也齊之日思其居處思其笑語思其志意思其所樂思其所嗜其紀念之悲哀與精專 體 考而 魄誰誕空桑身從何來民奠不穀則夫本天本祖推而至於厥初生民春秋享配詎忍廢乎彼廢祀者固亦人也 : 機志遠事之念怦然自動於中此則紀念之尤大者謂爲迷信是忘本也忘本者非人也夫西人之爲紀: 若是 孝 子 念也 忱吾 詎

畏於民嵒民嵒者民險也君以民存亦以民亡民情之險豈不尤可畏哉古之聖賢娔兢業業畏民卽所以畏天民所 自我民聪明天明畏自我民明威泰智日天舰自我民舰天鹅自我民職天心不可知繁於民心可知矣盤庚日用顧 人相應其宗旨以爲畏天之命者斯能恤民之隱君以民爲天長天即畏民也皋陶謨言天叙天秩天命天討天: **欲而天必從之斯感應之至理也反是則誣民也誣民而民嵒交錯於天下矣** 於天無所讓又曰丘之釀久矣蓋其所謂禱者在於通神明之德其爲大宗教家尙何異議故其言治平之道本於天 教家蓋欲滅吾國教以推行其本國之教而我乃甘受其歎乎孔子贄周易察幽明之故與 異邦人曰孔子非宗教家也我國人從而和之亦曰孔子非宗教家也於是祀孔之禮途廢庸詎知彼以孔子爲非宗 鬼神之情狀其言 Ē 璤

王文貞先生學案 丁卯

先生姓王氏諱祖畬號潄山一號紫翔世爲江蘇太倉州鎭洋縣人王氏自元季遷婁至明中葉代有科第聞人遂爲 江左望族先生母張太宜人爲嘉定張誠齋徵君文洤之女少受業於朱亮甫先生右曾博極羣醬兼 擅詩古文詞先

學與理學分而學術尤裂即以吾婁而論弇州之聽明材力足以號召天下士而不足與聞乎斯 士而 社以 知大體視彼雕繪揣摩以弋獲功名者獪之五十步與百步也又曰四子六經之階梯而 探六經之本原與夫尼山剛 日文運 五子深入堂奥者也未有通 **5**17 當推朱五子爲特尊未可與漢儒同日語也而後世 旨云孔子萬世師删訂贊修紹明經訓而已有宋大儒出而後理學之名顯表章六經傳先聖絕業非空言義理 施教各视 未會試中式先生年四十二矣以庶吉士乞假歸里先後主講宿選海門崇明各呰院聞風親 經必期致 (儒考訂 和 類論積年成讀左質疑五卷叉著春秋經傳考釋三十卷實集諸家之大成故春秋尤爲先生精 桴亭尤深鑒王學之弊由乎空言理而不知理之不離乎氣於是有信心自用之害顯其持論又稱: 繼 随 諸 東林深知昌明經學情其擇焉不精語焉不詳其流至於陰交遊通聲氣陸陳諸君子間 | 聲至其弊之所極往往背舊說以爲新舍同習以爲異炫惑於百家九流而無所折衷捜 【興廢風俗人才之升降恆必由之有志之士思欲卓然振拔於流俗而以古經學救之救之誠是也. 。惡人之意或奧萬一之有得不至如俗儒 制度名物師承授受其功非後人所能及其美亦非後人所能掩顯其體驗於身心性命之間: 用作文貴乎明道凡一切詭僻新奇破壞聖賢之說與夫叫蠶塗附决殺文章之體者槪宜屏 其所及而裁成之所與羣弟子講明而修肆者不外讀書以植其本窮理以致其知返躬以踐其實至 經而 |訂費修之微意而徒掇拾乾嘉以來之唾餘斤斤於名物象數訓詁點畫之間| 不 本於注疏者未有通注疏而可舍宋五子者又曰自文章與學問 之私且刻 小儒推拾口頭語 也又以左氏傳 | 錄以爲傳習心法毋怪爲漢學家所 經非散 改竄是非往往 漢 唐注 炙者日益衆先生因材 修自得 道者 荿 索於變殘瑣 導其先路 酃 力所萃云光 分 何 於聖人 而學 偏乎氣未免 與 精 **斥其論學大** 雷问 然 鄙 微透 層 tu 者 秦矣又 未 八於是條 也宋 倡 歧 Mi 勦 能 緒

外而 作令僅一截餘而封翁移於家先生奉諱歸哀痛之餘獸觀天下大勢江河日下逢無出山之志歷主邑中及崇明寶 Ш 羅致先生日君子出處自有本末常宜以標榜爲名高吾深恥之矣有隱冤先生筆札者皆峻拒之其親功名寫實 語其嚴如此當光緒中葉名公鉅卿率皆延攬名士宏獎風流先生居京師時常熱翁文恭公嘉定廖仲鴉先生爭相 時而生之彥因別裁文體爲後進模楷輯制義正宗四十卷蓋先生平日爲學以立品爲先而尤嚴於義利之辨憶 於無形自爲諸生力矯時弊以古文爲時文絕無場屋得失之心以爲文風運會有息息相通之故世之治也必有 生生當文敝之日學者志越卑靡爭爲庸弱軟美之文至於麋爛潰敗迷而不悟常思有以丕變文風挽囘世道人心 年七十矣朋债答落門下士义多散處他方枯槁寂寞舉目皆非恆獨處一室惡從中來潛然液涕日有新死之心因 老告近改授河南之湯陰先生爲學實始得力於平湖爲政亦以濟獻爲法書濟慎動三字自矢而尤以愛人爲本情 如也戊子丁張太宜人憂服除而哀不輟其封翁季愚公諭以家貧當爲祿仕乃入都散館選授山西崞縣知縣以親 二名公巨人導揚提倡於上及其衰也亦賴有人維持匡正以延一綫之墜緒窮則變變則通正文風扶世運當有 先儒 各书院講席門弟子日益進先生愛才出於天性講貫恆盺夕不倦至是提倡正學不遺餘力而於邪說跛行絕不 初受藥時先生教之日君子喻於義小人喻於利此爲心術生死之界子他日若貪利非吾徒也語誠諸生皆學 興學之意含本逐末徒使功利之說浸淫於後生小子之心而不覺其非吾恐神州之陸沉也迫辛亥之變先 利 11 所謂 假借矣光宜之間力行新政先生頗以變本加厲爲憂謂當此人心日壞之時多與一利不如多除一弊遊除 即在其中否則與利而弊已隨之失先後之序矣又謂學校所以造就人才關係尤重所恨奉行者不能仰憶 扶一邊倒一 邊者故必文章與學問合經學與理學合則周公之制作孔子之劃訂义何偏宜之弊乎 此 文 應

出以問 緒壬午歲有傳異教者自滬來婁先生白牧令驅逐之改其屋爲陸陳江盛四先生祠一時相傳以爲盛舉至是諸門 先生當世衰道微之際志在植綱常扶名教以爲往聖繼絕學爲萬世開太平若得大用於世則聖功王道一以 先生講道於荒江寂寞之濱海內開風興起越二百餘年至同治朝桴亭先生從祀文願至今論學者常以吾婁爲歸 林 至晚年艱貞苦志尤見躬行實踐不可企及子曰篇信好學守死善道先生足以當之於是護上私諡曰文貞先是光 禾黍之悲尤可痛矣文治與及門諸子僉謂先生學問造程朱之室文章登韓歐之堂高蹈擬於事林治行幾於: 者 奉先生栗主附祀四先生祠越八年丙寅邦人士聯名呈請內務部核准崇祀揮賢祠先生著述甚夥平日謙不肯 如狂瀾已倒非一手一足所能挽空营無補齎志以移實與四先生後先一轍而其遭時不幸抑鬱韜晦西山之節 有所 輓聯預給衣冠像自記之以 世賴其子保護 改 信為 **计襲珍藏得以稍稍刋布然十不二三也令撮其爲學大旨並附著述概略於後傳後之傳儒** 戊午五月二十二日卒於里第春秋 七十有 七文治竊 維昔有 明之季陸陳 Ľ 盛

蓄述概略

儀禮經注校證四卷

先生自記云儀 而 尤 辨正之說或先儒之說實有發明經義及考證經文脫衍誤處則擇其確當者採入焉 多其有校定從宋本而與欽定義疏異者則仍註明義疏本有從他本而與宋本與者亦注 並存者以備參考至釋文同異字及他書所引無關考證是非者不備載以有本書在也其他如鄭 醴 經 注刋本以吳縣黃氏影宋嚴州本爲最今所校脫衍誤字斟酌先儒之說間附已慈而就 崩朱 本 注可疑而 有 典宋 此 本互

此附刋於禮記讀本之後 此書用崇文局刊撫州本所校參考各本擇善而從於字之互異者多引說文爲證歲辛酉文治校刊十三經讀本以

额左質疑五卷

糾其謬誤者都爲五卷名曰讀左質疑先生歿後文治校刊行世丼爲之跋 焚者固不亡漢人明經其借明經以亂世者經乃亡非刻論也同治年間假館吳門私有所論說而未改就正有道又 <u>莽動以經術文飾其選探莽意單入傳文以爲假借欺人之具不獨周官一番滋後人之疑故余當謂秦人焚書書未</u> 此及考左氏傳授源液蓋門弟子口相授受從而附益源遠而液益分宜其不變合於聖賢也又其甚者對飲阿附 先生自跋云幼侍先大父授左氏傳竊怪邱明身爲國史又親受經於仲尼而是非往往謬於聖人以爲高賢不宜有 隨筆所記拉雜無序忽忽二十餘年於故紙堆中得之復博採先儒成說條列辨論而於卷首摘取前人通論左氏豐

春秋經傳考釋三十卷

九日明小學考地理正杜失發古義詳氏族證經史剛古禮正識脫申大義實爲先生精力所萃凡五十餘萬貫 增益至甲辰復加盤訂初名左傳考釋後改今名蓋質疑發抒義理此則精研考據廣博貨串無所不該約其大綱有 先生於三十歲前校讀春秋傳說彙纂草創此些光緒壬辰在都門錄成初稿命文治校字一通丼書其後自後每有

四语章句集注校語一卷

先生自記云近刊四街集注仍明永樂大全之笛大都襲元倪氏輯釋倪氏師陳定字櫟著四書發明惟宗祝氏附錄 打災党ととこの

江局 譌奪率皆刋時偶誤其他均勝於近本斷爲紫陽定本無疑茲錄成校語若干條文治校刋十三經中之論語孟子及譌 禮記附刋之大學中庸即依先生校定本云 本校勘一過旣歸 : 定本吳縣吳氏英會詳辨之余於光緒已亥三月至常熟吾里村瞿氏瞿君良士出宋淳祐大字 復爲審其去収識於卷端他如詞句小異非義理所在及字體之稍別不盡識 |本相 也宋本雖間 示 因 據浙 有

讀孟隨筆二卷

梯不亦可乎譿謹將原本詳細披讀閱月錄就每條各以經文或集注爲標題而列先君之說於下其糾正諸家或闡 癸亥歲證應唐君招襄校十三經證本所刊論孟集注學庸章句卽用先君校宋本因談及隨筆唐君謂是先師讀書 發其義者則摘引諸說於前 心得所在析理精深洞明奥旨余少曾輯錄成帙毀於庚子之亂君當重輯之附刊於孟子之後以爲學者讀孟之階 子保護輯幷跋云讀孟隨筆先君辛未年讀汪氏份孟子大全時所著原稿隨手批注眉端或字裏行間未嘗寫定也 補數語彙爲二卷此外不敢有所增損也 加某按二字以清眉目間有一二語無關閎旨者删之盡心篇未經筆錄則從他著中

史記校證十二卷漢書校證入卷

先生於史漢二書用功最深旣評點其文章復悉心校響加以攷證積成卷帙蓋皆實事求是非涉獵泛錄者可比云

校本之說存其確實可據而橫生議論者不載ஃ間有宋元本異而此適與宋合者別爲標出至元本胡注與此本互 先生書通鑑校本後云余假得常熟張退齋先生通鑑校本對勘此本凡與宋元本出入者悉照張校錄出其張採嚴

本自丁酉六月朔始寒暑無間至明年閏三月七日畢事子孫其世寶之按先生用以校勘者爲明刋三編本昔年文 本然以校宋本凡宋本之所有大抵元本之脱文而其互異之處亦多宋優於元然則宋本之寶貴當何如耶余校此 異之處亦識於上下方今江蘇 局本資治通鑑即胡果泉中丞所刋元興文署本兵燹後補其缺佚以行海內推 為善

太倉州志稿十七卷鎖洋縣志稿四卷

治當照度副

本其校記尚待輯錄成書云

卷雜記二卷人物六卷縣志封域水利學校人物各一卷其體例除人物雜記外皆聯繼成篇夾叙夾讓略仿八書十 此稿成於光緒季年先生以總纂一手成暫大牛凡州志封域二卷風土一 卷群異一卷水利二卷學校二卷兩 衝

志例爲郡縣志之創格會辛亥之變中輟其後邑人士補輯各門類統爲州志三十卷縣志十二卷刋以行世而於卷

端各標原修續修以別之

溪山老農自訂年譜二卷

先 訂年譜至五十四 生當得王阗照仿子久溪山圖卷又以卜宅在文廟東偏門對文筆峯三面環水因自號溪山老農寓終隱之意自 歲在汴省率諱歸里而止先生歿後子保護別爲續編附錄各一卷合刋焉

經籍畢要三卷

自足也要之讀書立品內外交修顯微無間讀一書而返之身心眞有實得則終身受用不盡天下道理全在 先生自跋云書籍無窮卽應讚之書終身不能盡茲特畢其最要而爲貧士力之尚可及者錄之非僅僅守此數册以 經道理包涵於四子而朱子章句集注於四子書之精蘊闡發無遠一二考據之未精固無妨於大道果能用 力於朱 經六

1日及工会に、て世代11日間

識 而說文明六書尤以金墳段氏注爲大宗而桂氏嚴氏王氏諸家如贂之靳蓋說文之學延於宋漸變於元幾絕於明 儒之說析其同異辨其是非深造而自得之自有溫故知新之效而其微言大義之所在不必泥諸詞句之間自然 而大昌於吾朝乾嘉之世漢學由是中典學者窮經必先識字先專一經一經旣通推之掌經自然迎刃而解 德區區之心所望士之有志者又云治經之法根本注疏 子之說不使一字放過再求之六經則希賢希聖足矣不必貪多也無欲速無驚名優游響低循序衞 「心融觸處洞然若力能泛覽旁通則有漢唐宋元以來先儒鹽乾嘉諸老說經之全藝在焉 而導源於小學爾雅說文其最要也爾雅釋經多叚偕之義 進自能 奉凡先 H 其

文貞文集十卷別集四卷制義一卷

常熟張 有人焉崛起荒江寂寞之濱先以書來索余著述繼復假余手校書最後以古文稿求序於余展卷讀之舉五百年士 憤 子弟大害有四與程子少年科第一不幸之說同書呂四場彭維皋事同治間君遇彭於通州時髮捻囘三逆邊平號 其文辣如臺清 愈古今快事不可多得者也鎖洋紫翔王君與余兄子祖仁同舉於鄉前十餘年來虞同啜茗於石梅心知爲文士至 習二千年世變傾筐倒篋而出之不禁拍案狂呼大喜過望此如吳太子有疾得枚乘七登以起之潞然汗出舊 稱中興極盛彭獨與君言天下事殆無可爲不如從石港朱某學醫君年少氣盛笑謝之迄今二十餘年君追思彭翁 是始知君學宗宋儒素懷大志嚴義利之辨以庶吉士散館作宰中州期年丁憂歸不名一錢人品如是文品可知讀 \結則託之於酒或效陶靖節東皋舒嘯或效王無功長歌寄懷所言終不暢退而閉戶閉口自謂此 一瑛序云蠖屈窮鄉老屋數椽僻處無可與言出游都會之地可與言者尤少胸中耿耿求一同心不可得時 如水不必規撫古人暗合古義庶幾震川所謂自得者歟君文約舉大端有二跋吳也笙遠文云凡爲 意獨 知可 丽

到之處然則所存之多寡距足深論乎茲者遺集刋成固可慰先生於地下獨文治追念教誨之恩宿草如 穿經史議論古今行乎其所不得不行止乎其所不得不 止則又極文章家之能事後世學者禪心體之自能得其獨 耳然要之先生之文精則極性命之微大則膺道統之寄其所淵源上則希蹤考亭下則與亭林稼蓄相韻煩至於實 里先生卽委以編輯文集事手稿見示文治懼弗克勝因先生命不敢辭爲僭定一目錄先生意殊不愜若嫌所存過 先生曰見於四部稿乎對曰見設書後中先生曰汝志之此删定文集之要法也於是知聲昔先生之意因割愛太少 多者一日偶述古來文家割愛之法當以昌黎爲最先生瞿然曰此言汝得自何人對曰此吾婁王弇州先生所言 雨朱君盥薇陸君景周豐文治等俱稍竭棉薄而不敷尚鉅則由戆言自行出資以董成之憶光緒丁未文治奉 四卷由戆言校刋自庚申孟春迄辛酉季秋竣事助刋資者同學陸君勤之爲首倡次則毛君艾孫王君熾甫黃君伯 屬文治謹本先生平日之意擬定分類目錄復歷同學陸君禮南王君熾南季君調卿先後參酌定爲文集十卷別集 王文貞文集都文三百六十一首初無編大與年積成彙鈔五旦册先生旣殁之後其哲嗣慧書世弟以編訂遺集見 而笑莫逆於心何以過此聞君今秋服閱將爲虞山之遊余將誦彭君之言以當招隱之辭 先幾之哲乃大海君之言關乎士習彭君之言關乎世變皆余所欲言未盡者一旦探肺腑而陳之紙上古人 建每一 展卷猶不覺泫然而霑巾也 門人唐文治跋 新而

决山詩存二卷

先生少爲文選學喜詩詞避難江北時積稿成帙自壯歲留心正學不復措意於此偶有所作一變從前格調。 事述懷與夫哀輓諸篇情眞語擊近乎以文爲詩者晚年删定古近體三百餘首幷自序其簡端鏡壬戌子保護校 而 大都

力を立てをとこら

H

制義正宗四十卷

寮國朝: 學近思錄端其本略仿元程氏讀書分年日程法先治一經次治餘經旁及通鑑網目鹽宋周程張朱明薛 先生精選明以來諸大家制義而條附讀書作文法於其後云學者斷以立志讀書爲第一義讀書有序以四子書 書不可切戒揣摩風氣要知風氣二字誤人不淺譬如生長世衰道消之會君子難進而易退而日今日風氣宜爲小 以後之文理與法兼到世俗論文者必日理法其弊也至舍理而言法試思理生法乎法生理乎言理而 無不如忠至通鑑綱目二書體用兼備之學天德聖功王道合一之書宋明以來諸大儒之觀則皆所以剖 乎規矩所謂行乎其所不得不行止乎其所不得不止者泥迹象以求之則陋矣文治案制義乃文家之一體實爲游 之所及博 六經程朱 史漢八家然作文必以理爲主而氣輔之四子六經載理之書也程朱諸大儒之書發明四子六經之精蘊者也四子 合之謂也士人進身之始而已希閾迎合將來更何所不至此於風俗人心大有關係有志者當力破之又日文無過 人不宜爲君子其可乎且風氣誰實爲之人自不長進不能轉移風氣而爲風氣所轉移是謂自暴自棄至揣摩者迎 法而理乃裂矣猶叔世條教刑罸益煩而犯法者益衆且必至廢法而後已故正本清源當先舍法而言 經之理猶輕重之權長短之皮讀書旣通然後可以當文學無令古文亦安有今古唐以前之文理到 張楊園陸清 Ŋ 諸大儒書之義理了然於心然後以史漢八家之義法驅遣之則思過半矣其餘諸子百家當自量其材力 而約取之可也若夫古人之文雖重段落起伏節奏然其妙終在有意無意間非作意爲之而自然不越 獻張清恪諸儒先之書蹇義莫備於六經於經書求義理猶駕輕車馳驟於康莊大道縱橫南北 丽 理明理 法自随 法自随之言 放杆胡 析四子大

學古文之法指示精嚴怨主於此可見制義自有本原特附識之以諗後世知言之君子 藝之助世之菲薄時文者爲其庸濫熟媚耳不知此正時文之弊有志之士所唾棄者先生以古文爲時文所論實皆

在知之中即無日不在新之中隱日月歲而各職一境焉顏子有不善未當不知三月不遠仁之脫兆也遊伯玉行年 存而不知亡知得而不知喪則亢而殞其身矣聖人者知幾者也尺蠖之屈龍蛇之蟄皆所以窮神知化也知幾則 問行詣中之知靈臺子曰審所以自處於止知其所止人可不如鳥哉蜻蜓之飛也不知童子隨其後黃鶴之遊也不 五十而知四十九年之非知其新也孔子四十不惑以至知天命耳順從心所欲皆知其新也人初生而有知至老之 不如好之者好之者不如樂之者人生之苦莫苦於不知道知之則好而樂之矣日知其所亡知新之學也人無日不 條理之事也知止而后有定知之初基也知所先後知之進境也物格而后知至知之極乎無不到無不明也知之者 可以該覺曰請問學問中之知靈臺子曰在貫徹終始知至至之可與幾也始條理之事也知終終之可與存義 因事而感心因心以應事知豁於平時者也覺發於臨事者也知體也覺用也故養知在學問而發覺在聽明言知則 行況於處今日之世乎哉或問於靈瓷子曰知與覺奚以辨靈毫子曰世謂知在於事而覺在於心者非也知與覺皆 道者衆也誠悲夫不知者之夥也夫後知不知之徒盈天下國以之衰家以之弱此以處三古之世渾渾沌沌猶不能 伊尹日先知覺後知先覺覺後覺誠惜夫後知後覺者之衆也孔子曰百姓日用而不知孟子曰終身由之而不知其 ,射者將加己乎百仞之上蔡蠶侯之不知子發楚襄王之不知穩侯皆由無知覺以殞其身悲失知進而 不能靈吾有知乎哉 無知也聖人之識辭也多聞擇其善者而從之多見而識之知之次也所以日新其知也曰謂 不知退知 1世移

性也 憂惟 化矣 利者 富貴貧賤莫不皆然知足不辱知止不殆此明哲保身之道也小人不知天命狎侮死焉而不畏君子樂天知 倒 好恶而止矣夫好而知其恶恶而知其美者天下鮮矣其迷謬之甚者至於莫知其子之恶漠知其苗之碩知覺之顯 已矣思則得之矣故思者慎獨之本作聖之原其要在不自欺吾心之知始曰請問事理中之知靈臺子曰明是非慎 獨孟子曰放其心而不知求心不若人則不知惡至於身而不知所以養之者養其一指失其肩背而不 獨知之俶始也知天地之化育苟不固聰明聖知達天德者其執能知之獨知之極功也然而不求放心則不能 本乎致知者貴乎無自欺也其基在於窮理而惧獨獨者人所不知而已獨知之地也復小而 吾心之知覺置之而寒乎天地溥之而橫乎四海施之後世而無朝夕其邪焉暗焉滯焉者僞也自欺也誠意之所以 **濟酒乎淑淑乎天下之知也天下之心萬殊也天下心知萬殊也同一知也或靈爲或蠢焉不知其幾千萬等也或先** 其 χD m 知命 此 知其性則知天而 (知微知彰知柔知剛皆在於幾幾者動之微不可見而 無不 III 跖之徒欲知舜與跖之分無他利與善之間舜跖分而善惡著矣是非明善惡著則本末厚薄稱此之謂知本知 終之以知 而 脩矣知所以 可 而 知也然而當務之爲急不知急先務則本末厚薄乖久之是非善惡混而天下亂矣論語堯曰一篇握 後 與齊家治國乎哉權然後知輕重度然後知長短輕重長短定而是非明矣孳孳爲善者舜之徒孳孳爲 知幾 他而後 知禮知言是故知者治天下之樞機也靈遷子曰微乎芒乎天下之知也紛乎軋乎天下之知 修身則知所以治 知通塞也日請問性情中之知靈臺子曰萬物皆備於我而人莫不窒塞焉者不能 人知所以 治人則知所以治天下國家天下有三達德智所以居仁勇之先者 有先兆之萌矣此非獨上下之交也推 辨 於物中自考以自知 m 王於進 而不惑知人 知也弗思而 退 命故 낈 取 其

所

Ü

顖

一身

M

不

渖

焉

赞而千萬人之知覺皆將謀我一人之知覺而一人之知覺於是乎日窮而日證蓋天下小知與大知門則小知者敗 知在 深致遠而務歸於賞知之方任擇趙宗隱鉤 精或見而知之或聞而知之也形而下者謂之器器数之傳人官有能也物 孔子曰四時行焉百物生焉天何言哉义曰吾無行而不與二三子者是丘也論語鄉黨一篇禮記曲禮內則諸篇皆 在殺人吾之知在轉 詳於威儀言動而無 吾之文章開後人之知覺而古人之知覺又無不根於吾之一心也而聖人獨以爲未足也又發之於行以使人知故 文章而後有教化有文學教者所以像之也學者所以爲覺也自古迄今生民之知覺所以愈繁而愈靈也古人之聖 多知也著於竹帛謂之斟書者如也象形指事如其意而使人知之也無業其縣煥乎其有文章章者所以爲知 44 徵之顯探 者文章之知覺多下焉者文章之知覺少以吾之知覺求古人文章之知覺而古人之知覺無不萃於吾之一心也以 其言而 自 曲 《今日之大並世下及於億千萬世自今日已發凡之學惟傳於香冥不可思議之學千變萬化一歸于知覺 也君子於是有閱歷之道有擴充之功積少而成多者閱歷也卽此以悟彼者擴充也形 近以及遠也察之乃所以知之也武王之不忘遠由遠而返之於近也不忘乃所以知之也是故 達進而 知之也然而 . 頤索隱者必鉤深而致遠或日請言其實**靈臺**子日人有靈氣而後有知故知覺之事自聲始知者矢 求爲吾之知 鐵臺子日孫乎哉世道之籌張也人心之險陂也皆知覺之變幻也吾之知在富吾之知在官 而自殺吾今而後知殺人親之重也及今而知之蓋知己晚矣一人之知覺欲以敵千萬人之知 非開人之知覺也故日覺者效也或生知或學知或困知或卽知卽行或先知後行 言語不足以盡之也古聖人通神明之德始造文字字者所以爲知也學乳寢多人之所以能 在奔競吾之知在諂諛义進而求焉吾之知在穿窬吾之知在害人又進而 曲有巧也賢者識其大不賢者識 而上者謂之道道統之 知 求焉吾之知 其分殊 (遠之近 心也其 也 П 者 知

ル

事也自 智則不 此大寐 瑟瑟 關之此知言之學也君子之知覺所以常伸乎萬物之上者必先去其自私用智之心自私則不能以有爲爲應 至誠易簡之知覺感化天下之知覺也戰國之世律令異法言語異聲文字異形孟子亦不以爲慮也骸辭 不信聖人不以爲慮也視其所以觀其所由察其所安則自然先覺矣舉天下之機械變詐剌棘戈鳠一掃 教而 死于安樂此知也雖 吉凶生情僞相感而 道也夫乾天下之至健 戈鋋充塞乎字宙 吾生也有 以自反聖人利 岡 ۱Ļ m (知其所陷邪辭知其所離遁辭知其所窮舉天下縱橫捭闔諸子百家九流之雜出於吾前而吾皆 和理 尢 無 然而已矣誠而已矣下焉者操心危戚恐深困於心衡於啟而後作徵於色發於聲而後喻然後 能以明覺爲自然故曰所惡於智者爲其鑿也如智者者禹之行水也則無惡於智矣禹之行水 之世 大 所 者 出 涯 知 也 慎 北 丽 聖人將 荊 焉 性 汝 知 後 天 内 也 出入而有以葆其知焉是故斥酢去僞絶險而 則 之人 利 地 大 無涯 非聖賢之知亦豪傑之知也夫民有血氣心 閉 冟 害生聖人所以先知之者誠而已矣易簡而已矣不逆詐不億不信抑亦先覺者是賢乎詐 有 清明之氣亦爲之昏闇傳曰乾坤或幾乎息言人心無知覺天地亦幾乎無知覺 知 汝外 以有 德行恆易以知險夫坤天下之至順也德行恆簡以知阻易則易知簡則易從愛惡相 以大覺之世人之知覺昏聖人啓之以光明世人之知覺偏聖人導之以中庸 亦 去性 多知 滅 邛 而從於 涯 知 盛 爲敗 奥 無 常 涯 故 心心與心識知而不足以定天下然後民始恐亂至道之精目 知争 殆己古之治道者以恬登知生而 棄 知 則巧 瓜 尙 知 釋 者勝 家之言曰 俄 丽 |有好 尤巧 後可以全天下之知 知之性不能無 者 知知有恶知 崩 焉 無以知爲也謂 剘 巧 争争 知 知有是覺覺有非 亦 **费許含以自然為主** 以上言知覺不可機械 而不已則 亡機械變 之以 知養恬 困困 詐 釛 免毁有 無 而 心世質 有以 無他 心 **所見耳** 道家之言日 不已則 知生於亞 也 知與恬交相 角 知其所敬 而 行 易簡之 逐 辨之而 李 知 其 攻而 焉以 剰 知所 所 非 無 用

目鼻四肢知故滅知爲尚靈臺子曰是二家者自以爲得天下之眞知然未足語于大道也夫道家言以恬養知是矣 知有覺非所覺口之于味耳之於聲目之於色昴之于臭四肢之于安佚意也皆知也無口耳月鼻四 形氣 之學以爲魂氣可常存則知覺可不死故靜中之知覺永久卽不死之知覺不知太極之元陰陽絪縕人舍天氣 質而最靈形旣生矣神發智矣知憑形以生者也合太虛與氣有性之名合性與知覺有心之名知覺憑氣以運者也 之至神天下之至誠也誠精故明神應故妙誠者眞實無妄之理也至誠之道可以前知禍福將至善必先知之不善 其良知是謂之聖靈臺子曰陽明所謂知善知恶是良知是已惟其欲歸于無善無惡之本體則其與清 必先知之其善不善之端皆寓于事物之際者也聖人至靜之中亦有知覺惟其知覺皆充實之美非如道釋二家專 以光明寂照一超頓悟爲務而悉淪于虛也陽明子之言曰無촘無惡心之體有善有惡意之動知善知惡是良知致 一已之知識 蓋假借而言之者也因知善知惡而 愛其親也及其長也無不知敬其兄也是孟子所謂良知指愛敬之情而言也陽明子所謂 其間 即聖人之前知非與靈臺子曰易無思也無爲也寂然不動感而逢通天下之故無有遠近幽深逢知來物此天下 先後 心與心識知而不足以定天下則非也古人所謂不識不知順帝之則者言不尙私智乃能有則也若無則而逞 聚則知聚形氣散則知散彼生天地之間而祈魂氣之常存知覺之不死其與自私用智者其間相去不能以寸 .相去亦不能以寸且其所謂良知者與孟子所言不慮而知之良知亦相似而實不同孟子曰孩提之童無不知 有善恶知則常處乎先而未入于善恶之界者也君子因知與意之分而得涵養之道焉得希聖之功焉· 一豈人道所宜乎哉釋家謂有知非所知有覺非所覺是已然其欲無口耳目鼻四肢 致其良知則直以致知之事爲誠意之事矣知至而後爲誠致知非卽誠意 良知指是非之心而 知則非也彼其至精 肢 意乃 靜寂 (滅之學 言也 也 耳

學小有出入亦吾道之大支派也而後人多以爲醫靈臺子日此知覺之隘者也與桑弗斯良知之學學小有出入亦吾道之大支派也而後人多以爲醫靈臺子日此知覺之隘者也以上體光明夜景之 虚者實之道釋之知覺實者虛之雖然彼二家者亦皆聽明睿智之徒也歸斯受之而已矣若夫陽明子之論雖與孟 也外誘之知非本然之知也君子存心養性廓然大公動亦定靜亦定以充養其本然之知則天理常爲之主而 不能奪焉于是明德明而知覺常純傳日窮理靈性以至于命記曰清明在躬志集如神此之謂也是故吾儒之知覺 靜 天之性 也感于物而 動 性之欲也物至知知然後好惡形爲好惡無節于內知騰于外不能反躬天理滅矣此

勉人也文治自記

教育之道一曰性情一曰知覺性情厚所以培其本知覺靈所以廣其用二者余皆病未能作此文所以自勉而

耐朱子仁說 丁卯

謂易天地之大德曰生論乾之德則曰大生論坤之德則曰廣生蓋人生天地之間不獨自全其生且當有以大人之 人而能仁則其心生而可以謂之人人而不仁則其心死而不得謂之人周易生生之書也故孔子作易傳曰生生之 人偶也相人偶者相親相愛之謂人能相親相愛則人道全人類于以成不能相親相愛則人道苦人類于以滅 凡生于天地之間者背日命天命之謂性命者生也生之謂性性者生也萬物芸芸所欲奠甚於生所惡奠甚于死故 生廣人之生也故君子體仁足以長人也尚書仁政之書也帶典曰百姓昭明古者因人所生之地而賜之姓遂稱之 人於其生也謂之性命仁也者所以自保其性命而卽擴充之以保人之性命者也故中庸曰仁者人也說文曰仁相 為百姓姓者生也故商書發庚稱民曰往哉生生又曰無總于貨資生生是庸罄人好生之德治于民心繼之以不忍 人之政而仁覆天下矣周道衰王迹熄在上者失其本心問知輕重誅求無厭方命虐民但有以身發財之不仁人而

コロスレシュアノビンニニョロ・卷

海豁侯不仁不保社稷又曰不仁者可與言哉安其危而利其災樂其所以亡者數十年後秦始皇出焚書坑儒 已之情而必推本於親親之仁以立性命之綱紀然後推而放諸東西海而準推而放諸南北海而準心理之大同 亂而生生之理終不絕於天下也其論禮樂仁義之實而總括之曰樂則生矣生則惡可已也生者不容已之性不容 無以財發身之仁人馴至戰國諸候放恣干戈相尊孟子生於其間假然嘆曰天下之生久矣一治一亂蓋言世 乎不仁之爲害也朱子生南宋之時萬目時艱覩有國者積弱日深勢將淪爲異域于是本其惻隱之心發爲大 生理之大同也 嗚呼何其言之仁也蓋朱子之心猶孟子之心也無如吾道晦盲道學懸爲厲禁國必自伐而後人伐之故其後雖有 之心在人則溫然愛人利物之心义曰性者眞實無妄之理仁義禮智皆眞實而無妄廼于性善之旨反復申明告戒 仁說曰玉山講義其言謂天地以生物爲心而人物之生因各得夫天地生物之心以爲心又曰在天地 如草芥此 文文中謝疊山陸秀夫輩之仁人而卒無教於宋代之滅亡此豈天運使然哉實人心爲之也人而能仁天下化之則 栽者培之天亦生成而煦育之人而不仁天下化之則傾者覆之天卽禽獨而草薙之夫天何所私愛于人哉且失字 宙之殺機不過起於二三人心術之壞其禍途蔓延及于億兆而其所以消弭于無形者惟學說有以拯之仁者愛情 乎孟子曰仁者愛人仁者無不愛也獨非以愛言仁乎夫天地之所以不陸沈者人心中愛情而已矣而說者又曰公 而天下之愛情不泯矣昔孔子曰汛愛衆而親仁樊運問仁答曰愛人作易傳曰安土敦乎仁故能愛獨非以愛言仁 也亦公理也韓子曰博愛之謂仁而論者乃曰愛不足以名仁朱子之言曰仁者愛之理離愛不可以言仁斯言一出 為有天地以來最不仁之慘禍人道幾絕於天下由是而三國而六朝而五季閱數百年未有不大亂者痛)無如天未欲平治天下生民封運方與未艾孟子早見及此痛心礪齒大聲疾呼曰天子不仁不保四 則块然生物 有 文日 殺 治

力統一 少數人可以得利者也亦未有天下人皆死而少數人可以獨生者也而不仁者恃其武力專務殺人以 王之昏庸乃欲以一服八動天下之兵後災立至孟子曰不仁而得國者有之矣不仁而得天下未之有也 於靈老子曰樂殺人者不可以得志於天下孟子曰苟不志於仁終身憂辱陷於死亡自古以來未 圍萬民之欲而使之不過乎法則此仁之判乎義利關者也二關輕轉利欲黨天剝膚敲號民生襲轉滯堅行將同 國爲一人其視天下皆如吾之身體髮膚夫然心體生埋流行貫徹而無所間此仁之通乎人己關者也義者禮之所 之事滋焉刧奪之端紛紜而 由起發而皆中節者也非義則無以行仁三代而下淳樸散先利後義不奪不厭於是機械變詐之心萌爲穿衞害人 焉一曰人己之分一曰義利之界孔子己欲立而立人己欲達而達人能近取譬可謂仁之方也已生人 不可不慎也文治當于靜中平旦淸明之時動中世途荆棘之會體驗所以求仁之方與所以失仁之故蓋有二關 之所以不銷毀者人心中公理而已矣是故宋代雖亡而朱子之學說不亡千古之人心亦遂不亡士君之于子學說 公則 但知有己而不知有人已欲樂而不顧人之苦己欲安而不顧人之危己欲生而不顧人之死聖人以天下爲一家 同己欲如是人亦欲如是近取警者以己譬人以人譬己也凡民有血氣之性形骸之隔即不能無爭爭 惠而于堯曰篇言天下之民歸心終之以寬信敏公獨非以公言仁周子曰天地公而已矣獨非以公言仁乎夫世界 足以名仁朱子之言曰擴然而大 視天地萬物皆爲一體 者破其迷惑也然不仁而得國亦未有享國久長者何也以其害吾民而死吾民上千天地之和 無所底止焉孟子曰孳孳爲善者舜之徒孳孳爲利者跖之徒舉人以義制之乃有以範 丽 無所不愛見答 公者仁之所以爲體 會張 【斯言一出而天下之公理不滅矣昔孔子答子張問仁曰恭寬信 也是是 性程 既又曰人或不公則於其所當愛者义 有天下人 八心理彼 有所不 水温 也悲夫小 而不已於是 此 以齊宣 受害 爲 此 相 中

寐恍 亦殺其父殺人之兄人亦殺其兄天網恢恢出爾反爾之情狀尙忍述哉民今方殆視天夢夢憂心如焚不覺形諸 萬物爲一體也世之治天下者尊信朱子之學說當必有取於斯文 姓天良未泯不啻赤子之天真莫能告語而乃終日操刃以殺之行政以殺之猶以爲未足以近世不仁之器日新月 倏焉醒不禁涕淚之盈枕也哀哉康誥曰如保赤子唯民其康又孟子曰赤子匍匐將入井非赤子之鄭也又問 避之地矣嗚呼吾民之順連困苦水深火熱呼號宛轉奔走無門求生不能求死不得之情狀尙忍言哉殺人之父人 文日蒼蒼烝民誰無父母誰 之詩日苕之華其葉青青知我如 實根於仁人之心理 如是當日何為而有生乎哀哉然吾謂天地好生惡殺之心雖當至否極寒移有剝而必復之時而 数千萬發卽殺數千萬人吾旣飲泣號哭之聲周達於郊野河山之外終夜以思良心猶在甯不大痛曰嗚呼死 殺人以挺與刃有以異乎曰無以異也以刃與政有以異乎曰無以異也夫古人言保民以赤子爲喻者蓋以 焉四鄰孺子俱病將死其父母撫之飮泣號哭之聲四達於戶外迺大慟曰嗚呼死而如是當日何爲而 與其學說故特錄朱子仁說諸篇以維人道 無夫婦誰 此不 無 如 兄生弟也何恩殺之何咎夫人民至於互相殺戮則人類 無生夫人民至於自怨其生則人道將絕而天下無可辦 兼錄陳安卿先生心說欲人之廣大其 **將滅而天下** 之事矣 此一 八心與天 陽生生之 有生乎 李

國文陰陽剛柔大義緒言 庚戌

有宜 大川如奔騏驥其光也如果日如火如金鏐鐵其於人也如憑高視遠如君而朝萬衆如鼓萬勇士而戰之其得於陰 國文陰陽剛柔之說創於姚姫傳先生姚先生之言曰易詩書論語所載間有可以剛柔分值其時其人告語之體各 一也自諸子以降其爲文無 弗有偏者其得於陽與剛之美者則其文如蠶如電如長風之出谷如崇山峻崖 如 决

於人也滲乎其如歎邈乎其如有思興乎其如喜愀乎其如悲觀其文諷其音則爲文者之性情形狀舉以殊焉此 與柔之美者則其文如升初日如清風如雲如霞 如煙 如幽林曲調如淪如谦如珠玉之輝如鴻鵠之鳴而入寥

詭之趣日問適之趣日沈雄之韻日悽懶之韻是又分四象爲入卦矣而又申言之日有氣斯有勢有識斯有度有情 斯有韻有趣斯有味义析言之、曰莊子揚子韓退之柳子厚陽剛之美者司馬子長劉子政歐陽永叔曾子固陰柔之 繼其說而大昌之者爲骨滌笙先生曾先生選古文四象分太陽太陰少陽少陰四種以氣勢屬太陽識度屬太陰趣

文毗於陽者也而刻意籍性篇何當非陰賈生之文毗於陽者也而弔屈原賦鶥鳥賦何當非陰司馬子長之文毗於 子在陳語章何當非陰戰國策之文策士縱橫之說陰鷙之尤甚者而蘇季子說秦王蘇代說燕王何當非陽莊子之 孔子之文妙萬物而爲言陰陽不測固不可以一隅論孟子之文毗於陽者也而致爲臣而歸舜發於畎畝之中及孔 之情其在茲乎顧吾竊有進焉者凡人之性情氣質亦未可一概而論毗於陽者陰亦寓焉毗於陰者陽亦寓焉周公 险者山而 **吾常綜二先生之說而論之姚先生之說創而未備者也曾先生之說廣矣大矣美矣鑑矣所謂** 美者此什先生之說也 無論已韓昌黎文毗於陽者也而送蘆邵南序答李翊書尤陰柔之顯著者祭十二郎文更無論已天地之道陰陽之 常 相勝而 項羽木紀 相争 惟 则於消息之故者察其偏而調劑之且因其偏而善用之而後吾身得太和之氣而生理以暢善 淮陰侯傳李廣傳尤陽剛之顯著者揚子雲文毗於陽者也而反聽騷尤陰柔之顯著者太玄更 通神明之德類萬物

並歷代文士之著作太極之精以陰爲體以陽爲用故儒家之文大抵以柔爲體以剛爲用歟之骨用轉之數是亦以柔爲體則並歷代文士之著作太極之精以陰爲體以陽爲用故儒家之文來明 典志類雜記類宜吞吐善哉論文至此可謂無微弗顯矣余瞥息心以觀天地之理並以文正所論驗諸子百家之言 技家雄剛柔萬變然要其歸偏於柔者多矣聖學之傳分爲漢宋兩家漢儒之文尚訓詁兼陰陽之奏者也而 名家偏於陰非陰柔不足以成刻覈醫家兵家偏於陰讀內經陰符孫子文可知他如詩賦家雜家小說家術數家方 會先生又曰陽剛者氣勢浩瀚陰柔者韻味深美浩瀚者噴薄而出之深美者吞吐而出之就經史百家雜鈔中 大氣以舉之亦陰柔之過也以文以察天下之變士大夫皆主陰柔之過而積弱隨之然則生斯世也爲斯文也 爲穿鑿爲瑣碎由 類言之論者類詞 驗古人文之神與氣者亦若是而已 此外則皆主於陰柔道家蟲家偏於陰讀老氏蟲氏之文可知陰陽縱橫家偏於陰非陰柔不足以成擇醫 無大氣以舉之則陰柔之過也宋儒之文尚義理兼陰陽之美者也而其弊也爲幽渺爲俚俗 賦類宜噴為序跋類宜 吞吐奏議類哀祭類宜噴薄詔令類書臢類宜吞吐傳誌類敍記類宜 其 |噴薄 曲 弊

昔**資謂伏羲氏畫八卦不過象奇耦之數以爲記識而聖人謂爲範圍天地曲成萬物以其包涵陰陽剛柔之藉也** 断為邪佞惟聖人立教伴人自易其惡白至其中善濟其陰陽剛柔而運妙用於一心故曰以此洗心又曰復其見天 陽剛柔之理蘊於一心發之則爲吉凶悔吝凡人自少至老自蓋至夜均在吉凶悔吝之中而吉凶悔吝則萌柢乎一 必以陽剛爲主乎 地之心乎蓋自伏羲文王作卦象而天下人事悉具於卦象之中迨周公孔子以卦象爲文章而天下人事又悉具於 心之陰陽剛柔善則爲義爲直爲斷爲嚴毅爲幹固恶則爲猛爲隘爲强梁柔善則爲慈爲順爲異恶則爲懦弱爲

文章之中凡此皆陰陽剛柔之所爲實皆一心之所爲此大易之精蘊也善爲文者先明易理因吾心之動 備此所謂陰陽也剛柔也善用之以至於中也斯言非玄也探其本則曰存其心養其性因物付物而陰陽關柔時措 制為言慎天下之樞機而吉凶悔吝於是乎貞又因吾心之動靜消息而制爲文象萬物之形色而川流敦化於是乎 静消

之宜矣

芝神歪幾何足以語此 殺陰杀之過降而爲此補則其世運將不可問嗚呼文心聲也而國性寓爲陰陽陽柔之證徵乎徵乎非天下之至誠 多大率風俗和而運會疑關柔偏勝者多大率風俗薄而運會衰因交論世確乎其不可易至於陽陽之過雙而爲實 者多其民大率益愚難以熟化宜有以酌其偏而用其所長此就一方之文言至統旣一代之文亦然凡關柔相濟者 悉可於斯文徵之此就一人之文言至統觀一方之文亦然凡剛柔相濟者多其民大率兼文質而易爲治剛柔偏勝 內精氣旁薄溢乎外剛柔陰陽惟變所適下遠萬殊之性則各肖其爲人而靡有所窮惟罄智之士能因其文之性質 以上所言律己之方也推而至於觀人記日中國戎夷五方之民皆有性也不可惟移粵賢豪傑之文眞理彌綸實於 無主棼不可理有首而無尾者其人窮而夭剛柔無主而創意造言猶有歸宿者其人儘而可敎洪範所言五禧六極 局細以整者其人狷陽剛外强而中無陰柔以濟之者其人愎而憍陰柔膠纏而中無陽關濟之者其人稷而懦爛柔 而驗其人之品行是故凡文之剛柔相宜而適中乎理者其人達而審善用其剛其言閎以肆者其人狂善用其柔其

或日如子言不幾於過高乎日是誠有之背吳摯甫先生記付先生古文四象後云公此編故自謂失之高古夫高古

·失世無知言君子則大聲不入里耳自其宜也斯言尤矣頗吾义有說焉陰陽闡柔發於人心之自然初無所謂高

吳先生其是乎其非乎其所剖析而分證者有毫釐壬里之謬乎益爲之執簡徬徨而不能已也 肝麦至 炎 花均未入透愁者其未成之部赋是編大致取材於四象 第有由前數稱中已為前生體買也所表 蛛 菜 之均未入透愁者其未成之書數是編大致取材於四象 其中亦有極陽關陰柔之美質並來 抑吾考古文四象之爲暫目次頗多率略又古人文之膾炙人口者如韓昌黎張中丞傳後欽彌 讀古人之文亦辨其爲陰陽闡柔而其自爲文亦必有陰陽剛柔之可分斯皆發於一心之自然固不必以高 **曾不必言文而實無在非文顧藝林之士識有淺深則不得不就迹象以求之然惟其有陰陽陽柔之質原於** 柔分焉以性因情因感因遇而陰陽剛柔义分爲日月星辰山龍華蟲藻粉米輔歡 深思之由下細以 塊之殊而心之異也匹夫関於道而壯士爲之衝冠嫠婦泣於舟而文士爲之怨訴故隨時隨地隨象隨景而 悉合乎中故其慶賞刑罰各得其正後世儒家能養之於喜怒哀樂未發之前故其陰陽剛柔足以順萬 煩陽之盛也徹後桑土綱繆屬戶我來自東零兩其激誦其詩而拮据卒審況也永歎陰之盛也古之聖人陰陽關柔 有意氣發舒之象是何也則陽爲之也醬諸冬日栗烈重陰晻藹寒飇鬖刀萬竅怒呺又如谷風陰雨恐懼淒其 何人侧身其間必有顰蹙?鬱之情是何也則陰爲之也古詩有云一窗晴日寫黃庭又云滿江風雨讀離騷 古從一心而冥思之醫諸江海浩森扶桑出日一輪湧現容與事皇又如氣淸天期春卉皆葩無論: 遡中編而 至上櫃則自有津梁之可逮而吾特恨是櫃之成既不得就正於曾先生並不獲質之於 | 繙纏讚其書而明良喜起 **| 入後之君子得吾言而** 與 名歌陽永叔瀧 何 事 緃 遊其間 而 2 備哉燦 陰陽剛 抑何 心故 情 無 必

周易

國文陰陽剛柔大義上

乾卦版 坤卦肽

北山陰太

白華隆

樂穀報燕惠王書は

逍遙游路 齊物論學 **發生主** 肤 筬 め 刻意 **繕性** 秋水陽少 至樂學 外物局少

國文陰陽剛柔大義下之上

買生文

強生文

陳政事疏太 論積貯疏城 **弔屈原賦**少

鵬鳥賦炒

司馬長卿文

對賢良策

__ 陰太

對賢良策二味

對賢良策三法

譲獲書献 **設巴蜀椒** 子盧賦太 上林賦林

買捐之文

罷垛崖對歐

司馬子長文

項羽本紀本 十二諸侯年表序は

魏其武安侯傳歐 李廣傳 本廣傳 本 報任安書場 秦楚之際月表序は

漢與以來諸侯年表序体

魏公子

國文陰陽剛柔大義下之下

傳

田單傳法

揚子雲文

練不受單于朝春林 羽獵賦太

長楊賦太 反離騒吟 玄 鑑 除木 玄釜

劉子政文

條災異封 論起昌陵疏太 論外家封事

班孟堅文

東方朔 傳 霍光傳法 楊惲傳 陰太

韓退之文

文 22 原道本 進學解汰 州羅池廟碑珍 送鄭尚書序以

蓋寅饒傳學

陳進 傳陽少 典引味

幽通賦少

答寶戲林

石鼎聯句詩序灣

祭十二郎

碑炒 韓許公碑林 梅藍田縣丞廳壁記 柳子厚墓誌銘賦 毛穎傳學

空本 賦論 除少性大

歐陽永叔文 伶官傳論法 一行傳論法

宦者傳論太 職方考序な

集古錄跋尾太

送徐無黨南歸序隊

秋

急救米荒祸

各縣不久將爲陝甘之癥倘江南浙江精華日靈恐國計民生亦將與之俱靈兄梅雨連綿今歲若遇荒災必致餓殍 鄙人每聞近時民生憔悴輒爲飲血傷心而不能已今日米荒之患急矣每石多者至二十餘元少亦至十入九元其 載道哀哀小民其何以堪言念及此欲哭無淚爲今日治標急計惟有請上海公正紳商會同內地公正紳商及各處 勢無所底止米價怠貴則民生愈困民生愈困則盜賊愈多類年以來各省荒默大半由江浙二省振濟然近時 公正米商組織米荒救濟會所有各縣積穀公款迅速查明撥給其無現款者請酌 量捐輸鑑數採辦西貢 和 八米及各 江

坊巠銓文集三届

卷

至各縣 子以哀籲天孟子曰今人乍見孺子將入於井皆有怵惕惻隱之心今日米荒至此郷民多有以豆屑; 版 人之命功德實無涯涘 忍坐親不救 餘潤萬一 處農民銀 粉分別趕 一米商倘有囤積之貨務希大發惻隱迅速出售傳市節得資周轉似此進米較多即各省之乞振 天 行)日後散放急振更宜設法籍備務新仁人君子迅速合力釋維此時能多籌斗石之米即可多延貧民數 雨不 本為 ·止新禾淹沒亦應速即佈告農民預奲酌種晚稻及各種雜糧藉資補救書曰夫知保抱攜持厥婦 便利 平羅 按時周轉至新 **稍登場爲止以上辦** 法 個 詩不 能合作請各 縣分途籌辦 逐 秕 推廣所 糠 者 亦可 度日者何 得沾 神益 有 各

急救水災議 辛未

一 速用疏濬之法以去水害

利之廢鑑二十餘年官無考成法制盡廢凡坍塌之圩隄悉爲障礙之物何怪各處淤塞水來則皆由地上行而不由 病矣(凡江海潮汛來時多挾泥沙退時則勢定而沙積日積一分十日則成寸百日則成尺壅塞之大害若此)今水 争先恐後而圩隄亦因時興修迄於春夏得水之利而不受水之害良以全國水利猶人身之血脈也血脈壅塞全體 若此何耶以余所見江海口有機器挖泥船地方官於水利興廢皆有考成每屆冬令徵工開港河港鄉民踴躍子 不免迷謬矣夫天豈能爲災皆人事之不修耳余生六十有七年自幼及艾遇梅雨連綿亦有至一月者從未聞災後 地中行當事者不曉其受病之由專以排抵爲事而不知水之從何處去迨排抵之後水之反動力愈甚其遇潮訊 辛汞之夏大潦稽天災後徧及於糞豫湘鄂翰皖蘇浙閩粤等十餘省而武漢尤爲慘酷說看曰此天災也嗚呼此言 來

各處建設廳局徵工分開 江口海口及運河之淤塞者廣購挖泥機器船無庸過大祇須施工不息所挖之泥即可作爲築圩之用迨冬令時由 行得力則以後之水害可除此第一策也 之策吾恐中國水害年甚一年杞憂未有已也鄙人以爲無事鋪張祇須請求政府於江海口各置機器挖泥船數艘 勢冲突於是村莊房屋隨之坍塌一切建築品又爲障礙之物而水勢乃每日增高而不已當此之時若不急求 一面於直隸之永定河大沽口滹沱河湖南之洞庭湖湖北之襄河江西之鄱陽湖安徽之巢河江蘇之太湖與各處 內地各處支河險要之處增設塘堤閘壩俾水有宣洩儲蓄之處然後再施排抵之法倫奉 疏溶

速救民命

事急矣惟望仁人君子速爲授手俾吾民不至其魚庶幾有豸此第二策也 棚設法安插惟臨時如何支配如何設立粥廠如何豫置器物衣被如何預防疾疫皆須延請老於賑務者爲之主持 發慈悲結成團體速僱汇輪多帶救生舢板至該處救濟難民或安插近處或運至上海或借願字公所或擇空地搭 須至九月後方有消退希望吾民何辜何忍坐視不救擬怨求諸善團如濟生會紅十字會紅卐字會等並各善士大 女嬰孩號呼不忍聞落水死者無算皆與死屍爲伍如此記載不一而足竊意此時距八月大潮汛不遠武漢江水恐 鳴呼武漢之慘極矣據報載漢水稻漲不已房屋日有倒場有甲子旅館五樓災民千餘忽然倒場災民多受死 宜格外注意) (現在水泛汚濁疾疫堪虞淸潔飲料尤 傷婦

廣運洋米清理積穀

方今產米各區均成澤國欲以江浙被荒三四成之米逼給國中竊恐釀成搶米風潮而冬間盗賊鐵 |起更屬不堪設

· 茄經堂文集三編- 鬼

方官考 貪 榖 吏劣 本 為救荒最善之策但一遇凶荒未聞有清理積穀之事以致使人有徇隱之疑竊謂 報 成 紳 載 派許 稍 俞 有 君 積 染指 衰 榖 澄 不許 鄙 萩 意 災最急策統計 當乘此 積 (款按年) 辟 周 間 轉以 命 精 各 密 省各縣 重民命與購洋米麥桑籍並顧此第三策也 至 爲 欽 破 佩 除情面 但 借 得 清理積穀速辦平糶以 * 麥 後 除急賑散 放 外仍 後 須行 穳 積穀所以救濟 榖 平糶之法吾國 本 應 服舊制 貧 民 列 [in] 扯 入 得 倉 地 使 穑

四 辅救給種以開河工代賑

也 益 等處 者莫 旣 背 第 郎 廣 成 惟 若 策旣 並 如以工代 鄊 地方 此 民多 應設 事 退 務 官廣動及民種裔麥芋薯各種雜 給 行冀水勢大退 須 賑錢 一分痛苦往者 法 推 賑 疏 溶海 蒾 **使鄉民開** 數次之後断難 廉 明公正之人辦理 塘尤宜慎固守備而城河 則 示可 溶 ·補救之策急不容緩除坍塌房屋液離遷徙之民宜數力補助令其 河 諫矣原有之城河務 道 爲繼總須仗冬春之間郷民半能自 |給以相當工値俾得略資事畜至各處大川之淤塞者 周 密馬 糧其稍有力者勸 亦溝 無流 宜及時疏 弊此第四 渔所宣洩者利其地而填塞之將來水患日深富民 令 潜免致 策也 多養 給方可生活否則爲善不終更可 雞 旅其極い 水溢市街浸灌房屋關 貧者 則 酌 如吾蘇之陽 給養 心民瘼者不 本 還 使 鄊 設 購 法安堵 憫 城 籽 多 湖 痛 種 可 且 然 分利 不 災區 城 尤 湖

五 放賬如救火以得人爲急務

戒 楚詞 寅 用 類弭 北 天 爲治水 問 殺機解浮言求實事孟子曰彊爲善而已矣朱子放賬詩曰阡陌縱橫不可尊死偽獶藉正憨吟若知赤子 B 袋 最要樞紐吾民生死關頭不可不慎之又愼也然惟 修 前 赭 逡 战 考功 何樹 初 繼 業而 厥謀不同 此言繇 治 有不忍人之心斯有不忍人之政切望今日吾國 洪 水 専用堤 防 丽 禹則 疏 淪決排 舆 朣 隄 三者

濟篇魏默深經世文編皆有可采謹抒管見以質當代之善人 稍發放則飢 糇 號呼以死 Ŧ 無 ·餘年前 合有人間父母心悱恻慈祥讀之而不 者皆我之罪也造福作孽在須臾轉念之間吁可畏哉鄙 民已餓死十之八九故放賬一事務在得人必尙滑廉切忌迂緩若因緣爲利或瞻顧躊躇則小民之宛 鄙 人襲助紅十字會賬湖南兵災風聞某鉅官募捐數十萬藉口寬籍緩放存款生息迨後爲人告訐稍 堕淚者非 人情也然更望當道切實注意者聽云放賬如救火刻不 人從前閱歷如朱子放賬法最爲精善他如

教 水災議 辛米

今夏洪水滔天閲閻疾苦不堪言狀幸承中外各界竭力援助紛紛施救凡有良知膽不感泣鄙 涠 無當萬一 惟尙有不能已於言者特再舉二端聊貳 得惟祈當代仁人教正 人前 撰 拙 議 管窺 蠡

合及時 時 尙浸水中倘秋麥不能下種則白本年秋賬至明年夏賬須一年之久斷難爲繼捄人散徹急宜預鑄故鄙 不拘寬廣制 此次放賬與每常放賬迴不相同蓋從前不過冬賬迨春振時略爲散放至三四月間麥收已可接濟而 面須散放急賬一面當參用以工代賬之法所有低區均令築高圩隄疏浚溝 布 種 及惟粉 無 IJ] 米斯 4: 麥收 須早足以供習水浴足以資宜洩) 一酌行之妥慎安插勿空談移民政策不能見諸實 有望春賑 即可結束此種辦 法各縣均宜注意飢民苟非萬不得已切勿輕離故鄉 並爲設法租借抽水機器將積水抽出 Ŷ 111 准 (溝漁關係尤重雖 給予麥種 因 意 此 雜 次田 页 地 惟 稱 此 n 宜

於 施賑經 囚報 先用 米湯施敦若用大餅等硬質之物適促其死故放振總以設立粥廠爲宜其 知各 處放 振 北] 用大 併씑 ĬĮĮ 此事恐不相宜匪特質變之品足以害人蓋飢民腸細 彩鄉 僻 填井 祇可食米麥粥其垂斃者 應批粥 施 一倫災象

打空迄と長三届

驗宏富

持否則百弊叢 輕之區尙 有 生欲救民而 粮 食可買祇宜散放現款俾災民自購米麥庶無流弊至於淸釐積穀辦理平糶 適以蠶民矣 必須請 公正

學校當研究水利議 辛未

以上各 -也 百 事自當有中國之常識 中 大水兼治小水以殺大水之勢也孟子滕文公簫言禹疏儿河淪濟漯而注 于溝溝流入于洫洫流入于澮澮流入于川節節 川 中國以長立國農田以水利爲命故水利者吾國人應有之常識也尚書皋陶謨載禹曰予決九川距四海濬 吾子以隣國爲壑蓋禹之治水順水性使之就下白圭則築隄鄣水壅而 वि (八尺曰仞)曰澮蓋禹濬畎澮之水以達諸川亦流入海也論語孔子言禹盡力溝洫溝洫大於畎小於澮畎水 一六十萬 ,得而食言禹之治水專用疏濬決排亦疏通之義故水由地中行大水 也 國可得而 "九川者九州之川言禹分決大川放至于海也一畝之間廣尺深尺曰畎方百里之間廣二尊(入尺曰尊)深 故余當謂學問 亦 經言治水之法 不 金築隄 食也告子篇载白圭日丹之治水也愈於禹孟子曰子過矣禹之治水水之道也是故 [q Ш 一堂可拘於成見以致債天下之事哉今歲夏洪水沿天氾濫各省情狀之慘目不忍觀耳不忍 作事以及用人當論是非眷惡不當論新舊使其是而善也新可也舊亦可也使其 頗 具 〈偉銀不〉 而欲有中國之常識必須讀中國之書聞前清光緒年間李文忠延某國工 已得樞要後世廢經不讀而古聖賢學說途不得聞吁可悲矣夫吾輩爲中國之人辦 及一年河水衝決盡付 相通如人身之有血脈旱賴以蓄水滾藉以洩水此言禹不獨 東流不曉歷史不辨水性不知土質由某國人 治 注諸他國移禍於人致水倒灌 而 諸海決汝漢排淮泗而注諸 小水亦 無不治是 I 禹以 程 舉而 非而 無 師 治黃河 中 24 耕 世 江 恶也 得 海 種 然 常 爲整今 中 以 得 後 畎 糜費 聞賢 · 國之 Ē 識 畤 中 能 流 禹 二仞 澮 示 故

農 而 校中公共之地俾學生朝夕觀覧一面編輯課本遍攷先進水利學說如水道提綱河防紀略畿輔水利 圖縣志攷本邑有無海口江口閘壩等處及幹河若干大支河若干小支河若干以上均應略具沿革輸圖貼 國地圖各省通志攷察黃河江海險要各區及幹河若干大支河若干小支河若干研究本邑水利者宜採用本邑地 校當研究本省及關于鄰省之水利專科以上學校當研究全國之水利其法凡研究全國及全省水利者宜採用全 疏通圩岸則宜居居完鞏修築沿塘大圩圩身離水應視田畝高低以爲標準約二尺至六尺不等底面寬廣亦視 質究其如何爲利如何爲害即以現在水勢而論上游暴漲水怒方盛祇宜疏滯江海口及幹支河之淤塞者使之就 利海塘錄海塘志經世文編(魏選爲上盛選次之)各番最要者使學生通文章曉掌故知水道之變遷辨水性曉七 者余遊歐美各邦攷察學校見其校中多懸本鄉地圖宜做其意凡高小學校當研究本邑及關于鄰邑之水利 施 撰 下以殺其勢不宜開放致令倒灌此亦常識之一端至于開溝池築圩岸兩事又宜詳細討論溝洫當因時制宜務, 尤要在實驗凡各校學生之旅行者皆宜實地練習測量著爲論說小學生則作短篇論說或劄記列爲各校成 各本鄉水利歌令殷民學校初等小學學童循誦如此則學生愛鄉愛國愛人之念油 民學校各生宜 驘縮而定大圩中應分若干小圩地窪更宜多關池沼以收蓄魚菱藕之利如各種溝洫圖說築圩圖說並宜研究 確 有根 律讀經蓋四書五經者中國之覽歡也以正心術以端品行以崇道德以近祥和不獨常識充裕吾國自然太平 操不 主菌莽較之學都俚之空言奚皆高出萬倍雖然此猶非大本之所在也大本惟 求水利為善後之策矣竊謂實事求是之道無事鋪張祇須令高等小學以上學生一 隨時協助農民工作至各省各縣圖咨館應度藏水利各許多多益語考古非先實用爲 然自生庶將來規查見諸實 何日 **命高等小** 研究水 浙西 急並患掘 一說懸諸 中學 利 中水

翌迄と集三局

矣漢汲長孺 直言又復妄發宋胡 安定設教可爲 萷 餔 惟 祈 海 内 君子教正之

上海交通大學第三十屆畢業典禮訓辭 庚年

今日爲本校庚午級諸 同學畢業之期

後訪 創辦 **堂藉醬切磋之誼憶鄙人十年以前見美國教育家孟祿鄉婁兩博士均殷勤相告謂中國最要者在造就領** 校長盛意殷拳一再函 則擬推廣至南洋各島固我門戶屏藩故三十餘年前曾在北平創辦高等實業學堂迨囘滬後辦理本校並在吳松 **热實業自東三省起點迤北環** 又以智仁勇三者爲天下之達德然鄙人以爲仁不本于宏毅不足以爲仁智不歸于深勇不歸于沈不足以爲智勇 十年來私 船各項僅有駕駛裝置之才其能製造機器自出新裁者寥寥無幾日日言提倡國貨試問國貨能否製造日日言抵 必 先砥 成學問當爲第一等學問欲成事業當爲第一等事業欲成人才當爲第一等人才而欲成第一等學問事業人才 洋貨試問 以言之仁者勇物一體之懷無間于人已所謂民胞物 商船學校此志未當稍懈 他國教育家亦多持此 礪第一 願 洋貨能否抵制各校學生不過欲得一紙文憑以圖榮寵絕不聞有奇才異能可以効用於當世鄙人 日居月諸胡迭而徵言之可爲痛心謹進數言爲我畢業諸同學勗更爲我未畢業之同學 等品行論語子罕篇詳言學問之道勉人以歲寒松柏而繼之以智者不惑仁者不憂勇者不懼中庸 招 鄙人到校演講鄙人從前添長本校歷十四年現在難校已屆十年甚願與諸同學 ,論故鄙人辦學時不自量力常欲造就領袖人才分播吾國作爲模範區區宏願 無如吾國風氣徒知空談學理不能實事求是以致程度日益低落即如電汽火車輪 內外蒙古至天山南北路迤西迄青海以達西藏籍作十八省一大椅背面南方商業 與是也聖人以天下爲一家中國爲一人方爲世界上第 勉 須知吾人 和人 討論 當欲興 才

其用 立人已欲發達亦欲達人推其中和之德忠恕之道安有乖戾之氣憤激之情此之謂至仁近世豪傑之士莫不尙勇職員如手足也是一校一團體也此之謂仁推而至于一郷一邑一省一國猶之一校也皆一團體也已欲自立亦欲 陽明先生日致良知惟致其良知而後能先知先營人之知覺貴鑑醬而忌鈍滯貴虛明正大而忌邪暗苟其本心皆 差恥也厥後十年生聚十年教訓二十年而卒以沼吳知恥近乎勇者也然要知勾踐實奉敕於子貢予貢之言曰無 恥之恥無恥矣我學問不若人事業不若人可恥孰甚于此而不知恥是謂無恥昔者越勾踐凶于會稽乞憐於吳夫 然須知孔子日知恥近乎勇何以能知恥其研究之法安在則當以孟子爲法孟子曰不恥不若人何若人有又曰無 可知子賣日間一知十此皆練習其良知而使之歸於有用也蓋凡人有事前之良知有臨時之良知有事後之良知 界乎孟子曰孩提之童無不知愛其親及其長無不知敬其兄此所以陶淑其知覺而使之歸於善良也孔子曰百世 爲聲色貨利機械變詐所汨沒豈能先知先覺統一國之民背係不良之知覺而知覺全落於人後試問能立國於世 以召禍而已故智與勇實互相為用而智爲尤難欲求智字功夫須先練習知覺伊尹曰先知先覺孟子曰良知明王 使勾践日號召於衆曰我臥薪也我嘗膽也則早已爲夫差所滅矣是以智不深勇不沈者不足以爲大智大勇適足 報人之志而令人疑之拙也有報人之意使人知之始也我今日有報人之志乎抑或有報人之志而使人知之乎設 等人然此 救我中國是本校校長諸同人與鄙人所馨香齡祝者也 謂之大智鄙人屬皇今日座中諸同學必有大智大仁大勇之人由英雄豪傑而進於聖賢他日出而宏濟艱難 **光平宇宙而** 詣誠不易致吾人在學校中莫如先以一校爲一家爲一人諸同學在校對士校長 JĮ. 本要在於涵養孟子目動心忍性增益其所不能即練習良知之法也夫如是乃可以當大任乃 (如心腹

也對于各教

坧巠堂文集三届

八德詮釋 壬申

悌 孝 詩曰凡今之人莫如兄弟孔子曰兄弟怡怡又曰所求乎弟以事兄未能其於悌道鄭重爲何如彼視兄弟若路 先生爲兄後生爲弟兄當愛弟弟當敬兄斯之謂悌此如手足之互相扶助枝葉之連屬無間故就大端粗 父母之年有限人子之報無窮矣孝經一書以不犯形像爲始以立身顯親爲終後生小子其如 之遇食則宜退讓行路則宜屑隨析產之時不可爭田宅患難之際尤宜同死生復進而求之昔周公作常棣之 長大至於成人不知費父母幾許精神心血而可不思報乎孔子曰父母之年不可不知也一則以喜 人生天地 蕳 以孝親爲第一要事 ·試思身從何來莫非父母之賜凡人受一飯之恩尙且圖報而况自初生至於 泛哉 Đj

信 忠 大本也人能真實無妄盡其職分之所當爲而不諉責任於他人斯可與言忠 事有難易境有順逆惟以一念之精誠質徹之則難者見爲易逆者見爲順金石可開豚魚可格是何道乎曰惟 傳日上思利民忠也其指 夫忠之一字解者專指事君而言實則範圍甚廣曾子曰爲人謀而不忠乎孟子曰教人以善謂之忠左氏 歸不外靈已之心而已天下萬事之敗壞皆出於不誠不敬而因以不忠誠敬者忠之

者能無動

心乎

不立四 以字義而 偽之界生死之關也 國人之信用不 # 論 .it. 信字從 經中言信者不一 如西人嗚呼可痛哉豈知孔子屢言主忠信又言人而無信不知其可又言自古皆有死民 人從言可 知人無信用不成爲言卽不成爲人也乃近世欺罔詐僞無所不至論者 而足吾國古時重信如此僞與信適相反人有信則其心生作僞則其心死 逐 訓 信 吾

恥

故令日欲挽人心風俗必自崇教禮教始 聖人制體以敎人悉本乎天理人情並非强迫束縛之事故就一身言之足容重手容恭目容端氣容肅聲容靜 香謂之天秩天叙自晚近禮教不明必欲掃除以爲快於是放僻邪侈無所不爲而家庭社會國家胥被其關深 **背所以遊天則也以一家言之父慈子孝兄友弟恭夫義婦順亦所以儘天則也夫如是乃有秩序之可言故尚** 也詩曰人而無禮胡不邈死記曰令人而無禮雖能言不亦禽獸之心乎可知人之異於禽獸者全視乎禮

羲 之正氣而學賢之階梯也吾人其可忽哉 **羲之心以爲利則人心日私而天下亂義與利之間治亂之幾也君子之求道也其始在辨義徒義審察乎義不 戰國之世利欲充塞殺人盈城孟子當目時艱特以義字救之曰義人之正路也又曰義路也禮門也然禮門義** 淺疑似之間去不義以遷徙於義進而集義聚天下之義皆歸於我又進而精義則造於聖賢矣是故義者天地 路惟君子能由之而凡人皆奠之由者何也利誘之也人能移好利之心以爲義則人心大公而天下治惟去好

康 其道也一介不以與人一介不以収諸人近時操守不講賄賂公行搜括民財贪慧無厭一家富而爲家哭民生 **困苦颠連背由於官吏之不確也漢楊蹀爲宰人蝕以金曰摹夜無知者震曰天知地知子知我知何謂無知卒** 不受如誤者方可謂之正人故欲救今日之中國必以興廉爲首務 人之所以自立其氣骨者惟廉而已而其要在嚴取與孟子曰非其有而取之者盜也又贊伊尹曰非其義也非

有恥無恥之界實即人禽之辨無恥則天下曾為為歐其惟一之要端曰男女之別自由結婚之事起而 **灌思之良無復存者卒至輕於合者輕於雖青年自殺者比比皆是可痛孰甚爲又如爲名爲利奔走干求運**

十五五

白色をて属二層

何若人有學問不如人道德不如人皆可恥之甚者吾欲激厲人之本心曰知恥近乎勇 **登肯出於無恥故欲救卑鄙齷齪之世界必賴有扶持名敎之人孟子曰人不可以** 無 恥 义日 不 恥 不

五德箴 壬申

温 之詩曰言心君子溫其如玉武夫且然况文士乎令人不察龐然自大態度倨傲行止浮囂變文明爲野蠻而世界春 為主故中庸曰溫而理言溫則自然能理也文王世子論學校養成德行曰恭敬溫文可見其氣象之大雅秦風小戎 害性者莫如刻人能以温厚之氣待人而人亦以溫厚之氣待之則社會之戾氣悉泯矣且人之養心要以從容稹 也溫溫之德大矣哉蓋世之傷生者莫如怒人能於含怒之時遠忘其怒而作溫和之容則本心之戾氣潛消矣世之 生之氣無復存者學問事業安望其深造縝密孔子曰雖矣哉箴日 溫春氣也溫柔詩數也人能溫則自然和故日溫和亦自然厚故曰溫厚論語載子溫而厲子夏論君子日卽之

溫溫恭人修德之基容貌辭氣惟靜惟幾愚者味焉乖戾黨心叫當桀驁自殺其身敬哉立訓和氣迎人煦植萬物 大

地囘春

良 氣則子弟飲之無不善者社會皆善氣則揮人飲之無不善者天下皆善氣則國人飲之無不善者反是而爲惡氣其 心修 形之影響亦然今人不察易善良爲陰險心術狡詐於是天性中之良貴人倫中之良能掃除殆盡而大亂不可收 良夏時長養之氣也廣博易良樂教也孟子發明良心言本心自然良善也义發明良知言知覺自然良善也 教日 瑈 良善而後知覺正大清明發之事爲動作乃壹歸於良善故良者天地之善氣也余當有言一家皆善 惟

拾矣孟子日哀哉箴曰

、性本善國性亦良擴而充之宇宙吉祥彼昏不知蔑棄天常專已自是惡氣滂滂邪氛充露當之立傷我思漢代方

一正良賢嬌茲恶俗萬世人綱

於禮天叙有典天秩有禮恭德懋昭則父子君臣兄弟夫婦朋友相敬相愛秩序正而天下治反是則秩序紊而 凱人近於禽獸故恭與肆之辨治凱之樞機也易日德言盛禮言恭恭則謙已下人四海之人皆將告之以善不恭則 慢慢則惟我獨奪訑訑之聲音顏色距人于千里之外國不亡可得乎吁可畏哉箴日 恭秋之氣也禮教也孔子曰居處恭執事故子夏曰君子故而無失與人恭而有禮蓋恭者禮所由生故曰 近

惟恭 1作廟日時雨若惟恭則壽天保戩穀壽殀之判休咎之徵伊古聖賢用是兢兢世風日下暴慢失中拿卑長幼顯

下取於民有制叉日恭者不侮人儉者不奪人侮奪人之君始也民猶順之終必刼而奪之所謂出乎爾者反乎爾故 倒 奢侈者劫運之兆而節儉者生機之萌也自品行論之莫嚴於取與孟子言伊尹非道非義一介不取一介不與 民之先知先覺者未有不得心寡欲者也自古人生氣節必以取與爲先余評論之約四端嚴於取而嚴於與者聖賢 微古人云儉以養廉儉與廉 一西東六順十義罔知所從勉哉小子禮教教崇威儀抑抑道德之宗 儉冬時斂藏之氣也禮教也左傳儉德之共也儉德由來尙矣自政治論之奠要於制度孟子曰賢君必恭儉禮 而寬於與者君子也濫於取而濫於與者小人矣濫於取而各於與者則惡人矣此等界限 常相因不儉則奢奢則取於人者不得不多或剝牌敵骨或清託苞苴而民生之憔悴不 不 可不辨晰精

老氏二贯其 日儉儉德避 一難或訓爲飲澹泊明志宵靜致遠曷茲鄙夫贪蟲取盈慢藏誨盗冶容誨淫召讎致寇施

忍言矣君子有深痛焉箴曰

2

奪爭民世界殺機日累月增咨汝小子吾泣以箴有知足心無不滿心有節制心無縫恣心自食其力樂道安**質各隨** 其分宙合大平

矣其尤甚者爭地爭城視民命如草芥閗仁讓之風禮讓之俗反厭惡而鄙夷之君子觀於讓德之廢深恐世運之厄 意氣 之盛軌也後世僻綠是崇讓德漸替詩人譏之曰受僻不讓至於已斯亡吁可歎矣而恂愁之徒誤以讓爲懦怯爭爲 **脊好讓不爭所謂一家讓一國興讓也禮運言大同之治日型仁講讓又日尙辭讓去爭奪舍禮何由可見讓者大同** 自强常争所不當爭讓所不當讓不知民生之休戚當爭外交之利害當爭學術之邪正當爭社會之是非常爭至於 窮期也箴曰 權利絕無當爭之理惟讓與爭之界限不明於是對於內國無所不爭對於外人無所不讓南鍼北指吁更可悲 讓五行中之土氣流行於四時者也禮敎也唐虞讓天下夷齊泰伯讓國爲度量最大者古來道一風同之世民

焉以陳讓人一步自有餘路讓人一事心神止止讓於學校禮樂彬彬讓於鄉黨言貌恂恂辭多取少克己下人廉泉 耕者讓畔大舜典型周文作化虔芮質成胡期末世內戰粉紜兄弟相鬩干戈侵奪威福禮作塗炭生靈我作讓箴潛 讓水千古流芬

茹經堂文集三編目錄

不忍人之政論二 壬戌卷二 政論類

禮治法治論二 壬戌政本審六氣論 壬戌

不忍人之政論三壬戌


地方自治論 癸亥

文化論 癸亥

選舉論 癸亥

财政論 癸亥

表 論 癸亥 兵政論 癸亥



茹經堂文集三編卷二

太倉唐文治蔚芝芸

政論 類

不忍人之政論一、壬戌

食用讓和萬民讓和者生理也亦生氣也孟子之贊文王曰發政施仁必先鰥寡孤獨又曰視民如傷蓋鰥寡孤獨不 直之輔之惡之者無非養民之生而已中古以來言政治者首推周文王周書之聲文王曰自朝至於日中昃不 違暇 者也上古以来言政治者首推堯舜堯舜之道不以仁政不能平治天下其本娑於性善孝弟凡所以勞之來之国之 於是乎出焉此不忍人之政非外襲而取之者也蓋由在我性命之本原合乎天下人性命之本原固結不解而成焉 之性命使之各途其生而已百姓而不遂其生在上者於是有制度文爲條教號令以禮育而生成之而不忍人之政 之大德曰生而商書之稱其民曰往哉生生又曰無總於貨寶生生是庸然後知生者百姓之大原而聖人所以治天 能自安其生者也不能自安其生而我有以安其生則其類於鰥寡孤獨者可知也親民如伊文王之民未傳也未傷 余嘗讀孟子曰天下之生久矣夙嘗疑之以爲孟子何以不直言天下之治亂而必曰天下之生及讀易繫辭傳天地 者而祝之如偽則其已偽者更可知也且夫凡人之欲樂其生與我無不同也大同之世政治之大同實生機生理之 下之大本也記曰凡生於天地之間者皆曰命天命之謂性天生民樹之君者所以經紀天下人之性命保養天下人

1 まにかに、1まりに二三間

哉在上者之資也在上者不能盡其實而儒者言之儒者空言而無益而民乃自爲之至民自爲之而上猶戕賊之誅 求之此生機生理之所以窒塞而日促也知此者治不知此者則亂知此者生不知此者則亡是故知天下之生然後 是所謂生機生理之大同也是所謂政治之大同也夫失其所安所信所懷與夫求其立求其達而不可得者孰爲之 能爲天下之政 信之懷之也其論仁則曰己欲立而立人已欲達而達人蓋惟有求其立求其達而不得者故我必有以立之達之也 之乎是以孔子之言志曰老者安之朋友信之少者懷之蓋惟有失其所安失其所信失其所懷者故我必有以安之 入一家而黯然慘然凄然戶口彫零生氣蕭索壯者散而四方老者轉乎溝壑此非吾之所不樂者乎而我蟄忍誅求 大同也入一家而熙熙然皞皞然父子兄弟夫蟒鑿井而耕田家耠而人足此非我之所樂者乎而我何忍殘賊之乎

不忍人之政論二五氏

舍一牛於德似未有所損益者至於赤子匍匐將入井宜若細專矣而先儒論不忍之心以爲推勘精細未有過於此 **善審其機用能先知先覺感而遂通毅然擴充之而無所阻滯則試淺而言之齊宣見牽牛而過堂下者曰牛何之對** 之道奈何曰在於祭織涵養之而已蓋窮理之學與夫養心之方有由遠而返之於近者有由小而推之於大者聖賢 或曰子言生理爲天命所繁茲者我瞻四方殺機盈溢覺生理已絕於人心乎曰不然是由於在上者之失其所學學 忍之心道残忍之言行殘忍之事則觸處皆殺機矣此其端起於至微而其行則推於至大骨子曰草木以時伐焉禽 者何哉蓋此心忍不忍之幾根於習貫習貫而動不忍之心道不忍之言行不忍之事則觸處皆生機矣習貫而 日將以營鐘王曰舍之吾不忍其穀觫孟子曰是心足以王矣又曰今人乍見孺子將入於井皆有怵惕惻隱之心夫

那人之性命什無異於筠犬何其言之慘也嗚呼 不掩卷流涕者矣吾皆遊敞美諸國其民熙熙皞皞頗有雍容禮樂之風彼其所重者惟在人道其譏我中國則曰支 樂其生哉恫乎在上者之先絕其生機也夫使百姓而有死之悲無生之樂誰實爲之哉讀詩至堯楚苕華諸篇未 不過日學道愛人蓋愛人者禮樂之本原也禮樂不興則刑罰不中刑罰不中則民無所措手足末世之民寵不願自 手之舞之此天地間之大生機即天地間之大政治也昔者子之武城開絃歌之聲知其禮樂之彬彬矣而子游之言 中禮之所由起也發而皆中節謂之和樂之所由生也樂者樂也樂則生矣生則恶可已也惡可已則不知足之蹈之 遠者也聖人帝乎大小之數平居涵養其不忍之端於是乎有致中和之學焉則試深而論之喜怒哀樂之未 之於近暑也因九族而推及百姓因百姓而推及於鳥獸因鳥獸而推及於草木理雖一而分則殊此 陳列血內模糊骨革狼精過者或爲之壁額俄見小羊小豕小魚之屬呼號跳躍於刀俎之旁更不覺投箸而不忍食 痛苦亦獨是也 者天地問有生之類舉足以動吾本心之生機也至此而不懶然動念者非人心也夫民則猶是也亂離之世人民之 行其中不覺動纏綿悱惻之情者東方之靑色感吾本心之生機也至此而任意摧折之者非人心也屠門宰割牛羊 融以時發焉夫子曰斷一樹殺一獸不以其時非孝也此皆涵養之說也方春之時萬物煦和萌芽甲坼林 因植物而不忍於動物因動物而不忍於同類因同類而不忍於至親分雖殊而理則一此由違而返 九由近而! 次發謂之 推及於 陰人

其性情度量之懸殊也孔子曰道二仁與不仁而已矣不忍則仁忍則不仁仁不仁之辨不忍與忍而已昔文王之爲 古之爲政也惟務生人今之爲政也惟務殺人古之爲政也必生人而心始安今之爲政也必殺人而

心始快嗚呼何

不忍人之政論三、壬戌

出經管文集三篇

而或者不察乃巧倩其名粉飾其事因緣以爲利則吾更有進焉曾子日戒之戒之出乎爾者反乎爾者也孟子曰殺 弱所以 人之父人亦殺其父殺人之兄人亦殺其兄然則非自殺之也一間耳蓋天道報施至末世而影響愈速數年之後未 之心理而天下人心之雖者乃無乎不合天下人心之背者乃無乎不嚮是故不忍者定一之精神即統一之樞紐. 者齊襄王問天下惡乎定孟子對曰不嗜殺人者能一之夫不嗜殺者不忍人之極思也不忍之極思根於性 膏飲民之血而 以人心不至於渙散而宇宙不至於陸沈今也釋不忍人之心與不忍人之政皆以爲腐敗而不足復道悍然吮民之 民怨沸騰政令乃不能出國門一步且夫君之於民上之於下本以人合而非天合惟以彼此不忍之心相爲固結是 徵於色裝於言行於家推於國 獨而畏高 今也侈談问 胞 有根本也古之聖人首在躬行孝悌由是而推覽之有無限之等級即有無限之經綸是故尊高年所以長其長慈 倍孟子傳其學說曰人人親其親長其長而天下平蓋君子務本本立而道生仁人之於孝猶手足之有腹 切善政俱掃除而更張之狼吞而虎嚥之古之人曰不虐無告不廢困窮今則專虐無告廢困窮古之人曰無 :物吾與也六然後民與物各得其所其治天下也如身之使臂臂之使指一出於心理之大順無有稱 也 制 幼其幼凡天下之能權殘疾惸獨鰥寡皆吾兄弟之顧連而無告者也是所謂不忍人之政也是所謂 其 :明今則專虐熒獨畏高明殺千百人不足馴至於殺億萬人殺當時之人不足馴至於殺後世之子孫 H ,版同與而其爲政也乃適與之相反長國家而務財用外本內未爭民斯奪舉向之養老恤孤惠鮮, 里 不願 教 之樹 如是則萬目睽睽對於政府誰復有理之者誰復有愛而護之者一旦事變誰復有奔 一畜導其妻子使養其老骨子論平天下日 而 無非 寓之於政此非强而致之也亦非僞而爲之也惟以一人之心理吸收億兆 上老老而民興孝上長長而民興悌 上恤 稍速逆之者 走 心 M 一驗於情 民吾同 枝 而 抹之 民

有能自保其生者也哀哉然則當崇何曰救以孟子之言

政本審六 氣論 壬戌

本也 專制之法漸次而入共和大易之義窮變通久與時偕行聖人復起不易吾言矣雖然此第言乎政之體未及乎政之 人皆專制何如一人之專制也吾非謂共和之制不當行於今也共和者獨非有一人裁而斷之執而 害正由求治太速未審乎本未輕重先後緩急之序一 形跡出其 之共和政體公之於天下者也政體者政本也應之曰今日共和之效已大可観矣蓋心之公私判於隱微而 政本明天下定政本定天下平政本妄天下亂政本亂天下亡說者曰昔時之專制政體施之於一家一姓者也今日 公心以爲政雖專制 而天下亦服挾其私心以爲政雖共和而天下益亂人人懷私心則人人皆專制 **播而入共和是以天下受其大弊機此而爲治者惟有行開明** 行 之乎往日之 不 也人 係乎

者施 方所以爲行政之樞 者也是故競貴乎速施諸今日而當者施諸明日則失其幾矣幾從乎宜施諸前代而當者施 說者曰爲政之要有其幾焉舜曰惟時惟幾禹曰惟幾惟康昔賢曰哲人知幾幾者權衡於秒忽之微毫髮不容或爽 隨乎時施諸 諸 北 方則失其幾矣施 沈潛 而當者施諸高明則失其幾矣施諸剛直而當者施諸柔和則失其幾矣幾易乎地施諸 紐未可以為政本也 諸彼 ųij 當者施諸此國則失其幾矣應之曰善哉此窮理之學也然幾者聖人妙 諸今世則失其幾矣幾 南方而當 用

氣大焉先儒曰心者氣之精英蓋理先乎氣必先有是理而後有是氣誠則形形則著著則不疾而速不行而至故氣 宇宙粉紅萬殊錯綜聖人者出參天兩地宰制翠倫蓋有形乎體之外感乎幾之先不可得而 明言者孟子曰志至爲

之强弱察其氣而 者心志之見端生人感 可知 也世有誠心求治者吾請與之言六氣 應報施之大本 也 硬 人之賢否察其氣 侕 可 知也観一 家之盛衰察其氣而可 知也觀 2

二日審 又自為隔荆 靜而 獨立者未必果有精 愈蒙蔽上與 而已矣血 言養生家謂 立者皆佼佼不羣也 一日審躁靜浮沈之氣天下者至動之象也無以制之則囂然而不靖故惟聖人爲能以靜 凹 情不其相 事然後可與行政昔周子論太極之理曰主靜立人極此立政之本非淺學家所能知也然非此將不可以爲治 憧往 。國家爲孤注宵相與偕亡而我之意氣不可以不爭也嗚呼豈不痛哉君子有養氣之學焉先之以强恕繼之以 史通和則治 后能安靜氣凝 來如 通 氣 隔 孫升木如馬之不顧其後無頃刻之或息於是奸邪得以乘之宵小得以利用之萬事際壞無 棘 隔 下 氣浮則魂散魂散則形喪爲政者何獨不然今宜審動靜之理俾其氣先沈而不浮根蒂旣固然後可與 遠凡以和 Œ. 滿 隔 則其人必死民氣隔則其國必亡茲者上下之情已隔絕偶有調查考察其人未必君子偏而聽 和 無論 乖 地燈燈重 之氣善醫者不問人之肥瘠診其血氣之通隔而已矣善治者不問其國之貧富察其民氣之通隔 神 隔 結則天下安固也自古政治之大思莫患乎夙令而夜更朝三而暮四以急遽之心行茍且之事 合而爲三五人則意見紛爭矣合而爲十數人則交関張拳矣始則爭曲直也機則爭意氣 111 矣甚 則亂常如 氣 待人者人未有不以和氣應之者也凡以戾氣待人者人未有不以戾氣應之者 合而爲三五人則其力大矣合而爲十數人則屹然可以禦外侮矣及反觀我國人民其獨 至一 重如是者何也乖與和之異也周易保合太和必出於元氣之亨通和 此者非一世也而漢末明季黨派紛爭淪胥以敗尤其顯焉者也橫覧各國人民其 省與一省隔一縣與一縣隔一鄉與一塘隔而各省又自爲隔各縣又自爲 制動 大學日定而 則 通 乖 也 剆 條理之可 槛 隔 隔 後 也 fie 抵 靜

致 和上下交而 其 、志通由是所發之言自無隔聞之端所行之政自無 隔膜之弊

之所以永常也 氣之促如此不亡何待左氏傳晉趙孟問后子秦君之亡對日鮮不五稔趙孟視蔭日朝夕不相及誰能待五后子出 得意而不知蓋藏罄矣上行下效顯秩必求其居高擁資必求其驟厚幾者處今日遂無明日處嚮明逢 觀之是飾於是乎其氣日促辯諸用財然取之盡錙銖用之如泥沙集萬衆之脂膏十年之積蓄一旦揮嗧之自以爲 散也蘇張之遊說趙括之談兵非不縱橫驅逐辟易千人也然而其氣竭矣彼庸愚誕妄者不知也惟橫議之是聽外 三日審斂散促舒之氣邵子皇極經世書曰天下將治則尚行也天下將亂則尚言也 者之教化然哉孟子曰賢君必恭儉恭者不侮人儉者不奪人恭德之聚也儉德之固也是積德之基斂氣之本國 而告人曰趙孟將死矣主民翫歲而愒日其與幾何后子之所以先知者審其氣之促也然則國氣之促非由 一尙行者其氣斂 也 尚言者其 無 嚮 於主民 晦者心

際而 必不 而 若非作僞不可處世者心 四日審誠偽虛實之氣人生當世誠而已矣而致治爲尤大近世之儒舍蕩平正直之路不由而必出於機械變詐 視已如見其肺肝然則何益矣蓋誠於中形於外千古作僞之人縱使窮工極巧未有不立時敗露者也是故誠意之 原首在好思如思思臭如好好色好之主者好其誠而實也思之至者思其虛而僞也君子之爲道也有若無實若虛 始 身家隨之豈不殆哉大學狀小人之情態日閑居爲不善無所不至見君子而后厭然揜其不善而著其善人之 敵千百心之機械變詐可 知其用意之所由來門知逞私南針北指途成一欺詐之天下夫人情不甚相違吾旣言之矣一心之機被變 術如此 知也 政治乃受其大害每出一令每行一事令人十百思而始知其用意又令人十百思 一二人之機械變詐必不敵天下人之機械變詐可知也底蘊露而聲名聯聲名 詐

日本にからしまじて一句間

政者其尙愼之哉 氣不可中庸尸誠者物之彩始不誠無物欺詐之氣盈天下乾坤或幾乎息矣嗚呼誠僞者生死之幾存亡之界也爲 小人之爲道也無而爲有虛而爲實然則欲政治之一出於至誠非審於用人不可欲審於用人非審於誠實虛僞之

五日審昏明清濁之氣孟子曰上下交爭利而國危矣又曰生於憂患死於安樂凡人處憂患之時則其氣恆清處安 夫油氣滑氣滯氣怪氣凶氣舉一掃而空之渣滓去而清光來人欲淨而天理行然後政治可得 詎 失業大言不慚不爲遊民卽爲遊官甚至樗蒲牧猪奴之所爲比戶皆然其氣之昏何如也一飲之費至數 也貪利而安樂者政氣之所以昏而濁也彼夫雞金欖帛予取予求欺騙盜賊之行幾徧天下其氣之昏何如也放曠 樂之時則其氣濁處安樂而憂患則其氣愈淸處憂患而安樂則其氣愈濁是故好義而憂患者政 廉恶來也所聚飲者應臺之財鉅橋之粟也是故惡人者穢氣之所由 飯之費至傾中人之産一慶祝一婚娶之費至竭數十年之儲蓄及窮無所歸則奔走營求罔知廉恥其氣之昏又何 龍 一不大可哀哉然則求政治之清明更莫要於辨氣古書數商紂之罪曰穢德彰聞又曰腥聞於天蓋紂之所親者飛 也明李自成之攻京師也其時尚有置酒高會者有歌舞演劇者有賭博未開者迨城破而國與家俱破殷鑒不遠 之矣一國有正人焉則正人進而一國之人莫取以不正犯之矣故正氣者政治之要樞國家之命脈 邪枉之徒連踵而端人正士或累世而不見欲培其本端在獎善孔子對季康子問政曰子帥以正執敢不正又曰 下則爲河嶽上則爲日星正氣之在天下小以成小大以成大一鄕有正人焉則正人與而一 五者之氣政本得矣然又有本中之本焉則在審善正邪惡之氣文文山先生正氣歌曰天地有正氣雜 鍾也財賄者腥氣之所由積 鄉之人莫敢 而 氣之所以 理也 也除腥穢之氣與 也 十百 然伊古以 以不正 而

於人通乎古今買乎中外達乎幽明行乎目用該乎歷史掌故人情風化天地一日不隆國家一日不亡 近二十年來論者僉日用法用法四國任法吾國亦當任法禮足以治一身而法則足以治天下故宜廢禮 為貴有秩序而後可以言和含禮而求天下之和不可得也故又曰天命有德五服五章哉天討有罪五刑五用哉政 母地卑乾坤 肝哉序者倫 人倡之十萬人和之有敢違之者相與笑而爲之唾而棄之嗚呼此所謂淺 懋哉懋哉慶貨刑罰皆起於禮故政事亦根於禮舍禮而爲政事不可得也是以天命言之禮爲人治之大源一 如是而 欲 乘禮 定矣卑高以陳貴賤位矣夫是之謂秩序舍禮而求秩序不可得也故又曰同寅協恭和 也秩者仰文也有序而父子君臣夫婦兄弟朋友五典於是遜馬有秩而 III 任法豈不謀且愚哉吾請 得加 言之尚書曰天叙有典勅我五典五 識之譚無根之論也夫 吉內賓軍嘉 惇哉 天秩行 Τi 禮 尵 **衷哉禮之州和** 心 ग्रा 者本 一於是生焉天 $\mathbf{1}$ 醴 而 我五 專用法 於天起 一日不 槌 九

中外之大勢言之禮爲人治之大源又其一也難者又曰新學破除迷信祭祀之禮迷信之大者且遠祖 揖護 何有殷之爲宜嗚呼此又何說也凡人之罪惡莫大於忘本記曰萬物本乎天人本乎祖人之身從何而 何以行祈禱蒂西國雖不言禮而事事隱合乎禮之義意吾國欲廢禮 何當不言禮無禮而 亡且隨之凡民之情 以國勢沒弱惟廢禮斯可以强此又所謂不通之論也今日之禮幾於盡廢矣國勢其何如哉養廢禮則 有不知守經而可與行政者也亦未有不能達權而可與行政者也令因禮文之小異乃欲擯禮而廢除之是非特不 以 千百年、欲以古禮行於今不其難哉此又所謂不通之論也蓋禮者有禮之文有禮之意禮之意千古不變者也禮之 知有經併 醴 文随時變易者也 是以人道言之禮爲人治之大源又其一也難者曰昔時之車服宮室與今殊也制度文爲亦與今殊也風俗沿革幾 也三尺童子告以禮節莘莘然學習焉野人鄙夫驕兵悍卒見雍雍禮樂之場不覺氣容廟爲聲容靜焉相 孔子曰道之以政齊之以刑民死而 有所不便不容不改然而體之意仍在也昔孟子告滕文井地之法曰此其大略也若夫潤澤之則在君與子矣夫 除文學戰之庸而 [焉此無他本於良知者然也是禮 不知有權 即以拜跪之禮言之古者席地而坐登獻之禮賓主百拜唐宋而後以椅爲坐以棹爲憑則百拜之 何以 也是以古今之通義言之禮爲人治之大源又其一也難者又曰西國不言禮 孟子猶以潤澤望之可見行政者當謹守乎禮之意不泥乎禮之文故曰能守經者斯能達 優焉如不終日安得不敗以取禍欲求自强必先行禮 拿君無禮而何以親上無禮而 無 [者出於大心之不容已聖人因人心之良知而制 恥道之以德齊之以禮有 何以愛國無禮而 恥且格夫民之有恥無恥豈外致 而 事 事乃不合乎法失之毫厘謬 何以敬國旗無禮而何 以禮爲政之綱萬事各得其 爲禮雖欲去之焉得而 以行 哉本 而吾國獨言之是 不 禮拜 理矣 不獨弱也亂 於良 以千里是以 與周 柏 人且西國 袓 知 去之 者

東山口を上からに「世代二」「日間」

合於幽明不合於日用不合於歷史掌故人情風化是故天下大亂

不反 非調 樂若槪以溫和之劑投之則十死其八九矣令也動舉外國之法以行諸我國者程度不合輕重縣殊故有慘殺 Û 能 後 大學曰物有本末事有終始其本亂而末治者否矣禮之所以爲治本者在於自治以治人中庸曰齊明盛 不 堅言僞而辯皆不以聽是也夢善爲制者必審國民之程度若何而後用法猶善醫者必審病 行者則彌之此雖 法殊不足道令日我國行法所當知者有二大端一曰嚴昔人言治亂國用重典周禮大司馬掌九罰之法國有鳥 法 動所以修身也身者天下之漂準也洪範五事貌言視 醴 下曾罪人盈天下皆盗贼此宜深知其意者 犯罪战 審乎禮法之界限與其 法之所爲用者易見而禮之所爲禁者難知是以周官三百六十司寇之職隸於秋官小戴禮記王制一 漢之律令大 治法治論二一壬戌 一書拿破侖酷 法之不 坐論抵而逍遙事外者矣有身爲盜賊 何况豺虎之性必將反噬即有時朔知其殺人明知其刦掠離敢呼號告發者誰敢出首佐證者是以盈天 可行 抵 本於周 仁人所不忍言然殺數人以生天下人要亦聖人所不得已如王制之析言破律亂名改作行 好之其中確多精理名言然僅可供一時之採擇未足爲我國之常經也東人法學通論授據習慣 也惡夫本末之倒置也蓋禮所以生法而法不可以包禮司馬遷曰禮禁未 本卡先後相為表裏之故則於爲政也庶幾矣然行法亦貴得乎法之意西人孟德斯鳩 禮考鄭君禮制豬 延律師辯護舞文得直者矣執事者且曰我行文明之制 一也二日簡周公日平易近民民必歸之易傳曰易則易知簡則 可知之近世法律大抵根據唐律而 聽思皆禮也一身衷乎禮則天下皆循乎禮 唐律根據漢律近察其流遠溯其 症之緩 然之前 由是而 也則 急者 而 法 **精特詳** |限非禮| 何而 施已然之 法生焉吾 人何樂而 刑

時而從宜法亦因時而制宜也納民於情與義之中而後可以言法制也歐民於情與義之外日日言定法徒擾 於情法亦根於情天理外之人情非人情也人情外之法理非法理也禮起於義法亦起於義行而宜之之謂義 丙與丁相複令人眩惑莫知所向是皆舞弊之淵藪必擴清之而後可以爲治此宜深知其意者二也約而言之禮 抄撮矣以文書條例言之有所謂某表某表者有所謂某册某册者不曰幾千幾百條卽曰幾百幾十條甲與乙相 者易則民情定簡則民氣靜也今也立法日猥瑣而冗雜以幣數言之必計及毫厘絲忽矣以量數言之必計及合勺 下而已其爲害民不尤大哉 後蕭何立法斟若猹一曹參代之载其清靜民以甯一夫漢高蕭曹其智識豈出今人下哉而乃爲此易簡之法 有親易從 即有功易簡而天下之理得矣故居敬行 簡可以臨民者此法意也漢高入關不過約 法三章百

地方自治論 癸亥

於無不 於 之自治以爲天下之自治其氣通而非隔也其機靈而非滯也其界限不相侵越而互相聯屬也而或者誤以自治爲 網要乎周禮揮塗都鄙管子軌里連鄉之法無非自治之制度也古人之精意果安在战蓋中央政府之於民不能以 余賞於十年前有言十年而後恐我國民有業者爲兵失業者爲盜且將强半爲盜弱半爲兵而良民則日以少以 一人制也不得不寄之於省省有長亦不能以一人治也不得不寄之於縣縣有長亦不 《鄉故有省自治有縣自治而其基皆起於鄉自治由一鄉而推之於一縣由一縣而推之於一省由一省而推之於 國如身之使臂臂之使指條分而纏晰綢舉而目張故夫自治者乃合各郷之自治以爲一縣之自治合各縣各 幸如某某等省其言已驗矣欲採民生非求自治不可然今天下競言自治矣曾亦知自治之宗旨與其 能以一人治也不得不寄之 本 原

有空色人食二言

難之而君子之與小人各有同聲相應之象又各有必不並立之幾一郷而多得君子夫然後可以言自治 著之於篇世有得其說而力行之者非特復三代之成規且可得歐美自治之精義倘以是說爲迂如彼泉流 仿周 大害也孔子曰吾觀於郷而知王道之易易也孟子曰出入相友守望相助夫王道之所以易易守望之所以 得小人則自治而適以自亂且不獨自亂而已武斷鄉曲魚肉小民大害且隨之而至况天下君子少而 夫子告以舉賢才又曰舉爾所知爾所不知人其舍諸蓋民心難得而易失民情至愚而難欺親民之選旣戛戛乎其 爲大害也昔子游 獨立之機關而縣 敗以致陷吾國於不可收拾之局則非所敢知吳其論略如左 無黨小人有黨道德之教不行選舉之法不善然則地方自治者偶一不慎恐將爲亂天下之厲階此 《禮遺意作治郷三約其制設約正一人設教長恤長保長各一人而一鄉之事已無不舉余謹師其說撮 者蓋治民納兵然什 為武城宰子日女得人焉爾乎日有澹臺滅明者行不由徑非公事未當至於偃之室也仲弓 鬼省與中央 什伍 政府 ·伍分節而制之總綱而挈之者分數明也分數者自治之綱要也吾鄕陸桴 亦 誤以自治 爲獨 立不 免摧 殘 而 侵 奪之而天下乃 無甯靜之日 本原不 此 宗 小人多君子 亭 旨 先生當 其大 ·明之爲 一呼而 郷而 不 問 明

耙教 十聯 其誠僞而司其實愚按西人有言凡一瞬之治本在於教童蒙之師至哉言乎教師之賢否治亂之根源也 教師無論其學術 日教事應設教 爲社 其 趙 事掌其禁戒及期將試則書其秀而升之於官凡鄉之地域廣輪及溝煞封漁皆聞之凡質訟聯首社 社有師使之相愛相親有罪奇褒則相及以教法頒四境之社師而俾敎其童蒙凡鄉之冠昏飮酒 長 如何教法如何其所授皆經審也所講皆禮法也其訓童蒙曰若來爲我某事童子受命惟謹 一人桴亭先生治郷三約日教長之職掌 一鄉之教事主戶口秀民之籍令民十家爲聯聯有首 往 祭祀喪 者郷 辨

哉 學亟宜以私塾補助之而後教育可以普及今宜動命民間一律規復其課程悉讀孝經論語 治之 校頒發學規拿我國文愛我國寶家絃戶誦應幾愛郷土愛舅家之誠意油然自生而人格日高自無不樂爲君子休 詳 洒 、郅治之隆矣至於戶口不清則爲治無入手之處地圖不購則道釜溝潼無修整之期所以掌於教長者亦使揮整 唽 埽 講解俾之背誦無造其秀者並讀五經其升於縣者令讀十三經凡縣自治省自治區域 權與也十餘年前以私塾不良議悉最去不知教法不善值可更改是宜因噎而廢食況國家詎 愿對 \進退之事也此其尊師親長之念已服習於幼稚之時宜乎其良知之不泯 有觸 丽 卽 孟子大學 律廣設國學專脩學 動 也 是 有經費運設小 中庸塾師爲 故 鄊

中粗知其梗概 者多暴戾恣睢之士猶且 民離散不安其居者皆能勞來還定安集之矣此非沽名而干譽也人類在世界中所必爲之事也紊漢 於道塗恤嫠廢而孤舟掩 《國之所以存善舉而已矣未有一國不爲善而一國能治者也未有一郷不爲善而一郷能治者也古者聖君賢相 |日恤事應設恤長一人桴亭先生治郷三約日恤長之職掌一郷之恤事主常平義倉粟米出入之籍令民歳爲常 紳 士大夫嚴不兢兢於此讀禮記文王世子懶養老恤孤之政備矣讀詩大田篇恤嫠之政備矣讀詩鴻 裁倉以供公事凡有 究詰水利 命乃問 則壅滯已久無款與修偶值凶荒坐而待斃設 File 顧 借萬 。鰥寡孤獨則聞於官府而養之歲荒則設粥賬濟夏秋蘿貴則以餘米給役民之食愚案 日睽 |泣自經爲諒或改嫁而滿滅葬倫者不可勝數異者善舉之費| 以善舉爲急不容緩相沿不改迄於今日養老廢而老者輾轉乎滯壑育嬰廢而嬰 睽怨氣充塞如是而求爲治庸可冀乎嗚呼其痛 廠施粥羣目爲迂其號爲明達 心可勝言哉而况積穀 切割 者曰當多立 除 或飽 削 私 而 弊 工 篇於萬 孩拋 實證生 雖 蚁 廞 充軍

算既定絲毫不得移用其有敢侵蝕者處以盜賊之律蓋盜害及一人一家而侵蝕善舉則害及一郷也如是行之數 十年周文王之善政庶幾其可復乎 以圖永久所有發老恤嫠育嬰諸善舉概宜規復積穀水 濟之不知工場何日告成而民死已無噍類矣嗚呼尤可痛哉仁人君子臨時 利亦宜詳考舊制而力行之其款則半出於官半出於 動募而其 、力有限是急宜等 經常 郷積

年後可 爲除除有士凡鄉之土功肯率其屬而致事農功之隙以時輿修水利則庀其畚鋪以聽於官暇 若與 美練兵之制誠能廣設鄉團聽其領照自備軍械自行延師練習不費絲毫之款只須悉心提倡教以孝悌禮讓不數 嗚呼是何異大盗當門羣子弟急覓刀矛以禦之則託曰是殆將殺我也急取子弟而束縛之而甘心徒手以當盜賊 之世所恃以爲衞者軍械鎗炮而已然則郷團者今日萬急之要闢也而疑忌者且曰是謀反之資也是作亂之具也 刺習之守禦國有大故則率其屬而授兵登陴事畢而解凡盜賊水火之患皆司之夏秋羅實則率其屬而 著然不第商有團 之刃乎且茲者外侮亟矣夷攷歐美兵制 長凡鄉之役事皆與之鎮廩而役之愚案禽獸之世民無爪牙以自衛所恃以爲衞者城郭之固弧矢之利 三曰保事應設保長一人桴亭先生治郷三約曰保長之職掌一郷之保事主役民之籍令民五人爲伍伍有夫 而 衆人共相衞如是而已其有地勢便利財奮豐足者則或數十家併爲一村或數百人結爲一寨高牆深溝屹然 有 得無數預 餘 不得 其 入 也是亦宜有關工亦宜有關惟寓之於郷自治爲便大抵此事得其人得其法則保身保家保 備之兵法良意美孰有愈於此者余昔年備官商 不得其法則或至於紊且亂會文正之言曰團練之道以官衞民不若使民自 有常備兵有預備兵務使通國之民皆習戰事今我國庫空如洗覺能 和時曾倡商團之議 選者蘇州等處行之成績 則頒以射 〕 一人自 丽 进 受廩於恤 教之擊 已文明 仿歐 五

之大害湔除不盡則地方終不可以言治且關練或轉爲若輩之護符窟穴則流毒更不可勝言矣 往疑畏不行今練或擇人而舉團則宜徧地興辦總以清查本境土匪以絕勾引爲先務前與軍 相為表裏凡辦地方自治者亟宜護師其意而行之者也抑余更有一說今日保甲之法當嚴查者賭博吸烟若二者 練二字當分爲兩層團即保甲之法清查戶口不容留匪人一言鑑之矣練則養丁請師製旗造械爲費較多鄉人往 自足捍禦外侮農夫牧童皆爲健卒擾鋤竹木皆爲兵器需費無多用力無幾特患不實力奉行耳用異關等 自保如其地勢不 便資財不足則不必併村不必結案但數十家聯爲一 氣數百人合爲一心患難 此與桴亭先生之言 又日寓 亦

非低事而受害者無非吾民令孜桴亭先生之法精矣善矣其未及備職者如定地方之預算辦地方之交涉考察地 今之士所以深趨於小人者則有二說一則曰由今之道非爲小人不可 一則曰天下皆小人而我獨爲君子將反受 下於約正約正與教長平之凡郷之土田出入謹其推收掌其稅事凡鄉之民事年終一上於官府官府受而藏之以 以上三長又有統其事者應設約正一人桴亭先生治鄉三約日約正之職掌治鄉之三約(卽上文所列教約恤約 其害嗚呼彼甘心下流者無論矣其爲第二說者吾亦有以曉之夫人與人相處良知具在惟以小人自處人乃以小 方之七逢工藝交易盈歲是皆當由約正斟酌定之夫約正之貴任如是其重豈可不以明體達用之君子爲之乎然 公事官府言於約正約正會三長而議行之凡民事亦上於約正而行於官府民有質訟大事決於官府小事則官府 保約)以一郷之籍周知一郷之事歳時月吉崋其爲而治會教民讚法飲射考其德行而勸之糾其過悉而 知各鄉之事凡三長之能否皆甚之終則庀其職事愚矣地方用人之害約有三端有虎而冠者有狐而冠者有猴 冠者虎者其性暴悍而横恣狐者其性贪惏而欺罔猴者其性張皇反復而無常由前二者無非赋人由後一

茹經堂文集三編

學校論 地方風 之曰人惟能自治其心而後能自治其身惟能自治其身而後能自治其郷此之謂自治之本此之謂地方自治之本 於詩書之澤漸學於道義之途而後得成此品詣是故吾於將來之地方自治實有無窮之希望而又大聲疾呼以告 也蓋由其學行飨修品望素著而約之選即出於其中詩曰雖無老成人尚有典型易曰有学顧若下觀而: **旋館肅焉雍** 白治中復行斯 子而乃爲風 絕及大小戴記中往時陳左海先生常欲發憤行之而卒不果然猶存其名也今則幷其名而廢之矣是亟宜 處我惟以 氣不能丕變者未之有也雖然如上所稱君子而後民法之者豈易至哉蓋必深之以涵養充之以 班馬鄉之人莫不耳而目之日某君子也某君子也學校之子弟亦莫不稱而羨之日某君子也某? 氣所 君子自 禮定大賓一人介賓四人少或二人稽古經之制度參近代之人情每歲舉行一次禮樂明備揖 轷 |移同流 一待人即以君子待我未有終身爲君子而卒受小 合汚以爲小人乎今有率天下人爲君子之法莫若先復鄕飲酒之禮攷鄕飲 人之害者也且人不能 轉移 風 氣使人皆) 題歴 酒禮 化如是而

蓋聞古之學校教以禮義養其德行培之以盛德擴之以大業禮記學記篇日一年視離經辨志 復何言雖然學校者天下之命脈也則余又不忍不言 豈不深且 公亦嘗謂學校宜於通商口岸酌設數處內地不宜逼設余心稿非之而不敢耕迄於今其言竟驗矣二先生之學識 不忍言者囘憶二十年前 嗚呼个之學校尙何言哉 :先師沈子封先生有言樂數百萬之金錢賽數百萬之遊士令之學校是也又先師王文貞 孟子曰橫政之所出橫民之所止不忍居也往者余實爲提倡學校之人而時至今日則

(鄭注離經斷句也

而不 萬事理今之學校未有不正其本而能救之者也竊嘗謂欲救天下先救學校欲救學生先救人心是故吾於科學之 至為人利用日益長其慰陵不靖之氣嗚呼古之學校所以造人才令之學校所以害子弟豈不痛哉易緯曰正其本 宜重而專程度之宜高而深管理之宜簡而嚴皆一切不論獨探其本而言之 **乎師說不** 反謂之大成夫知類者蓋謂知萬事之類也通達者蓋謂通古今之變也强立而不反者蓋謂特立獨行不違反 別 曲徇乎風氣不茍同乎流俗也夫是之謂明體而達用夫是之謂自治而治人今也弁髦禮法滅棄紀綱 其 心 蒠 所 越向 也 三年 博習親師七年靚論學収友謂之小成 ル年 ·知類通 鍟 立 甚

信用亦且掃地無餘矣夫歐美數十年來以公司性質治其國而其有君也不如諸夏之亡中國數千年以來以道德 虞廷五品之教中庸五達道孟子五倫之訓朱子白應洞學規倡示大小各學校日夜宣講無良知明而本心不泯此 仁義治其國而 無別嫌疑不 也今也徇兼愛之說父子無親而家政日益乖矣惟天生民有欲無主乃亂君臣無義而拿卑上下之秩序亂矣男女 乃根本之最大者 悌之義蕭深痛乎戰國之世學校失修獎倫攸斁殺機盈溢於天下率獸食人人將相食故特發明人倫之說以敦之 日明人倫孟子論三代學校之制斷之日皆所以明人倫也人倫明於上小民親於下叉日護庠序之教申之以 避 藩滅倫常至於此極人且謂我爲無禮無義無教化之國而以劣種目吾民豈不尤可痛哉今亟宜以 血 |統飛爲迂說性命輕於鴻毛夫婦之道益苦而慘酷之事日有所聞矣長幼無序朋友無信| 而敬恭

十八篇而知唐虞以來治化之迹焉陳寶大訓 一日讀經濟十三經者我中國之資也五經者實中之精而尤精者也讀易而知陰陽消息進退存亡之幾焉讀 貴重 無踰於此矣讀詩而知列 國之風俗商周之所以與焉讀 丽 知

姑**經**堂文 寒三 扁

誦孝經四書爲畢業戶誦家絃恂恂規矩庶民興斯無邪慝此亦根本之最大 **覺不更悖且謬哉令亟宜令大小各學校分別讀經大學以能誦十三經爲畢業中學以能誦** 棄之豈不怪且異哉且考各國學校奉宗教者靡不誦望經今我有孔子之遺經而不知讀以致人格日卑品行日 要悉寓於是矣東海西海 二千三百之遺主德挺道德性問學之與焉讀春秋而知尊卑貴賤善善恶惡命德討罪之權焉蓋修 南 海北海此 心同此理同 凡有血 氣莫不尊親歐美之人皆知尊我國之經 者 五經爲畢業 与治 而 小 我乃 天下 學以 發而 塿

食息有樂以視我國民之人才品性爲何如哉今亟宜斟酌古今定爲禮制俾學生嫻習之古樂雖亡亦宜就 性情曷爲而囂張氣質曷爲而踏駮不習樂也蓋古之爲教所以範民志者要在於視聽言動之間今之爲教 則易促然則禮樂者非特治國之先河抑亦教育之良器也今之學生血氣曷爲而不平心知曷爲而不定不習禮 韶之文王世子之教春夏學干戈秋冬學羽籥是以子所稚言詩書執禮立於禮成於樂君子學道則愛人小 三日習禮樂考古學校之制眷秋教以禮樂冬夏教以詩書春誦夏弦太師韶之秋學禮執禮者韶之冬讀書典 淫 發民情者無 考者播爲笙歌遞相教導直而溫寬而樂剛而無虐簡而無敖庠序之士有不履中而蹈和者哉至於非體之禮及 **哇之樂則宜殿行屏絕焉** 非耳目玩好之欲如是而欲成就人材陶淑品性譬諸南轅北轍愈趨而愈遠矣夫歐美諸邦起居有禮 律品之 所以啓 人學道

所喻者習聞習見而已習者最可懼之端也古學校之教務在爲聖爲賢爲豪傑德行言語政事文學各就其性之所 近宋胡安定教士子猶以經義治事分科蓋惟其志趣有定是以所造益精令之學生問其志趣茫然不知所答其質 [定志趣孔子曰君子喻於義小人喻於利天下豈有生而爲君子者哉亦豈有生而爲小人者哉惟其所喩而已

語言必不能 導人鄙陋可笑尤甚往時有人建議謂秦陜爲自古建都地當以其地爲國語又有謂洛陽居天下之中當以其 論白話與文字必不能合而爲一試問所謂國語將以何者爲標準推而究之不過北京之土語而已乃稱之日官話 文惟賴游學生之精通崗文者獨行教授之也乃近時提倡白話文字號爲國語欲以替國文余實不解其何故姑不 志非他居仁由義富貴不能淫貧賤不能移威武不能屈爲天下第一等人而己 之言惟恐其不雅今人之言惟恐其不俗爲白話文字而民之鄙倍乃日共是戕賊本國之文化者白話 闽粤等省獨非中國語乎以歐洲一隅而論僅當中國數省之地然且英有英語法有法語德有德語義有義語然則 五日重國文令日學校誤程未有重於國文者普及教育賴乎國文輸入文明亦賴乎國文蓋窮鄉僻壤豈能盡通西 路四通方言即可了解豈必列入課程又豈可因語言而變文字且白話無課本一切淫邪小說猶是風行 無長幼無耸卑槪以爾我相偁庸鄙俚卑罔知遜順是破壞本國之秩序者自話文字也夫誠爲研究語言計 精神口舌於無用之地亦何其恐耶抑不獨恐爲已也付子曰出辭氣斯遠鄙倍矣春秋時子產有辭諸侯賴之古人 圆 盗風極熾又以此等掛提倡之而掠人叝貨之案抑復公然無所顧忌誨盗誨淫國民穩受其毒而不自知痛 語又有謂山東爲聖人之邦當以其地爲國語衆說紛紜莫衷一是不知土音各有習慣我蘇省獨非中國語 統一明矣夫以自古以來統一之文字而必欲割裂之自古以來必不能統一之語言而强欲統一之數 文字也而 須知 如山 乎即

也 苦其難不知天下本無難事惟於難中求之而成就者乃愈大若吾國固有之國學而獨苦其難則不讀書不求學可苦其難不知天下本無難事惟於難中求之而成就者乃愈大若吾國固有之國學而獨苦其難則不讀書不求學可 行禁絕案照鄙 在當事者不過厭故喜新不料其流弊乃至於此是敗壞吾民之心衡騷擾吾民 人所著人格戰明各書令各學校於讀經之外一律誦讀國文其不通國學者概不得畢業而或者畏 地方之風紀者白話文字也 是宜

之 以作僞又教人以無恆麥差眩惑無所適從何怪士氣之囂然不靖哉而受其實害者乃在優秀之青年鳴呼戒之戒 以上 私塾旣省經費兼宏造就 時俗之好相與俯仰而浮沈也世之人其有猛省者哉至於學制當師王文貞之**議通而口**岸建設大學內地應多**段** 非不得强以爲是也其是亦不得故以爲非也孔子所以爲罂之時者惟其先知先覺因其時而提倡之補救之非投 忽而四年畢業忽行所謂三三制者忽行所謂二四制者忽行所謂三四制者不務實事惟喜更張朝三暮四旣導人 者非指古今之異代而言乃指中外之異俗而言然則舊者而是不得强以爲非也其非亦不得故以爲是也新 亦治不用吾言則學校亡而國家亦亡决無依遠兩可之理且學問之道當論是非不當論新舊蓋今之所謂 一數端或以爲迂而無當或以爲舊而不時不知此乃鄙人數十年辛苦閱歷而得之者聽用吾言則學校: (說見地方自治論) 至於學章宜有一定不得隨時變更近時中小學校忽而三年畢業 冶 者而 新 而

不可得也孟子曰一日暴之十日寒之未有能生者也亦此意也今之家庭教育何如乎迫於衣食困於飢寒其所教 治之教育三者與學校皆有互相維繫之故醫諸入一案塵埃積寸許必一切整理之若僅拂一几拭其桌求其潔淨 然更有進焉者如上所講畫就學校以論學校耳尚有在學校之外亟宜注意者有家庭之教育有社會之教育有政

矣雖然吾立此論非爲學校寬也將以學校爲三者教育之基礎也蓋惟學校改良而後三者自能改良惟三者進化 之德風小人之德草我中國之教育向視上之人爲標準苟子之不欲雖實之不竊孔子對季康子之患盜未當不太 恤其下者以賭博爲生涯以冶遊爲放驥良善子弟經此洪鐘之陶鑄有不銷鑠者哉今之政治教育又何 天性旣漓雖有孔孟程朱亦不能改其心而易其骨令之社會教育又何如乎是非顯到見利卽趨禮義廉 而後學校益復進化本末始終相爲表裏然則居今日而言教育舍正人心其奚由哉其奚由哉 息而流涕矣凡人上達難而下達易學校教法縱極精良而學生被此三者空氣將如地心吸力不 無非 委瑣醒 齪之辭較之科舉時代卑鄙尤其數倍召誥有言若生子岡不在厥初生自貽哲命哲命者天 移時而下達 如乎君子 恥岡所願 性也 九淵

文化論 癸亥

士年以前譚新文化人無不訴訴焉仰慕而樂道之近年以來譚新文化聞之者疾首蹙額十居其七八甚者哂笑退 之文化在六府孔修庶土交正水火金木土穀惟修正德利用厚生惟和而聲教遠迄也文王之文化在明德慣 九族平章百姓協和萬邦黎民於變時雍舜之文化在納百揆賓四門亮采惠疇命秩宗典樂上下草木鳥獸咸若萬 而爲一孔子贄堯巍巍乎其有成功也煥乎其有文章可見有功業斯有文章二者實相表與是故堯之文化在親睦 之贄文HHH以文治是爲吾國文化之權奧竊當推原三代而上大抵文章與道德合而爲一文章道德與政治义合 史臣之贊堯曰文思安安贊舜曰濬哲文明曰誕敷文德贊禹曰文命敷於四海孔子之贊文王曰文明柔順曲臺記 久也曷足怪哉吾特發明中國文化之本原大聲疾呼爲天下告自來言中國之文化者奠盛於堯舜爲湯文武周公 避默然以去何心理之相違若是也蓋文化者有文而後有化今之新文化其文固安在乎夫焉得而有化其不能持

卷二

市歴堂と集二編

言所能 **德類** 合一之誼精深純粹然皆不得位於政治合一之皆不過徒託空言故其文化亦及於下而不及於上元明以後 徴 離而時合焉而 不忍人之政何一非文化之燦著者乎秦漢文章俱無功德可紀魏晉六朝其政治卑汚窳敗其文章亦無足稱 其文化僅行於社會之間由是文章道德與政治遂判而爲二而天下亂矣降而至於孟子亦然然其所言學校井 **登後覺仰而思之夜以繼日其載於詩書禮樂者文化咸可覩矣雖然由周公而上上而爲君故其功績** 櫟卦傳終之以夬曰君子道長小人道消也蓋文化與由於君子進文化衰由於小人庸聖人之情見乎辭而 **唐契百工以义英品以祭蓋取諸夬夬揚於王庭言王者宣教布化於朝廷君子所以施祿及下居德則忌也孔** 傳曰觀乎天文以祭時變觀乎人文以化成天下是爲文化最精之埋厥後黃帝之史倉頡知分理之可相別異 唐代貞観之治庶幾乎文章政治合而爲一矣其後則時離而時合焉降及宋代周程張朱諸大儒出發明文章 下下而爲臣故其學識長降及孔子有德無位删詩書定禮樂贊周易修春秋見龍在田天下文明然而 本之春秋以求其断本之易以求其 宏謨 理 教也 從可知矣禮 萬物之情蓋庖機 緣飾哉雖然此 止 一族儉 離 敬 ΉŁ 止 敬 記曰入其國其教可知也其爲人也溫柔敦厚詩教 時常多故治日常少此中國數千年來文化之大較也然則文學之關係於政治豈不重哉 孝 禮 之作卦兼天文地文人文以爲象者也通天地人爲文故通天地人然後可以爲政故資之象 **猶言其跡也試更言其理昔者庖犧氏之畫八卦也仰以觀於天文脩以察於地理通** 敎 北 慈 也 國辭 止信 用 比事春秋教也唐柳子厚日本之香以求其質本之詩以求其恆本之禮以 能 動蓋惟深於文化者爲能得古聖賢命脈之所在以措之於政治而其中則尤 隆造 直憂也 推 而 言之伊 尹以 文教 也疏通知遠書教 與殷 周 公以 文教 也廣博易良樂教也絜淨精 與周 先 知 道德雖 盛由周 後 政治 《亦豈虚 神明之 知 降 初造 則 岌

椰而 文而後有理有文理而後能密察有文理密察而後能有別國家政治所以有條而不紊者惟在於文理而已矣令也 **至理存焉蓋分者文型也論** 是之悖哉其文化亦觉若是之妄且誣哉吾故特發明文化政治合一之旨大聲疾呼爲天下告 賢而徒空言獨物愛人則是貉也桀也貉固膜隔而不仁桀則暴戾恣睢而無不噦嗚呼貉也桀也西國之政治豈若 之仁不徧愛人急親賢也又曰欲輕之於堯舜之道者大貉小貉也欲承之於堯舜之道者大桀小桀也夫堯舜之急 識庶幾文化漸濱於人心國家可得而理歟且夫共和之治宜莫如堯舜孟子曰堯舜之智而不獨物急先務也堯舜 之文化而我乃謂中國之政治不如各國欲併其文化而掃除之庸詎知中國之文化將轉行於各國而中國之政治 東西洋各國哲學諸書有能如我國十三經之廣大精徵者乎曰無有也今試問東西洋各國歷史諸書有能 無理而欲言文因無文而併欲廢理嗚呼無文無理之徒而可以治天下乎何怪風俗人心如江河之日下乎今試 先務而親賢者天工人其代之是以文化昭明於萬世令也變天之道亂人之紀不明本末輕重之數不知急先務親 乃日亂而 一十四史之始終條理者乎曰無有也然則各國之文化有能如我中國者乎夫各國之文化不如中國 **徧設之本諸十三經以正其心本諸二十史以考其事本諸漢唐以來文集奏疏函牘言論以廣其見聞** 即於亡悲夫悲夫夫振興文化之道奈何宜取所定國學專修學校學規佈諸各省而 語日博學於 文約之以禮禮 也者理之不可易者也 中庸日文理密察足以有別 仿行之頒諸 各國 養其知 方拿 各邑各 如 也 我 耋

生私 選舉一日不定吾國 市整定之長三届 財 贿買 人情 請 託 題商 日不治何者處沿選舉之制而不知選舉之本意也不知選舉之本意於是舗張揚属弊 ,巨質好猾鄙夫執袴子弟輪運而輻集一不當意則抵足醫闆鄉被 卷二 揮 华流

M

起訴

選舉論

千百人何怪其濫而雜雜而陵競宜定額鄉議員多則十人八人少則六人省議員多則四十人少則三十人國 閱歷世變有肆應之才叉次之投票者亦宜有此四等非是不得與四日定文字之考覈議會旣開鄕老省老國 者矣有以功業競爭者矣未聞以金錢 日不定則吾國一日不治君子於是瞿然憬然而急思所以務其 **吾向者已言之矣雖然法末也** 無是制也夫我國可盡行西國之制乎西國之制可盡行於我國乎不問病之熱涼體之强弱而誤鈔方劑必至殺人 時考其稱 員以百人為率投票者以五倍其數為率窜缺 而 君子惟有拱手 治聖人者出當有以正之其道奈何 國之賢士共之者也舉者衆人所推 職 與否其貪劣不法者黜之分別科以 退避是選舉 者直爲下 心本也人心不正則金錢之運動 運動 流 之所 舉者也分其途而黨派息黨派息而君子進二日嚴其額 日審選與舉之別古者選舉之法掌 者也以金錢運動 勿濫三日嚴其格孝悌賢良爲一等明經博學次之洞達事務又次之 騑 (罪原舉 天 下 鳥 人亦坐以罪如是則朝野清明紀綱畢舉矣而 得 而 者必非良士且無恥之行流傳 治 吾聞 本 如 枚 也人情之請託 各國 選舉有以道德信 於大司徒大司馬 如故也選 仰 而 無所底 舉必不能定選 盖 者矣有以學識 毎一 選者上之人與 選舉 或者日西 止天下 舉 恖 老 槱 輒 題

財政論 炎亥

大學言以財發身生財有大道 m 生財 搜括搜括之不能! **就也自殺也殺百姓之子孫與已之子孫也如是而可以持久乎夫明知其不能持久而猶爲之者急思** 理財之樞要也民心不 而惟 務押借押借之不能乃椎髓掘地害及百姓之子孫轉刃受報併害及已之子孫是非理 | 繼之日以義爲利易傳言聚人曰財理財正辭繼之曰禁民爲非日義蓋義者和之原 和何以生財不 邟 生財更何以理 財今也理 財之不 舵 而 惟 務生財 生財之不 m 財 惟

如泥

沙外愈

在得

官

布示

於衆

出

兵政論 人絕之者不信也信用爲立國之大原而其本自預算始預算一定出入之間生死以之昔當謂蘇子瞻一名士耳然 變令之俗雖有金山銅穴不崇朝而罄矣悲夫悲夫昔唐劉晏財政家也常使士人掌理財之事吾謂今者必使君子 考其用財每日儲百錢所用者不過其數夫曠達者如是謹慎者當何如哉治一身一家如是治一國與天下者當何 係曰忠曰信節儉者忠之基也預算者信之實也孔子言民無信不立信則民任焉穀梁傳曰不若於言者人絕之也 足蓋聖賢所謂富足者背從節儉中來未 當國然後能以財發身然後能禁民爲非何也君子喻於義也然則行政者不必與之言理財當先與之言辨義 如哉近世廉潔 掃 地罔知此義朝佞一款暮蝕一款今日設一名目明日置一 有節 **儉而不能富足者也亦未** 有 茅 節儉 機關虎視狼貪無以踰茲由今之道無 而 能 富 足者 屯 瓦 凡 人 生

中國不可無兵無兵而暴客集無兵而盜賊興無兵而匪氛熾方當練習兵事研究兵學曷爲避之忌之哉聞 之論乎余日非也吾所謂兵乃國家必不可少之兵非如今之兵也蓋兵者所以衞民者也聞者日噫嘻子獨不知民 兵豬火也弗戢將自焚也是禍之基也善戰者服上刑子已痛切論之矣(見文集及孟子大義)今爲此言得無違心 今之言兵者莫不誤虎色變戰戰兢兢惕惕息息如大難之將至奔走呼號逃避之不暇矣余日何爲其然也要知? 者瞿然曰其道柰何余曰必行一通國皆兵之制而後可國中應設常備兵學有學團農有農團工有工團商有商 以兵養兵出死力以保民兵與民連絡一氣烽燧有事壺槳簞食無鷄犬之驚而後地方可以乂安國 不仁之論與余日非也吾正所以箴膏盲而起廢疾也民與兵相隔則宜使之通民與兵相怨則宜使之和民出資財 與兵之大勢與其感情乎民畏兵如虎狼兵視民如俎肉倏一暴動焚掠慘殺所在皆是而子猶望其衞民寧非阿比 家可以 者 奠定 聞

後豈有 暇日修其孝悌忠信入以事其父兄出以事其長上可使制梃以撻秦楚之堅甲利兵矣蓋皆指武 日 其民以强其國奚交鬨之足憂聞者又愀然曰茲者黨派紛歧蜩螗羹沸當事者或爭意氣或爭權位關機 以半日讀書半日給圖操演或以半日讀書半日肄習科學及外國語言爲主沐浴詩書涵瀟禮義軍人之格日高此 備學校教養軍人之子弟而人亦莫省吾言也於是天下之禍日深一日今當速採吾學校之議行 年以前吾當建議急宜整理上書房八旗官學教養貴胄之子弟而人莫省吾言也十餘年前吾又建議急宜整理武 弟乎兵之中獨無聰明奇傑之士乎惟發之於武備學校之中則成德宏而收效捷魯頌日嬌嬌虎臣在泮獻 德之兵與道德之民乎是大亂之道也余日是所謂知其一不知其二者也夫兵獨非吾國之民乎獨非吾國民之子 刦 者哉聞者感然日吾園禍萌方盛若人人有軍械則兵與兵鬥兵與兵鬥民與民亦鬥曷可行哉且天下焉能盡得道 是皆預備兵也常備兵國家費賽之預備兵地方費養之(說詳地方自治論)人人有軍 兵事之知識 每 有其 114 人操 運 征執有罪反釋奠於學以訊馘告此古武備學校之制也孔子曰善人教民七年亦可以卽戎矣孟子曰壯者以 投害問 法且不必籍費特患不得其人耳往者曾文正以聖賢豪傑之略知人之所不知能人之所不 知 出 所終 快鎗三五成瑟接踵刦掠而無忌邇來貧民益夥潛伏散布草竊越人逼地 缺不 與軍人之資格則民與兵習有相敬相愛之誠共同休戚之誼譬諸頭目手足互相捍衞豈有畏而忌之 補而 裁兵之舉刻不容緩而子猶高談武備可謂拂民意之甚矣余日否不然余 、閻之事哉至於爲恩工園商園應悉按地方自治法行之聲息相通守望相助數年之後蔚成勁族 已若如近日之裁兵不穩生計不收軍械塗飾耳目以爲名高由是爲 荆 械 棘 人人皆爲兵其淺者亦 固極主裁兵者也 是不 匪爲盗而 **香縱百萬** 於武備學校之中 備學校而 終 能 而 伏於眉 虎狼 仍 共 **一般王制** 惟裁 招 裁 兵 兵

1

使主軍 聞者默然而 倘武備學校果能整頓十年而後或有如華盛頓者出於其中經文緯武一以貫之則吾輩無窮之希望其在於斯 風氣至今沿其和平如林 名為裁兵而日日招兵者哉至於軍閥之橫固當嚴制惟當嚴申定章不預民政蓋使主軍者而賢也可實之以坐鎮 於純正吾常默鑄中國大局撥亂反正扶危定傾决非拘文牽義者所能勝任瓊顧宙合惟冀有聖賢豪傑宏 法之拿破命 省揆兵七八千人小省五六千人或三四千人彼此有警得以徵調但使得其人而行之兼有預備爲之限制又豈有 則以補巡 一噬人吾民剝牌之痛慘酷 者而不賢也不獨爲天道所不容亦且爲衆人所共棄如前某督某督可爲前車之鑒矣然獨有本中之本焉 衆所 退余迺連牘書之蓋待天下後世有能知我言者也 一簪四則以開墾作工行之一年十成可減其二又一年十成復減其二是以去其四矣然後盤而 共仰也而歐洲之風氣至今沿其暴戾如德之威廉第三是也美之華盛頓衆所共仰也而 肯羅斯萬今之哈定是也君子之澤五世而斬開風氣者必待非常之人而其道 殆不忍言是尙可施之裁兵乎吾當謂裁兵之法有四 則 查 一支空額 剴 德必常歸 出 海時艱 美洲之 定之大 缺

誠是矣然有其表焉設使以 傷人者何哉 在吾將先 子思子曰仁者天下之表也其所作表記蓋無非天下之表予嘗欲取世之事續爲表記特先於本論之中言之表何 稷爲良官其他典禮典樂水火工虞靡不永守其職而無變更無他用其專長故也然而禹之言曰安汝止惟幾 破天下之迷惑夫精 蓋天下貴有 領 袖 衝鋒陷陣之戰將而令為陸軍長以會計出納之鉅商而令為商政長操 之才 於農者爲農長精於工者爲工長精於商者爲商長精於教育計 若輩者無其表故也吾當謂用 人之法莫善於唐虞禹爲司空契爲司 學者爲教 (刀使割) 徒皋 長財長: 「販至於

表論

卷二

歸於 未之有也所好所藏者表也中庸言文武之政曰爲政在人取人以身修身以道修道以仁仁者人也天下之表也道 書曰惟則定國毀 參以任用迨學校成績旣著則背取材其中於是有不風行而草偃者吾不信也書曰天乃錫禹洪範九疇範者表也 學道愛人之訓浸滿 爲之根柢旁及歷史地理經濟時務等類嚴其課程加以甄別部長省長以時旁聽焉薫陶涵育之不及格者斥之傳 亦若是焉而已今宜於各揶各省設仕優學校凡候補之參事僉事主事以及道尹縣知事等分別都萃其中以 與二三子者是丘也夫天之教化如是地之教化如是聖人之教化如是蓋皆寓於無形之中者表是也更治 **縣驥去民乃大受其苦矣由是游官之多甚於游民一任進而一任退遊官之苦亦更甚於遊民冰山旣倒奔走無門** 治今之更治窳敗甚矣徵辟不行變而爲推舉推舉冗積變而爲任用任用者無非私人爪牙布而腹心傷害馬多而 不如镨殺之得民也善政可以定一時善教可以淑數世行其教者治不行其教者亂而其大樞紐尤在於各省之應知此義朝用一人暮易一人絕不問其品行心術之若何其表果安在哉夫世界一教育場也國家一大學校也善政 行焉百物生焉禮記之言教化日地載神氣神氣風霆風霆流行馬物露生無非教也孔子之言教化日吾無行而不 者有之窮餓流離不得歸其郷土者有之是愛之者適以害之也嗚呼彼獨非人哉論語之言教化曰天何言哉四 何也 至誠能誠則雖 義朝用一人暮易一人絕不問其品行心術之若 陶之言曰慎厥 君臣也父子 則 也夫婦 愚而 於人人之心則表正影端之效自然推覽於無窮矣至於用人宜兼採徵辟考試之法不得已而 爲 身 賊則 修思永其 必明難柔而必强不能誠則雖明而必愚雖强而必柔也是故吾處於至安之境而處 者表也大學言治平之義曰其所令反其所好而民不從所藏乎身不恕而能 也昆弟也朋友之交也五者天下之達道也失其一焉則身不能 他益稷陳謨亦皆能 匡 Œ 君德何者彼其道德行 誼蓋有 出於專長之外者後 修道不能立矣而其 、喩諸人 之教化 經學 時

天下之本在國國之本在家家之本在身夫是之謂政本然心也者又身之表也夫是之謂治天下之本是以孟子見 利見大人君德也蓋惟社會有師表而後天下有君表無師表者不能治學校無君表者不能治國家其揆一也故日 表而後其人乃可以任天下之事非然者危道也重者自戕也輕者亦自取辱也書曰作之君作之師男曰見觸在田 人失其表者也然則後世之觀政者當先觀其表之何如而其執政者亦必自問其表之何如必其德可以爲天下之 表也吾當橫寬五大洲縱觀二十四史凡其存焉與焉盛焉者皆上之人得其表者也凡其亡焉廢焉衰焉者皆上之 誠待人而至誠之響應桴鼓速於置郵而傳命得其表也我以欺詐待人而欺詐之釣心鬥角傳於累代而不絕失其 齊王曰我先攻其邪 **闲則失其表也吾所爲者不能孝不能弟不能仁不能義而求人之孝弟仁義則失其表也是皆致亂之道也我以至** 至危則失其表也吾處於至條至甘之境而 處人以至勞至苦則失其表也吾處於至秦至舒之境而處人以至實至

之有君表而不知凡爲上者皆有君表蓋人之羣必有長有長卽爲表一人居於上而在下者性情心術無不似之 甚至言語笑貌無不似之出於無形之規摩也然則天下之表可不愼之又愼哉吾故以是說移於簫爲文治記 人但知學校之有師表而不知國家之有君表人但知學校之長爲師表而不知凡爲師者宵有師表人卽知國家

思易易解序 戊辰

詩經倫理學序 己己龄經大義自序 己己尚書大義自序 戊辰

詩經政治學序 己己詩經性情學序 己己

詩經社會學序己已

詩經軍事學序 己己詩經慶事學序 己己

詩經義理學序 己

禮記大義自序 炎西詩經修辭學序 己己

朱柏廬先生學用講義序丁卯

市堅定と集三島

目銷

儒行篇大義 辛未中庸篇大義下 辛未

禮記擷要序 庚午蘇州 國學會演講錄 癸酉

寶左研究法 丁卯

٠

.

太

倉唐文

治蔚芝著

經說類

周易易解序 戊辰

後治漢易研究惠氏諸家書釐承師法厥後讀亭林集謂讀易書二百餘種無有過于程傳者爰治程傳輔以本義玩 流虞荀鄭絕學大昌於世周易折中實成于李文貞聞顯義例致廣大盡精微羽翼聖經網羅宋學靡餘蘊矣余弱冠 子出演先後天之說因元會運世之推移抉數學闡與得聖學之偏其蔽也失之認近代惠張焦姚諸家溯漢學之源 窮理嶽性探幽發微得聖學之眞其蔽也失之虛數學傳自易林巫覡者流假于鬼神時日造言託事識者鄙之自邵 歸于旣濟定得聖學之正其蔽也失之鑿王輔嗣說理以爻象爲筌蹄程子易傳出埽千載之晦蒙朱子項平父繼之 尙其變于是有象學以卜筮者尙其占于是有數學象學支派爲卦氣消息升降爻辰傳自孟喜分爲虞荀鄭三家統 自商瞿受經宣聖以來支餘流裔累軌連踵而攝其大凡不過象數理三者而已以言者尚其辭于是有理學以動者 常州沈竹丽先生行詣堅卓余旣爲之傳載入集中戊辰歲其令嗣瓞民君介余甥俞鳳竇乞爲先生所著周易易解 辭及通志堂諸家書心更好之擬兼采漢宋學說爲周易大義人事倉卒中經憂患未遑成也茲讀竹礽先生周易易 序言旋跶民又踵門來請余易學淺陋詎能闚見高深顧感踐民慇懃意誼不獲辭竊維易之爲書冒天地古今之道

と口をじからしいがこことの

以秋灌 其于殷之末世周之盛德蓋已昭然而小畜之婦貞厲君子征凶蓋卽后妃卷耳憂傷之志與明夷之君子于行主人 凡此皆有合于干氏家法宋楊氏易傳明來氏集註亦多此類皆足以垂鑒萬世者也余嘗謂比之後夫小畜之西郊 身之貞無非冀君心之一悟釋家人利女貞謂家庭不齊皆由女禍而起文王家齊周賴以興紂之罪在惟婦言是聽 不咥人以紂為虎人為文王自謂魔道坦坦幽人貞吉謂指伯夷而言釋明夷利艱貞謂文王在羑里時處境之險守 盛德大業與民同患道在中正而已矣先生之說易豈非有契于聖人之心哉知此義而中行獨復各正 在中正而已矣聖人所以著乾之策二百一十有六坤之策百四十有四能說諸心能研諸慮定愛惡別情僞辨 智以藏往至矣哉人生自少至壯自壯至老無日不在六十四卦三百八十四爻之中其所以出凶悔吝而入吉者道 厲熏心則又以三四爻爲心易道變動而不居也孔子言復其見天地之心又言聖人以此洗心退藏于密神以知來 心學也文王於坎言維心亨指坎二五兩爻也周公于艮言我心不快指艮二爻也于明夷言獲明夷之心於艮又言 余維易理五為天道二爲人道天人之心一歸于中正則天下治平矣此非先生救世之苦心與竊引而申之易學者 釋乾卦二爻曰九二變離離中虛虛即心也易不言心二五二爻皆心象也離之心虛坎之心實中正二字指 解十 已釋睽見惡人謂紂性乖故以惡人目之遇主于巷謂指妲己入宮之初睽孤見豕載鬼謂指紂之所爲天怒人怨 **(衰根於陰陽消息小** 感而逢通開物 卷兼象理 而自拔而枝離慙叛游屈之辭生心害事害政之論無所容于天壤之間先生之功不其偉與且夫國家治 「數三者之長而不墮于鑿虛誣三者之弊易知易能獨標 :成務天下憧憧往來之思機械相攻之習舉可以息而凡納于罟獲陷阱中者苟外內 大往 來而其顯焉者則爲君子小人之進退履霜堅冰非一朝夕之故也先生釋腹卦履 新 諦可謂易學家難得之歡矣其 性命寂 知懼 (尤精 心言也 亦 虎尾 將 然 利 者 如

甘苦得失亦正有同心者先生別有周易示兒錄三編皆簡明易曉韓子有言後欲求之此其獨吾知易學將大明于 後驥當以先生之易解爲先河也 傳九德三陳謂讀易注千七百餘種惟侯氏果胡氏安世桑氏調元三家說略有可采然亦未靈得宣聖精蘿以俟後 之君子審察乎此余當作易微言於此九卦反復推求亦未得奧旨徒神遊于韋編三絕如聞歎息之聲而已讀易之 旨不謀而合噫一家一國亦要存亡吉凶居可知矣天道恢恢因武以濟民隱以明失得之報覺不大哉至其說繫辭 有言義可互證又蟲卦之先甲後甲隱括帝出乎震之義初爻幹父之蠱指武王上爻不事王侯目伯夷亦與 先

尚書大義自叙 戊辰

珠 此可謂善寶櫃矣未可謂善醫珠也夫自來說經諸家其買櫝而遠珠者何可勝數無他處於其欖之美也吾之爲尙 嗚呼讀書之道不養難哉韓非子外儲設日楚人有賣其珠于鄭者爲木蘭之櫃騫桂椒之檳鄭人買其橑而遠其珠 ·與横而兼實之乎 大義其外篇檢也然未必美也內篇珠也亦未敢自以爲美也後世之儒讀吾書者其買我檢乎抑買我珠乎抑併

妄人不足道晉王肅皇甫謐梅賾之徒據入逸書巧造古文爲傳唐初作爲正義列於學官傳諸千數百年綴學之士 歐陽子曰六經焚於秦而復出於漢其師傳之道中絕簡編脫亂誤關學者莫得其本與而尚書之厄爲最甚一 以為帝王資典大訓咸在於是人心道心精一之傳亦在於是莠亂苗鄉亂雅雰圍而莫能辨此其等於買椅還珠者 厄之不已至於三四三厄四厄之不已而至於七於是文字有古今經傳有眞僞篇次有多寡有分合有先後漢張葯 厄再

コランケンアがにコーラ

也

已足此其等於買椅遠珠 子之言曰上規姚 等更從而 者噩噩者瀕瀕者詰屈而發牙者其蘉然而莫辨者猶若也夫知人論世豈第齗斷焉攷據訓故云爾哉如是而自 朱子出 然黑白分矣雖然古之善讀書者蓋別有精神在焉漢楊雄之言曰虞夏書渾渾爾商書鹽鹽爾周書灝 論之雖以毛奇齡之力攻朱子袒偽書作寃詞然終不能滅人心是非之公由是向之墮雲霧中者今則昭 一始從而 與渾渾無涯周誥殷盤詰屈聱牙近吳氏汝綸曰吾惜近儒考辨僞篇論稍稍定矣至問 **駐之叉從而詳辨之厥** 者二也 後 儒者若吳氏 澄梅 氏鷺閻氏若璩段氏玉 裁 江氏聲王 正氏鳴 盛 過過時 所 f£ 氏 準 星 準

甫刑 詡 之時也書傳載孔子曰堯典可以觀美禹貢可以觀事咎繇可以觀治鴻範可以觀 來茲乃或者習焉不察徒質析其義法之精嚴文辭之奇奧此其等於買櫝還珠者三也 教不易其俗齊政不易其宜歷代興革治亂之大原莫不燦然具備於書或見而知或聞而 由 禮記禮運篇載孔子曰大道之行也與三代之英丘未之逮也而有志焉大道之行言五帝之世也三代之英謂三王 語骨保惠骨教誨 繼 可以觀 而 衰 人 試通斯七觀費之大義舉矣善哉此可以觀聖人之志也蓋自開闢以來由帝而王由王而 君之兢兢業業惟休惟恤人臣之嚴恭寅畏守經達權周公思兼三王以施四事仰而思之夜以機日胥 與夫尙忠尙質尙文之遞變五行五事五紀之推移都邑之遷徙則禮樂之休明刑罰之輕重 度六誓可以觀義五 知舉 可以韶: 一語可以 霸由 告萬世矜 禪 觀仁 丽 修 盎

廢亦數千年矣而子亟亟焉修明之宜乎爲世所屛棄矣應之曰此不通之論也夫立法以垂後者千古之常經 說者曰造化之理終則有始黎民之運物故者新尚斟掇拾於煨爐之餘所傳者其人與骨朽已久矣其所言之典章 制 宜者天下之通義禮記禮器篇曰禮時爲大順次之體次之宜次之學變稷契伊周散望所以經營擘實 一時措成 因

乎變乎幾乎微乎學者牽於所聞迺舉而笑之不敢道嗚呼此吾所以爲書悲而不僅爲書悲者也 **神苟得其為而善用之則前代之典章舉足爲吾之新法不得其意而妄用之雖世界極新之法適足以爲吾之害神** 者考其書而知其言考其言而知其意聖賢之學曷當迂闊 而 無用 哉化而裁之存乎變利用 出入民战用之謂之

쥧人心世道之實者則不能不與天爭而書庶幾乎不廢 者其罪隱而難知是惟天道不能無殺人心不能無亂故聖經不能無廢豈非天實爲之哉人固不能與天爭而吾輩 是秦政以前廢書者固己多矣迄乎秦政以後漢儒補葺修明聖道宜大興於世矣然而析言破律亂名改作之徒累 亂者勢也著作之家好興而惡廢而不能無廢者天也亦人也孟子答北宮錡之問日諸侯惡其害己也而皆去其籍 軌連踵飾僞萌生至於不可究詰蓋秦代之焚害也焚於有形後代之焚書也焚於無形有形者其罪顯而易見無形 惜哉嗚呼王氏之言其知天人消息之微者乎蓋天道好生而惡殺而不能無殺者時也人心好治而惡亂 者止伏生書也且如老子莊子列子墨子韓子荀子旣不立學官又無師授何以得傳於後而書之朽折散 而已伏生年方少不應所得二十九篇之外絕無所記憶而是時故學士必猶有在者豈無所流傳而何以敎齊魯間 下又七年高帝崩惠帝四年除挾書律自焚書至漢定天下相距僅十二年卽以惠帝除挾書律計之亦僅二十三年 失焚密之禍論者歸罪於秦政李斯固已吾考王白田先生之言日秦始皇三十四年焚書七年而秦亡漢五年定天 而 絕乃如此 不能

打型をとを三届

卷二

怒哀樂之未發召誥所謂節性惟日其邁也和者發而皆中節康誥所謂惟民其勑懋和也絜矩者立好惡之準洪範

所謂皇建其有極也太和之氣翔治實區黎民於變者此道也萬邦作义者此道也禹甸九州東漸於海西被於流沙

先師沈子培先生曰今日治天下之道不外大學絜矩中庸致中和而已善哉言乎其得尚書之精誼者乎蓋中者喜

Ξ

烈者觉特島夷卉服析支渠搜而已凡大禹普游之裸國穆王曾幸之崑崙舉將弼教明倫以歸洪範大同之治海隅 不明故也顧諟天命無往不復吾國學子固當貧笈贏臊梯山航海攷求各國政治之情狀而本國寶書轉湮沒而 必有大亂生民經患難以死者或數十萬或數百萬此景乾坤之運不造使然哉道德仁義之說不 理同 出入罔不 彰 朔南 鶭異日書學大明疏通知遠海外殊俗重譯款塞請來肄業以求吾堯舜禹湯文武伊周之道則夫明耿光而揚大 也西海 率俾然後知作僞亂經之徒必不容於光天之下而民生治亂所以水火而龍蛇者可以永消劫運於無窮 有聖人出焉此心同此理同也吾當縱橫億萬里上下數千年無論中東西諸國每歷數 以爲極遠矣庸詎知瀛海之外人民鳥獸莫能通者至今日而 不 距股 行 乎 東 海 有聖 行而 人 出焉 十年或百餘年 尚書之精誼 同 不 此

詩經大義自序 己己

也已

引詩邦畿千里縣蠻黃鳥何其況譬之平易也知家法者厥惟子思子中庸引詩肅飛魚躍日言其上下察引詩衣錦 孔子曰爲此詩者其知道乎兩言爲此詩者之知道則知前代爲詩之人與後世說詩之人其不知道者亦衆矣詩可 以拘墟穿鑿乎哉易傳曰引而伸之觸類而長之又曰惟變所適說易如此說詩何獨不然論語引詩不忮不求以次 可與言詩則知當時士夫不可與言詩者衆矣孟子引詩迨天之未陰雨孔子曰爲此詩者其知道乎引詩天生蒸民 子貢因論貧富而悟詩子日賜也始可與言詩已矣子夏因論詩而悟禮子日起予者商也始可與言詩已矣兩言始 或問日近代說詩家夥矣子治詩以何家爲宗答日吾治經知孔門家法而已近代諸家僅供參考: · 恥縕袍之下引詩深則厲淺則揭以續有心擊磬之詞何其陳義之微遠也知家法者厥惟曾子其釋大學 非所宗也觀 止 嚭

支流而 然者因吾之類而泥焉或廢全經而不讀則貽誤後學之人矣 根于詩無邪之旨而深入于倫理性情之精徵者也孔子之告子路曰知之爲知之不知爲不知分類之學也 者也曰性情學可以興可以怨者也曰政治學可以觀者也曰社會學可以羣者也曰農事學曰軍事 遵守者孔子之家法也孔子之教學詩曰興觀羣怨事父事君多識而已竊爲之比其類焉曰倫理學所以 或問日古詩三千篇孔子删之爲三百十一 知類 亦可以觀者也循是六者天下國家盛衰興亡治亂之迹戲可知矣日詞藻學則多識之緒餘 呵 禮記學記篇言大學之敎貴乎知類通達惟知類然後能通達孔子歎誦詩者之不達謂其不知類也 篇亦云嚴矣茲復從而整理之何也答曰整理之云則吾豈敢 也日義 學則 政 雖 孟子斥 4 學則 沿學之 父事 然吾所

宙合之間記曰大樂與天 成問日家 而 後 能 法分 卷 惟 類 中 而 ĽE 後 得 能 而 地同和夫天地之氣中 Щ 和 也 之矣敢問 以即注忠言 中 詩之爲道本原安在答曰大哉問乎夫詩也者本乎至性發爲聲音 庸日 致 和 中 而已矣周官大司徒教六德日智仁聖義 和 天 地 位焉萬物育焉惟立天下之大本而 忠和惟智而 後能行天下 後 m - 之達道 能 流 行於 仁惟

双上が正くまだ二二回回

感者其聲粗以厲勞人思婦窮獨孤寡怨咨愁嘆之聲遍于閭閻變風變雅君子不忍卒讀焉孟子曰王者之迹熄而 禮教以女爲美哉始基之矣小雅首鹿鳴之三大雅首文王之三淵淵乎熙熙乎凡工師肄業所及皆足感一世之人 而大穆穆文王純亦不已濟濟多士秉文之德其爲頌也音清而明二南爲夫婦綱紀萬福之原故夫子于伯魚行婚 也夫聖人所以感人心者岂有他哉聲音而已矣昔在成湯聖敬日躋赫聲濯筵專惟阿衡左右商王其爲頌也音廣 心矣厲幽 詩經倫理學序 詩默察于商周以來二千餘年世運升降之原不禁感慨係之我亦欲正人心距皺行不擔僭妄私此于子輿氏矣 之公不明于天下此其所以爲亡耳六朝五季以滾滿目干戈殺機盈齒民令方殆視天夢夢禮壞樂崩而工歌之制 詩亡詩亡然後春秋作夫詩固未當亡也彼五言七言之體何當一日熄哉惟夫太師陳詩之職廢而 非特不可 喜怒哀樂之徵充之卽貞淫正變之故易傳曰聖人感人心而天下和平觀其所感而天地萬物之情可見詩之謂 而 降王澤旣蜗頌聲遂寖匪風思王下泉思覇顧瞻周道民不聊生於是其哀心感者其聲噍以殺其怒心 m 閊 :抑且不可,得而攷矣惜哉痛哉記曰凡音之起由人心生也又曰審音以知樂審樂以知政竊觀 人心好惡是非

記學記篇大成之學貴乎知類通達孟子言放其良心者謂之不知類先儒言聲音之道與天地通蓋 喜怒哀樂之節而喜怒哀樂人性殊焉地質異焉善觀人倫者移風易俗達于類而已矣易序卦傳曰有天地然後有 無序而不和故曰天叙曰天秩皆出于五典五典即五倫也葬倫攸斁而辦事有秩序者吾未之聞也且倫者類也禮 .國之倫理學實吾衂所謂道德學而吾國之倫理學則五倫之秩序道德所由昉也蓋倫者序也 有萬物然後有男女有男女然後有夫婦有夫婦然後有父子有父子然後有君臣有君臣然後有上下有上下 無 人倫 聲音者所以宜 則天下

可解者也無情則無性無性情則不可以爲人孔子論詩日輿觀羣怨日溫柔敦厚皆性情爲之也左傳吳季札 有天地以來人與人相交際舍性情其奚由聯屬哉性者人所以生之理也情者性之用狀東方之色悱恻纏綿 之詩日小弁之怨親親也親親仁也親之過大而不怨是愈疏也親之過小而怨是不可確也亦性情爲之也可爲子 睇嘆之不足以不知手之舞之足之蹈之也皆性情爲之也孟子論北山之詩日勞於王事而不得養父母也論小弁 **長之曾日夫天者人之始也父母者人之本也人窮則反本故勞苦倦極未當不呼天也疾痛慘怛未咎不呼父母也** (頌日五聲和入 風平節有度守有序盛德之所同也禮記師乙論樂日言之不足故長言之長言之不足故嗟嘆之 而 不

詩經性情學序 己

于所養故曰養其性又曰養其心是故詩者性情之所發卽所以養性情之具也孟子論四端曰惻隱羞惡辭讓是非 往情深而不可止是爲好仁不好學其蔽也恐故孔子日詩之失愚也然而中和之道曲能有成伊古以來固有好仁 國風好色而不淫小雅 矣乎昔者周家盛造公旦多材剬詩輯頌斧藻羣言後之人讀鴟鴞東山常棣之詩往往爲之掩卷徬徨流涕太息不 四者皆情也學者讀詩苟能得溫柔敦厚之旨長言永嘆涵養其不忍之心則夫宇宙間穿霰害人之事或 爲剛爲柔爲過爲不及背可以是衷之者也三百篇而外離騷之所傳蕭樓之所選唐宋元明人所作亦皆可以是裁 能己已奮乎百世之上百世之下莫不興起也豈非性情之相感而然哉唐李漢有言周情孔思然則千古文章之情 之者也嗚呼性情之爲用豈不廣大而精微哉述詩經性情學 固未有深如周公者也下此而變風變雅爲民勞爲板蕩爲小宛亦皆得周公之情者也由是推之性情所發無論其 不害其爲愚且有因愚而愈顯其天眞者忠孝節烈是也而聖人必歸之於中庸故曰發乎情止乎禮: 怨誹而不 亂其能不淫而 不亂者何也蓋人受天地之中以生惟仁爲五德之首不善用 義 可以 止 立者本 之 稍息

詩經政治學序 己

之以禮 恶攷風俗之貞淫於是政治之措施先後緩急各適其宜焉故曰詩可以觀蓋國家興滅移始郅治爲亂觀于此而 論語子日爲政以德次章 之民言語不通嗜欲不同剛柔輕重遲速異宜修其教者必有以齊其政爰立太史之官陳詩以觀民風察人心之美 | 天詩學之與政治如是其密切也子日誦詩三百授之以政不達使於四方不能專對雖多 多引詩詩學之與政治學又如是其通貫也蓋自兩儀闔闢庶物 即繼之日詩三百一言以蔽之日思無邪下章又繼之日道之以政齊之以刑 混 成廣谷大川異制民生其間 亦奚以爲孟 者異 道之以德齊 俗五 子論

詩經政治 詩者持也政者正也持之以正也善者勸之非專爲個人勸也所以勸令之人也恶者懲之非專爲個人懲也所以懲 之不樂其生也嗚呼政治至此尙忍言哉極目千里何草不黃矣多難萬方何人不將矣世變如斯吾請與之讀詩 哀鳴嗷嗷也讀碩鼠而知民情之將適樂國也讀大東而知民生之杼軸其空也讀正月雨無正丧楚苕華而 **今之人也且美者** 傳婦言是聽赫赫· 王恶謗公卿懼誅而 以施四事郊祀配天聿追來孝不顯成康守文機體降及夷王害禮傷尊迎觀下堂王綱解紐變風變雅權與於此鷹 矣雅 頌詩 興思皇多 1未必其美也刺者乃正所以爲刺也亦非專爲個人美剌也所以戒令之人也讀鴻雁而知民族之 宗周褒姒威之平王東遷王迹遂熄而詩亡嗚呼痛矣雖然吾夫子删詩之旨豈獨鑒於有周哉 一禍作炰烋中國大命以傾宣王中興車攻馬同經營四方風會爲之一振迄於幽王性乃祖之遺 士棫樸菁莪成 人有德天保治內采薇治外歸 ·趾振振鳳鳴喈喈嗚呼盛矣周 公思 知民心

詩經社會學序 己日 西儒言社會學者在增進人類之知識保障人權之發舒研究各種社會情僞彰往察來窮之至乎其極而 求所以改

良進化之方吾令研詩經社會學則稍異於是竊謂是非善惡清濁賢奸乃社會之大關鍵也國家興廢存亡之故由 ñŁ 本乎天者親上本乎地者親下各從其類也繫易鳴鶴之象曰君子居其蜜出其言善則千里之外應之出其言不善 會中是非關善惡味一清而百濁進好而退賢國未有不亂者此陰陽消長之原嗟變不爽者也在昔周文與學作 濟濟 育造成之人心邪正 《多士奔走後先孔門弟子三千人講文行忠信是爲社會之極盛孔子繫易飛龍之象曰同聲相應同氣相 良莠之幾亦 田 社會造成之社會中是非明善思判激濁而揚清尚賢而 黜好國未有不治者

取于詩好賢如 恣欲自快見害則避見利 之善士斯友一國之善士天下之善士斯友天下之善士夫鄉國天下有善士而衆皆化之蓋德鄰仁里卽大道之所 則千里之外違之而對咎哀公儒行 終身不能自拔豈不大可痛心哉孔子曰可以攀禮記學記篇曰敬業樂羣人生不能無羣而羣則必有宗旨在焉吾 由行而講信修睦卽大同之治所由肇也反是而君子小人流品糅雜甚至朋黨宗疆比周設財役貧豪暴侵陵孤弱 都請明氣節鼓舞器倫而士林風尙運會變遷實與之爲消息焉孟子告萬章曰一鄕之善士斯友一鄕之善士 會學之原理也迄乎後世東漢名士之月旦評宋代大儒之講學會庶幾近之若明代之東林 繼衣恶惡如巷伯別黑白而守否亨出幽谷而遷喬木深有望於後之賢者述詩經社 則趨入其中者如履春冰每陷愈下嗚呼噫嘻以可愛可敬之青年 篇則曰 [合志同 方營道同 衠 踻 善相 告見善 相 示倒 位 復社 ΠΠ 相 沈溺于不良之社 先 雖樹 忠 會學 難 立不同 相 疕 此 然大 背 會 社

矣稻 叉何其 樂也降及後世終歲勤動不得養其父母者非農民乎橫征苛稅棄產賣妻散而之四方者非農民乎大兵之後必有 人且相会 凶 之農日出而作日入而息擊壞謳謌帝力何有何其樂也中古之農琴瑟擊鼓千倉萬箱爲此春酒躋 孟子曰民事不可緩也詩云聲爾于茅筲爾索綯亟其乘屋其始播百穀七月之詩尚矣願吾大有感慨于心者上古 詩經農事學序 年挺而 田日益少農六日益寡唐韓子日農之家一而食栗之家六**今則食栗之家何止**二三十倍邊陲 食數十年後吾國民族有不餓莩載道者乎不甯惟是中國所恃以爭聯於列國者惟自然之天產天產暨削 **芳也不甯惟是中國以農立國食爲民天五穀者生人之性命也令者溝洫廢矣水利湮矣道路闢矣工場夥** 走險迫脅而 爲盜賊者非農民乎中田有廬饁彼南畝以熙熙皞皡之天真變而爲首疾蹙頞無告之窮 僻地偶遇粟荒 彼公堂又何 其

己巳

等差流弊所極惰農日多不昬作勞不服田畝不知稼穑之艱難自是而後求其孝弟力田正供無缺享吹豳飲蜡之 國脈焉 不農夫將何所賴以立命於斯時也且有爲神農之言者以爲並耕可行破勞心勞力之界限與天叙

詩經軍事學序 己己

樂庸可復得乎竊願後世之治農學者深有味乎斯言述詩經農事學

矣春秋時五獨迭興爭地爭城殺人盈野無義戰而詩途亡豈不痛哉老子日戰勝以喪禮處之孟子曰咨戰者服上 文吾誰與歸: 地之大德日生生人之大恶日死後世之類武功者富激發其惻隱之心也予懷明德不大聲以色不長夏以革微周 東征不追朝矣故苕華之詩曰知我如此不如無生當是時也百姓求生不能求死不得蓋有目不忍覩耳不忍 杼柚離民室家擲千萬人之命以快一己之欲奇兵異于仁義王道迂而莫爲如幽王之世山川悠遠維其勞矣武· 用之者也若夫末世之用兵則大異乎是逍遙河上之師不與戍申之怨念彼共人之涕零猶其小焉者也甚者空民 詩言軍事恶乎始武王載旆有虔秉鉞如虎烈烈則莫敢遏商湯是也然而聖敬日蹟式于九圍豈尙武哉文王受命 有此武功伐崇築豐聲威遐 一殃民不容于堯舜之世嗚呼彼其飲至策動之酒無非萬里朱殷之血而其金鼓奏凱之音無非萬民號哭之聲天 容之盛如飛 爾心維師尚父時維麗揚然而告成大武歸馬華山放牛桃林倒載干戈包以虎皮豈尚武哉宜王中興車攻馬同 逃詩經 如翰 軍事 如江如漢如山苞川流然而矢其文德洽此四阙豈尙武哉蓋先王耀德不觀兵兵者不得已而 | 暢東西南北無思不服然而小心翼翼萬邦作学豈尙武哉武王肆伐大商矢于牧野無 岡

道廣矣大矣以言乎天地之間則備矣吾謂詩之旨微矣妙矣以言乎天地間之義理亦悉矣遠詩經義理學 詩心乎愛矣中心藏之何日忘之此經也實傳體也傳者傳其義理也孟子論政治奠不引詩如仁則榮章引 詩經修辭學序 配命而愛人不親章亦引之離婆篇引詩率由舊章逝不以濫載肾及溺亦皆傳體也其義理之精湛爲何如 流如論語大學中庸所引吾旣于自序言之矣孝經開宗明義章引詩無念爾祖五孝章亦均引詩以 湯文之德則爲聖功之大效文王詩言**聿修厥德大明詩言厥德不囘而皇矣詩則暢言明德明明德者大學之綱維** 而明本心之要旨也千古義理之學萌柢于此矣然詩學之精徵貴乎閱通而無取乎拘泥觀孔子繫辭傳釋易 別 言之則爲敬湯之聖敬日蹐文王之緝熙敬止周公之戒成王敬之敬之天惟顧思是也周公之言爲聖學之入門而言之則爲敬湯之聖敬日蹐文王之緝熙敬止周公之戒成王敬之敬之天惟顧思是也周公之言爲聖學之入門而 引之爲性善之徵自其著于德本者言之則爲孝卷阿詩所謂有孝有德必歸于俾爾彌爾性是也自其修于學問 之秉彝好是懿德物者屬於質而爲陰則者屬于理而爲陽孔子曰爲此詩者其知道乎卽一陰一陽之道也故 也自其溯於天命者言之易傳曰一陰一陽之謂道繼之者善也成之者性也烝民之詩則曰天生烝民有 一爻無一定之象亦無一定之理宇宙間形形色色無非義理所積而成易言其大德之敦化 之哉日倫理散見於倫常日用之際義理體察於身心性命之徵一內而一外本義理 生而靜天之性也感於物而動性之欲也有欲當以理克之故倫理 榩 於性義理 亦 出 以 於 度倫理理雖 性 而詩 然 則 則綜其· 倫 垂訓 理 瘌 事 矛 物 丽 嵳 詩永言 夫易之 德 之 川 君 分 有 理 章引 孟 則 則 以

辭立誠誠之爲義大矣哉詩道性情尤矣誠之爲貴故四始六義無取粉華是以瞻雲漢而四方爲綱攬膏莪 伊普尚書紀言辭尚體要鄭國爲命碑諶草創世叔討論子羽修飾子產潤色專對之才彬彬然矣若廼宜尼

而

法修

綺靡是崇堆垛爲古賤績爲工抽黃門白類草木之賞華啽哢走飛等嚶鳴之過耳矧夫蛾眉螓首假絢飾以窮形膏 有造 沐飛 與逆志則恢奇而 吾先正言明且清後之君子尚有典型寶其然乎述詩經修辭學 密緝熙光明德音孔昭古訓是式旣有倫而有脊髮如琢而如磨是則修辭之本原必有其思無邪而其風肆好者昔 見智見仁性各相近大雅之士兼格羣液博學之家不遺小物有識者酌古以斟今豈宜因此而廢彼也惟夫基命宥 法金錫圭壁爲累規發矩之文斯蓋游藝之端雕蟲之技壯夫所以不爲者無關乎閔恉也然而識大識小義適所宜 彼星言其美也郁郁乎文其弊也塗塗如附他如粉賽且貧繹其句例乃如之人推厥況罰日月升恆乃借實運 研辭頗宗琱釆彎諸阜螽則狀趯趯群鳳則鳴喈喈荇菜則務損參差蘋蘩則必于濱澗勞心則悄乎月出夙駕則取 一旁建闕宮作頌燕喜及于邦 菚龑硢芬而想象佻闧纖穳流蕩忘反匪特詞章之害抑亦心術之酖已湘郷四象纂錄葩經區類剛柔折中比 不越審音亦悱惻而不傷然後知同和同節之爲經無非一陰一陽之妙蘊斯義蓋稍稍明爲比時 人彼都有章蕞卷儗于君子偶搴雕藻遗屬名言未當有貴乎攀稅者也沿及後 虚之

禮記大義自序 癸酉

國體何 性 於禮無禮義則上下凱也春秋時晉文公與楚子玉咸而勝惟恃乎少長有禮魯國弱小 已矣惇典庸禮明德討罪之制築何有于秩叙名不正則言不順言不順則事不 無禮 體養成 則危此中 以立禮而已矣禮者體也相鼠有體人而無禮不死何俟國而無禮是戕國也國性何以善禮而已矣天命爲 、儀之則所以定命能者養以之福不能者敗以取禍國而無禮是滅性 外之常經古今之國鑑也 成何有於紀綱故曰安上治民英裕 也天叙天秩 而後亡在秉周禮有禮則安 人 網人紀何以定禮而

典章制 列於學官而慶氏學漸微東漢盧植馬融於大小蟆記皆有著述高密鄭君大昌禮教注小蟆記四十九篇攷覈三代 抑义聞之隆禮由禮謂之有方之士不隆禮不由禮謂之無方之民無方者游氓也 範 諮諮盛氣爲之飲抑何也禮根於天性先王因人性之固有而導之是良知也是良能也故雖武夫童子亦莫能 讂 經 而 說特優迨禮記義 密宋朱子作儀禮 然而國體不容裂國性不能泯也漢與魯高堂生傳士禮十七篇訖孝宣世后倉最明戴德戴聖慶普皆其弟子三家 行敦厚崇禮德性尊矣戰國時諸侯惡其害己皆去其籍雖有孟荀狂瀾莫挽秦政焚書禮壞樂崩錄倫攸數 禮周官士禮之删! 緒日周監於二代郁郁乎文哉吾從周又日夏殷文獻不足徵吾學周禮其教門弟子則日好禮日約禮日執 **昔者周公知非** 經而廢 者纹 說 圍也乃欲拂人之性而掃除之誤哉誤哉 嗚呼誤矣蓋 者日 卓長幼入孝 度研求古令文聲音訓詁學者得知所歸可謂山涵海納日月不刊之作唐孔穎達作正義貫串攀經詳審精 自殷 之誤哉誤哉今有童子幼稚問知 禮 周 迄 訂 疏作遂集漢朱諸家之大成致廣大嶽精微立天下之大本禮教盛則民氣靖而國强豈不信夫 經傳通解以 無以定國也爰成文武之德作 113 **今數千年宫室異度器械異制** 備哉燦爛其在斯時乎游夏紹远訖於子思贊之曰優優大哉禮義三百威儀三千 弟與奢儉寫與易宵戚威儀容貌恭敬溫文此不可得 ·儀禮爲經禮記作傳黃榦成之有功禮學共鉅厥後衞湜吳澄代有蘇述宗旨 一登禮堂舞蹈揖讓恐後今有武夫赳赳粗厲一 爲禮典蓋非一 衣服異宜車涂異軌田疇異畝文字異形古道不宜於今其體 代之禮 所以 與民變革 明人倫而 國多游氓則國體學而國 此可得 韶萬 者 恒 聞禮教 凶 # 誰 也 與民變革 孔子 制 之不 山立時行 待其 承周 各異 孫矣夫 公之 也 瀢 併 整 丽 百 皋

目督子中

故吾讀禮運而知元會運世之必歸于大道也吾讀樂記而知政治隆汚壹根于性情也禮運傳自子游樂記傳自子

夏千古學術治道未有能外之者也吾讓大學而知八目以修身爲本也吾讀中庸而知九經以至誠爲基也大學傳

庸傳自子思千古治平學性理學未有能外之者也吾讀曲禮少儀玉藻而知養正之在主敬也卑高以陳

夫禮本於太一分而爲天地轉而爲陰陽變而爲四時人生天地間一日不能違乎陰陽四時即一日不能踰乎禮是

夫然後殺機

促起封運

消救民

命而

不免放蕩而失其常惟能治七情明十義修七教愼九容內外交養表裏無違夫然後爲禮以教人夫然後遠於貪獸 文治秉聖教以學證乃所願厥有兩端日教民命日正人心凡生於天地之間者皆日命故人奠不樂生而恶死竊觀 哀哉何以救之惟在於禮人者天地之心也喜怒哀樂未發謂之中中理中氣悉寓於心而此心爲血氣嗜欲所使卽 鳥獸行則獨之本經曰人化物者滅天理而窮人欲者也滅理窮欲害及百姓造物者遂以禽獨獸竊之法處之豈不 **吳革生民憔悴哀呼以死者動輒數十萬人或數百萬人天待盛世之民何其厚待蹇世之民何其酷歎周禮日關有** 自古太平之世民生熙皞康樂和親物無不得其所何其盛也壹循乎讀也洎乎末造運會蹇阨或夭札凶荒或夷狄 敗以舊禮爲無所用而去之者必有亂患舊禮之廢其於舊坊大害卒至於此孔子删詩至變雅末篇有餘痛焉 有如召公日闢國百里令也日蹙國百里嗚呼哀哉維令之人不尙有舊本經日以舊坊爲無所用而壞之者必有水 門之獄繁矣喪祭之禮廢則骨肉之恩薄而倍死忘生者衆矣人倫喪而國本搖痛乎悲夫小旻之詩曰背先王受命 之風熾而犯上作亂者衆矣奪卑之禮廢則君臣之位失而倍畔侵陵之敗起矣擲飲酒之禮廢則長幼之序失而 馮 有不 危殆者哉是故婚姻之禮廢則夫婦之道苦刑辟之罪多而自戕者衆矣家庭之禮廢則父子之恩絕實 正人心一以實之者也

憂思其在萬世乎禮乎禮乎比類以讀之知類而通達其宇宙間人類之所以相生相養相維于不數 清明在躬志氣如神其性學之權奧乎吾讀儒行而知乾坤正氣之在吾心也近文章砥礪廉陽身可辱而 强不犯弱 以振國恥足以興正家而天下可定也吾讓王制文王世子學記而知三代學校貢舉養老之典規模宏遠而 德歸厚未有外於喪祭之禮者也吾讀內則哀公問而知倫紀之大防也吾讀冠義昏義而知人道之極則也物 三年 貴賤以 問 位動 喪 服四 |衆不暴寡孝弟行乎道路郁郁彬彬其皆由太學來者乎吾讀經解孔子閒居而知六藝源流之通治| 靜 有常能 制 而 知 服 修己而後能治人也吾讀檀弓喪大記問喪奔喪而 制隆殺之等窮理盡性之極也吾讀祭義祭法祭統而知報本反始之精義也啓發 知 喪禮哀戚之至也吾讀大傳 者平 間 精 良 傳 化 恥足 詳 知 服 民 問

朱柏廬 可變而 懼 **奧精粗互用之道然吾謂明其義理者非託** 必先明乎禮記而後可學周官儀禮記曰禮以時爲大此一言也以蔽千萬世制禮之法可矣斯二言也實得三禮 先儒萬氏斯大之言曰儀禮一書與禮記相爲表裏考儀文則儀禮爲備言義理則禮記爲精在聖人卽吾心之義 而漸著之爲儀文在後人必通達 護 爰發明禮 **『其會通以行其典禮夫然後垂諸萬世而無弊今天下競言變俗矣競言變法矣又競言變禮** 去爭奪講 | 禮之意不可變變乎禮之意則變天之道絕地之理亂人之紀芸芸萬彙將無所統屬而 先生學庸講義序 記四十九篇大義以諗當世深願吾書一出人命於是固人心于是正國體於是拿國性於是淑庶 信 修睦大 八法小廉学 道德仁義之說興教訓正俗之規備由小康而躋於大同其在斯乎其在斯乎 其儀文而 諸空言泛論也必得乎時措之妙通其變使民不倦神而化之使民宜之 後得明其義理焦氏循之言曰周官儀禮一代之書也禮記萬世之書 | 矣而不知俗可變法 不 ·能歸于治吾爲此 也

辟近 精而 之祠字 先生與歸版 之人無不各誠其意各正其心各修其身各親其親各長其長也又講誠意章云君子小人之分所爭祇 客酒食之費不過制錢七枚其敦朴之風光可皇而不可及間當游崛邑登玉皋瞻拜歸篾川願亭林二先生與先生 以見心性之不相離其說與陸淸獻相合可以挽救人心蓋學庸二,書合天德王道聖功一以貫之者也惟析之極 毫釐謬以千里故必先正其名義以端趨向又言道之不可離猶天之運行而不息終身不離猶恐爲聖賢而 功業雖大然其假仁仗義與揜著何異孟子曰五霸假之也假之一字洞見肺肝矣其言可謂切中世道又講中庸首 非空谷之足音乎爱作序以歸之深顧鳳賓抱此表揚先哲之志鍥而不舍並願其印行此呇傳茲孤本得以 說陳疑等具不能專美於前矣先生行誼略見於嚴鉄橋所爲傳文余幼時卽服膺其家訓並夙聞先生儉德每宴實 孫夏峯先生四書近旨李二曲先生四書反身錄陸淸獻松陽講義困勉錄並垂不朽大全所載若四書蒙引說約 章云阴宗三句尤重之謂二字蓋當時子思子見異端漸起必將淆亂聖學緣聖學言性道教異學亦言性道教差之 有以闡 柏 於天德達於王道者其必以四子書爲根本矣莊子有言逃空虛者聞人足音跫然而喜今鳳家之寄余此歌 離即已人禽獸而有 · 裏如講大學首章平天下之義云水至平者也而有波浪則不平地至平者也而有丘壑則不平平也者盡天下 後能擴之極其 **遮**先生學 揚而光大之余受而讀之此册蓋由海 庸講 私 大惟體備於一心之密而後用周乎萬物之宜或者乃以迂拘目之夫豈知道者哉此 義一 心景仰流連不能自己而返觀今日之人心世道果何如乎易曰正其本萬事理然則欲 卷余甥俞鳳賓得自 餘其論心性之辨謂大學言心不言性而明德卽是性中庸言性不言心而 [滬上書 鹽崔氏鈔錄以傳者也其中精義名言根極理要策勵身心尤爲鞭 肆 欣 然寄 余且日柏廬先生遺著鮮 有存者此 孤 戒 |本至可 謹 在誠偽五霸 即是 書 蓋 可

世其有功於世道人心豈淺尠哉

中庸篇大義下 辛來

孝經春秋之事淺人詫之不知此必子思子微言傳禮之門人述之鄭氏尙得之於古禮說者也以上本院氏 發明先聖之微言繼述聖祖之志事者也其掃除封建思想更有可得而證者使綜其全篇觀之自天命之謂性 秋時周天子尚 曾孔子大經制易姓受命之規證使其囿於封建思想也則四代之禮不當以告顏子懷乎天下不當以告子夏況春 淵問爲邦則日夏時殷輅周冕韶舞答子夏問禮樂則日五至三無答子張問十世則日其或 近世以來論者輒日孔子囿於封建思想因而詆毀之以爲孔子一代之儒者爾嗚呼豈不誣且妄哉吾觀孔子答顏 思子明哲保身不敢明著篇名而接存乎中庸篇之後以授於傳經之弟子門人耳康成鄭氏注祖 世之聖人雖孔子生前不得位不能損益三王制作禮樂而至誠爲學治天下之道能使百世天下人皆齊明盛 母其順矣乎中庸篇大義已止於此自鬼神之爲德以下則別成一篇與中庸無涉此乃子思子專言祖德配天俟百 故曰匹夫而有天下者德必若舜禹而又有天子薦之者故仲尼不有天下又論伯夷伊尹與孔子曰得百里之地而 至於聲名洋溢施及變貊偽孔子之有其德而無其命也甚矣子思子能知聖祖之心也厥後得子思子傳者惟孟子 經立天下之大本由不動而敬不言而信至於篤恭而天下平亦所以擬孔子也惟天下至聖爲能聴明容知極其效 無位有位 祭孔子凡有血氣者莫不尊親孔子之神洋洋乎與堯舜文武之配天相同此子思子之徵言也此應別有篇名但子 無德不敢作 在使其囿於封建思想也則繼周之說方且觸犯忌諱何敢以告子張哉若夫中庸一書子思子所以 禮樂本諸身徵諸庶民考諸三王而不謬建諸天地而不悖皆所以贊孔子也經綸天下 機周者雖 述堯舜四 百 主於有德 世可 句 服承 知此 至父

社會之主進乎天位也其作繁辞傳曰天地之大德曰生生人之大寶曰位何以守位曰仁則聖人之情見乎辭矣是 天而順乎人後世 經驗之於論語質之於春秋無一不與中庸相通無一不破除封建之思想孔子作易革卦之彖傳曰湯武革命應乎 之逮也而有恶焉有志者志乎五帝三王之事也於是慨想大道之行天下爲公選賢與能外戶不 易之大義在破除封建也禮記之精粹者無如禮運禮器子游作禮運逃孔子之言曰大道之行也與三代之英丘未 君之皆能以 聖人之法式孝弟慈之通於神明光於四海詩云自西自東自南自北無思不服孟子亦引此詩以孔子擬湯文矣是 献畝之中亦有嚴父配天之義言思可道行思可樂容止可觀進退可度其民畏而愛之則而象之王者之威儀要皆 之志是禮之大義在破除封建也孝經言郊祀后稷以配天宗祀文王於明堂以配上帝聖人之德無以加於孝蓋雖 天下歸於賢能而後進乎大同之治故禮器篇曰禮時爲大湯放桀武王伐紂時也孔子聖之時者也何當不抱湯武 舜禹湯武周之心法而以寬則得衆四者繼之何哉子貢善贄聖人者也曰夫子之得邦家者立之斯立道之斯 孝經之大義在破除封建也論語子曰鳳鳥不至河不出圖吾已矣夫自傷可致此物而不得致也薨曰一 之斯來動之斯和乃躬備大德上焉堯舜之不遭而禪不及已下焉無湯武之放伐而已之德濁 民鲜能久道其不行矣夫而下文即贊舜之大知執其兩端用其中於民蓋中者天地之道帝王之治聖賢之學皆不 神遊於堯舜三代之隆而 :固睾以爲革命之大宗矣而作乾卦文言傳曰見龍在田天下文明飛龍在天乃位乎天德蓋欲以 侯有天下甚矣孟子能得聖人之心也先聖後賢其揆一也吾於是求之於易考之於禮徵之於孝 一大執 其中而舜亦以命禹孔子固欲以時中之德上繼堯舜允執其中執兩用中之道故曰時措之 .欲以宽信敏公四者博施於春秋之世孔子之志尤可見矣中庸逃孔子之言謂中庸 然無所 閉是謂大同 施於人 篇歷

是堯之傳舜日

子曰孔子爲魯司寇諸侯害之大夫壅之孔子知言之不用道之不行也是非二百四十二年之中以爲天下儀表貶 學說 近於春秋春秋之中弑君三十六亡國五十二諸侯奔走不得保其社稷者不可勝數孔子以匹夫操南面之權筆則 天子退諸侯討大夫以達王事而已矣亦引孔子曰吾欲載諸空言不若見諸行事之深切著明也撥亂世反之正莫 果賢乎下果不肖乎則生人之理亂未可知 後之人讀其書者靡不悲其志而猥曰囿於封建思想嗚呼何其誣且妄歟善乎柳子厚之言曰封建者 深 非 一也是論 《来道與治合則天下平道與治分則天下亂孔子不得位目擊生民之顚連憔悴無以拯諸 無以立於天下封 直道之公雖不容泯於天下萬世然君子一言之不智而世道於以日衰人心於以日惡世界却運於以日開禍亂 便於己遂謂其囿 知孔子之意者也 即削潜善恶惡賢賢賤不肖存亡國繼絕世補敝起廢使亂臣賊子禁其欲 為素臣而公羊家學說以爲孔子張三世由亂而治是春秋之大義在於破除封建更未有顯著於此者也自古 栖栖皇皇惟以救國捄民爲職志逮至請討陳恆欲發魯國之兵而不獲大張其撻伐於是獲購 語之大義在破除封建也孟子言春秋天子之事也引孔子日知我者其惟春秋乎罪我者其 |甯惟周程張朱明顯棒陸學王卿黃腆諸大儒亦深知孔子之意者也而後人因孔子禮義名| |於封建思想欲舉數千年之道德綱紀 建者爲之也是孔子破除封 苦悲夫悲夫 钷 一將欲利其社稷則又有世大夫世食祿邑以盡其封略聖賢生於其時 7建之學說柳子固深知其意者也甯惟柳子宋周程張朱諸大儒亦 一切詆毀而掃除之無識之士衆口附 而不得肆故後世稱 水 火之中故創 和同然 経筆物態以 孔子爲素王左 惟春秋乎 檵 世 一辭夫是 而 革

中庸天命章五辨 癸酉

尋民生已不勝其痛

此 |章不過一百有九字而 性命道德之與存養省察之方聖神功化之極與夫王道禮樂刑政之原悉寓其中 題

一)性情心之辨

有五本經日有弗辨辨之弗明弗措也是學道之權興也

蔽故必修道而後能復其性陸稼書先生學術辨曰氣之精英聚而爲心是心也神明不測變化無方要之亦氣也其 可知子思子傳心性學之師 鑠我也性也其發爲恻隱羞恶恭敬是非則情也而皆管攝於一心所謂心統性情也明乎孟子言心性學之淵源即 心中以公都子問性章作樞紐曰惻隱之心仁也羞恶之心義也恭敬之心體也是非之心智也蓋仁義禮智非由外 之情也是故性本善而情亦善性爲未發情爲已發而皆統攝於心以爲體用孟子告子上簫前六章論性後七 德曰生性者生理也故先儒义曰性生也人秉純粹至善之性發而爲藹然惻怛之情情字從青青東方之色發露於 非即心也此說辨心性界限極爲分明然文治謂張子心統性情一語渾括尤極簡當按性情二字俱從心天地之大 中所具之理則性也故程子曰性卽理也邵子曰心者性之郛郭是心也者性之所寓而非卽性也性也者寓於心而 者初基蓋性者仁義禮智信五常之德皆寓於心性無迹而心有形氣以成形則其質或不免有所偏且易爲物欲所 朱子注第二節云道者性之德而具於心注第四節云喜怒哀樂情也其未發則性也故性情與心之辨實爲言性學 外者也人當春夏之交見萬物萌芽彌望青葱欣欣向榮不覺纏綿悱惻之情油然自生是何也以人之情應乎天地 法也

(二) 戒慎恐懼與慎獨之辨

白双きて馬二二国

或問傾獨功夫是否即戒愼恐懼曰不然若以二節牽合爲一則經文爲重複矣蓋不覩不聞者寂然不動 也

卷三

於將萌而不使其潛滋暗長於隱微之中可見存養省察截然分兩事矣或曰然則朱子何以專言遏人欲而 察之方易所謂復其見天地之心也修道之功也朱注一則日存天命之本然而不使離於須臾之頃一則日遏人欲 之時戒懼爲存養之方易所謂艮其上也率性之功也見隱顯微者感而途通者 天理乎曰省察之後加以擴充人欲旣消天理自長自欺泯則心自慊玩大學誠意章可見不必重言也 1也迹雖 未 形 而 幾 (則已動 倾 獨 爲省

(三)先儒以戒愼恐懼爲未發愼獨爲已發辨

樂節承修道之教而言中和之德屬於性情者也性情思慮雖相輔而行而不可混合爲一人之思慮思流萬彙 或問未發已發配上兩節功夫豈非重複乎曰是大不然上兩節承率性之道而言戒懼傾獨屬於思慮者也喜怒哀 子慎獨之後始言喜怒哀樂未發之中若蠢愚冥瑣之徒未發時背昏濁之氣何有於中發時更何有於和是以大學 蓋裡門相傳之心法也故思慮之於性情其功宊亦截然分爲兩事惟思慮淸明而後性情能得其中故子思子於君 知天下之大患皆起於民情之乖戾偏激顯倒而世事日以棼亂爰本性情以立教而 慎獨先言十目所視十手所指其嚴乎至於修身齊家始言性情偏僻之害亦此義也若以思慮性情含混爲一則學 而底於和平是以子思子特舉喜怒哀樂以揭示性情之本原猶子游作禮運揭示七情之本原以爲政治之根柢此 菲 重所謂惟精惟一者固常有非喜非怒非哀非樂者矣至於性情固亦有因思慮而發者然大都觸於外物自 、必因思慮而後動樂記所謂民有血氣心知之性而無哀樂喜怒之斎應感起而物動 慶賞刑 然後心術形焉者也聖人 fi 生焉無非欲感人心

(四)未發已發學說辨

者迷惑無入手之方矣

從學於延平途教以靜中觀喜怒哀樂未發氣象朱子初執伊川未定之說以爲人生自少至老初無未發之時所謂 未發答問商量遂密(見洛學傳授大義)厥後伊川傳之楊龜山先生再傳之羅仲素先生三傳之李延平先生朱子 爲喜怒哀三者相循環愛惡欲三者亦相循環中間以懼字爲樞紐功夫語皆精透模密(見榕村全書中)學者守是 之法而辨陽明先生言未發已發以鐘爲喩體中有用動中有靜尤有體驗康熙時李榕村先生中庸說闡發七情以 陽明先生兩家學說而斷言之謂未發一語實些門指示見性之法靜坐觀未發氣象又程門指示初學者攝情 疵易所謂利貞者性情也成性存存道義之門是也惜不得起先賢以就正之耳明高景逸先生未發說辨朱子與 **患兩端脊思慮欲其虛明廣大而不雜易所謂貞吉悔亡未感害也天下何思何慮是也養性情欲其敦厚純粹** 說序又已發未發說由是而性情之德中和之蘊豁然貫通而無疑矣文治當以心驗之竊謂涵養之功亦兼性情思 夫遂詳釋程子及李先生之說孜孜而篤行之其詳備見於文集與張敬夫三書义與湖南諸公論中和書又中和舊 未發者特未嘗發耳故常於已發時用省察功夫已丑朱子四十歲與蔡季通先生論學忽悟已發之前當有涵 自子 思子 雅 远易傳無思無爲章旨創未發已發之學說宋程子實行體驗之其門人呂與叔先生與伊川 先 養功 而 性 無

(五)致中和符辨

而

弗失焉聖功基於此

識物 朱注自戒懼而 處無少差謬而無適不然則極其 性費天地之化育是即致中 約之以至於至靜之中無少偏 《和而萬物育矣以位天地屬致中育萬物屬致和其說未免過泥按本經言靈人性 ·和位育功夫似不必兩層分剖也或日中國開闢以來致中和聖人間 一份而其守不失則極其中而天地位矣自謹獨而精之以至於應物之 世而不 能

也老子曰天地之間其猶橐籥乎又曰萬物並作吾以觀其復若守一心之虛蠶以爲養氣之眞宰則是道家之說矣 儒行篇大義 地官矣是爲致中和之實效店處之世地平天成講信修睦康樂和親萬物熙熙皞皞各得其所是乃所謂位 制 謬夫謂天地萬物之理備於吾心固無不可惟其體則然而其用要歸於實況中和者禮樂之謂也聖人作樂以 分井然秩然是即所謂天地位豈可以文害辭乎又或謂天地萬物具於吾心位育亦在吾心不必推及於外此說更 地卑乾坤定矣卑高以陳貴賤位矣本乎天者親上本乎地者親下天地設位而易行乎其中但使尊卑上下素位 遇大同之治聖人慨想流連然天地 禮以配地 辛未 制作者致之謂也禮樂行而血氣和平災害不生故日大樂與天地同和大禮與天地同 亦何當失位 有如俗諺天翻地覆之謂耶不 知此天地二字當活 ||看易傳| 節禮樂明備天 一所謂育 應天 天

揚揚宮室之美妻妾之奉所識窮乏者得我無所不用其極侈不得志則析言破律亂名改作甚且操縫天下之治亂 衆技致遠恐泥者也而儒派已自此分矣迄乎戰國諸侯放恣處士橫議無儒之實冒儒之名得志則義 作周官經太宰之職以九兩繫邦國之民曰師以賢得民曰儒以道得民儒之名權奧于此其繫于民也負人倫 丽 五 林之鸓至不忍言然而吾儒之正氣終不絕于天壤者何哉蓋儒行一 有非儒者墨子是也有賤儒者荷子是也有坑儒者秦政是也有以儒士投濁流者朱溫是也秦漢以後道德墜 《覬收其利其至于受坑也雖曰天命豈非自取之哉然則自周初以迄暴秦儒之名已由貴而之賤儒之行亦每下 | 與五常之資不綦重哉至孔子詔子夏有君子儒小人儒之分君子儒者志道據德依仁游藝者也小人儒者百家 愈況矣聖賢者起而救之於是有性情之教有志節之教孔子問居篇性情教也儒行篇志節教也惟立志而 篇固中流之砥柱世運升降之大坊也昔周 金槓帛意 地 紀 儒

容於也抑何卑鄙弇淺之若是惜哉其不讀儒行也惜哉孔子不得中行之士而思狂狷孟子言豪傑之士雖無文王 若日星之燦爛及見夫猥瑣齷齪之徒託爲文章變詐險巧夸飾淫哇酷肖其人偶值困窮則侘傺無 患雞皆不足以撄其心吾嘗讀乾坤正氣集見其嘉謨講論著於朝廷立身大節昭乎宇宙浩然若河 節者人生天地問之氣骨也天下有眞儒者不以軒冕肆志不以窮約趨俗舉人間世富貴福澤貧賤憂戚夷狄兵戈 世竟信其志納將不忘百姓之病一民飢日吾飢之一民寒日吾寒之故曰禹稷顏子易地則皆然豈不信哉且夫志 而已四百餘年而弟子志之不倦原憲傳在草澤中窮閻藜養其言曰無財者謂之貧學道而不能行者謂之病者憲 傳敍日季次原憲閭巷人也讀書懷獨行君子之德義不苟合當世當世亦笑之故終身空室蓬戸碣衣疏食不厭死 激励氣節而歸 無道以身 猶興有以也夫然後之讀儒行者多譏其不合中庸之道惟有明黃石齋先生表章特至謂東漢諸儒推準儒行以爲 非世運升降之大坊哉爰謹採黃先生說參以已意每章各爲之贊士君子出處進退之節必取法于易故曰君子所 居而安者易之序也以易淡釋偏行聖賢之志也世之爲儒者必學道以自愛其身用人者必尊儒以重道於茲十六 東漢當明隆萬時楊左高順諸先生風起雲從屹然樹名教綱常之重望雖逆陽氣焰亦爲之銷阻然則儲行 (也非病也彌令人響往不置云今試問簞瓢陋巷之中有令人與居古人與稽蕭然物外味道之腴者乎然適弗達 極其 孔子曰志士不忘在溝壑匹夫不可奪志會子曰臨大節而不可奪士不可以不宏毅任 武 道未聞以道 人穉子背能特立砥礪不藉誦說有以自見使大奧鉅雄如卓操之徒尚俯仰以畏名士爲文治謂豈惟 本於仁無非孔骨孟子之旨然則此篇縱非靈出于孔子要亦七十子相傳之遺訓軟司馬子長游俠 · 殉乎人者也今考儒行篇言自立者二言特立者一言特立獨行者 重而 其 十六章大要皆在 道遠孟子曰 聊若一日無所 嶽之時流炳然 松堂

古堅定文集三編

十四四

而日 也或曰然則不言儒德而言 蓋士者事 為高其議論主為純正蓋劉子政所傳古師之說也若夫儒爲已成道藝之名士則間有未成者然其大體 朱庠已辨其僞班氏藝文志言儒家者流游文於六經之中留意於仁義之際祖 日仁義而已矣儒行! 儒有 所不容也韓非子顯學篇儒分爲八有子張之儒有子思之儒有顏氏之儒有孟氏之儒有漆雕氏之儒有仲. 優在文學故列於文學爾漢司馬談論六家要指以爲儒者博而寡要勞而 門設四科 足怪遷固諸史迺專以通經咕嗶文章爾雅 也德行以 一更失周官經之意者也或曰然則儒家流別與儒士異同可得聞乎答曰孟子言逃晁歸 章主形 通 中得 儒行 ·孫氏之儒有樂正氏之儒此蓋縱橫家傳會之論不足信陶淵明羣輔錄八儒篇雜採: 儒 其 純 取其行之可以學習而易於效法也若進而求儒德則有論語孝經大學中庸諸經在或又曰衣食住三 迹 也 為本文學以為表顏閱諸賢非不長於文學也最優在德行故列於德行爾游夏兩賢非不長於德行也最 儒 儒者人所需也 而 行以 Щ 名 不 儒 列 指 (何者為) 日益 於儒 心術 言戴 金 得其四五 即以齊難恭敬先信中正之德言之亦主乎居處坐起言行皆發現於外者也故不曰 石而 近答曰儒者兼德行文學者也入孝出弟窮理盡性儒之德也潛研六藝淹貫古今儒 俗]惟有所事而後爲人所需迂腐者不足以當之王子塾問 儒 儒鄙 行何也答曰德者得於心者也行者著於迹者也儒行 行 抱義而處正以仁義爲本至於通天地人曰儒推十合一爲士則皆聖門一貫之道 则 儒 小 IE 儒 氣 (充盈而) 貌 者列儒林傳誠淺之乎測儒矣至宋史別道學儒林爲二傳分儒 儒 日益退孔明仲 謎 謟 面 諛 者 :淹雖不世出魯兩生之高節或者 流不 煩 流斧而 :少功彼未聞乎大道之要揣摹時 治矣儒之行愈隆則 述堯舜海章文武宗師仲尼於道 專以 孟子日士何事孟子日 發於外者而言不特 儒行 楊逃楊歸儒 經解之說羽 尚有 儒之名亦 其 此 人乎 亦復 言 尙 :良氏之 ¥ 儒家 與道 尙 或 忿 志又 不 良 之學 重 殊 非 無 無 爲 丈

志洋醫庸劣馳騖外觀而氣節乃掃地而無餘可痛也哉吾所以表揚儒行者正欲蒯恶習而挽 於身所以不願人之文繡良貴者良知也今人不以道德良知爲教而惟以衣食住爲教薄儒雅變儒素坐命國民 **萬乘四載與高山大川抑洪水而天下平蒸民乃粒萬邦作义而孔子贊之曰菲飲食恶衣服卑宮室於衣食住三者** 衣惡食者未足與讚蓋儒者苟有志求道而不知內重外輕之義則衣食住之念憧擾于中奔走干求實自此 **賤行乎貧賤而言若素富貴未嘗不行乎富貴也且孔子論好學必先曰食無求飽居無求安又曰士志於道而恥惡** 一無所求然後知能安天下之大貧者乃能致天下於大富孟子言飽乎仁義所以不願人之膏梁之味令聞廣譽施 立命之原 也今儒 行以 一畝之宮環堵之室易衣而 出井日而食樸陋已甚僞儒託之庸非弊乎答曰此 頹 波 九始昔大 指

名教失修儒行不講久矣世變滔滔未知所底豧救之法要在讀經爰擬此作以示能傳吾道者文治記

論語大義

蘇州國學會演講錄

文化 稱一時盛會顧後遭溫阮之忌遂致一蹶不振而無有繼起者迄乎近世文化更不及聲時將何以 典囘國時當問福 復社蘇州有文震孟太 今日承諸君子之招愧無貢獻心殊不安然藉此參加國學會私心甚喜鄙人因此緬恕吾蘇從前講學之盛若明之 之不塌富强可 方可救國苟不用孔子學說以振興之雖欲救國其道無 寸. 而 是殿又陵先生日中國決不至於亡國蓋國有大寶如四書五 待 .此言與鄙見不謀而合鄙人之所以主尊孔證經者在救 倉 有張天如常熟有瞿式耜松江有陳 由故惟尊孔讃經乃能救國猶憶民 臥子諸先生虎邱大會四方與會者多至 人心與 經誠能發揚而光大之取之無盡用 救 人命此 國 秤 挽救之鄙意國有 學設 初年英使朱爾 一二千人可

爲精要而論語大義以學仁政三字爲質幹茲即以此三字分析言之

賊執不自逢迎詔媚始好犯上好作亂卽由於性情之桀傲氣習之浮囂能孝弟則居家庭鄉黨自無此二弊矣學之 道至廣至大而爲人乃其本也 人之本仁者人也求仁之方自孝弟始失仁之端自巧言合色始自古聖賢豪傑孰不從家庭愛敬中來天下穿歡益 先講學論語開宗明義言學次章言其爲人也孝弟可見學者學爲人之道也孝弟也者其爲仁之本與猶言孝弟爲

宗之然未有切實用力之方鄙人嘗謂論語論仁其功當分三節 **次請仁類聚孔孟言仁處以求仁之實程子當言之然朱子恐其滋入耳出口之弊迨阮文達論孟論仁論出學者頗**

- 竊謂無字當通毋字禁止之詞提撕警覺發人猛省此爲着手之要我欲仁斯仁至矣亦係喚醒本心仁人心也放其 乃可以救人心 可喻然非静坐以求心之謂也博學而篤志切問而近思仁在其中矣此爲由外以藏內功夫足以見事物中無在: 心則仁日遠我欲仁求放心也仁至之至字卽易復卦在冬至日見天地之心謂善念初萌一 (一)治心之學治人必先治已而治已之要當先自治其心論語苟志於仁矣無惡也此章以字面講語意似太容易 仁學問中亦無在非仁也孟子求放心一章亦可爲此兩句作注解由此而論可見仁字初步宜求之於心己心旣正 陽復來心理愉快 非言 非
- 遲居處恭執事敬與人忠之義相貫通恕者已欲立而立人已欲達而達人也天下之大忠莫如有已而無人人已閒 之義四海之內皆兄弟也卽民吾同 (二) 進而求之日敬日恕以敬字講如君子敬而無失與人恭而有禮四海之內皆兄弟也宋張子作西 胞物吾與也是合萬物爲一體程子作識仁篇朱子作仁說亦本此意且與答樊 銘 卽 本此 重

種災害皆由此 起故先儒謂行仁之本當先打破人己關人己一貫即大學絜矩之道好惡自能公正孟子 謂

己從人取人為善與人為善而天下歸仁此則與天地合其德吾輩望道而未之見矣 己復禮爲仁始明白揭示人之爲仁全重在克己功夫古來大聖大賢其根柢卽基於此惟克己而後能舍己大舜舍 (三) 更進而 行求仁莫近孔門真諦也 上之曰克已之學如君子無終食之間違仁囘也其心三月不違仁此皆言其功效未及實際方法至克

龍 孝諸章即齊家之學也溫故而知新新民之師範也故者前代之典章新者近世之法制學記云能爲師 乎土地要在統一心理德者統一人心之具也故爲政必先慎乎德而仁者心之德也思無邪溫柔敦厚之本原 歷記子貢問政子張問政齊景公問政而尤痛切者季康子問政三章曰子爲政焉用殺亦以仁論政君子之德風小 丽 請再進而言政孟子七篇屬言仁政蓋仁與政相需而不能離者也有仁心而不能行仁政則無由見諸寅事行政治 惟孝友于兄弟施于有政由齊家而推之治國也故論政治必本於大學 生於其心害於其政學識正 心理教育也聖人十五志學即大學格致誠正修齊治平之學左氏傳所謂學而後入政也孟懿子武伯子游子 人之德草夫子言之有餘慨矣至爲政篇論政與學相爲維繫之理特提出爲政以德四字言政治之統一不徒統 不 為長然後能爲君故爲君者當有師範古者君師之道合一後世君師之道分而君無師範矣攻乎異端斯害也已 本於仁心則德澤無以施於百姓然孟子之義實本於論語如顏淵篇注重在仁而仲弓問仁古本作問政以下 然後政治良也知之爲知之不知爲不知致知之學也言寡尤行寡悔修身之學也孝乎 然後 亦即

い口をしてこてしまとって言語

頃聞金松岑先生謂論語中性命之學無所不備甚佩蓋論語大義實無所不包春秋之時百家九流之言已經雜出

家必世後仁所謂善人是也故末結以善人教民七年可以卽戎兩章此兵家學也而兵家必以善人爲之易傳言元 身正章苟正其身章) 有名家學(如正名章)有法家學(如直躬章)有農家學(如稼勵章)有道家學(勝殘去殺章 者善之長君子體仁足以長人天地之大德曰生故惟善人乃可以執兵政曰以不教民戰是爲棄之棄之者殺之也 有攷據學(如誦詩章)等然其中特標子貢問士子路問士兩章尤見儒家學冠乎百家九流非此不足以爲治而儒 (猶古書言棄市)人命如草芥聖人言之更有餘痛爲春秋變爲戰國體霜堅冰蓋前知之矣 而論政治學原理必折衷於儒家方可躋乎太平之治即如子路篇詳論政治而其中有儒家學)有雜家學(如南人章)有國際學(如兩使於四方節)有經濟學(如善居室二章)有社會學(如和而不同四章) (如先之勞之章其

蘇州國學會演講錄 為然俛仰世變殺機所伏且未知所終極非讀論語曷能救人心救人命願吾人共勉之 凡此諸端於以知聖人之所以救春秋之世在此而其所以詔示後世者亦在此今者邪說橫恋四海困窮豈惟我國

枝朱子諸家駁詰其僞總之讀書須求實用不必斤斤於考據鄙戩研究孟子學須注意其最精徵最廣大者否則不 確定 再傳弟子所纂其說以公孫丑下篇王不稱證與魯平公歿在孟子後爲疑點耳此正與孝經爾雅之攷求作者未能 非先讀孟子不可考此許作者傳說紛紜史記謂孟子自作萬章之徒助成之或謂係門弟子所輯錄而 昔朱子謂讀四書先大學次論語再次孟子而終以中庸但余謂讀書須視時代爲轉移今者急於救人心救人命則 (如一轍也孟子尙有外篇四篇(性善辨文說爲政孝經)其後聚訟不休有謂在梁代存兩篇至宋僅存一篇趙 近人有調其

有買櫃還珠之譏矣

全書刋行譲之易得門徑然恐學者有拋棄原書之弊令日所講乃依其簫衣而討論其要點 然此書不見於大全集又不詳於語錄其後黃幹勉驚傳之而未刊行元金履祥仁山傳其目錄至近代曾文正始將 用此法其分類一道性善二論孝弟之道三嚴義利之辨四辨霸王之兮五尚論古人自言爲學要領可謂宏綱舉舉 大傳是也故吾人研究孟子學有兩種方法其一為依其篇次注意其性質其二爲分類法朱子有孟子要略一書即 孟子本在 諸子之列何以升爲經而次於十三經之列以其有最精最大之意義在如辨義利重孝弟論心性直接易

民也其尊民貴民愛民之義爲何如乎(以上釋梁惠王篇) 父母可見不如此不足以爲民父母矣出乎爾反乎爾平民心也末引君子不以其所養人者害人言不害民乃能教 樂意即本此喬木章國人皆曰賢國人皆曰可殺皆因民之好惡以爲好惡其大公無私若此曰如此然後可以爲民 交鄰國之道亦卽安民之道而樂民之樂憂民之憂允爲大同之眞精神正與易之吉凶與民同恩合范文正先憂後 真能愛民者也故下章卽言不忍之心推其效至於保民而王能愛民然後能保氏也至與民同樂卽奪民之旨其論 孔子之學務在愛民然易傳論語之中語皆渾涵至孟子大暢厥旨梁惠王篇首辨義利以下各章即有無數民字爲 民父母行政不免於率獸而食人惡在其爲民父母痛哉其言之也不嗜殺人乃能定一天下不嗜者不忍之心也是

孟子備 本蓋孟子之學出於子思子思氣節最嚴出處進退之間凛乎不少假借故魯繆公無人乎子思之觸則不能安子思本蓋孟子之學出於子思子思氣節最嚴出處進退之間凛乎不少假借故魯繆公無人乎子思之觸則不能安子思 術學說者心術邪正所由判國民利害之樞機也其論養氣也曰至大至剛塞於天地之間實爲文信國諸賢氣節所術學說者心術邪正所由判國民利害之樞機也其論養氣也曰至大至剛塞於天地之間實爲文信國諸賢氣節所 知言资氣之學其一生學問全在於此其論知言因詖淫邪遁知其蔽陷離窮生心害政政事之害皆始於心

桁型管 で 長二 局

爲卿於齊致 公孫丑篇) 問亟餽鼎肉子思不悅於卒也摽使者出諸大門之外孟子泰山巖巖之氣象與子思無異故 《為臣而歸各章講出處進退至謹至嚴吾人生宇宙間能頂天立地其最要者全在氣節二字(以上釋 孟子將朝王與 孟子

國時 善最為深切除以區區五十里猶可以爲善國蓋人之性善國之性亦善性善之說人之樂也善國之說國之樂也戰 深惡亂名改作之徒蠱惑民衆故於異端必力闢之如闢許行闢夷之闢儀衍輩鑽穴隊之類是也好辨章曰仁義充 國國性善而 孟子得曾子之傳古來稱大孝者處舜而外首推會子孝經曰天地之性人爲貴孝者天性中之良知也故孟子道性 塞則率賦食人人將相食其言至痛切矣(以上釋滕文公篇) 國疾甚矣故孟子告滕文公强爲善又曰子力行之亦以新子之國力行者人倫明於上小民親於下 後一國治荷國民自喪其本性即自戕其國性國焉有不危殆者哉夫國性之所以馮邪說害之也孟子 新國 卽

旣不能令又不受命國必自伐而後人伐之聆孺子之歌潛然出涕矣何以捄之誠而已矣不誠則自暴自棄也不誠 講明出處大義乃可以採世(以上釋離奖篇) 者之迹也自 則不能親其親長其長也惟誠故生機盛樂則生矣足蹈手辨誠之至也曰先聖後聖其揆一也與道揆相應道揆王 孟子論仁政不尙空談首重道揆法守否則徒善不足以爲政徒法不能以自行此政治之大本也上無禮 度舜明物察倫由仁義行傳諸禹湯文武周公以迄孔子作春秋皆道揆也而必如禹稷旗子曾子子思 下無學則

孟子全書引用詩書禮春秋而獨不引易然萬章告子盡心三篇易理往往寓於其中其要旨安在日窮理盡性以至

於命萬章一篇窮理之學也首言父子之倫夫婦之倫兄弟之倫次及君臣之倫次及官天下家天下傳賢傳子之局

故曰易道廣矣大矣(以上釋萬章篇) 實威之鄉可易君位與傳賢之局相應然而有伊尹之志則可無伊尹之忘則篡盡心篇言之矣窮理至極辨義行權 問友章言學孟獻子學費惠公學晉平公上溯及於堯舜文言友一鄉一國天下之善士知人論世皆窮埋也問卿章 者智之事也終條理者聖之事也班爵祿原於禮雖因封建之制顯揭代耕之義實寓大同之精神理之不可易者也 其義一也聖人人倫之至窮理之極功也伊尹割烹三章進以禮退以義厥惟孔子出處進退窮理精矣故曰 始 條理

謂之殃民人命不忍言人心不可問矣舜發於畝畝章見古來聖賢豪傑皆本於動心忍性心性之學研之愈精生於 憂患死於安樂仍係乎一心之生死也(以上釋告子篇) 思為聖功之本吉凶之幾故陸象山先生又以先立乎大爲教也長君之惡其罪小逢君之惡其罪大不教民而用之 問日心之官則思思則得之不思則不得思者飲於一心之中周於六合之內尙書首文思詩曰思無邪禮曰儼若思 宅而弗居舍正路而弗由則日哀哉舍其路而弗由放其心而不知求則日哀哉所謂哀莫大於心死也答公都子之 於生者所惡有其於死者一心之生死也宋陸象山先生直提本心爲教正恐人心死耳孟子不輕言哀哉而於曠安 物不消此人心消息之機也凡人於一身之生死以爲最大之事而於一心之生死則漠然不以爲意不知所欲有甚 然耳此言為救人心之根本周易大義莫重於陰消陽息夜氣之說曰日夜之所息苟得其養無物不長苟失其養無 叉日我固有之也蓋以有破無也富歲以下各章皆言心曰心之所固然者理也義也聖人與我同類先得我心之同 告子一篇盡性之學也杞柳六章皆言性告子之學歸結於無善無不善孟子謂惻隱羞惡恭敬是非之心人皆有之

和欧元をとて東京二国

靈心一篇知命之學也自古聖賢能造命先天而天弗達也君子必安命後天而奉天時也故修身立命以下曾言命

之父兄人亦殺其父兄也不信仁賢則國空虛無禮義則上下亂無政事則財用不足孟子之言痛心極矣口之於味 之智當務之爲急仁民愛物爲生民立命也反是則糜爛其民而戰之草菅人命其報也不於其身必於其子孫殺人 之中其象如此及其聞善言見善行若决江河感而遂通天下之故天下之至神也形色天性践形 俟命傳子思之學說也反經即所以立命無有乎爾則亦無有乎爾道統之傳雖曰天命豈非人事哉 竟辨析性命精覈無倫後世言氣質之性義理之性氣數之命義理之命皆本於此君子行法以俟命卽中庸居易以 存者神易所謂窮神知化德之盛也良知者乾以易知也良能者坤以簡能也易无思也无爲也寂 得之不得日 有 命庸 人不知安命是無 40 也 國 背 無 恥 何以自立故日 機 變之巧 無 所用 恥 大同: 之世 然不 所以立命也堯舜 (以上釋盡心 ·動舜 所過 者 化 所

世發明人道者者顧涇陽先生識仁篇劉蕺山先生人譜方望溪先生原人篇方氏之言曰人道之失自戰國始 之心曠觀古今世道人心所以日下者皆因飢渴害其心穿窬害人無所不至四維不張無恥者盈天下矣試反躬自 日人能無以飢渴之害爲心害人不可以無恥人皆有所不忍人皆有所不爲人能充無欲害人之心人能 立人之道曰仁與義孟子首章言仁義卽所以正人心而立人極也又曰人皆有不忍人之心不忍二字人道之根 鄙人當謂 道旣無以自別於禽獸而爲天所絕故不復以人道待之草薙禽獨而莫之憫痛也此卽本率土地而食人肉之意故 省其本心是人乎非人乎要知孟子所言乃人道教育之本旣講貫其學說必當盡所以爲人之道而 也人之有道 [聖賢教人惟恐人之近於禽獸後世教人惟恐人之遠於禽獸孟子七篇尤重人道教育人者天 也飽食煖衣逸居而無數則近於禽獸人之所以異於禽獸者幾希惟敎以人倫而後人道乃有秩序又 後 不作 地之心 充無 源

禮記擷要序 庚午

時為棧通者也故曰禮時爲大順次之體次之蓋明道以淑世者千古之常經而因時以制宜者天下之通義故凡宮時爲棧通者也故曰禮時爲大順次之體次之蓋明道以淑世者千古之常經而因時以制宜者天下之通義故凡宮 道 截 功也程朱於其中特提大學以開其始提中庸以要其終使四十九篇之旨血脈貫通文義聯絡體用顯徵之故不必 輔世長民之略權弓骨子問經解哀公問燕居諸篇可以盡常變生死天人事理之蘊而閒居 而學記一篇可以證單道上達之功樂記一篇可以盡檢身淑性之妙至於王制月令禮運禮器郊特牲諸語 內則玉藻少儀得威儀定命之學坊記表記緇衣儒行得守身秉義之學冠昏喪祭鄉射燕聘諸篇得盡倫盡制之學 之註唐孔穎達爲之疏宋程朱諸大儒復爲之詳說蓋天敍天秩於是而不絕矣寶應朱止泉先生嘗評論之曰曲禮 得之者生失之者死治道係乎此故得之者存失之者亡昔戴德輯禮記八十五篇戴聖删之爲四十九篇漢鄭君爲 楊君教世之苦心也夫禮者定命之符践形之則人道之根原也心術係乎此故得之者安失之者危行誼係乎此故 示日吾爲此咨將以存先王之典制傳往聖之徵言也惟子知我請再爲序以詔後學余披覧其大義作 吾友楊君章甫所著左傳摘要余爲之序不數月間已風行海內家絃而戶誦矣今歲仲秋君復以所著禮記擷 !者也个楊君擷要之作蓋深得正心修身釋囘增美之道焉且夫天地消息之義窮則變變則通通則久禮也者與 1然分晰而一原無間之精意自有可以相爲始終則在讀而習之者深之又深造之又造冥心獨契而非可以口舌 衣服器械制 度可與民變革者也父慈子孝兄良弟悌夫義婦聽長惠幼順君仁臣忠此不可與民變革者也可變 一篇則學 瀢 而数日 篇可以盡 成德之極 一甚矣 要見

以 禮 述 法一切掃除之本末倒置違天理而拂人情有聖賢作必當起而正之矣楊君此書其旨遠其辭純其所刪也要其所 者禮之末也不可變者禮之本也後儒因古今風氣之不同俗尚之沿革以爲禮本無用廼舉中國數千年之大經大 **行動作禮義威儀之則以定命也能者養以之惡不能者敗以取禍故相鼠之詩曰人而無聽不死何俟夫有禮** 之別人生心術行誼國家治亂安危生死存亡之大界也楊君救世之心良苦矣哉 也精蓋禮運篇所謂協諸義而協而精探乎禮經之奧麥者也左氏傳載劉子曰民受天地之中以生所謂命也是

左 蓋孔子周流列邦得百二十國之寶書邱明實親見之故編纂是書至爲宏博必分類讀之方盤其妙茲約舉類別 左傳之文如名山大川魚龍變化寶藏與貨財殖衆美畢備顧亭林先生謂成之者非一人繼之者非 一世可謂 富矣

讀左研究法

丁卯

一日紀事類以綾索變化爲主左氏文雖亞於司馬子長然紀事特爲神妙響諸弈棋然可與子長同稱國手如齊侯 之致讀者應從此等處推求可以悟變化之妙矣 使連稱管主父一段不敍連稱之布體即敍齊侯之遇賊鄭厲公自櫟優鄭插入內蛇與外蛇相門均有天外飛來

一日兵事類以局度縱橫爲主左傳敍用兵間有勝於子長處如齊晉鞍之戰晉楚鄢陵之戰是也故方望溪先生左 傳義法舉要選四大戰骨文正 知兵略要而言之變化無方而 經史百家雜鈔於諸大戰槪行選錄胡文忠讀史兵略首選左氏讀者學其文兼

三日諷諫類以清婉正直爲主如威傳伯之諫觀魚威哀伯之諫取鼎季文子之諫枘莒僕是

四日詞 **令類言語之科聖門所重然春秋時辭令委婉不若戰國策土之囂張如鄭燭之武說秦伯晉侯使呂相絕紊**

是厭後子質一出存魯胤齊强晉霸越此聖門之教史公所以大書之也

五日政治類多有可為近世鑒戒者如鄭子產止尹何爲邑及不毀擲校等是至管仲作內政寄軍令詳於外傳

國語)宜多及之

六日論道類多有極精粹樸實之處如劉子論定命等是

七日國際類西人選錄左傳中交涉事爲中國古世公法失之太簡然其意亦可取交涉之才吾於春秋得二人日齊 管仲日鄉子產皆可師法然子產時鄭國地除已盡失尙能拿崇國體維持四十餘年設以決決之齊屬諸子產蕞

爾之邦屬諸管仲則功業之升降國勢之盛衰恐未可以一例論

入曰小品類曾文正古文四象於左傳小品中之詼艷者選入少陽類趣味橫生令人讀之不厭桐城吳氏左傳文法 教科書亦專選小品然其精采不速曾氏矣讀者當以古文四象爲本要知傳一人必肖其人傳一事必肖其事則

小品可為神品已

子至戴公禮樂廢壞有正考父者得商頌十二篇於周太師詩禮之數同出一原是以鯷趨庭而孔子韶之左氏兼敘 孟傳子屬南宮敬叔與懿子師事仲尼學禮與論語懿子問孝章生事葬祭以禮相通而與襄十年傳載秦丕茲事仲 左氏善於禮鄭君六藝論當言之此不獨盛稱賢士大夫之見聞故實益以見孔門禮教所在昭七年傳歷敍孔子世 尼遙爲綰合師法所在卽家法所在也 家乃祖弗父何以有宋而授属公正考父三命茲益共恭讓爲禮之大本世習禮教淵源有自矣詩商類那毛詩言:

日間にいっていかいには

武伯之謀此其文武兼資折衝禦侮左氏實覺聲言之聖學統賅範圍豈不大哉 墮三都結縵死衞孔悝之難清之役樊遲踰溝冉有用矛鄖之會子貢束錦而紓衞出之困蒙之盟子羔尊牛耳而授 偏陽之役鄴人紇抉縣門以出門者夾谷之會孔子言士兵之以却萊人餘如門弟子子路爲季氏

宋襄楚莊屬之荀以桓文與楚莊吳闔廬越句踐屬之蓋各就戰國一時之稱慕而立論爾(說本黃氏日鈔)實則綜 列强趨勢不外爭盟交兵二端爭盟者交兵之導接也而五霸實握其櫃攷五霸之說始於孟荀孟以齊恒晉文秦種 公時之文精神煥發王齊桓晉文而後成襄以降則文多散漫平衍處矣又先儒謂左傳多劉歆所寶入者先師王文 晉楚文最多而孟子亦以晉乘楚檮杌與魯春秋並列韓文公謂左氏浮誇蓋左傳非出於一人之手故也考**隱**桓莊 春秋二百四十二年世局之變其間百數十年皆爲晉楚爭霸之歷史蓋天下之勢在晉列國之雄先楚故左氏釆取 可為其淆惑也 貞公讀左質疑辨之綦詳讀者應加參攷大致傳中所載君子曰云云都係劉歆所增旣無意義且引詩亦多不倫不

余所選入 君即爲平王所弒諸如此類不勝枚舉閔子馬曰禍福無門惟人所召可爲萬世之鑒戒矣惟左氏於淫佚事往 以點綴所謂言之則汚口書之則汚簡牘也宜劃汰之 左氏述因果事最詳如魯桓公弑隱公即爲齊彭生所殺齊崔子弑其君即爲慶氏所殺而慶氏亦旋滅楚重王弑 類文有宜與外傳並讀者有宜與公羊傳穀梁傳並讀者蓋每篇文字一經比較即可悟出法門文思因之 往 其

大進故余當謂九經高文尚書詩經而外以左氏爲最由詩書下及於左傳國語公穀下及於國策史記則文章源流

曾可考而知矣至此外左傳中精義余已慕入讀經提綱中故不復贅

茹經堂文集三編目錄

卷四 王一亭先生七秩壽序 丙子 **贈序審序類** 杏類

宗嫂吳太夫人七秩壽序 癸酉 **贈閔釆臣序** 庚午

答曹叔彦書 一辛未

答胡敬庵書

一戊長

黃君伯鈞七十壽序 癸酉

答胡敬庵書 壬申 答胡敬庵書 戊長

答陳柱拿論格物書 妥爾

卷四。

太倉 唐 文 治 蔚

芝著

王一亭先生七袭壽序 丙子

贈

序壽序類

書類

象服是宜天錫公純嘏俾爾賽而威子孫繼繼金玉其相以引以翼令聞令望于胥樂兮萬審無疆 余訪先生於仁濟堂請廣爲收容一諾無辭至今鄉人感念不置其積善昌錄詎有涯涘哉爱集葩經以爲頌日 践也生丈夫子三各有專長克自樹立次君叔賢與余有一日之雅壬申春滬戰專起吾鄉本倉瀏河當民流難失所 鴻雁于飛集于中澤飲之食之獨爲爾德先民是程邦之司直告爾舊止惠此中國舒夭紹兮不愆于佛業以爲絢兮 矻矻樂善不倦四方有大善事靡不躬行倡導社會有大善舉輒推先生主持其取人爲善與人爲善也蓋異臘不可 勝紀當一任農商部長兼交通部長既而辭去比年當目時觀上者當道請拿經明道挽救人心情尚非其時未能實 教傳外王父紫雯公納事上追摩詰下傍四王晚年當繪忠孝像佛像及流民圖影傳世眷因自此宏遠矣平生孳孳 成後經營懋邊凡研求商業道德者莫不稱譽敬禮之顯先生以爲涵養德性不可不游於藝爱秉禮堂蔣太夫人之 **誊人不得而見今先生當世善人也詎可無辭以碩先生自幼岐嶷孝行誠篤年十七入廣方言館肄業攷古知新學** 學維丙子之歲十二月二十二日爲吾執反王一亭先生七秩覽揆之辰僚友戚族羣謀所以壽先生者余維宣聖言

打空をととこ言

贈閔

間有頁 心益婦 以救之至於蠶咖 長桑君出入十餘年長桑君出其懷 講指證者半年又逾年僧物 開籥詫得 曰吾閱人未有若君之誠摯者可以傳吾技矣某處置有故篋篋中藏金匱夙愼葛鍵子取鑰牡以啓之先生如其言 遇 足隆腫苦不能履 來玉峯金闆 友朋之樂何 **來道義之交情聯贖者之以爲贈云** 二異僧 請求診 温温 幾近之惟余竊有進者醫人之體疾仁也醫人之心疾尤仁之至而義之靈也君於獨人之貧窮無告 八傷者輒 移情蓋超然之志趣別 於厚豈非 象牙攻錯裝成者一人自頂至歱骨節顯明歷歷可數若經解判而綴合之者亟奉之僧所僧秘示其理 古貌方瞳熱香跌 者已随 春 道義而已矣道義之樂何立身濟世而已矣崑山 往 申 門殿而致傷者則必索重金以懲而移其值喚咻於貧窮無告者之門用是郷里門殿之風戢 間懸壺博灣遠近無弗知者囊時余寓海上長南洋大學見君如舊相識時則多士如林鍛 醫人之心疾 得君煉膏敷治之不自知病之若失也當聞崑邑鄉人之言曰君先世有夙根其王父建亭先生會 君 相接於是知君 所求治無不立愈積數歲諸同人感君德爰聞於交通部給獎以褒異 故而其術遂大行於吳會傳其法於采臣余聞其言而異之又敬之昔史遷傳扁鵲 坐狀若侶先生知其德慧超凡禮遇之未幾僧病先生視之加謹歷二年餘弗衰 有天 者耶 利 地非人間也今年二月辱與二三知己聯袂來錫顧我敝廬杯酒數 君故善崑曲引商刻羽 中藥與禁方書悉與之扁鵲飲其藥以此視病盡見五藏癥結其遇合之奇先生 濟之功廣且大矣秋水兼葭懷人不已爰闡揚其先世之盜德並歷敍十 墳站有聲每憶在滬時春秋佳日與 **閔君釆臣余道義之交也君襲父業以傷** 能 余 (君倚 日下 聲 科名醫 巡行 豆 看不 樓 僧喟 將 愔 越 錬 邱 捐

度

山

餘

ım

謂

遇

體

級

宗嫂吳太夫人七秩壽序 癸酉

家人晉之二爻曰受茲介驅于其王母家人之二爻曰在中饋貞吉夫受介驅者卽在中饋而儋貞吉之德者也 施惠遐覽五方而輔相主持之者實維宗嫂吳太夫人歲在癸酉陳月之吉爲太夫人七旬設稅之辰其苗嗣毓源 **賢者奮跡天衞飛聲文苑援例爲耶官觀政工部嗣應商部試獲選歷官農工商部耶中調補郵傳部** 藥親當先意承旨勉諸糜粥之間行諸杖履之際余太夫人日幸哉得賢歸也郛鄭兄肄業南菁博學教行癸已歲登 歸郛鄭兄祥女升堂六婣交賀鳴鶏戒旦夏靖冬温罔不循內則以崇孝敬維時伯母余太夫人禮嬴善病太夫人 雅既醉之七章日其胤維何天被爾祿其八章曰釐爾女士從以孫子夫被天祿而從孫子者必女士而有賢智之行 自來一家興盛之繇必有人焉至誠行善於外又有人焉輔相主持於內夫然後能積厚而 恙戚硥翆飲以爲自天佑之吉無不利抑知太夫人之胆識有以鑒於未形也辛亥政變郛鄭兄解組旋里與保謙二 京師廉修微薄朝膏暮鹽稍度不給太夫人黽勉有無井臼親操持以勤儉家政井然庚子之變海波沸騰赤眚兆于 公長媛幼事父母孝行荄乎天性藏絍組紃女紅之事靡不嫻習有膏淑女篷豆靜嘉煦植弟妹有逾成人甲申 海經源來乞審言余日是受介蘊而膺王母之瓘者也是被天祿而釐女士之福者也緊維太夫人延陵。 者也吾錫石薇巷店氏之與也厥維我子良宗伯孳孳積善於先潛德聿彰鄉閭交誦我郛鄭兄繼志述亦於後行 弭亂源緊工廠是賴極出資以助其成項城旣敗黃阪繼起與郛鄭兄爲文字交敦勸出山途勉膺公府秘密兼掌 弟豐同邑諸君子經營實業規辦工廠太夫人以通商惠工方令急務矧林林總總恃以爲生者實繁有徒溥樂利而 黃巾得乎禁闘郛鄭兄隨扈長安太夫人審幾觀變携子女南旋間關對千里風廳兩閱月卒安抵里門舉 流光周易晉卦之後 科長逐絮 華胄 為雨三

市歴治と終ニ品

之姓英 而 烕 宗功稼穑艱難諄諄勗 慰藉之辭盗於楮與問益歎太夫人卷耳之思當僕痛馬瘏未嘗一日去諸懷也平居敎子女 明豈非然歟 **飢渴中風幾殆未事之先太夫人心動協協如懸旌巫命毓源裹模持樂追蹤出關助理代** 段非成器 古名 由元 太夫人喟然相 君伯鈞七十審序 厢 储整廟言語 賑 () () () () 铱 於黑省丁已北數省大浸又賬于靜海滄州等邑而龍江之役寫闢數千里塞外苦寒朔風砭肌骨郛鄭兄顧 媛風 和 因彼此知己之感議訂 浦 源 陸文端公之紹介繼 阅論 他 昆 無 |也而郛鄭兄歴辨賑務樂善好施尤以太夫人輔助之力爲多甲寅以泗陽違水災賑 [登其堂則子弟恂恂童僕秩秩間與郛鄭兄杯酒縱談太夫人設饌雖儉約 B 間 戊午歲余發起湘省兵災襲教請郛鄭兄赴長沙寶慶衡陽醴陵岳州等處督理 :者獻期頤之頌廣戩穀之詩余又當執筆以待矣 與图 奥自 然加以陔 謙恭傳譽不絕口余維邇來女界中師範首推聶氏崇德老人骨文正公之季女也年入十 語日官途險熾若斯君盤根錯節亦云瘁矣盞退休乎郛鄭兄憬然途不復出余之初 度姊 訂年譜行 勉每訊 妹輩上 : 南溟養晚蕙歡承壻水瀜瀜孫枝奕奕一時華電蹌濟鞠膪捧觴 婚姻 迺同官商 於世讀者稱懷骨氏家風輒爲嚮往不置令吾唐氏得太夫人懿行淑德茀 · 有財不儉用貧時悔少壯不勘學老時悔有經石被巷甲第者屢道太夫人慈祥 鞹 78 兄謀 部鄉黨僚友盛稱 諸太夫 人 逐許可為復序持衛郛鄭兄以保全印置 郛鄭兄行諧純粹篇實景 一稱太夫人儉以居室仁以宅心有 未當不精潔然後知其內 Þ 非德門之盛事哉 铳 賑務每見其府報 深関度 治 於江北丙辰 南 獲 北 **金至誠通** (等常以) **郛鄭兄** 有 韓 綿 無龍 m 長 愷 助之

所日給! 概與同 晋婁居民惶急無所逃命惟時余由無錫赴滬設救濟會與諸同塘逸黃君碩聲持急函抵崇與王君丹揆鹽君商 矣庸詎知天降喪亂民卒流亡甲子秋江浙齊盧戰起吾郡劉河黃渡等處鄉民渡海逃崇邑者不可悉數 緒乙己江海汎濫崇邑遭巨漤城中閩門塞護老幼號哭壯者登陴以禦水勢稍殺君急請啓城楊議 而喫咻之諸生歎其德而善良焉迨其歸也當道者亟以地方善舉畀之君途及啓院董倉儲寒暑靡問艱劬不辭 大學以爲非如君之篇實沈潛宅心翻粹不足爲士林矜式巫教請任監學君忻然來端莊嚴毅作之楷模又復煦驅 已深且摯矣弱冠遊庠旋食稟餼寅成均蜚聲餐序之間然於仕進泊如也當是時吾國廢科舉典學校余方掌兩 承先德辅陔先生豐母氏宋太君之教李友恭敬文行交資會賴籍燈紡績課子圖行世畫其萌抵於至情至性者 於世 人以保持之而後乾坤善理積久不息余於崇明得交二善士日王君丹揆日黃君伯鈞顧王君功德丕彰已有令聞 而獨歸善士何也見讚學收友德行必主於善也積善餘慶易有明訊善氣之在宇宙間彌綸磅礴豈不大哉然必有 於紫邑設收容所七處羅海舶密赴太倉各海自迎接難民印須攀舟者達二三千人君於其時救濟之功爲尤大雖 兩月事平難民將歸值大風雨君親赴渡口挽留不可得亟留其臥病與老弱者於醫院且慰之日諸君毋憂費用余 ,日耆人爲邦百年可以勝殘去殺义日善人教民七年可以即戎不言聖賢君子而特稱善人何也見 必根於奢也孟子日一鄉之善士斯友一鄉之善士一國天下之善士斯友一國天下之善士亦不言聖賢君子 而 志分道拯濟則見有攀屋頂者有緣樹杪者皆餓憊不堪君揮淚救之全活無算浮尸飄泊悉數瘗 黃君則閻然自修不求聞達人鮮知之者故余於其七十攬揆之後敍述而闡揚之以爲百歲期頤之勞君幼 二發躬自炊爨施食周而均壬申春上海中日戰起日將白川攻陷劉河以拊松滬之青炸彈 南 數舠 治 名設收 埋账功律 載衣被糗 民 用 兵 2

之審有行仁之審君行仁而得審蓋當之無愧矣余當謂居今之世欲善國性惟有正人心救民命兩大端殆可以爲 善國君其稔知之矣爰集葩經爲頌日 當任之一時口碑載道而君歐然無德色余聞之而嘆曰君頹善如斯宜乎天之傳藝而臧也背徐幹中論謂 有 整開

聞令望綏我眉籌稱彼兜觥君子萬年降福穰穰 樂只君子邦家之光傳爾彌性長發其鮮愷悌君子追琢其章譽髦斯士日就月將鴻雁于飛德音不忘有馮有異令

答曹叔彦書 辛未

爾休之義俾爾彌性不外休復若操之過數即爲頻復朱子常患迫感不安即此弊也郭則清世兄年少嗜易立志甚 經專氣致柔之法互相發明此外朱子集中主敬調息二箴均爲入道要旨而調息箴爲尤要兄昔年骨輯靜 邪念易去雜念極難老子常有常無之論朱子集中參同契說發明最爲諦當班子人間世及大宗師二篇亦與道德 多也修理聖廟事擬託華君蘇三函詢山東紅卍字會得置再行奉聞承詢主靜之說兄亦思憧憶往來之幣稱意去 臣同年及周君敬甫均允列名俟呈稿擬就後卽當寄搴指正敬謂吾弟具名未識蘇州同志約有幾人鄙意 信作為介紹近日正擬呈稿吾弟與李君印泉電稿兄未獲見務祈速行抄示以便作爲藍本此事兄當仁不護雖 天在望無淚可揮之語兄於此事急擬設法周君敬甫印拙著軍箴一千二百部已分送張副座于孝侯等處先通 接睾惠書快慰奚似承詢東西陵一事慶邸處已有覆函云均係確實宗室四十餘人具呈當局並未破案函 卷自李延平先生起至二曲先生止吾弟儻須閱之容再奉寄大抵易卦中休復二字最有味卽卷阿詩所謂優游 意得登大匠之門必可深得大道之要吾黨有傳人欣喜之至霉雨陰濕諸祈珍重不宣 坐真詮 亦不在 门内有海 壁

門腦也來示又謂儀封正誼堂刊佈儒先詺書多有割錢亦少心得確係精審之論當時蒐釆過 陽明之藩籬但以人心世道而論倘有真能爲陽明之學者方當引爲同志以期拔人心於陷溺之秋似不必自隘其 之刻故也至南中學派自以東林爲正宗當時未及用小注說明實屬疏忽來示謂睢州受業夏峯未脫陸王藩籬 接誦 已燬于兵火深可痛心昔唐確愼篤守程朱而所編學案小識以儀封與二陸楊園同列于傳道以睢州列于翼道 時平湖實爲睢州諍友然亦深相推重吾輩信道宜篤而執德不可不宏若析之極其精則平湖先生謂高顧 種都二十八册近弟又刻集外文一卷惜全書舍間僅存一 付刻失於檢點容或有之吾輩正當平心曲諒要知後學略鏡先儒門徑未當不賴此書近聞左文廳在閏所刊書 一人識見至爲宏遠恂愁之言仍希高明指正承詢陸陳二先生遺著從前先大夫會刻陸子遺費于京師共二十二 睢 有鈔本弟昔年曾爲之序治綱一書茲與陸子集外文一併寄奉紫陽學術發微尚未成書容俟輯成後是正 行實但不識吳清帥鈔本當時曾否印出現已向蘇州訪 州張 惠函敬稔一是正學之衰久矣執事抱殘守闕衞道之功良非淺鮮級佩之至拙著謬承嘉獎無任惶愧承 儀封未可接道南之派洵爲正論惟弟意係指河南學 部無可寄贈剛奮日記共五卷見于陸先生令子允正所 求倫能覓得則大快矣陳子遺書約 派而言因湯睢州有洛學編之輯張 多政未得善本倉本 共 廿餘 儀 於册太倉(封 有 亦未脱 正誼

耳其名惜未見其遺書今幸得之快慰何如弟德業無似謬承藻飾謙尊而 奉手畢聆悉一是幷蒙惠賜玉照及令先師于次棠先生遺著兩函拜領之下感謝無旣次棠先生前在京師 光無任皇悚方令正學淪胥不絕如樣先 時久

答胡敬庵

市型含と長三品

與台端所述不謀而合弱冠後肄業江陰南菁書院問業於定海黃先生元同專志奪經攻訓詁之學後入仕途爲學 兩目兼告重以 民為己實迨服官商部 徑至爲周詳弟少承庭訓十六歲執於於同里王文貞公之門志學之始亦曾讚三魚堂集學都 造於充實光輝之域惜從前耦全書者未能將其用功曲折次第指示近寶應朱止泉先生著有朱子聖學考於考亭 合蓋朱子自己丑悟道方四十歲豁然貫通徹始徹終實爲學前後轉移一大關鍵自此而後體用 體驗 不朽之作至先生力行敞鄉先賢陸桴亭陳確庵兩先生考德課業之法日記敬息普過以自修省並 生得力之處闡發詳明又連城意龍僻先生著朱子爲學次第考亦頗詳實不識先生曾見之否來示敍述入學門 ·宋敢总荒然終無所獲峽後游歷歐美始知列邦政治精神有與我國隱相符合者此 · 鄙意治易之要以明例爲先弟背年亦略有所述見拙著讚易提綱又擬著周易大義以求達於窮 |功深鄙意性理之學朱子以涵養省察擴充三者缺一不可寅與程子所謂涵養須用敬進學則 洵與 提網中惟愧無 好學足為吾道干城盟誦尊著商學具徵傳習之功拳拳 一然而黍離之感行邁靡靡中心如醉矣先生當正學凋零之際獨能孳孳矻矻守先待後粥教明倫他日 識 亭林先生之說先後同揆尊著周易程傳纂註并附雜著度必極深研幾當名辨物俟定稿後乞惠數爲 《構蔭麥謝風木之痛時深慘怛我生不辰人間何世雖時有著述以存一得之愚風雨 能 如願否魰友吳縣曹君叔彦曾撰周易鄭注箋釋探頤索隱鈎深致遠而序文尤能 心得先生撰述已成冠昏二禮當今禮教掃地藏諸名山端賴中流砥柱佩甚又拿論治易力宗 略 有實費未獲實施洎丁內憂去官讀禮之暇並輯孝經大義以志哀思政變以來蜷伏蟄居 服膺曷勝欽遲至三體之學弟略有 後壹意以開 通辨王學質疑等書 一原顯微 鈕 物 一注意靜 在致 历述 提綱絜領可 理 成務 盡性之旨惟 知 見 心之說相 無間 拙 坐 普 #

無存者容緩日攝奉不次

蘊進而上之如中庸首章及周易復咸艮三卦每日熟復之自能造於精傲純粹之域固不必拘拘於靜坐如稼鬱先 日 生之可譏也先生試體會之以爲何如檮昧之見務祈賜教是幸 曲諸先生緒論合爲一編用備觀省 再來書詢及靜 用酬酢皆存 静想行住坐臥俱作 坐功夫弟心氣粗浮愧無以應十年以前會作先儒靜坐集說自延平先生起下建陽明忠應取 坐觀此十六字確係收攝放心之要法至朱子主敬調总二箴至德凝道已無餘 惟靜坐之後雜念憧擾毫無得力之處實不足以副高明之意惟憶蕺山先生云 山二

答胡敬庵書 壬申

與民同 敬庵先生大鑒秋風迢蓪辱荷損書藉稔道履冲和名山賽望式治頌忱五月間曾惠一書並未收到 寄下書價兩元已囑售書處將孟子大義一部挂號寄奉稿以爲孟子治心之學莫切近于牛山之木及求放 篇窮理之害也故所論皆倫紀大綱揭以 語謂篤志近思仁在其中卽求放心之學至孟子不言易而易理皆寓其中梁惠王篇尊民之旨憂樂好恶與 事爲一 患也公孫丑篇知言養氣聖功之基滕文公篇井卐學校王道之要離婁篇言政治最精 而歸結于赤子之心人之所以異于禽獸皆本于繼善成性以善國性說卦傳日窮理盡性以至于命萬章 始終條理告子篇靈性之書也以動 心忍性生于憂患作結亦易理也 合論 語類淵 諒早付洪 八共吉凶 篇 心

外另有遠콾多種合二十册受古書目實係誤載總之桴亭先生遺著已爲先君搜輯無遺惟以前 曾莫之悟哀哉桴亭先生年譜先君與先師王文貞及凌葆齋先生同輯即弟所刊刻者並非出自一人之手除年譜 皆有之尤爲吾人修身立品之本母論孟子學說可救當今陷溺一 B 篇無所不包而以立命爲宗旨至廣 記是否卽志學錄爲一 大疑問耳 土衆民及口之于味 水兩章謂 順 語破的鄙意欲挽 性 命之理矣若夫出處進 世運尤 退辭 非尊孔不可天下 受取 先生所述之剛 與大節 沿 甁

答陳柱尊論格物書 癸酉

王三家所言皆由本心體驗而得即以鄭荘而論知于善深則來善物自內而言則擴充善念也自外而言則四 巧之徒乃司修齊治平之事生民之受害不勝言矣經義不明是非頗倒痛心何極要知大學明云物有 外襲耳乙盒先師手蹟當敬護拜題惟近日樄極殊甚俟心境稍靜當卽屬稿也復頌敎綏 議之矣近代漢學名家阮芸毫先生有格物說宋學名家唐鏡海先生亦有格物說二文各極精至陳蘭甫 之說與誠意息息相通 人皆告之以善也吾輩日在格致之中但未辨其爲善物爲惡物耳豈非物格而後 斥明王心齊引物有本末以解格物時人謂之淮南格物爭相傳誦震動耳目然其言亦有未鑑之處劉; 始物者即身 一番記論格物窮理卽實事求是亦頗平正請吾弟博孜之當有會悟尊作二篇援據荀鼉洵係獨到之作惜尙不 半旱 並: 心家國天下之物事者即格致誠正修齊治平之事也格至也至有歷義言經歷家國天下之事 格 物釋二篇藉稔進學无疆甚慰格物之說聚訟紛紜近人且以西人科學目爲格致道與藝不 亦得聖學之一體先賢一字一語槪從數十年體驗而 來吾攀後學仰高鐵堅萬不 知至乎朱注最精 審陽明致良 本末 先 可 生東 專 先 輕 也 分 生已 加 而 知

茹經堂文集三編目錄

卷五 序跋類

紫陽學術發微自序 庚午

陽明學術發微自序 己己

太崑先哲遺書序 戊長 高忠憲朱子節要後序 辛末

陳子遺書序丁卯

沈敬亭先生文稿選序 戊長

讀經誌疑序 辛未 婁東孫氏家集序 己己

史學幼元序 辛未

莊子新義序 丁卯 明與母王太夫人藩詩遺蹟序

錫山秦氏文鈔序 灰午

許復庵文集序丁卯

市堅定と長三局

目錄

沈子培先生年譜序 庚午

孫侍御奏議序甲戌

溧陽張氏宗譜序 丙寅 趙叔寶先生行年紀略後序 戊辰

吳氏宗譜序 丙寅

一栗詩草序 丙貨 体解程氏六烈婦傳序 戊辰

勺軒文鈔序 all 李碩韓卷廬詩文稿序 all 郁佩如拙奪詩稿序 庚午

杏墩文集序 己己

杏墩劄記序 辛未

勤補實雜著序 庚午

治平統鑑序 壬申周易程傳纂注序 甲戌

新安講學會第二集序 奏頁孔門學史序 壬申

張豫泉同年重游泮水詩序 甲戌

風雨勘詩圖序 癸酉

王紫翔先生書函手蹟跋 庚午 王紫翔先生文評手蹟跋 庚午 明刻銅板晉論詩本晉跋 庚午 國術進化概論序 庚午 國衛進化概論序 庚午

壬辰殿試策自跋 壬申

重印要東十子詩選跋 奏

窓五

茹經堂文集三編卷五

太倉唐文治蔚芝著

序跋類

紫陽學術發微自序 庚午

張氏孝先所選之朱子文集朱氏止泉之朱子分類文選是也二選皆純粹而不宜于初學有以古文義法作選目標 未可軒輊而王氏朱子論學切要語與白田草堂雜著提要鈎深固足補年譜之關略矣有抉擇精義別樹一幟者 王氏白田朱子年譜童氏龍鑄朱子爲學次第考是也王氏詳于出處童氏詳于學術各竭其學生之精力具有專長 訂朱子讀書法是也其書于入門適道之序燦然秩然且間有爲文集所未載者可貴已有攷訂事實鑽研成編者如 無章是豈爲朱學者之咎哉風氣未開而董理之方未得也于是有裁割鱗爪獨守偏隅者如張氏伯大齊氏充 而又僅以書疏等分類不以事隸屬矧所著過多爲古來所未當有故綴學之士但覺其茫無津涯或轉病其亂雜而 七卷厥後研朱子學者代有傳人然爲之者鮮得要領何哉蓋編書之法不外兩端日編年日分類朱子集旣無編年 之法爰輯紫陽學術發微十有二卷序曰自黃氏勉齋臚述朱子行狀朱子文孫在編晦庵集一百卷續集五卷別 文治旣編朱子大義八卷比年以來教授學者復博蒐舊藏及見在所得紫陽學各書繁細不捐顯微畢燭略得要删 如朱氏竹垞之朱文公文鈔周氏大璋之朱子古文讀本杜氏庭珠之朱子文鈔是也朱氏選本獨取有關時 浦所 集 如

之寒暑也事也者民之風雨也在提倡宗風者斡維之而已矣朱子之于象山 所見偏全不同要皆粹然壹出於正 薛敬軒羅整菴胡敬齋高景逸諸人近代有若顧亭林呂晚村江慎修章實齋唐鏡海倭艮峯劉婁卿 書較勝于朱夏顧文治編輯此書雖網絡羣言然實本此三家以爲準則也此外廣論朱學者宋元而降有若吳草廬 性而道問學致 是也李氏書最繁劉朱二家極簡孫陸黃三家得其中然皆注重躬行不貴徒騰口說又有殫精私淑口 子之道本于性善知言養氣其功豈僅距楊墨告子而已乎又有集大成絜要旨以成書者如孫氏夏峯之理學宗傳 運篇贊大順 闡揚之聖賢之道恢恢乎無所不包豈非然哉禮記中庸篇贊仲尼之大曰萬物並育而不相害道並行而 陸氏桴亭之儒宗理要劉氏蕺山之挐學宗傳黃氏梨洲之晦翁學案李氏榕村之朱子全書朱氏止泉之宗朱要法 氏清瀾之學蔀通 宙 間 明 琢 氏曉崖之朱子講學輯要是也邱氏稍優于龍氏然其書皆蕪陋無所取有精心評隲而不免門戶之見者 虛實之理 氏陽明編朱子晚年定論考其年歲大都 之治日深而 廣大而盡精徵者其惟朱氏止泉之聖學攷略秦氏定叟之紫陽大指夏氏弢甫之述朱質疑乎 室巧力各 辨 不 肋 陸氏稼書之讀朱隨筆是也陸氏學生治朱學精密無倫然微病其專闢異已義有餘之言夫孟 杜二書則皆以 能辨顧 通茂 有千秋 不 而 誣哉 有 間 所 而 謂 連 陳蘭浦東整讀 南豐爲先河紫陽爲後海者也 永嘉永既學派之分支也朱子對于永嘉伯恭爲執 M 址 行 不 相及順 而 不 在已丑悟道以後故多涵養精徵之論而說者以爲顯倒早 相悖連而不相及而彼入 **書記之論朱子不獨用考據** īħj 不相害造化之行一 | 有自出已意以區 也高 主出奴者 陰一陽字 明沈潛 人法述義 呶 宙 類 呶于 者 **友無論矣如呂子約之相** 咸寅相濟舊學 埋 之合一虛 如邱 兼 黨同 採 氏 近 吳竹 世 伐異之私 山之朱 實教 誦 新 心維 不相 如 新 學 知 也 如 晚並 拿德 顧 相 者民

跅跑于 此 之理得窮理盡性以 亦往 謝桑 朋 天下之故 諸井蛙状蟲自 在朱子陶鎔 m 可易者也古禮家之言也天理外之人情非人情也若必徇情而滅理則古樂賢之辭皆爲謬妄矣君子 後好古如毛大可 永 水其是 本末 章實務夏弢 言以爲不 康 士 而 往 派 讪 E 格 時 歧涂 亦 陸秀夫張 通 此 椒 致 惟 顯 未 斯道 誠 ıЙ 知苟 m 當不 朱 A. 临日 子 其 甫 時 痛 道而 者也能 壶 НÌ 主大 修齊治平之本原也聖門家法道德學問功業文章務在一以貫之漢唐後能實踐 悟未 精博如戴東原亦復詆諆之不遺餘力且必欲掃除理學而後快初 晦孔孟且然遑論餘子朱子立朝之時排擊之者林栗韓侂胄胡隸沈繼祖 在 世傑諸賢又烏能聞風興起造就其爭光日月之節哉而朱子對于永康派教誨諄諄苦言不懈是 詆 虼 1噤其猖 所 至於命孔子之言也心之所同然者理也義也孟子之言也不能反躬天理滅矣時 朱子 其言不善則 朱子以爲空談性命學無實用不 然亦未當不欽重其爲人特以其 火者 T, 發已發之宗旨也又日夫 後能 欷 川 達材之列者也天之生聖賢豪傑也必有以拂亂 無窮 論其 欰 天資豪邁朱子深加器重力斥其義利雙行王霸並用之說引而進之於道而 **在不足道獨惜東**原 而 比聞遐方殊 道 太息者也文治自弱冠以迄艾耆竊當尚論先儒言行以爲必平 人心世道背因之偏激而 惟知其心而 域 且有能 易開 後能原其心昔先聖贊易曰易无思也无爲也寂然不 之潛研訓詁遠紹鄭學 物 知南宋時若無朱子則秦槍之徒將接迹于天下而 徒喜攻乙籍恐其心 爲朱子學者東海 成 失中馴至于不可收拾彼大可之四書改錯 務冒天下之道富有之謂大業日 而登意與昔賢爭勝其議 而挫 蟲而 西 海 南海 氣 折之非特其生前爲然即身後之名 浮故常貽書誥誠之是永 不知其何心也 北海 心 理 新 余萬是也不謂 之謂盛 古 心而 論恣肆 無不 此 夫易簡而天下 北詣者競 同 抵除 德 動力 考 也者理之不 一言以爲知 其 如文文山 製百年 至于此 吹疵 # Ш 派 始 Ή 移 固

陽明學術

發微

序

庚午

有 入引 而 伸之斠而正之迻而譯之發揚而光大之則紫陽氏之絕學雖百世常新 ij 也

之貴哉 國者乃由游俠而進于道義陽明致良知之說其深入於人心者非偶然也迨自强化以迄艾耆閱歷世 **黩货之流贿赂公行争** 遠過於吾國爲之舌播而首俛又觀其聲劍之術血 心未敢以爲是也及年三十七入兩遊東瀛考其立國之本遊其書肆瀏覽其書目則爲王學者不下數十百家其 日可以爲善國知覺之爲物放之則彌于六合卷之則退藏于密而所以訓 **躲焉故殷之元辈曰先知覺後知先覺覺後覺孔子曰知至知終知幾其神知微** 而忌昏貴正而忌曲靈也通也清也正也皆所謂良也積億萬 有天地以 屯 子日 積億萬人不良之知覺淆亂其國 也 清獻論學書稍稍疑之又讀曾惠敏日記謂程 修集皆與陽明良知之說不合且營營之而與之為敵者也後讀孫夏峯理學宗傳劉蕺山聖學宗傳及湯文正 余年十七始爲性理之學所讀者陳清瀾學蔀通辨張武承王學質疑陳定齋明辨錄陸清獻三魚堂集吳竹 抑 非 其 來其間萬事萬物流行變化紛紜繁隨而不可窮者人心之知覺爲之也知貴靈而忌滯貴通而忌 獨 所 滞也 災 放 其 塞也昏也曲也而 、良心者猶斧斤之于木也旦 民施奪萬姓寃苦以哀籲天于是倫理悖謬禮義廉恥掃地無餘而人心之昏憫 性: 且邪佞也殘 而 與靈者通者角則其國 忍也孟子所謂機械也變詐也穿窬也害人也皆知覺不良之尤 **蹇所爲梏之反覆則其違禽獸不滾嗚呼此乃所謂** 流朱殷爲小技不顧死俠客之風屹然山立然後 朱之徒處事過于拘謹陸王之徒頗 人之知覺或良或否成爲國性而國之廢與存 必無幸矣將有以振拔而 練其國民陶淑 知彰 知柔知剛孟子道性善日良 能通敏于事 其 訓 國性以致其良 練之伊誰之貴哉且 余其 知 滯也 更不 一變則 彼之所以 诗 寒心 知所終 見貪 寒貴 成 者 見 伊 知

必自致良知始若藥不瞑眩厥疾不瘳善國良藥豈遠乎哉爰取陽明先生全書擇其尤精要者輯爲陽明學術發微 窮理猖狂自恣此 清瀾諸先生所 乃末流之設非師法之本然鳥可以因噎廢食而棄吾國性固有之良乎夫今日欲救中國之人心 以排斥陽明者謂其認心爲理氣質用事將僨天下之事也不 知有明嘉隆以後講學者不讀書不

高忠憲公朱子節要後序

辛末

世之讀此書者苟能善其心以善其身善其身以善其國庶幾有萬一之希冀與

之源得已發未發之與其大要見於答張南軒先生四書高忠憲未發說與顧涇凡論已發未發書洞暢厥旨綜其要 未得辛未夏日孫君瓞香來告同邑孫君蔭午藏有朱子節要原本榮君德生將謀付印屬爲序言文治大喜逾望亟 辛酉哉文治講學錫山初編朱子大義已已庚午之交復輯紫陽學術發微聞同邑高忠憲公有朱子節要一書訪 不過滴聲省察擴充三端涵養者養未發之中也擴充者致已發之和也而省察介乎未發已發之交故周子曰 之序以附於後日救世之道宏綱有三一日正人心二日立人品三日拯人命舍是三者而求治平非所敢 亭淵源錄則是書名爲朱子近思錄固無不可也其採擇純粹致廣大盡精微而靡不約之於躬行實踐之間 披而藏之凡十四卷其分類悉依朱子近思錄而不稱近思者忠憲公之謙也然朱子嘗編伊洛滬源錄後人糟編考 未形有無之間者幾也幾爲動微必省祭乎此而後能去惡以歸於善夫人未有不治其心而能治身者亦未有不能 管理其心而能管理天下之事者此正人心之道也孟子論尚志必本於氣简居天下之廣居立天下之正位行天下 純駁之氣常與人心之邪正息息相通惟能正心乃能維乾坤之正氣朱子受學延平先生得力在已丑悟道 如童能靈先生之朱子爲學次第考秦定叟先生之紫陽大指朱止泉先生之聖學考案稱遼密皆不能速 知 也 操心性 迺恭爲 心天地 雖 後來 動

學終身惟以上三事爲兢兢而忠憲公築節要亦於此三致意焉令孫君榮君擬印是書適值兵災水災交迫之會哀 荒詩日阡陌縱橫不可尋死傷狼藉正悲吟若知赤子原無罪合有人間父母心第十卷讀之而 矣然惟人 **寧其最要之言則曰救荒有兩說一是感召和氣以致豐穰其次祇有儲蓄之計且謂賑濟無奇策不** 其举举大者 朱子之學宏宣木鐸以救之 鴻疆野白骨邱山耳不忍聞等不忍述當世仁人君子讀是書者其於拯人命一事當必有大個於心而 非赤子孰無 天地之大德日生孟子曰親親而仁民樂則生矣生則惡可已也民吾同胞之說發自張子西銘朱子宗之措諸實政 不計其功公平正大而行之其濟不濟天也 立人品之道也怐愁之儔輒詆宋儒爲無用文治謂世界有用之學莫如孔孟程朱何也以其爲生民立命也孔子曰 言乎學校之政不修則子弟之教不肅士林之品日壞則生民之苦日深惟賴有公平正大力挽頹風者矯而 徑以爲新奇此是今日莫大之弊今若革之莫若取三十年前渾厚純正明白俊偉之文誦以爲法 之大道是也世 |長君子道消蓋君子小人即人格所由 心改其行 心 險詐人品卑汚而殺機災祲乃根據盤伏而益無所底則三者更有相因之理居今之世變今之俗宜先 · 父母誰實致之孰與救之此拯人命之道也嗚呼朱子生孝宗時立朝不過四十餘日隱居求志**李** 在 立 社 運之盛衰視乎君子 倉賑恤礼 國根荄莫要於此此以爲迂而掃除之世道之所以愈漓而人綱人紀之所以愈悖也則惟有提倡 **倉防災害於未見之先賑恤救災害於已著之後大全集中於茲二事苦心孤** 小 人之消長故易泰 判而其辨在義與利之問觀朱子之言曰士惟有正] 見本書第十卷 又曰近年鬼怪百出都無誠實正當意思一味穿穴旁支曲 卦 之彖傳 日 君子 道 長 亦 人 道 消 而 其誼 否 不堕淚 卦 **卷敷人之注** 見本審第十 不謀 之 如 請水 其利 急所先務者 者 傳 詣 非 則 明其 正之此 利 摮 也 其 小

太崑先哲遺書序丁卯

以勤於作述乃歿 先哲造書來問序於余且告曰吾非爲名也將以繼先志也且非炫博也將以闡潛德也昔我先正殫極畢生之精力 於歧黃診疾之暇雖至夜分必摩挲古籍以寄其興而尤酷嗜鄉邦文獻蒐羅未刻本達數十種一旦發憤印行太崑 不可勝數留心掌故 學之潛麗者曰維彭 歸篋川王弇州張天如諸先生詩派主盟則有吳梅村汪靜厓諸先生訓詁校讎學之鴻博者曰維墨秋帆 徐 申之變無論鉅製鴻簫奇鱗片爪槪付刦灰灩焉蕩盡雖精光流露掇拾煨爔之餘見有二三存者而 風雲其氣鬱鬱黃蒼郁乎燦爛蔚爲人文於時撫政績以長氏有若王文蕭顧文康兩公道經學以 以論其世也是愛先哲之模範也义日奮乎百世之上百世之下聞者莫不興起也而況於親炙之者乎是愛先哲之 傳述其著作文字而已孟子告萬章日一郷之善士斯友一郷之善士尙論古之人頌其詩讀其書不知其 愛民不在空言當先愛鄉愛鄉不在空言當先愛鄉先哲愛鄉先哲不在形跡而在精神先哲往矣其 表彰 神也太倉自海水東流婁江吸收之汪洋澎湃曲折蜿蜒入太倉塘以達於崑山塘由是弇山玉峯相 佢 健庵沈敬亭諸先 囘 憶 者 也 幼 矧 時 今日 追 世 隨 1者世道· 而 先大夫往來太崑問踐必數四舟車 者往往撫簡徬徨流連慨嘆 湘涵先生其餘或擅填詞或工讀費 生窮理盡性以拯人心有若陸桴亭陳確庵江藥園盛寒溪朱柏廬諸先生至如文壇 名不 傳或一再似而終歸於泯滅雖單辭剩義不得流播於人間斯固後學者之實宜爲之稍 人 心如江河之日下矣進以先哲之書庶幾發聲而振瞶乎余聞斯言不禁怦然有動於 而不能已姊丈俞君 經歷先大夫輒指示之曰某鄕某先達之發祥 時著作滿家麟麟炳炳照耀簑區逎以中 隸 雲每爲余言引爲憾事而 淑世有若顧亭林 其哲嗣鳳賓甥精 凋零磨滅蓋已 遺鼎革 精 将爭 神 地 先 何 也 人可乎是 秀並驅 某社 復 生 寄 一群文 則

双工学にて世代二二三和

然則鳳甥之印行是苦非易之所謂碩果不食者歟抑豈僅文章雅故之足徵歟而世之讀是書者其愛鄕之蓄念亦然則鳳甥之印行是苦非易之所謂碩果不食者歟抑豈僅文章雅故之足徵歟而世之讀是書者其愛鄕之蓄念亦 陳子遺書序 必始於一郷而一郷之文化風尙實始於一二人之心理禮義道德不能一日而不行卽老成典型不能一日而 神有以感發人之心志者豈非講學之功哉運來新說朋輿論者以爲講學之效將遠遜於前不知一國之文化風尙 手編之陸子遺書手校之陳子年譜則墨跡如新毎一展覧悽愴傷懷夫前賢之所以垂後後人之所以承前而 先賢之設教地也迄今四五十年迴溯舊遊前廛如夢欲訪歸 一怦然有動於中歟余旣深嘉鳳甥之言故爲之序以貽之 顧陸陳諸先生之遺址憑弔蒼茫不可辨 識 而 先 或廢 其精 大夫

吾國之資與屢欲爲序以 吾子不可以無言文治檢閱其書目蓋係先生之孫名溥字乾如所輯者經二百餘年而始發見豈特吾鄉之寶抑亦 得周易傳義合關爲鈔錄而刊行之蓋先賢遠著零落人間其徵集之難如此乙丑夏世弟王君慧言以書來告曰頃 鈔得築園說救荒定議蔚村三約三種嗣李生頌韓又代鈔得先生日記四册中年以後戢影蓬廬又從同里陸氏假鈔得築園說救荒定議蔚村三約三種嗣李生頌韓又代鈔得先生日記四册中年以後戢影蓬廬又從同里陸氏假 者偕錢君誦三陳君石鯨從虞山李氏假得安道先生遺書五十八卷己爲鈔存吾婁圖書館中是書之出殆非偶然 先大夫為光州吳粵生邑尊校勘安道先生年譜從而讀之始得窺先生學術之淵源與夫著作之大概壮義官遊京 文鈔與罂學入門書二種而已弱冠後從同里繆氏假得毛子晉先生所刋確庵文稿如獲拱璧亟鈔藏之辛卯歲 文治幼聆 先大夫校勘陸桴亭先生遺書兼搜集陳先生遺著又從小石山房叢書中鈔得准雲問答一種婁東雜著中 先大夫訓誨竊不自揆欲蒐羅鄉先賢典籍顧少時於安道陳先生之書所讀者不過葉歸寇先生所 先大夫喪未除追念往事輒心痛不能握管令年夏覆檢慧言所寄書目乃謹序其簡疑

敬亭先生文稿選序

斯道之就 刻距今三十餘年而先大夫之喪終焉如白駒之過隊文愼師謝世則已十九年矣文治撫令追昔感我生之多故懼 守先藏諸名山傳諸其人俾道統之綿延或者猶有所屬此則後死者之實而一息不容或懈者也嗟夫陸子遺書之 天性孝友崇尚躬行方且自焚其書不願以文章表暴于世然則身後之名又豈足爲先生道哉惟夫抱殘 明風雨先覺寤言溯洄伊人若潛若見濯淖汙泥之中逍遙萬物之表身旣隱矣焉用文之維時同志如江樂園 迨張天如先生旣歿或勸之出先生嘿不應蓋其視塵世榮名蕭然無與于已七十二潭空澄映碧蓮花繚繞其間 斯文則以爲後死者之資富明季龍戰之會正復社鼎盛之時壇坫名流爭相角逐而先生肥遜荒野姓氏惟恐人知 事先生所以得從配者賴有思辨錄經緯天人囊括今古故議者不敢或沮也今先生書零落如此彼 **靳欲援桴亭先生例奏請以先生從祀商諸文治且詢所著書目文治謹舉鈔藏書以對文愼師!** 之書猶韜晦於荒江寂寞之濱人鮮有能述之者曩讀學案小識一書列桴亭先生于傳道而確 斥可奈何 以唐確愼之篤實虛衷其見聞僅止于此他可知矣昔年吾鄕陸文愼師伯莠長諫垣時以陸陳兩先生學問如驂之 屏絕當時聲華標榜之習其出處同其體用兼備亦同乃桴亭先生從祀 嗟夫士君子道術之廢興令聞之顯晦豈非以其命哉先生與桴亭先生生同里長同閈同 邦文獻備哉燦爛 湮 議途寢然則先賢身後之名豈非有天命存乎其間哉雖然宣學於道之將行將廢 則夫炳燭之明系楡之效開 而有以昭示于無窮也夫 牝 繼往之懷益當與諸君子相勗孳孳吃吃網羅舊聞識大識小 孔庭其遺魯流傳海內已非一日而 講 歸之於命至天之未喪 日 求濂 庵 [噫事不 先生則列 洛腳 有司拘牽必駁 補缺 濟矣夫桴 **国之學同** 毋俾墜地 入翼道 先生 先生 待後

小山王蕙帝三先生日以道義文章互相切劘雖所造不同然皆彬彬乎君子人有四先生考德問業之風焉先生著 者其幾實在於此 天保之詩如松柏之茂無不爾或承然後知人才道統學術授受協衰消長之故端賴有人焉以承之所以 乎文治當研求天人剝復之埋間於隆冬歲暮履堅冰曉園林見夫松柏青青輪困盤鬱舊柯未 孔子作易剝卦之彖傳曰君子倘消息盈虛天行 五中正之旨致廣大盡精微爲當時儒林所傳誦此外別有文稿九卷其畢生學術行誼都萃其中顧 江盛四先生講學以來斯道淵源不絕盛寒溪先生之學傳於沈白澤先生白漢先生令子爲敬亭先生維時吾椰風 綸然以較 之際魁儒碩士風起雲從幾於人握隋珠家抱荆 文治於庚申年始從先師王文貞公家鈔讀之大抵傳四先生遺說爲多然則吾郷道統之相承夫豈偶然與當乾嘉 然與矧夫道 之人慨慕流連彼都人士出言有章搚笏珥形潤色鴻業郁郁乎鏘鏘乎莠不啻躬逢三代之盛矣然則先生之承道 宇之易漢學周易述張氏皋文之鄭荀陵三家義易言易事易義別錄焦氏禮堂之易圖略易通釋裒然鉅 易孔發集說以義文周三聖之易爲經以孔聖之易爲傳考其年譜所載屬草於六十一歲成於六十九歲發撕二 純樸甲於吳曾先生幼秉庭訓於性命道德之蘊漸染旣深探幽發徵 爲撫膺 孔 而 術學業盛衰興廢又有 集說象數義理兼 太息者也先生壯 也孟子曰王者之迹熄而詩亡竊謂王者之迹有時而熄而學者之迹則終古而 談 採 氣數 掇 併包粹然壹歸 拾巍料晚 存乎其間故學者功力之成否境遇之因亨亦有幸有不幸焉伊古有志之 也復卦之条件日 年級歷中 璞然大都尊崇考據土苴微言即以易學而論吾吳大師 於至正或將拱手相讓以爲不及然則吾郷經學之相 外鄉钱祭社 復其見天地之心乎斯言也其 震耀 沈曆閱博其與先生相友善者有 一時際寰宇之太平 瀖 極 不熄吾鄉 新葉已萌 吾郷亦 儒 編二 臣 Ĭij 承夫 若惠氏定 顧 剝 慨 鮮傳 自陸 抱 然誦 丽

父老之訓久矣弔婁水而欲獻嗟狂瀾之莫挽子矜佻達庠序荆榛仰止高山典型安在嗚呼可悲矣夫雖然易傳有 德亨茲福臨風涕淚漣蓋先生德澤之深感動揮邦若此及長聞先大夫與先師王文貞公屢道先生學行今茲不聞 先生文稿屬常熟何生葆恩分類鈔選曰言行曰學術曰經濟曰掌故曰闡幽其發凡著提要中井然有條理此 之心不遠而復而吾鄉之道學人才終相承而不絕於天下也 言乾坤毀則旡以見易夫乾坤旣無或毀之時則道統學術亦無或息之理爰謹述先生梗槪以爲之序蓋深望天地 承 經學 稿別 飢 엵 附 編命 時 甥將印 刃 邁 相值天之所以厚植人才者又豈偶然與丁卯之秋俞甥慶恩印太崑先哲遺 而行之乞一言爲序文治囘憶少時讀先高祖愛蓮居詩稿味先生入鄉賢嗣詩有云茲 年 夏 家 假

婁東孫氏家集序 己己

溝中而 錫蹄 敢忘五十年來居官講學業業兢兢未曾不以子驅先生爲法迄今追維 州府勤政愛民以直去官歸途挈眷過洞庭湖暴風驟作舟泛洪濤中簸蕩將傾覆先生則盛服立船頭矢之曰吾舟 某夜韶文治曰汝知吾鄉孫子福先生乎子福先生諱籌祺道光甲辰進士官刑曹剛正不阿多所平反出 光緒己卯庚辰之間文治年十五六隨侍 他古書日惠迪吉從逆凶義與利之辨也昔者任聖自召天民先知先覺匹夫匹婦有不被堯舜之澤者者已內諸 備有絲毫不義財天其肾消我否則義不當死猶有神明其鑒余衷未幾風果定全家慶更生夫廉潔者人生之大 要表弟徐君天劬手先生詩草二卷雜文一卷見眎屬爲序言文治大喜以爲數十年景仰之忧今乃得表揚遺 溯其生平則一介取與必折衷于道義夫世未有贪壞好實而可以修已治人者汝小子其知之文治秉訓 先大夫讀書滬濱先大夫靈則傳經授課夜則講撼先賢遺事傳知激勵 先大夫遺言彷彿猶在耳也今年春自 爲廣西柳

右徑堂文集三編

乘光文治因天劬之言不禁喟然歎曰子福先生不獨廉隅足以風世其一家孝弟之行亦不可及也詩言老成典刑 則子福先生之姪孫也少彭先生詩僅四首仲衡先生詩曰沁心居詩鈔萊峯詩共六十餘首請作總序以爲孫氏家 子福先生弁首繼之以少彭先生則子福先生之弟也又繼之以仲衡先生則子萬先生之猶子也又繼之以萊峯 孟子言故家 彭 一先生以下雖詩筆各有專長而其風格高騫皆與子福先生爲近爰謹爲之序藉表我穩先進之行詣高尙肫誠足 生小 流風 附 貘 《猶有存者豈不然夫至子福先生天懷高朗詩才清絕雜文多有獨到之處後之人自能知之若少 以傳幸矣會人事 佐偬 未 遑 2握管\ 數 月 天劬以書 來謂 子 福先生姓! 孫景賢將改 擅 猱 氏 家 集以

設經誌疑序 辛未

晋國以科學名者有之矣以科學溝通古經學吾未之見也至以科學溝通吾聖賢之學有以覺人心而益 于首名曰讀經誌疑屬爲序言余讀之則皆以科學心得發明古經與誼多先儒所未道消讀末篇鬼神說 更未之聞矣世丈王晉蕃先生所著說經各篇比年以來余不揣固陋屢爲題識 知 至而人化物人化物者滅天理而窮人欲者也蓋人化物而物叉化人此卽輪迴之說也上古之世狉狉榛榛禽獸 不 而生人少其後日益 置當讀孟子之言曰當堯之時草木暢茂禽獸蕃殖叉曰人之有道 時 倒 **信孟子之說爭** 禽獸之知覺也故曰人之所以異於禽獸者幾希庶民去之君子存之此因人之化物而希冀物之化人 開 地 H 爭 深 城 山 殺人如草芥策士總林宮室襲妾冒於貨賄吸生民之脂膏問知顧惜天之親斯民雖 彩 谷禽燬蹤 跡漸 稀其 魂魄皆化爲人故雖 也逸居而 儼然 無教 用 人也而其性質則禽獸之性質也其 誌傾 則近 佩 於禽獸 **今**歲 夏先生哀 禮 記 樂記 更爲 世道 集舊著若 篇日物 心折 **則**吾 也

謂敎 霜 報 宗典禮祀事孔明法施於民則祀之以死勤事則祀之以勞定國則祀之禮運一篇大同盛軌穆然 也 也若夫左氏傳所載神降於莘狐突遇共太子或叫於宋太廟鄭伯有爲厲之類繼迹不絕皆是神與 溯孔子之言曰與鬼神合其吉凶知鬼神之情狀吾當上溯子思子之言曰至誠如神質諸鬼神而 主祭而 性顯思命不易哉無日高高在上此天命之說也若夫康誥之詞曰元惡大憝矧惟不孝不友天惟與我民 來天與 之間孟子曰天與之者諄諄然命之乎此卽天與人告語之謂也孟子曰否天不言此絕 雲以 官或以龍紀官或以雲紀 其連· 本天本祖之至性乃不敢作孽而遼罪恶豈臆造而 五 近 本追遠以 行 111 地 歸 皆 降 汨 以 由文王作罰刑 百神亭之是又以鬼神爲主矣吾當上溯伊尹之言曰顧諟天之明命吾當上溯周公之言曰昊天有成 帝鄉之氏預顯氏出命北正重司天南正黎司地絕地天通人與天始絕 書意戲 而猶必奠命於鬼神萬章 人未當相離 禽獸 來場除天 陳 於祖廟之謂仁義降於山 外 《神道設教非迷信也道民以畏天命敬鬼神俾本心常有所兢惕良 之心 忠交関矣禍至無 涥 (命之說侮慢聖賢人心無忌憚而洪水方割懷 |也天下通人上通月||上天夕上天天與神旦有語夕有語萬人之大政欲有語於民則有傳語之 命秦 茲無赦蓋文王陟降在帝左右故能作罰以刑元惡大憝之徒也是天與人未嘗離 官或以鳥紀官於是有機龍氏有豢龍氏有 的 禽獅 日怵目赋心痛乎悲夫吾於是知! m 川之謂興 草薙之痛 作降於五祀之謂制 乎悲夫· 强致 有聖賢者憫焉於是以 哉 性情道 徙 山災陵矣場除鬼神之說昏棄 度臨上貿旁如在左右備哉燦爛式 717 德之自然東海 乘龍 科學之無益 以御天之氏有攀龍髯以號之氏有乘白 天 知常有所警覺而又時 命鬼神之說救之且夫乾坤 也否於是知 西 海宗教 地天通之說也然又日使之 推 科 肆祀 丕顯命降于社 無 ņ 此 人 疑 之當通 心同 갩 動 禮莫愆聖人 未當離也秩 其春露秋 鬼神 也吾當上 舞大! 此 無 開 之說 泯 開

經濟文長二扇

卷五.

生別 电否於是知 有 說許誌疑一卷索隱鉤沈補段王二家所未建可與此書並傳云 科學之當通於古聖賢之教也吾於是知晉蕃先生茲編有以正 Ł 心維 111: 道必不 沢於天下 後 世

也先

舜迄戰 史學鈎元 之學說何如哉析言破律順非而澤簑鼓 世聖人作書契蓋取諸 羣言淆亂折諸聖評論史學者折衷於孔孟而已孔子繫易言史事述庖犧畫卦曰通神明之德類萬物之情其論後 漢代帝 司馬 降媽 世之學說哉蓋史者掌於禮官權與於重華命伯夷作秩宗是也故天敍有典天秩有禮人倫之教養滋於是書 氾濫於百氏品藻體例釐焉秩然提鈎綱要括焉粹然顯微彰往旌淑別慝務中於理曰旨哉此殆折衷於聖賢豈近 夫換張實用則 家漢敼之元后傳下迄歷代后妃傳於人倫之道兢兢蓍誠國家興亡盛衰之故得 旁通握 衲 · 吳哉同邑鄒聞磬先生手史學鈎元一編見眎屬爲序言余披而讀之則首基於羣經胚胎於六家**蒐討於諸子** 遷論 國曰天下之生久矣一治一亂而歸折於正人心息邪說距誠行放淫辭此論史學說最嚴而 詩 王如惠如文如景如武如昭以次皆冠以孝字後代多有沿用之者君子務本本立道生而 序 美队 本以 先人舊聞作史記班固承父彪遺學爲漢書劉知幾史通自敍首稱幼奉庭訓作史 辛未 宜倣 睢 **賅末由古以臉令記曰知類通達强立不反此史學之質用也夫吾國自黃帝以** 好逑史家之精義莫非倫紀之宏綱章氏學誠之言曰六經皆史吾謂二十四史皆人倫之大鑑 東坡證史八面應敵之法若外交若軍 折於剛決柔君子道長小人道消也此論史學說最古而最純者也孟子言史事述 聽聞如越犬吠雪天壤易位東西背轅學說愈夥而禍害乃中於人心鳴呼 事若吏治岩財政若禮樂刑法若農工 ·失之林· 在 者 焉 | 宋歴 此 無 |商政 非教 史學之精義 如史記之外戚 最正者也近世 | 歲五 人比類研 人以孝道 Ŧ |首整 討 也

惟春秋乎罪我者其惟春秋乎蓋聖人於史家學說矜愼而不敢輕肆有如此者 戾之私發其鄙倍之覆嗚呼可痛矣哉吾是以約撝大義質諸聞磬先生且以諗當世之通人達士孔子曰知我者其 綴學之徒高者不過撨拾攷据馳騁游譚其劣者巧說豥辭反道敗德且欲去譜牒廢氏族變文明爲蠻野以逞其乖 著述蔚成二十四 |史體 例 諩 殿 純 舉凡道: ·揆法守教化民俗悉備於是歐美各國歷史孰能比**儗抗衡乃大義晦盲**

莊子新義序

館數師蓋君以莊子咨敦弟子凡二十年於茲矣今歲春君始出所著莊子新義都凡十卷間序於余余讀之景仰其 言猶河漢而 任太倉中學維時君己用莊子教授生徒越三年义延君爲上海南洋公學教師越十一年又延君爲無錫國學專修 少年時相見酒酣耳熱相與背誦莊子互爭勝負均口誦 之乃徐有進久之而漸悟孰者爲儒家言孰者爲道家言孰者爲釋家言孰者爲科學家言吾之讀莊子如是天下人 之芒乎邈乎未有得也中年以後又得林氏莊子因陸氏莊子雪及王益吾先生莊子集解吳擊甫先生莊子評本讀 之讚莊子亦如是所謂仁者見仁智者見智殆不外乎此矣同里朱君叔子年差少於余而治莊子則在於余前每憶 變化無方而卒不離其宗庶幾其亞於易乎余年二十二始治莊子僅得郭象註及歸震川姚姫傳兩先生評讀本記 乎孔子見老時日鳥吾知其能飛魚吾知其能游獸吾知其能走至於龍吾不能知其乘風雲而上天吾今見老子其 易傳日其旨遠其辭文其言凸而中其事肆而隱仁者見之謂之仁智者見之謂之智至哉天地間無上之理其惟 **豬龍邪王哉天地間** 無極也方今歐風東漸新說明與以哲學而論有所謂形而上之學有所謂 不可測之物其惟龍乎莊子之爲人與天地精神相往來惟龍足以喩之莊子之爲文閔大俶 如流往往遠篇無差一字余深愧弗如也歲已酉余延 維 心 派 惟 派 元派 君主

力区でして長二届

総五

之時不免令昔之感雖然指窮於爲薪火傳也不知其盡也質諸鬼神而無疑俟諸百世而不惑文章精神之流傳 明王氏之學無不可也仁者見之謂之仁智者見之謂之智也然而爲人心世道計則當以儒家爲要歸君之此書蓋 天地之純古人之大體道術將爲天下裂然則莊之尊孔固己至矣唐韓子謂子夏之學其後有田子方子方之後流 末度六通四闢小大精粗其運無乎不在其在於詩書禮樂者鄒魯之士播紳先生多能明之後世之學者不幸不見 心之日趨於詭異也乃專以儒家之說匯之曰有爲而無爲無爲而有爲夫莊子固當自道其所得曰明於本數係 射之處子以一吐其抑鬱無聊不平之懷於是漆園之書幾於人握靈珠家抱荆璞君獨懼其宗旨之多歧而 而 能獨得精徵矣君叔父雨鋤先生與先大夫同游於庠世誼親摯余與君交四十餘年囘憶蠢者縱譚劇飲背誦莊 班子之書蓋早已乘指其義盱衡當世土君子崇尚新奇耽心空寂往往絕響棄智豐意孤行 為非周吾當推廣其義以爲源遠則流益長是故善讀莊者謂之道家釋家可也謂之哲學心學可也謂之宋陸氏 或 將 . 訪漢**除** 世道人

明鎮母王太夫人壽詩遺跡序 戊辰

運幹維之根本余與君固當共勉之者夫何感慨之足云

祚吳世睿吳克孝吳清朱汝勸顧鈃殷陞金珩諸先生與太夫人姪孫挺撰接三先生其卷尾並附崔華所繪墨菊圖 者爲郷先哲陸 戊辰春季吾鄉方家橋門人與生資琳攜其十八世祖妣王太夫人五十歲壽詩見际屬爲叙焉發而讀之其中題咏 侑太夫人壽者不禁作 介醫之時距今已三百年其中兵燹亂離滄桑變易不知幾何度矣乃其精氣光怪不可泯滅龔生得於南 世儀 陳 瑚 陳嘉 ılii 嘆 盛敬許旭許綬華乾龍文祖堯黃翼聖黃與緊黃遷黃冲黃濃周歇王御王發祥王元 日嗚呼昔賢之遺跡皆精神志氣之所聚豈不有賴於後人之表章哉當諸先生歌吟

富 五人 集名焉昭明文選擷漢魏晉諸代之菁華於是乎總集名焉然從未有以家族之著述彙爲鴻編者即有之亦不過三 **今歲秋及門秦君達軒將族長命以秦氏文鈔來乞序於余讚其例言閎通淹雅蓋其閱閱之盛甲於三吳其著作之** 鯚 /或十數· 炳炳蔚成鉅觀 人而 ıŁ 然已不 綜 其數達百有二十餘人嗚呼何其夥也自王迹熄而詩衰離騷作而文辭之事興于是乎專 數數親而兄奏對尺牘書序贈答散奇駢偶璀璨矞皇兼以閨門攀帨權 口錦 心麗

錫山

[秦氏文鈔序

庚午

古空堂文集三届

卷五

爲四 氏若文恭公品端學粹矜式鄉閱蘇修五 則家族之子弟胥跅鉇而 孟子亦言謹庠序之教申之以孝弟之義人人親其親長其長而天下平是豈迂遠而關于事情哉董孝弟之道不 輯論語為政篇發撝政治原理詳述孟懿子孟武伯子游子夏之問孝又述孔子引촭孝乎惟孝友于兄弟施 是故日日言民族而民族愈覺凋零日日言文教而文教益形榛莽有心人言之不禁靈然流 幼之序不可復問 有瘳夫吾國之文化其勿墜矣夫嗚呼此豈僅家族之書與其大同郅治之萌柢也夫 而不絕深望編輯諸賢更採譜牒長老之傳聞都爲傳狀列諸簡端庶幾讀是編者本孝弟禮義之詣推之於宗族 、起羨而起敬矣吾因之深有感焉茲者遊學校訪藝林見夫囂張凌雜粉呶爭鬨 **芬流寰**寓 一余謂此 此雖海內 **鸷雄方朱子儀禮經傳通解何多讓焉此外如小峴諸先生散駢文章膾炙人口而孝友睦嫻之風** 而 政 名族如曲阜之孔太原之王淸河之張平原之陸亦鮮具斯美而吾錫 治窳败遂如江河之滔滔文化支流轉將求諸異邦絕域問 不覊家無良子弟則社會之風俗國家之政治背粉然無條理之可備又遑論乎文化 禮通攷通貫古今近曾滌生俞曲阑諸先生咸深折之以爲與三通可並 以其所以 之風相沿成習視爲故常尊卑 則日家庭教育之日衰 涕而長太息也昔聖門 秦氏迺獨 擅其 于有 勝 猸 推 也 立 政

叉有秦文恭公滑研 宋楊中立先 途設東林書院建 生倡道 道南 禮學築五禮通考開物成務網絡纂流是爲無錫經學派之始又百年曾文正公崛起湘郷吾錫 東南 祠高 發明伊洛之學明道先生喜曰吾道南矣其學說流衍於吾蘇而大盛於閏 忠兤顧端文兩公實主之激厲名節風動一時是爲無錫理學派之始後百餘年吾錫

後二百餘

年

番

復庵先生文集序

口のとかうりをにつ言語

沈子培先生年

譜序

庚午

老獪期身及見之而告慰先生於地下也

松今日 愛君與 文也 促 il. 之 嘻 滂 ιþ 次先生握余手呼垍幾不 九 散先生之名不與為及戊戌春康駸駸將大用先生諷之讀順宗實錄蓋逆知德宗之噤不能 先生其測先生者淺矣跟 學之這貴乎知 點戊辰春间 不亡蜀漢 無可 1.乃勉綴以應之曰嗚呼吾尙忍序先生之譜也 公互 子再 沱 則 瞿 風下泉之思黍難麥秀之感抑鬱於中不能自己主於憂傷憔 於此見先生之學之大而燭幾之早矣厥後國步日棘先生唏嘘每謂余蘭芷變而不芬荃蕙化而 杖 相颉 Ą ß 國 瞿 無可言者惟有與古人相晤對或與九夷八蠻人道耳嗚呼先生之憤世嫉俗也非真憤激也實有見 ((1) 也 也稍之其爱母 有 二十年書與吾談可耳康乃不 不 踽踽色容顯顯蓋水樂糜粥僅入於口泊乎送鄰出國門先生羸瘠擗踊不能行中道蒲伏嬰兒依戀 能 。學王子瑗仲輯吾師沈子培先生年 頏 然 武侯而漢不亡宋有文陸諸儒而宋亦不亡天之生先生也未始非珍碩果 61) 卒 類 起吾輩更 不幸生當叔季如長沙張文達南皮張文襄雖目擊 知其不可而爲之矣哀哉藉使先生生際康乾極盛之時匡上德而盡忠孝則可 通 達開 物成務 选扶 有爲之初至京師也氣餘張甚迨見先生論學雖機鋒百出 也哀哉先生於學無所不精巧括六經出入百家諸子貫天人之與會中西之通 能言但曰吾欲求子文繼曰吾欲求子文表揚吾母余亦鳴咽不能答旣復見先生 掖之以徐步道旁咸 岩拘 墟一 敢作跋扈態强學會之設先生稍加宏獎爲 隅何爲者然則今所傳 耶 潽 成 憶 嘆息追憶斯狀如在目前嗚呼先生之事君也資於其事 光緒丁 來做序於余每思屬 西歲入 悴以 先生之作一鱗一爪耳而 (月太師) 時 艱 死嗚呼其可痛也哉 稿 猶得壽考康彊從容入地獨先生運 **17**: 流 韓 涕 太夫 亦 成 作序 Щ 於不 無 人薨於京寓余弔 文擠而 字已已夏 一足與 食而 雖 言而 論者多以乾嘉 然背殷 先生 與孫文定阮 維 康併 興 瑗 之故 繁清代于不亡 抗 仲 有三仁而 爲茅又日 不 强 管語 能 者先生日 先 以 於堊室 於 爲王叔 親 學 諸 生 杏 丁陽 文達 也其 涕 於苫 時 老艇 余爲 來 會 殷 吾

生之身則旣殞矣先生之心則耿耿千 西 山 片石 沛乎浩氣猶 在 人 間 今申 秋而彌苦矣嗚呼吾尙忍序先生之譜也耶而如瑗仲之網羅國故篤念師 江之血淚未嘗不與津沽之恨水嗚咽以長流 也 然而 先生之名則 e£ 成矣先

孫侍御奏議庁 甲戌

亦不可及己

疏有 孝經日君子之事君也 雲南山 臣五人雖無道不失其國諍臣關係 恒民 御史臺得人矣我清自甲午後外侮日亟國政蜩螗戊戌則有立嗣之變庚子則有拳匪之變壬寅鑾興東返光復河 與余同捷禮聞同官部曹先生出浙江直臣袁忠愍公門下簽分吏部文選司旋入諫垣初任遼濬道監察御 一千數百年以來直道之不行不禁廢書三歎也崇明孫侍御子鈞余執友也長余十年以上稱之日先生光緒壬辰 材政者頗 面 而 其盛與逮德下衰爰有諫諍之事分爲二派曰直諫曰譎諫直諫者若左氏傳所載二威之諫觀魚諫 折而 翹之是也譎諫者若屈子之離騷九歌義取主文禮所謂靜而正之是也德又下衰盡忠補 請 分別 東耐 廷爭者或逞意氣或樹黨援或挾私意毛舉細故罔知大體紀綱法度冥昧日隳風斯下矣余讀歷史俯仰 《錄用留學生杜絕奔競之疏有請外部廢蘇杭甬鉄路草約挽囘利權之疏有請免江南北米穀髓 此 思稍稍振作先生以爲時不可失日夜發懷憂國憂民殫誠入告先後有彈刻兩江督臣某庸腐無能之 道是時先師陸文愼公掌總憲與先生相約遇事直言謇謇諤諤以繼古大臣風骨擲人想望丰采以爲 外又有定幣制平市價與學務植 進思盡忠退思補過故上下能相親也又曰天子有爭臣七人雖無道不失其天下諸侯 國家命脈如此其 炗 才整理平糧裁汰苛捐諸疏 重也遐稽往古明良交泰都俞吁咈股肱緝熙無 嘉謨識論傳誦 過之士多次 時 取鼎 違 弼 史機調 鮮聞 誇 無 11 捅 肵 面 H 所 從

松堂文集三届 ● 卷五

节

-政此 略序模概俯仰四十餘年之交誼與夫身世之飄零更不禁流涕霑襟而不能已已也 七月余旣銘其墓其子昌垣復來請曰吾父奏議存者無幾謹宴錄成帙乞先生一言是吾父之志也余深感其言爱 清二百餘年盛衰有亡之故不禁於邑欷歔有餘痛也光緒末造文慎公先逝世余爲編輯奏讓一卷先生卒於丙辰 當未嘗不可有爲過一壞於宗室之爭權再壞於强臣之跋扈泯猔糾射遂致淪胥豈天命之墋黷與抑否之匪人而 | 興速平亥國變百川沸騰先王遠棄衣冠歸里築室日祿海崧源杜門不出未幾而侘傺以歿矣余於是俯仰有 衛武公之詩日聽用我謀馬無大悔天方艱難事喪臧國某斯之謂與方壬寅癸卯之交人心 振 奮 藉 싂 用 Į, 得

趙叔寶先生行年紀略後序

易傳言觀乎人文以化成天下夫文化之盛衰豈係乎新舊之競勝哉惟在先知先覺者定其是非而已矣吾鄉自陸 吾婁朱君揖文偕趙君茜芝鈔錄邑先進趙叔贇先生行年紀略一卷來問序于文治受而讚之其卷首有錢伯! 舞絃歌洋洋盈耳功業不可謂不著矣在文匯閣收曝四庫全書手披置笈當繪琊環窺秘圖徧徵名人題詠遺際不 爲仁之本豈非然哉而文治更有感焉先生雖坎坷一世司鐸以終而任維揚教授時修葺 必信少時讀書遇父母二字 純蘇甲子三吳嘉道以還士雖務帖括之學然皆主文行交修華實並美叔寶先生工制舉業而品性慈和與 陳江盛諸君子講學以來修明大道雍乾而後沈敬亭諸先生繼之相與勵名節尚廉恥維持文化於不墜是以 生序一篇述叔寶先生遠事綦詳後生小子何敢復贊一詞顧校讀一 謂不厚矣獎進儒林從游知名之士百有餘人爲文皆有法度可觀德詣不可謂不傳矣去任二載粵匪告警揚州 輒流連往復不敢輕易讀過以故孺慕之忧迄于垂暮友于之愛達於鄉閭 過感慨之懷有不能已于言者爰謹爲後 文廟考訂樂章一 有子日孝悌 時佾 (必誠 風俗 序日

焉此 異 君子輗于消息之徵有以判其是非之界矣先生著有思補過齋文稿聊自娛集竟零落無存者僅茲紀錄一卷朱君 百 旋 壞匪風下泉之思令人感喟欲數不能自己天耶人耶抑文化盛衰之運固如是耶易曰碩果不食復其見天地之心 展轉鈔寫而得之其愛護鄉邦文獻發于至誠而人心是非之公不尤可見哉 бD 一家子弟洎乎今日故老竹無在者迴溯此風邈乎不可復得矣思樂泮水悠悠我心覩黌舍之飄搖痛樂崩而 數十人少亦三四十人彬彬一堂譚經論史夜則爐燭三條雅歌投壺或至達旦掌聽一先生之品評愛情 不幸中之大幸也往者文治當聞先大夫言咸同之間干戈擾擾而吾鄉生徒猶復從容學問每値文會 淪 天之所以 〈待善人 者固自有 在蓋先生之坎坷者人事之不幸 也而其獲 善 全者則叔季之世 둦 道 純篤 多者 猶 未 泯

世學 千人數萬 溧 庚子之歲迄今二十餘戰深懼代遠年涇爰議有重修之舉敬乞一言昭示來茲余受而讀之原譜爲其三十八世孫 勝太息而隱痛矣吾蘇溧陽張氏望族也內寅之秋其裔孫進帆君手持宗譜一帙踵門來告曰吾族宗譜刊于光緒 萬 遠而 物 載 惟 陽張氏宗 說日歧侈談同 育子 有本所以幹 本乎天人本乎祖人何以生溯其本而已矣記曰三王祭川先河後海或源或委此之謂務本蓋水惟有本所以 流 ·曰慎終· 人以 長也古人造字之義木著于地謂之本松柏之茂無不或承漢延叔堅曰仁人之于孝猶枝葉之有根 上而 17-追遠民德歸厚矣識者謂有子曾子之言似夫子豈非然哉夫一姓之繁也 固而葉茂也人生天地間所以培其本者追遠而已矣論語首篇載有子曰君子務本本立而道 内寅 胞同 原其始則一人之身也以一人之身分爲推而至于不相識 與 而于敬宗收族之誼闕焉不講數典忘祖者比比皆是君子觀于人心風俗之日衰蓋不 此蘇明允之所以歎息而不置 族之盛也多者 也 達 本 數 生

吳氏宗 挂漏 孜其轶事至 六月篇曰侯誰在矣張仲教友是孝友實爲興國之權與秦漢之際子房爲韓復仇博浪一椎威震天下厥 要首在明倫明倫之道始于孝弟孔子曰書云孝乎惟孝友于兄弟施于有政孟子曰人人親其親長其 庶幾乎國 臣言依於忠愛衆親仁通今法古異日其間 焉者也張氏累承忠孝自遷溧陽以後簪纓不絕代有傳人吾尤願其本孝友之家風推及其子姓爲子言依于孝爲 朱子為執友講道論德剖析精徵余當讀其問答諸書心響往之而溯其先人不附和護 然因 治 來治 者所 無 逢從赤松子遊論者數其蹤跡之高而不知其忠孝之性實有大過人者有宋理學遠紹孔門南 作 臆造 平之基未有不始于宗族者也張氏之始系出軒轅周宣王中興時有尹吉甫之友張仲者以孝 譜 而 序 (稱願 歎 無 丙 源流 | 傅會兢兢業業其難其愼是豈惟宗族之良規抑亦郷閭之法式 事無可致乃僅存其遠諱至遠諱 日有是哉張氏子孫之孝思也日夫追 然日諒哉宏濟艱難惟孝友而不忘本者乃能如是也寄語進帆君幸獨勉其宗族 次世系次世表次宗祀圖祖瑩圖祭田記又其 必有名世者出經綸師子房學術師 無可稽而爲之後者乃不免有餘慟焉今張氏宗譜探原 遠者不徒思其音容而已 次則行 略 墓誌家傳 南 也而余則更有進焉 固將 軒 曠世 述其言行至言行 藝 未始非忠孝之淵 漁街追 文皆 附 爲 一一一一 者自 軒先生與 體 友著詩 Ц 長 無 例 源激而 数十 後 古 吉甫而 m 嚴 可 佐 天 立 沭 菜 下 世 小 國 訓 井 分 卒 雅 ナ 然

今年夏以書來請曰吾族爲徽省四大族之一凡散處江浙間之吳氏大都皆係徽籍惟懋遷時代遠近不同鍾秀幼 瀏河 得 二人爲 人也自遷瀏 日 吳 鍾 始 秀字 祖 以下先替祖以上世居瀏河後乃遷居城中故感情於瀏河爲獨厚間嘗訪 半一 筝年 稍 長于余品詣 純 篇常在滬 上主持同 揶 合事还 + 华 亦 求瀏 氽 之賢人 甚佩之

鄉先祖 **椰里式庶幾其宗族光大於瀏河之濱而禮讓仁孝之風推行於吾邑矣豈不盛哉** 讓之教非獨治世之宏規抑亦吳氏之家訓也今吳君手輯家譜牖啓後人深願其似 之摹致仕後僑居無錫展謁秦伯祠綿想高風更爲之瞻顧徘徊而不能去夫秦伯季子皆以: 家乘昭示來茲豈非仁孝之情發於天性者乎余弱冠後肆業南菁書院往來江陰讀延陵季子之碑不勝高 迨晋容旣渺則徵之於言行言行旣湮則求之於譜牒至譜牒無稽而孝子之心於是乎傷矣今吳君乃懃懃焉收輯 孝子之心也古聖賢之於親也事死如事生事亡如事存其祭祀也肅然必有見乎其位僾然慨然必有聞乎其容聲 **爱於戊戌年間手編家乘一** 邑吳氏子姓繁衍相傳總勵有三分嗣有二百餘處難後嗣宇焚燰鄉村故里遂難穩攷昔年鍾秀游庠入籍太倉後 闐 獨生於休邑自遭洪楊劫後譜牒被燰先祖逝世先君祇昆仲二人皆年幼賈於瀍不克歸故鄉省宗族且休 係出 休甯乾嘉間先世曾任江 册其可孜者僅五代而已願得一言以爲之序則寒族之榮也余聞之矍然曰吳君之言 西 |布政司由瀏河航海至任是時瀏河商舶雲集遂僑寓於| 糟蒸蒸入季出悌愛衆親仁爲 禮讓 訓 迪萬 世 公鎮之東 山景行 者 也禮

以知六烈婦 休甯程君雄甫介武進白生虛以六烈婦殉節傳狀來徵序於余余以講學樄極未遑握管閱半年始克發而 休甯程氏六烈婦傳敍 日李氏亦因粵匪之難而死於杭州城河者也其事之慘酷行之堅貞德之慈孝義勇具詳於諸先生所爲傳 忽云亡烈烈轟轟作一事而已嗚呼如六烈婦者豈非正氣之所係而烈烈轟轟於一世者乎孔子曰易不 有感慨不 者前有三人日戴氏日汪氏日黃氏皆因粵匪之難而死於南山大阜瀛者也後 能已於言者有宋文文山先生作正氣歌曰天地有正氣雜然賦流形其題張 睢 有三人日江氏日孫氏 陽公廟詞 ŋ ういき 中願 生失

戊長

之心之所寄也嗚呼其可敬也尤可哀也往者明陸桴亭先生因越女數百人殉土匪之難曾作詩曰誰向王家秉 資亦非一朝一夕之故矣然而乾坤正氣不容一日而或息故雖當混沌否塞之秋且有婦人女子維持苦節以存正 其髴闚觀女貞於詩則爲氓之蚩蚩抱布貿絲君子俯仰世變升降之繇而嘆非之反是邪之亂正恶之混善僞之淆 無所 夫豈知節烈之爲美名哉惟其禮義廉恥之心秉於生初而不可泯故至於臨難之頃雖赴水火蹈白刃捐摩頂 命遂志苦已極矣而自古貞媛烈女俱甘之如飴者豈非所欲有甚於生所恶有甚於死者乎夫禮義廉 禁爲之掩卷長太息也困之彖傳日君子以致命遂志節之彖辭曰苦節不可貞而其爻辭則曰甘節 坤或幾乎息何以言之蓋易者乾坤之正氣苟正氣殄滅 惡眞僞之界者 道於幾希挽人心於將死嗚呼斯人也斯節也雖媲美於殷之三仁可也人皆以爲天地間之憾事 鈞忍使江潭葬羅綺然則天地間之憾事彼秉國鈞者豈非任補救之實者哉吾故特大書之諗明辨於是非邪正 、米繁采蘋之風化蓋聖人之禮教漸漬於人心非一朝一夕之故矣世之衰也俗尙澆鴻人情乖戾於易則爲歸喪 |維不張國乃滅亡故日人不可以無恥廉恥云亡則聖賢無立教之方君子亦無駐足之地矣嗚呼如六烈婦| 顧惜世之盛也是非邪正善惡眞僞之辨皎然大明於天下故於易則爲坤元之貞女歸之吉於詩則爲周南召 則人類於以 消亡世界亦 因之陸沉矣吾讀 而 古往有 易刑 不 知此 恥國 正天地 之四 尚夫致 卦 踵 者 而

一粟詩草序 丙寅

嗚呼可謂至矣而吾婁人性情之敦厚於是可徵焉往者聞鄉先進言吾邑有崔君不雕者師事王漁洋先生當得句 詩者涵養性情之本也吾婁詩派盛於當世乾嘉時汪杏江先生嘗輯鉅編上自元明之初下迄嘉慶之末凡數百家

感慨 以治己外以治人推二先生之教以陶淑一鄉一邑之性情則所以挽囘世運者未始不在於是焉企予望之矣 國盛周易夬卦之彖辭曰揚於王庭言文者先教而布化故能息陽成乾而爲郅治也今粹士誠能 手輯遺編兢兢爲惟恐或失之此其孝思之不匱豈非二先生之敎澤有以致之歟夫一家盛則一 或可返撲而歸真乎抑叉夙聞沙溪胡氏家教謹嚴子弟敦篤恪守成規研求實用無有越乎範圍之外者今粹士能 作 之僅存者敢乞一言以弁卷端予受而讀之少冲先生之詩淸鍊得宋人法其苦雨賣糧諸鮪關 予相契尤深一日以書來寄其曾祖少冲先生一粟詩草一卷並附其尊人伯衡先生嘯屏賸稿 後粤匪難 造意伯衡先生之作亦真率似劍 多激昂憤慨之音世運之每下愈况豈不更可嘆哉得二先生之詩以矯之平其心和其氣洗伐其俗骨性情之地 居之街為黃葉街予聞之輒為神往想見先輩典型非徒性情風雅而所遭世運之隆尤令人欣羨不置也咸 係之矣胡生端行字粹士世居邑之沙溪予主上海南洋公學時生來肄業旋游學中美回 作鄉 人士奔走流離在背吟壇稍稍陵替矣然猶傳嬗不絕吉光片羽時或發見蓋世運升降之間有 初別黃葉聲多酒不辭漁洋先生易之云白蘋洲上人初去黃葉聲中酒不辭 南因憮然嘆曰吾婁東詩派其果有傳乎邇來風尙淺鴻動 | 観菲薄 時人爭相傳 心民瘼有香山 國無時俗洋鷺習 郷盛一 本其至孝之心內 卷日 先正 |此先 鄉盛則 即偶 誦 人 稱 心人 手 所 府 君

祁 ... 學兼優之士也 い口のログニュアンチラニー三日 氏散 居 Īij **介月日** 速君殁後余爲之傳略述其風雅高 新 塘 兩 先 鄉人文間出 人遠稿頗夥經甲子歲齊盧之戰盡遭燬失此區區二三册蓋僅存於琡火之餘者也余讀 內弟佩如居劉湄聰慧英發雅擅文名風爲先大夫所激賞當曰此吾姻黨中品 尚之節以供志乘之採擇今歲庚午春其子昌熙携遺欄曰

郁

君佩

¢μ

拙尊詩稿序

庚午

丈吞吐 叔湄互主壇坫飲酒賦詩彈棋讀畫日相過從而牌樓市洪君淑霞亦隱逸士也與君相友善每晤對揅小學評 曾不轉瞬而 隸政援琴作空谷操清風徐來一 滄夷 波濤 風 **豬獵然自得與樂天放翁爲近** 流 風餘 [行水上煥爲文章以故是擲人才之盛著名一郡君尤其傑出香也同時濟美者有若沈君夢花朱君 ,韻渺焉無存讀君之詩追思先大夫之遠言盱衡世變益爲之泫然流涕不能已也爰書所感 曲冷然余聞之輒歎羨以爲魏晉之間客羲皇以上人殆不是過也迄今二三十年 蓋不 勝雪泥 鸿 爪之感焉劉河處東海 之濱杲日所 出 光麗 海 塘 烟雲千 陰楽

得幸 悽愴 諸昌熙其永寶之 當世之才堙鬱以終則其可痛固有類于元賓者嗚呼人之爲壽爲天與其遇不遇殆有天焉豈足道哉而余獨流 卒後世誦 門人李君頌韓旣歿之二年其孤家俊裒集其遺稿請序於余爰屬執友朱君叔子同學陳 李頌韓養盧詩文稿序 矣正大之氣漸以澌滅甲子齊盧之戰閭里蹂躪如張烈婦如趙烈女頌韓亟表揚之旣爲之詩又爲之傳復爲之立 碑以記於故鄉利物濟人之事見無不爲蒞吾院演講無伐善無施勞老安少懷庶幾乎大同之旨至今鄉 尙有咨嗟流涕者曰善人不得而見之矣此至足悲者二也藝林之士於其著作文章必親自裁定頌韓則漫不收 :都為詩若干卷文三卷乃叙其簡端日嗚呼唐韓子銘李元賓墓稱其才高乎當世而行出乎古人年僅二十九: 於頌韓者深有感也當謂人生當世所到之實救世道正人心而已選者遵廬風雨講學無徒同氣相求邈不可 有如頌韓其人者方把臂而入林乃悲秋而絛泯後先禦侮誰與干城此至足悲者一也吾鄉文獻寥落無徵久 其文而悲之以爲元賓學未成業未就遠實志入地爲可痛也若頌韓者學旣成矣而懷其磊落不與高出 己巳 君柱 算馮君振· 心重 人士思之 加

勺軒文鈔序 己

年西學浡興莘莘學子率以厭故喜新爲事於是有所謂新漢學者唾棄桐城之學以爲才力薄弱不足復道一 余生當同治之初值湘郷曾文正公提倡桐城學派之後天下甫平四方無事庠序之間沐浴文化雅 水之涯晦明風雨之中兼葭霜露之際必有人焉勤名山之著述作一線之綿延者吾當於江陰章君紱雲之文見之 嗚呼吾國文學之做至今日而極矣其文之衰耶抑道之衰耶豈天之將喪斯文耶抑斯道已墜於地耶然而山之巓 心得曰書曰易曰詩曰春秋左氏曰莊曰懸曰史記曰子雲曰相如之九家者韓子之師也皆六藝之精華道德之潤 明道而已其次則以文勝然亦不離乎道者也唐韓子詔太學諸生曰沈浸釀郁含英咀華發爲文章其書滿家考其 瓊瑋淵徹各盡其衛皆不離於大道者也至明茅氏鹿門出乃有唐宋八家之目夫八家者未可爲定評也然而學秦 漢文之階梯也秦漢文者學周以 。鄙夷宋學者然章君之文蓋適與近世風氣相反余往復讀之不勝今昔之慨爲夫古之爲文者固無所謂宗派 也唐代文章推 韓子以陽剛勝宋代文章推歐陽子以陰柔勝外此若柳氏蘇氏曾氏王氏或偏於關或偏于柔然 前 諸經與周末時諸子之階梯也茅氏喜評文而其自爲文未必繁于人人之心此 雍 如也後五十 如昔 也

耕莊 易大 天地 天性 扇桐 序曰文與道爲一無道以貫之其文不能傳即傳亦難必其久又與黃曉滿書曰我輩辦事 **安今章君獨不然其爲文上溯周秦兩漢下逮唐宋八家兼及篋川望溪而要以桐城爲歸** 為主泉彼欲播而棄之者蓋于桐城學之本原未當登其堂而窺其與也徒欲標新領異自 于勢利不入于歧途雖未必爲聖賢豪傑要皆不失爲潔身自好之士故經湘鄉提倡之後繼起者若孫芝房郭筠 明磊落者也凡文之精深堅卓者必其人之沈潛篤實者也上下百年間爲桐城之學者其品諧大都清勵雋上不惑 史實能冥搜真蘊洞啓冩鍵是以根深柢厚發爲詩文冲夷醰粹如其爲人嗚呼此足以徵君之文行一以實之矣周 氏皋文繼之李氏申耆又繼之于是有陽湖派之目然以古文論桐城陽湖本出一原未可以分派 外有 叔耘黎純齋張廉鄉吳擊甫氏其功業文章類能震耀海內彪炳當時無論經濟家訓詁家義理家詞章家率皆奉 《義升降 珍藝 由是觀之蓋修養有素故其文曲折奧衍若江漢之朝宗務軌于正理無錫楊君味雲誌其墓稱君之學含茹經 協乎人情 :城宗風推尊姚氏至比于古之聖哲而英髦俊彥亦風起而雲從者豈時會之偶然哉蓋文者道之所寓也本乎 1 王遵巖 清 神明也孔子作雜卦傳覺深慮遠而終之曰夬决也剛决柔也君子道長小人道憂也言中國文明之象無時 洪 初 氏唐荆 桐 往 北 辽 來 **賅**乎物理 城 道 方 孫淵如劉申受宋于庭諸家或以攷據鳴或以駢儷勝乃眞陽湖之適派也道咸以來湘郷曾氏大 終古而 氏皇溪 Ш 氏歸 故因文以明道而其人性情之剛柔品行之高下見焉故凡文之博大昌明者必其人之光 不 震川 出劉氏海峯繼之姚氏姫傳大昌之于是有桐城派之目厥後惲氏子居崛起于陽 息故剝之上爻日碩果不食夬之彖辭曰揚于王庭言文者宣教布化備哉燦爛 氏而 霞川 爲 尤著論 者以 爲之三 一家與 茅氏乃學唐 宋八 家之階 祇 宿 張 其挺姚 求可以 厥幟以爭名于時 梯 也蓋陽湖 對 也 氏古文辭類 良知可 恝 而 有莊 未 以 類 湖 而 可 張 爲

張毅麁遠文序

張生毅盘旣沒之八年同學傅生煥光廖生世承以書來請曰張君劬學礪行爲先生所亟賞不幸費志以終今世承 棟爲梁次者爲椽爲桷叉其次者爲棳闑爲扂楔若夫芳菲桃李不過飾觀之具而已吾輩覓培植人才之責日以繁 與之必也狂狷乎生之爲交類於古之狂者而其性情則狷者也吾當謂才者木之未成者也有以極墨之其大者爲 惻傷哀义當何 之曰士不可以不宏毅今子名宏祥吾字子曰毅麁願子之任重而道遠也由是生益自刻勵踔厲風發每試輒冠 輯其造文得若干首願先生之有言也案生諱宏祥毅禽者余所贈之字也以生肄業南洋大學時余一見卽奇之語 天拔地之姿屬望於當世若生者旣有狂狷之才庶幾棟梁之選凌霄耀 爲潛然出涕不 爲吾道光即以爲送別之詞維時生依依若不忍別者余亦悵然不自解其何故也迨庚申歲忽聞生病沒狀余 曹畢業後考取 .如而其老母少婦與其昆季之布獎傾觴哭皇天涯者其慘絕又當何如也悲夫孔子曰不得 懌者數日悲夫以余情之難堪若此則同志之悽愴於邑又當何如同學之偕在美邦親臨其喪者酸 北京清華學校選送美國大學肄業未行之先訂期結婚請余證盟余殷殷勉以體用兼修興 日企余望之而不謂其遮至於此此 / 家造國 中行 大

相識 矣啓余者更何人乎此可爲文學痛者又其一也禮記曰師無當於五服五服勿得不親先儒有言師弟之情由 先後沒於美邦張生之才過於方曹造物者乃更摧殘之以至於死琴書零落於故郷魂魄泣嗟於異 此可為情誼痛者又其一也爰爲序文以寫余悲感之臆且告傳廖二生聊以不朽之名勉慰其家云 而 然秩然卓然自立而 推 夫沆瀣 衍者也方令俗尚淺鴻中也棄不中才也棄不才師之於弟旣同秦越弟之於師更如路人偶爾暌違反眼若不 者一也立國之原首重文化比年以來士醉歐風 一氣苔岑仝生生於師弟之情慘慘若是乃暫游者萬里永別者已千年矣將非夫人之爲慟而誰爲乎 不為世俗所轉移者亦夏戛乎鮮親其人往者南洋同學如方生仁裕曹生麗明皆能 本末倒置棄國學 加 弁 是不獨 名世 之音 逊 不 域助我者 回 得 豣 卽 求 求

杏墩文集序

己민

矣蓋先生嘗遊于萬清軒于次棠二先生之門清軒先生布次講學師 辨析 已秋黟縣胡敬庵先生寄所著杏墩文集二册來問序于余余受而讀之于孝弟忠信之常經出處進退之大節靡不 孔子曰隱居以求其志行義以達其道孟子曰窮吳獨善其身達則兼善天下孔孟之言若合符節求其志求其 멝 之道也達其道達其所求之志也兼善必以獨善爲本卽獨善者豈必不能兼善哉要在發明吾正學之傳而已矣己 李二曲陸桴亭陳 皖學 静 用兼 精嚴而于濂洛關閩之絕學尤兢兢焉思所以紹承之而弗敢失墜不禁悚然以興曰嗚呼正學之傳其在于是 雖) 示 一該當世稱爲循吏敬庵先生本原師法益發揚而光大之上探紫陽居敬窮理之旨旁綜婺源禮書綱目之 絶如 棒然道 確應諸先生相與講學于風雨晦明之中而斯道賴以復明于世令先生之遭際抱貧與事林, 德之聯 | 造無| 日哉 抑余重有爲先生感者當有明之季風俗晦盲人心類喪于是有顧 表人倫余弱冠時已聞其風而慕之次棠先 寧林 生

已嗟我生之不辰嘅人間之何世此余所以爲先生感而益以自悲者也然而更有爲先生勗者桴亭先生之言曰凡 意以爲生今之世吾人當務之急惟在正人心拯人命兩端天地之大德曰生而人者天地之心也比歲以來戈錄滿 浴詩警培養心術庶幾體造物之仁而有以挽刼運于萬一夫正人心者爲天地立心也拯人命者爲生民立命也 人生當末造若被髮遯野或詩酒名高亦云小矣道統之寄在于吾身其可不自任乎余竊不自措當釋桴亭先生之 禮會通若干卷朱子生日會講錄三卷亦皆有益于世道云 志達道獨善兼善俱 地老弱流離鴻 m 其 集中上史館 雁于飛哀鳴中澤夫知保抱携持厥婦子呼號籲天天亦哀於四方民惟賴仁人君子謹庠序之教沐 :非異人任也此余所以爲先生勗而兼以自勵者也爰序簡端質諸先生以爲何如先生別有 一書亦與亭林先生上史館乞爲母立傳書先後同揆蓼莪之恤麥秀之愁往復愴悽不

杏墩卻記序 辛末

源先生在明則有顧亭林陸桴亭先生厥後恢擴而昌明之者則有陸清獻揚文正張清恪下逮唐確愼羅忠節倭文 當世事龍戰元黃未判之時必有隱居求志抱道鬧修之士講明聖學以維持天地間之正氣在元則有趙江漢許魯 端骨文正吳竹如諸 而在皖省黟縣則有胡君敬庵叔彦與余交最摯復初未識其人敬庵雖未識其人而得讚其書前年惠寄所著文集 之道靡不畢貫而於正人心植紀網之大要尤兢兢焉因嘆曰此天地問正氣之所係也論語子罕篇言歲寒然後知 氽已爲序其簡端客冬叉寄杏墩劄記三巨册自癸丑歲起齕戊辰歲止余受而讚之于凡省身克己之方修齊治平 松柏之後凋解之者曰 先生扶翊世運繼往開來嗚呼何其偉歟近世講學者在蘇則有曹君叔彦在松則有錢君復初 後 调非不凋也言前者未枯而後者已茂故詩曰如松柏之茂無不爾或承蓋貴乎有承之者

THE STATE OF THE STATE OF THE

卷五

剝卦上九之繇辭曰碩果不食復卦六二之象傳曰休復之吉以下仁也解之者曰仁蓋果所藏也如松柏之有心也 時之言教育者莫不曰宜視乎時之所要需吾謂今世所要需者莫如人倫道德其外乎人倫道德者皆侈世者也易 域非所謂後凋之松柏歟舊乎百世之上百世之下承之者當大有其人也夫教也者民之寒暑也教不 也承之之道維何知仁勇三者與夫可與共學 **今敬庵紹明聖學由** ,剝之果反於復之仁雷雨經綸草木甲坼則所以繼趙許顧陸諸先生之心傳何多讓爲吾知 適道 pŢ 與立可 與權 之 三爾敬庵: 抱 特立 獨 行 之志 漸 造 時 於 則 知 傷世比 仁 勇之

勤補齊雜者序 庚午

庵自茲以往益將鍥而不舍精進而無疆矣

光緒丁酉之春崇明朱君貫徽至京師造余門受業維時同治古文者有李君頌韓孫君字晴昕夕相 會力爭國體名聞遐邇總揆功載史畫實得君參贊之力焉以積勳保任那威公使事迨總揆去位肥遯比利時 稍懈吾蘇陸子與總揆深器之總揆名徵祥歐美各洲相稱以爲中國外交名家者也挈君赴和 古聖賢之學越王寅歲朱君應北闡試中副車遂蹟內閣中書入外務部蓋研求外交掌故致 聞世事君亦逢杜門養疴 關于山東問題之保障巴黎和會時拒簽德約意旨俱足增光壇玷而家訓書牘諸篇亦均樸實說理足以與起 薛叔耘黎蒓 洵可傳之作也嗟乎比年以來斯民憔悴極矣使君盡出其所學佐子興總揆光揚政治澤潤生民何嘗不可與 日忘今歲郵示勤 齊兩 先 生手筆 **|補齊雜者凡十帙裒然成鉅集乞余爲序余發而讀之其文章樸屬暢茂其識解沈挚閎通** 隱居以求志近五六年與余時相通問于進德修業之奧與夫愛國救民之誠怨怨焉未 其 (中如日本迫我國簽定二十一條後條陳對德奧絕交時應先要求美政府與協 力於時 俄法諸邦與巴黎和 務譯 聚 砥 學彈 礪切 雅 不 商 近 舆

以成日新之盛德則所以副子興總揆與余向之所期望者又豈僅在區區政績與楮墨之流傳乎 在不見是于一時然則朱君又奚悶哉考槃在澗獨寐寤言亦守吾確乎不拔之節而已矣誠能鏤而不舍進而無疆 也不可屈者道也際遇之顯晦無關於身心性命之本原者也子奧氏有言窮則獨善其身達則彙善天下吾謂 而其學則大昌于後世者何也易傳曰樂則行之憂則違之遯世无悶不見是而无悶夫吾道之所以貴于天下者正 而不拘乎達窮亦如之蓋伸吾之學說以傳嬗于千百世則達莫大焉昔程朱大賢講學于洛閩之間其困厄爲 諸 公先後濟美焜燿簑區而 乃時 T 否 塞不 獲大展其用其所 就僅止于此豈非 芜 命之使然哉然而 不 可 知 何 者 如

周易程傳纂註序 甲戌

明顧 周易集解 理實背本乎象數 旨不外象數義理 周易傳曹氏亦精漢學者也而崇尙程傳若此豈非以程傳釋義默契先聖之微言而得乎人心之同然哉夫說易要 皋比以讓之厥 叔彦之言曰六經而 為主意在羽翼程子非故爲立異也然則程傳在宇宙間非如曹氏所謂日月不刊之書哉顧未有專志纂釋之者友 伊川 氏亭林之言日自 先生作傳探 自謂 後楊氏誠齋作傳本干氏家法參以史事以視程傳精粗懸殊矣朱子以程傳尚辭爰作本義以 刋 輔 漢代鄭荀虔三家之說易主乎象數魏王弼始敷陳義理惜其張皇異學語涉元盧唐李氏鼎 兩端義文周三聖之作易主乎象數者也孔聖之贊易主乎義理者也然象數未當 .嗣之野文補康成之逸象然仍不免泥於象數孔氏冲遠周易正義稍稍救王註之失然明 下 、随索隱幽贊神明以開物成務爲宏綱窮理 經師大儒之書懸諸日月而不刋者三一曰鄭君三禮註一 來說易者無慮數千百家未有過於程傳者顧氏精漢學者也而推奪程傳若此近友人曹氏 一靈性爲歸宿體用一原顯微無間當時 日朱子四 書章句 集註 不涵 關中大儒撒 義 玾 m 祚 m 義 未 輯

卷五

万匹をして長二二元

謹嚴採擇宏博間下已意罔不精簡繫辭說卦序卦雜卦諸傳程子未經作解並集程子經說及諸家說以確之因獻 楊羅李諸先生實紹厥統朱子益發明而昌大之此蓋周易心性學之根荄也至於否泰反類大小 要不過君子小人之消長而已程傳釋復見天地之心曰一陽復於下乃天地生物之心先儒背以靜爲見天 日君用力可謂深矣然君之所以爲是書者其徵意富更有在昔義聖作十言之教曰乾坤篋巽坎離艮兌消息文王 之謂與一心之存亡卽一身一家之存亡一國天下之存亡也未有能治其心而君子不進者也未有不治其 用君子諸儒肯專謂防陰惟程傳言求賢與經旨訴合無間此蓋周易政治學之萌柢也孔聖言操則存舍則 小人之道明詔萬世泰二爻包荒用馮河不遐遠程傳暢言經制之宜上下古今治道悉儋姤卦大旨言防小人卽言 不知動之端乃天地之心也斯言得孔響之真傳默契中庸富怒哀樂未發之蘊周子所謂動 繼之發撝消息大義著于秦否剝復夬姤六卦上自陰陽遞嬗之運下逮人心生死之機靡不兼綜畢實至於治平綱 懂三致意焉後之言性理求治道者得是書而讀之其庶幾繼絕學開太平矣夫 人能退者也亦未有君子不進小人不退而一國天下不亡者也凡此皆消息之大原盛衰之樞紐胡君於茲編中不 一點縣胡君敬庵殫數十年之精力以治程傳 成纂註二十二卷甲戌冬郵以示余並徵序文余受而 而 未 形有 往 来孔 讚之見其 無之間其後 聖以君子 亡惟心 心而 (地之心 體 小

治平統鑑序 壬申

友人楊! 大部凡三曰倫紀曰品學曰政治倫紀部分綱凡五曰事親愛國昆弟夫婦師友品學部分綱凡二曰德性學行政治 部分綱凡四日政本 君 甫 日過余携所編治平統鑑日此余與昧雲翰西所同編者將以問世子其爲我序之余受而 輔治吏治軍政而綱之中又有分目每篇皆引經史以爲鑑經先四書次五經而 周 經附 一讀之其

用

出

亦

周

其

平

以上各書菁華合組而成至於國外歷史尤足補前賢所未逮備哉極盛德大業之鉅觀已吾悲夫政學之離而不 通鑑綱目又編小學近思錄吾謂是數書或樹萬事之標準或綜萬理之樞機其精義實旁通而互貫楊君統鑑蓋擷 紀端其本以品學植其基然後以政治爲用而於事親中之善繼慎終德性中之忠信清廉軍政中之勝殘去殺尤兢 辭讓丟爭奪講信脩睦政治原理皆從此出聖人以天下爲一家中國爲一人距有外於人倫學術哉楊君 仁臣忠倫紀正而天序天秩定何謂人情喜怒哀懼愛惡欲發而中節性情教育正而後良知良能明人格人品立尙 之以不忍人之政精乎微乎不忍之心萌芽於幾微洋溢充寒乎宙合而後治天下可運諸掌上爲王者師卽爲萬民 子痛心疾首其告梁惠齊宣滕文皆合仁政爲一其言曰堯舜之道不以仁政不能平治天下又曰聖人旣竭心思機 子學以聚之問以辨之寬以居之仁以行之君德也情見乎辭矣其門弟子纂論語首學而篇揭道國之經次爲 特序楊君書粗發其凡天地之大人有所憾吾輩生宇宙間必當為造化彌缺陷爲民族救淪胥匡直先勞恤災捍患 蒙也吾悲夫君 兢三致意焉是之謂政學兼資是之謂君師合一是之謂大同昔司馬溫公作資治通鑑眞西 道豈遠乎哉 師也且夫大道之行三代之英大同盛軌其本在於人情人義何謂人義父慈子孝兄良弟悌夫義婦 示志學之序與夫攻異端之害顏淵篇累言仁卽累言政仁與政相需而不相離者也戰國時爭地爭城殺人盈野孟 術並多乎哉凡天下之爲人君爲人長者皆有師法而已矣 師之隔而 不相通也吾悲夫道揆法守之乖違而民生日蹙國計日窮也故常持君師政學一貫之說 山撲大學衍義朱 聽長惠友順君 茲 福以倫 政

孔門學史序 惟天下有師而後可以言學亦惟天下有師而後可以言治古之時君與師合故尚書曰作之君作之師匡直振德皆 壬申 謂 風虎之從未當不舉然高望曰聖人作而萬物覩豈非以膏澤之流天下師道終不若君道哉 孔子繁易於乾之五爻曰飛龍在天位乎天德君位也二爻曰見龍在田德施普也師位也而于聲應氣求之誼雲龍 子 好事達俗哉其意蓋欲尊孔以明師道也明師道以維治道也其志可嘉矣哉惟管見所及有宜是正者如第五卷顏 人 除之以其不便于已也于是師心自用訑訑距人國是蜩螗莫知所屆吾當謂今日救國以尊孔爲唯一之急務 尙忍言哉 法 濂 有 通六藝者七十有二人彬彬乎極一時之盛上繼菁莪棫樸之隆然而君道與師道自此分王道與聖功亦從此 師 **罪**隋 |師法者固名致之大宗也禮記學記篇言大成之學强立而不反語不反乎師法也兩漢經師最盛凡違背師 傳 洛關 教 附 也皇 父輅第六卷曾子傳附父蔵第十七卷子思子傳附父鯉以父而附于子揆諸先賢之心必有戚然不安者竊 會旋伯魚當別爲傳列于顏子會子子思子前庶較得體質諸儒侯以爲何如 閩諸大儒出門徒之盛擬于洙泗明王文成繼之講學幾徧國中有明以後名山都講往往不絕下逮于今日 文中子抗 君 建 有極 師 旣不能合一 |即師表也自周道旣東孔子崛起凡後先疏附奔走禦侮之彥羣集于其門列弟子籍者三千 顏爲師魏鄭公受業其門而唐室以興唐韓文公作師說明傳道受業解惑之旨而天下 :侯際茲波靡之會發憤著轡輯孔門學史十六卷明授受溯淵源嘉言懿行博釆旁捜豈 而師道併亡士不 知律師叫囂察突如醉如狂畏禮義廉恥之束縛則掃孔子之道而 雖 然有師 道 知嚴 丽 後 命宋 法者 有 m 身

新 安 講 平 會第二集序 癸酉

1年1711年1

顔

輅

安徽 來 休 講 平 奪五邑專員劉健行先生創設新安講學會今歲仲秋第二集講義成友人胡敬庵先生來書屬爲序 湖 南 有 會 Ш 西 有 會四 川 有會蘇州有會而新安紹承朱子遠緒實開風氣之先講學諸君子尤皆一 時名 維

論仁宗旨散見於答張欽夫諸掛其作仁說曰天地以生物爲心而人物之生又各得天地之心以爲心故語心之德 焉孟子師法孔子乃合仁政二字言之其告梁惠王曰施仁政於民告齊宣王曰發政施仁告都穆公曰君行仁政告 基於强恕而行矣四海之內輕千里而來告之以善所謂天下歸仁也且夫仁與政相喬而不能離者也有仁心而 五季天下粉紜民命如草芥其害皆起於不仁國必自伐而後人伐之君子讀之更有餘痛焉朱子師法孔孟者也其 畢戰曰子之君將行仁政離婁篇廣論政治曰君不行仁政而富之皆棄於孔子者也聖人旣竭心思焉繼之以不 問政子張問政齊景公季康子問政孔子之對康子日子欲善而民善矣君子之德風小人之德草君子讀之有餘低 能行仁政則無由見諸 與天地合其德矣孟子言仁始於求放心存夜氣以保平旦之好惡此論語第一節功夫也擴而充之足以保四海 間達仁三月不達仁其功要在克己復禮能克已然後能舍已處舜舍已從人取人爲善與人爲善而天下歸仁大哉 存立人之道乾坤所以不息也論孟中言仁者尤夥宋程子當欲類聚而觀摩之朱子恐其滋入耳出口之弊迨阮文 **篤志章求仁入門之學也進而上之曰敬曰恕敬者居處恭執事敬與子夏所言君子敬而無失與人恭而有禮** 而已矣周易乾卦文言傳曰君子體仁足以長人又曰寬以居之仁以行之天地之大德曰生寄於吾心之仁成性存 之內皆兄弟也實皆爲仁精蘊 之政而仁瓊天下不忍者天地之生理也其不能居仁由義者皆自暴自棄者也縱觀二千年來自暴棄以迄六朝 孟論仁論出學者頗宗之然未有切實用力之方余當謂論語言仁其功當分三節茍志於仁章我欲仁章博學 儒序文之作余雖固陋義何敢 實事行政治而不本於仁心則德澤無以施於百姓論語顏淵篇首載問仁諸章卽繼以子 资本子及统一 恕者已欲立而立人已欲達而達人是也又進而上之日君子無移日之要子函錄書 仁恕者已欲立而立人已欲達而達人是也又進而上之日君子無移日之 一群竊維今日吾輩應盡之職分惟在正人心救人命兩端而所以 紅持人 心 四 則

已矣 平庶幾翹足可待朱子之言日本之躬行心得之餘不待求之日用彝倫之外爲天地立心爲生民立命君子亦仁而 竊願健行先生與敬庵諸君子相與發明朱子之學說以上接孔孟之真傳正人心救人命吉凶與民同患則吾國太 間父母心惟至仁之人乃能爲至仁之言悲夫鴻雁于飛哀鳴嗷嗷嗟我黎庶何辜於天君子讀之更有 善國 論救荒 民者舍仁政奚由朱子之學以仁爲體以政爲用故在朱孝宗時雖未能盡其設施而 無 性亦善故日 所不 之策務在修德積善感召天和水災踏荒詩曰阡陌縱橫不可奪死傷狼藉正悲吟若知赤子原 可以爲善國善國性維何護庠序之敎申之以孝弟之義人倫明於上小民親於下所謂新國 言以嵌之則日仁而已矣其在玉山 講學答程 一块之問 詳 言五 德分合而 其振濟災民全活 歸 本於性 善 蓋否國 無窮 数百萬衆其 無罪合有人 之痛 而

張豫泉同年重游泮水詩序 甲戌

何任 學校也至於鄉 勝敗宋文文山 於泮宮也又曰 爲一繁昔魯僖公能 紀其盛都凡三百餘篇徵及於余愧不能詩謹序其篇首日科舉之在今日爲人厭棄久矣抑知古時學校選舉 東莞張豫 於世哉余嘗謂科舉不足累人人自累科舉耳迄乎今日學校明效亦可覩矣逐末而忘本尚藝而 泉先生爲番禺陳東塾先生高弟余壬辰會試同年也甲戌之歲循故事 、舉賢能日選士日俊士日造士莫不從學校中出卽爲後世科舉權奧歷代名臣發跡 淑問 明王陽明諸 選其祖伯為之致周太史克作泮水之詩揆揚其德其辭曰矯矯虎臣在泮獻馘 如臯 陶 先生炳耀史册近代若胡文忠若曾文正若左文襄若李文忠皆科舉中人然則科 在泮歇囚是法律學校設於泮宮也禮王制出征執有罪反釋奠於學以 重游泮水威鄃僚友作爲詩 談談 於 是武 八科學者 告亦 偏學校設 歌以 事 合

口型をとしたころ

九旬以上爾時壽晉期頤冠裳蹌濟載色載笑觀聽園橋余雖不敏或可隨先生之後矜式典型國中稱 選舉運會一新邦之榮懷將合德晉而慶太平矣又何感慨之有哉 教提倡氣節爲古來所未當有其志潔其行廉蓋蕨薇之秀可與芹藻重芳矣先生今年七十有六屈指 著左傳禮說一書發憤欲興禮敎以挽狂瀾叉當集元明遺民詩詠得遺民四千五百人詩一千八百篇 案以忤要人罷官去越七載起用道員洊升安徽提學使國變後蟄居海上壹以著書為事當謂中國爲禮治之國 舉之精意正人心而 凌夷斯文墜地絃歌之聲終寂靑靑子矜挑闥無度不聞鸞噦惟集鴞晉游義路禮門之側**蔓草荆榛令人慨嘆**; 身之始濟濟 不置嗚呼 技 能 世 又何衰 多士克廣德心由是而庭鳴而瓊林小子有造以至成人有德菁莪械樸金玉其相嗚呼何 道人心愈趨愈下以此 清吏治固吾輩之志也何感慨之有哉先生由進士改庶吉士散館授 也老成碩士得毋有怫鬱於心者乎而況先生乎雖然泰否數也顯晦時也立學校之正軌 而 水富 强益 貧弱矣此豈學校誤 人哉 人自誤學校耳方科舉之與也入學 山西黎城知縣充撫幕文 所以 其盛也 為大老學 重宴瓊林在 維持 多選 流連 爲 淮

風雨勘詩圖序 奏質

見君子云胡不喜序曰亂世則思君子不改其度焉余謂風雨者易剝之象也鷄鳴者易復之幾也碩果不食豈非天 地之心所寄乎冬日烈烈飄風砭我骨矣如松栢之茂胡獨後彫而丸丸乎春秋之末干戈侵尋曾子隱居武城讀商 誦夏絃鍥而不舍當給風雨勘詩圖書來囑余序言余與高君雖爾思室遠而神交者二十年矣乃爲序曰 板 余友金山高君吹萬溫柔敦厚士也居張堰鎭蓄書十餘萬卷尤以詩經爲夥都凡八百餘種一廬軒蝕其嘯也 「蕩之時必有揚風扢雅之士好是懿德陶淑性情維文化於將衰蘇人心於不泯故鄭詩曰風雨如晦鷄 [白來] 鳴不已旣 民勞 歌春

笈天上瑯琅于焉逍遙伊人宛在余方將攬喬木求友聲一葦溯洄霜凝露白訪君於兼葭秋水間接 谷風 乎滄浪濯足滔滔者皆是也不弔昊天亂靡有定我瞻四方蹙蹙靡騁而高君獨閑閑泄泄雲翔千. 之響樂土樂土爰得我所意者優游彌性默相天地之宜綢繆牖戶足支風雨之飄搖乎抑或將恐將 一陰雨之會藏名 淵 作金 石聲 東漢之季黃巾俶擾鄭君 山 而 傳諸其人乎考槃之詩曰獨寐 義詩禮堂羣 **寤宿永矢勿告白駒之詩曰毋金玉爾音而** 盗相戒不 入其鄉今之世 何 世 子豈猹 是春 仞之表星羅百城 執 懼 有遐心人間 秋 而 惴 譚 惴 經爲 小 心 乘

施君

寒臣函

關秋賬過序

就食也扶老撈幼衣無完褐哀哭聲呼兒喚女聲其老病纖霧擁擠不能行者顚仆聲呼號聲其顧全顏面及饑 病 西陜州靈寶數十處粥廠及徐州粥廠之設屏蔽饑民南下俾就給養君皆主其事其赴靈寶也在六月之杪君 見余益 所在也 設養濟會以 右之乙丑紅 善會紅十字會公濟社三 函 初 鰛 **愁**氣息微弱 秋 |慈善會 心折 |梓桑人士起 赈闘者吾友施君襄臣於己己歲入月二十日在靈寶散赈時攝影以留紀念者也旣復繪爲**圖錫邑溥** 盡博施之館於是丁卯春有靖江之賬戊辰夏有魯省濟寗之賬其冬又有溧陽之賬而己已秋又 十字分會成立君遂兼董三團體事自是厥後無歲不戰無地不災慘怛萬端罄竹難 其爲人矣是歲冬齊變元又與奉軍戰於錫邑之郊地方糜爛滋甚同會呼號奔救分 諸 力疾就道余重憂之迨十月歸竟健甚惻然告余曰吾至靈寶見饑民慘狀有不忍言者其來粥 君 。嘖嘖稱道施君襄臣名謂其賜邺災黎昕夕勞瘁精細槙密無濫無遺值宗弟申伯 爰設 一團體同人來徵序言余之始識施君也在甲子秋維 公濟社赴安亭黃渡瀏河諸鎭被災最重之區施放棉衣糧米及一切器物等 時當齊盧 **搆難之後閭閻** 浝 賑 海仁諸 各鄉區君 介 剂 爲 河 紹 壚 君子 余先 有 君 厰

1日次にからして 11日日

天亦 筆舌所不及宣傳者其慘更不知何如也言未已余亦不覺霑襟之浪浪也君又曰吾至靈寶部署初 饑民 良知 有道者之言乎方今烽燧頻驚萬方多難椎骨吸鹽體 之無主者與夫胔骼之暴露者必爲掩埋之憫其有始 行以擁護之則患者亦化爲音無德行以培植之則善者亦流爲悪又當語余人之一生貴有始終吾見郊野中棺槨 好生之德息息相通 夷豈非所謂報施 於干戈戎馬之間 断矣余幸不至於流落而饑民之流離無所得食呼籲 未三日而鄭徐之路線斷於是义將徐州 電知戰事又起於是將靈寶賬事佈置訖遄返鄭州未二日而臨城之路線斷於是又將鄭州賬事佈 復方殺機極 行 而施 地方遼闊數千里賑濟所不能達者其慘更不知何如也陝省之饑民若此而甘肅等處災區吾人足跡 則聞嚶嚶飲泣聲吾至於此不禁涕淚之橫流也某某皆讚書 哀於四方民其責任迺皆在於吾同志故惟有正人 走吾每日給錢米以周之吾之所見者如此而吾之所未見者其慘更不 君 |盛之會正天命我以行善之時百萬生靈不啻宛轉哀號於吾輩之前| 與同會諸君子際茲爲善萬不可失之機其尙勉之哉其更猛進而 示 113 | 矣蓋君之樂善根於至性間當語余人莫不爲子孫計然人家子弟無所謂善亦無所謂| 來者乎觀圖中所費君一人獨立於函谷關下精神炯炯然意氣怨想然其一念之至誠 脚 跋 (涉而爲善之志百折不囘豈非所謂仁人君子者乎皇天無親惟德是輔康孺達吉履險 粥廠事粗 爲規劃將賬糧寄置蓋藏訖遄返無錫未牛月而徐州之路線 無 m 無門駢死於吳劫者其慘又何如 心 完膚鹿斯之奔鋌而走險竟不知人世之可生人生之何 無終也俾得其 救人命兩 縉 事庶幾 紳 移 其婦 則死者安而 挽劫 知 Λ 毋稍 何 不 運が將 肯 竊 如 总哉 願覧斯 也鑑實之饑民若此而 出 吾心 而 也嗚呼君以驅弱之驅 水食其 來要知天道循 B 亦安矣嗚呼 者成激發其好生之 姑 定得紅 置む造 病其子 瓊 此 (與天: 一返徐州 所未 開內之 恶 無 非 女 + 所 有 出 尙 地 德 如 至 亦

書窗 未幾因 有翁生以觀許生醫平張生浩鎭錢生鍾夏馮生新異巢生箴張生光昶王生雕蔭諸人技藝嫺熟均 國術聘吾邑侯君敬奧爲教師蓋醫師而擅國術者也訓練之方忠實精勤諸生翕服無間言近編國 雷草木為之震動用是造就者實繁有徒事越十餘載猶歷歷在心目間也比年予長無錫國學專修學 合距躍靈變爲主庶幾他日可用諸戰陣擊者長南洋大學提倡軍國民教育拳術一 比如飄風凍雨之不可遏則以其平日稱取吾國之技擊故也故余當謂拳術南北內外雖各有專家 戰者謂槍砲交綏旣竭則以短兵肉搏繼之俄人驅幹豐碩優于頓象羆而絀于搏狡冤日人則短小精悍驃 人率以此斯藝尤盛于齊魯燕趙間蓋吾國之國粹而旋衍于東瀛三十年前日俄戰爭旅順奉天之役再接再開 見重于社會由來舊矣荀子有言齊人隆技擊班孟堅亦云齊愍以技擊强解之者謂兵家之技巧者以勇力擊 荒涼寂寞之濱拓地十畝築亭其中亦當從事于投拾單刺郷人稱其善槍法至今父老艙有能言之者則知國術之 則首應擊身 棍刀鎗鈀劍 余嘗讀戚 影市地分組鍛 稿徵序于余披覧數 事 ,他往爰在精武會聘有善國術者山東劉氏震南父子同學狂喜曾闢雨中操場爲表演所每 武毅紀效新書其言曰拳 | 戟弓矢鈎鍊挨牌之屬莫不先由拳法活動身手若以各家拳法兼習之如常山蛇陣擊首 則首尾相 《鍊達二百餘人當其精神煥發則熊經鴟顧虎視魔曉時而蹌蹑 應此謂 過源 流畢 上下周旋無有不勝偉哉其論拳法之精也吾郷太倉陸桴亭先生生丁末造講學於 貫洞 ,法似無與於大戰之技然活動手足慣勤肢體此爲何學入藝之門又云大 明趨勢嘉惠學子足資圭臬今年六月吾校舉行第五屈畢業考核 騰羅辟易干夫塵壒 科初 延少林派某僧充當教 有 術 而必以大開大 域夕陽 可觀 進 校仍 即尾應 四起吼聲若 化 成績 復提倡 概論 疾 無倫 在 斬敵 厲観 蟿 抵 則 練 尾

口配合した三二届

身保家保國保民族之目的余當拭目以竢之 侯君訓練之功也自茲以後惟望諸同 學恪進 師 訓 道 **德為本** 奮 邁往 乙氣具貞固 示 搖 之精 神 始 移 勿 懈 以 達 保

内寅

覺吾 體物 矣獨此書歷七十餘年而 春祺銅板叙當係刻銅爲模排印各書所謂聚珍板是也 明刻銅板音論詩本音跋 之精神其猶不沫乎嗚呼吾子孫其永寶之哉 **酮藏書竟佚其目疏忽之咎無可辭蓋鮮民之生此心之恍兮惚兮亦已甚矣嗚呼吾** 音韻未得門徑所閱者僅此書而已厥後携至江陰又携至北京又携至上海後乃携歸 人又詢以銅板之製或云鵼銅為板或云以桐木刻之叚借稱銅板然乎否乎文治謹對曰恐非桐木也細繹原書林 為新壻時初至吾家執贄以見尊長而吾祖 右顧亭林先生音論三卷詩太音十卷凡六册爲明刻銅板原本文治幼時 而 父吾 不可違夫體物者無所不在書籍格棒之屬背是也今吾 舟之精神 如 未嘗不寄於是書而 新經五六次之兵燹而居然無恙撫令追昔曷禁泣血之橫流也聖人有言鬼神之爲德 持此以贈汝 音容聲数宛然猶在目前也然則是書荀傳諸千百年 太夫人首領之壬午癸未之間文治初爲調詁之學研究 父俗所謂閱禮者也汝其寶藏之迨文治稍長 父吾 母音容雖渺醫欬雖遙 先妣胡太夫人告之曰是書蓋汝 父吾 無錫 而 藏諸 母先後棄文治而去 而文治手撫 吾 家 祠 去年志家

嗣城吳擊甫先生文評手蹟跋 庚午

經世大猷頁海內重望余初未識其人滿洲紹越千世丈先生弟子也數以余名告先生辛丑十月先生訪余於紹宅 右余辛丑歲舊作二首錄以就正於桐城吳摯甫先生者也先生諱汝綸文章傳桐城宗派師事湘郷曾文正公通達 爲余盡言也 入於膚庸而 該貴在獨立不當偏滯一隅君文理學氣太重夫以理爲學固美矣善矣若以理學爲文動雜以陰陽理氣之說則易 薄弱之士通其一二已足中材則通其三四若能靈通之則爲全才矣又爲余言文者天地之精華牢鏡 述文正言凡文學家讀經之外宜讀七書日史記日前後漢書曰莊子日韓文曰文選曰說文曰通鑑此七書者天寶 越範圍者而文思乃日隘二公之度量性情於此可見而其能作人與否亦於是焉殊矣間又論讚書作文之法先生 精李公則不然每辦一事必出己意曰吾欲云云合其意者用之不合者擯之無討論無切磋於是人爭措摩其意 己文如有勝己者則曰吾初意云云今某君文勝吾吾用之矣卽將已稿棄去於是人爭自灑磨事理愈細文思亦 四十以後佐李文忠幕遭際亦幸矣然佐曾公幕時日有進益而佐李公幕十餘年則故我依然何者蓋曾公每辦 僚談旋濯足子正始蹇至寅正又起蓋晏息簋二時歲以爲常其自强不息如此先生又慨然曰吾壯時佐曾文正幕 或圍棋一局未正後見賓治事酉初晚餐後即讀經史古文至亥正止高誦朗吟聲音達十室以外子初與家人或墓 公詳告各案剖析如液辰已雨時接見賓客將領等或批答公牘午初作大字午正餐畢即獨歷賓僚宿 喜日吾固 無 ·益繁不克見先生又踰二年先生遽歸道山余聞之悲惋者鼐旬蓋余受業鎭洋王先生紫翔定海黃先生元同嘉 似昌黎迹其游學東瀛已久而好古若斯信乎能守家法者余因告先生平反留學生案並請別簡監督狀先 適莫心無人已見但詳告事由命諸同人各擬一稿以進擇其最善者用之且獨告曰某君文佳倫 知君來學生可吐氣也停數日辭先生歸彼此依依不忍言別越明年癸卯先生亦返京師時余已調商 如是者経談三夜不倦朋僚竊聽莫敢贊一辭余隨赴先生寓所見其令嗣辟疆世兄示余文精光 無變化其弊與考據家之支離詞章家之浮靡異體而同譏宜洗滌之余大心折乃知儒者先生謙未 含無 萬有廳所不 皆不合始出

王紫翔先

生文評手蹟跋

庚午

門之始顧先生獎借雖至而訓督綦嚴壬午值大比文治每獻 篇今僅存此手蹟一篇嗚呼至足悲矣初光緒庚辰歲文治年十六遊於庠學爲古文辭意氣頗狂上書先生獻所爲 赴 得逢識者蓋文治方學明正嘉文也迨出秋聞呈首藝先生喜曰是可命中但在十名以外耳旣而果然乙酉歲文治 文十首先生侵容之評曰子僅閱籠統論道之言而卽欲形諸文章在無識者或驚爲知道恐識者有以量其底蘊之 **也吾聞南奢院長黃元同先生經學大師子守吾理學之教而更採黃先生之所長博聞强識窮理鑑性他日自成** 非吾徒也义曰士君子讀壽貴在明理不能明理讀書奚爲因命讀汪武曹四書大全陸清獻三魚堂集曰此理學 涵 淺是非以植根柢不爲功蓋文雖藝術而人品學問皆寓其中故凡文之博大昌明者必其人之光明磊落者也文之 右文治所擬外舅黃公傳文吾師王文貞公紫翔先生所改定者也昔先生改文治制藝約五六十篇古文約二三十 精深堅卓者必其人之忠厚篤誠者也至尖新險巧則人必刻薄違戾怪僻則人必傲很子學爲文先從立品始然後 江陰 **脊塗受業先生之門先生首勗以孝悌忠信之道申之以義利之辨曰小人所以下達者皆以利害義爾若喩利** 蕭於四子六經之書研求於史漢諸子百家之言不患不爲天下第一等人不患不爲天下第一等文子其勉旃 南脊轡院肄業先生詔之曰昔顧亭林先生有言經學卽理學明理必在於通經彼强分門戶者皆鄙倍之徒 藝先生輒不懌甚至擲諸几上曰子文如此之高焉

生日此 海 斯 且 爲先生作左傳攷釋序先生欣賞之巨此文頗足爲吾壽生色踰數年又爲太師母張太夫人作三省樓詩稿 氣行乎其所不 已之秋往呈先生喜持 视一次其後 任其淪肾吾國 日立言亦頗 當自梏以法 人堂奥則所挾不 子非先生無以 吾生順而 者深矣此會手蹟 庽 南洋公學先生類 無支字唐宋以 開文治 ιίζ 进義 矣壬 死甯矣臨別時則又忻然日子來數日吾體加健今日可出門品茗矣親送之河干文治立虧頭見先 理多 侮 文戲謂之曰子揣摹元度至矣此文必可中鵠视乎子之命耳揭曉獲雋先大夫寄書謝先生曰吾家小 辰歲先生入都散館文治計偕隨行賃小寓於東城 得體遂謂文治文章已成就不甚删改略去虛字蓋先生最善文家割愛法當謂秦漢之文不獨 王於僞體塗飾造作言語破壞先正 **| 魚爛雕** 得不行 晉謁 (有今日自是文治不復作制藝專爲古文辭請益先生論古文不尚宗派不泥法度但當養吾浩然之 |未經人道又呈羣經大義先生手評孝經大義後日穿穴經義體貼入微而理尤純正子之從事 宏氣體日益薄弱而義理神情皆不能磅礴而周浹非聖賢豪傑之文也是故文章當壹衷於 及見論 後文所以不古若者虛字多也能節虛字則氣自鍊 先生輒曰吾與子譚精神爲之一爽吾但望子來不必延醫士矣其篇愛文治 燧曰方今七習日舊宜籌所以挽救之策小學近思錄爲救人心良藥當命諸生循謹者讀之倫 鳌 潰 止乎其所不得不 命酒 不 語大義鄉黨微子二篇則曰噫子情見乎詞殆所謂傷心人別有懷抱耶當是時文治掌上 知所居 刨 ;夕揮毫改就時先生常有范文子 新死之意文治聞之不勝慘沮先生笑曰子毋憂 矣辛亥後先生蒿目時艱日夜憂歎 止自能神明變化爲天地間化工之文若必拘拘於規矩 典型尤宜痛栽不 時別借屋含謂之小寓 稍假借所以端文範即所以正心術也是年 而辭自雅矣厥後文治呈所著十三經提綱 侘僚無聊病以時 三月十日首 作逐 論文治每 如 繩墨而自謂入古 此 끮 聞先 右文作 歲囘婁省 序先生 無 生 親 於 先 至

先生然而永矢弗鰀之志常科鬱於中者不徒欲後之子姓紀念先生蓋追維先大夫遺言非先生無以有今日也鳴 自忘其本至於受恩最重之人心心相印其何能忘今距先生之歿倏焉十餘載交治道德墮落與世浮沈將何 段懋堂先生跋朱子小學文則又瞿然曰此皆吾先生之志也不禁悲從中來掩卷而繼之以泣嗚呼人之生也不 人其父生而師教之又曰師無當於五服五服弗得不親未當不黯然神傷又當讀方望溪先生書左忠毅公逸事與 氣息僅屬文治含痰呼之先生猶張目視數刻越日遂捐館舍嗚呼痛矣夫生我者父母成我者先生也當讀禮記曰 杖往西去佇望良久迺解維行此情此景尚歷歷 在心目間 心戊午五月驟聞先生病急自滬 馳歸 先生已疾 革 以 可 目 對

王紫翔先生書函手蹟跋 庚午

義二首情今已不復存矣憶光緒壬午歲文治倖登賢壽癸未随先生應禮部試先生入詞林文治下第歸 爭相先後以爲笑樂函中所稱金君季尚蓋亦文會中一人也昔時余嘗擇其文之尤者錄爲一 吾少年時常與先生角文藝於北門王稚香先生宅中維時來會者生童咸集恆達百人風 右先師鎮洋王先生紫翔致先大夫瞥一通論文治書二通時在光緒癸卯歲也先大夫與先生交最篤當詔· 乃先生堅不肯出高尚之風可補年譜所未載其論文治第二書謂以留意人才爲第一義然開奔競躁進之風則 先大夫憂之謀於崇明孫子鈞吏部請改府教授子鈞爲文治同年時官文選司掌印竭力贊成其事謂 先生入都文治獲雋先生散館以知縣分發河南癸己先大夫就養入京晋問稍疏踰數年先生奉諱歸里清况頗艱 不可毫釐千里吾子慎之此 数語蓋 終身銘 心刻骨而不 敢忘者也先生遺壽共有十餘通今僅存此數 雨 遵 册內有先生少時制 廬各吐其胸 紙別有先生 不 久可 壬辰 中之奇 選 復 萬 缺 随

Bull tempt to the

を五

之人悠悠蒼天中心如噎嗚呼晞矣 年譜親寫稿爲慧言世第所持贈者並 什 襲藏之霜夜寒檠每 展 讀 墨跡 如 新 而 文治 俯 仰 身 # 則

殿試策自跋

頁閱 朝房卯正遙見王大臣率禮部官出卽宣傳一甲一名廣西劉福姚二名浙江吳士鑑三名廣東陳伯陶二甲一名直 無有得見之者辛亥國變後內廷翰墨流播四方蓋無分優絀矣壬申春余至上海因太倉教 不啻讀身唐虞三代之世而俯仰進退於其間矣夫科舉之制論者以爲埋沒人才余謂此耳食之說也自漢蘆江 **咸異之明日在太和殿行傳臚禮百僚濟蹌俊髦斯翼鐘磬咸序恍閉鈞天何其盛歟所謂進賢如不得已者非耶** 爲一字無訛也至酉初二刻畢繳卷後由王大臣在卷末護對二字下畫押余遂出歸會館罷勧已甚明日右手 維四月下旬是日卯初 T作家大人稟幾不成字矣越一日行小傳體禮在勤政殿諸貢士進西苑門內集湖之南以橋爲界湖以北爲引 | 才史君告佘曰吾以鉅賞購中秘藏君殿試策在焉歎爲奇遇願以奉贈至五月果寄無錫墨蹟如新 九拜 就嘉二名江蘇張鶴齡宣畢凡十人晉內引見餘謹退出建有在宮門口大聲呼寃者則山 時計表已午正惟恐不及急振筆疾寄字較生動惟第二頁爲古二字下脫去土番地三字當時 適四十年矣古人曰家有敵帶享之千金史君贈此千金不翅且惠我短簡詞旨淵雅尤可佩也憶壬辰 相傳禮部 禮部掾散黃紙策題簫如秩如余自辰正屬稿己正墨至殿廡向官監索茶水建飯一盂急上殿謄 鄉會試中式卷逾三十年則焚燬之至朝殿考試惟及第卷偶在琉璃廠肆揭懸數日外餘均藏大內 諸黃士恭詣保和殿門禮部官唱名次第魚貫入辰正監試王大臣率諸貢士詣殿下鳴贄行 濟兵災事晤 東同年田智枚也 竟 未 蓋自壬辰至 舊友 檢點 寫甫 一股試 m 狍

宋文信 人耳玄黃消息一龍一蛇是非得失必有能辨之者惟由今之風俗無變令之人心雖盡改古制 數昔年民生之困或日科學累之也今日民生之阨或日學校害之也不知科學學校豈累害人之具行之者皆非其 迺其道德功業農簑區銘竹帛而同治初元張文襄破除殷策舊格名動一時何埋沒之有乎橫嵬宙 有聖賢豪傑决不受科學之年龍俯仰二百餘年若湯文正陸清獻孫文定若林文忠胡文忠曾文正詎非科學中人 倒 錯亂 國著名以 而無以善其後此何故哉誦會氏以義爲利之箴讀孟子道揆法守之訓當憬然知所本務矣 來史不 絕書末流 無識講求措法不 論文學之淺深以究品詣之純駁誠爲殉末而 至於朝四暮三 忘本 合廢興泰否之 然 **天下** 果

節 婁東十子詩選跋 癸酉

獨其 村先生同 茲選中列 抄全帙同 自周肇東 矣迄今又百餘年原本雖海 吾婁自王弇洲先生與李歷城以海內宗匠主風雅壇坫一時與謝宗梁徐吳諸先正始稱五子繼稱七子厥後 要東十子詩選早已傳播遐邇至乾隆時由浙江巡撫採進載入四庫全書易名日太倉十子詩選而 五子廣五子續五子末五子後七子之繼起迄明之終詩社勃興實維吾婁獨得其宗而集成於梅村吳先生其 (盛衰 時唱 顕 岡集至顧 王氏有六曰芝屬集曰三餘集曰健菴集曰步蟾集皆太原伯仲也曰東皋集曰碩園集亦 、挺重付 和 之迹有不能 傳侶 **河水椰集後生小子已不能舉其姓字邊論其集其詩乎今由吳君鈔全重印之詎不大可憲** 印屬文治記其尾溯自弇洲至梅 也惟 迄今專集已不可得壓於四庫總目所稱 內蒐藏家亦寥乎莫親吾婁圖 無感慨於心者當梅 村先生選錄茲綢在崇禎某年方是時東北 村中歴數十 **婚館舊藏僅有殘本今年春主任吳君也** 年其間相爲遞嬗 風格如出 一手者一證其說之然否而 者由琊邪伯仲 用兵中原便擾 流風亦 均 機以太原 庵 其族 廣 搜 姓 稍 而 有 仲 得

タロイニアン第三二二十日

何如變風之詩日我生不辰達天寧怒又日維令之人不尚有贅嗚呼其可悲也已 遠規猶復不絕於世迄今三百年楡關烽火倍烈於蟲時而大雅淪之斯文泯滅欲問婁東詩派故者無復存者間與 一三二同志晦明風雨講學於荒江寂寞之濱寞得挽類風於萬一然而狂瀾澎湃牖戸漂搖身世之感較梅村先生爲

卷六 記類

宗伯子良公積善傳家記 庚午 重建安我素先生祠堂記 辛未

陸母吳太夫人入配節孝嗣記

辛米

上海交通大學工程館記 壬申 張天如先生遺像記 癸酉 重建無錫忠義孝悌嗣記 癸酉

顧辟疆園記 戊長

己

清明掃墓記 太倉蟹簖記 辛未

壬申遇盗記 壬申

太 倉 唐 文 治 蔚

芝 耆

重建安我素先生祠堂記 記 類

* 未

發殆運會使然與當明萬歷之際逆璫肆虐毒痛士林時則鄂皖浙諸省有若左先生遺直楊先生文孺黃先生尊 屋五楹奉先生栗主祀焉涵養君之孝思可謂至矣會重建高子水居亦於去歲落成後先暉映前賢之光果鬱而 字類圮享祀就逕薦盥無所涵養君有恫於中爰於民國乙丑十月就祖遺賓娥臺舊址斬荆掃樂風雨攸除重建詞 治益景行行止於安先生不能置辛未春先生十一世孫宗愈君字涵養偕邑人高君涵叔以重建祠堂屬文治爲記 魏先生廓 初先生哲嗣當明季時請建專祠旣報可矣會鼎革罷先生玄孫諱曾發於清乾隆庚申始建詞於安鎭二百年來詞 氣誼之篇蓋如此而邑中父老相傳忠憲殉節之後其眷屬避難安先生家幸得罔恙卽今所謂安鎭者是也於是文 夕者二十有九年迨其殁也爲作行狀則謂自吞之淚幾囘入欲斷之腸他日見公九原惟此一事不覓知己其交情 種嘗得高忠憲別集爲表章而刋印之其中載有安我素先生狀謂與先生同黜於言事同錮於明時同學於東 嗚呼氣節之在天下所以爲人倫之坊表者豈可一日而息哉往者文治蒐集有明一代名節最著之士遺書都 園吾蘇則有周先生蓼洲繆先生當時吾邑則有高顧諸先生相繼並起殺身成仁氣節之盛彪炳簑區而 林朝 數

THE PARTY OF THE P

是傚云 天 先 大本大原 足 危而 抑加 壺 物 **迨行人報** 世所能堪者後舉進士官行人以母秉家不願北逢告南怡怡膝下色養以移此其孝行之篤可爲師表人倫 以不息者 (廉儒 頭然在 地 生言 在 題詩日祇餘一 有 前平此 於守蓋易簡而天下之理得矣至其品隨先生謂藝不苦習而工學不窮研而信性命微言與 志不可奪文治每誦其言往復留咨以爲千古師表人倫端在儒行安先生幼時依母吳孺人仳離困苦有 不 夫 IF. 有 俟 Ē 氣 抱濁世塵埃泥而不滓惟其藏諸內心者潔白而精微所以坊表人倫者光大而久遠也文文山先 則更有在攷高忠憲與先生論求放心之法謂覺其放者乾知也乾 滿當晉蹇省以年未及格或勸先生稍贏其算先生曰是欺君也則不試光宗之變先生 立志非夫講明正學綱紀人倫之君子其孰能與於此文治爰大書之俾後世之聞風興起者咸是則 凛烈萬古存意在斯人與夫一 一辭之畢也鳴 氣凝之也君子之所以維持正 者已有不忤權貴直聲震朝野如安先生其人者乎語曰莫爲之先雖美弗彰豈偶 掬孤臣淚中夜潛然落枕邊後世傳誦往往爲之歌泣此其忠愛之忧可爲師表 呼斯豈出於夙慧與方其泛舸五湖翩然高 椰有矜式而一椰與一國有矜式而一 氣者正學植之也昔我宣聖論儒者之道適弗逢世 舉衆賓歎幾以爲神 知大始在於幾直 國定其正氣之充塞 仙中人庸鉅 然哉 養者 上弗 驚悼 他人言不能 人倫者 接下 坤 且夫乾坤之所 件痛憤槌 能 而 知 弗推 其 也 彌 生所謂 坤 也 綸 皓 者 月冰 作成 者 然 心 非 身 奥 頓

宗伯子良公積善傳家記 庚午

一签鎖 伯諱 浩 洪 鎭 培子良其字系出毘陵遷居無錫公以積德善行聞於當世有子六曰浩鎭曰滋鎭曰濟鎭曰 滋鎮圻鎮皆與文治友善如親昆季令歲庚午距公之殁已二十有六年矣浩鎮亦已先歿滋鎮圻 一明鎮日

言吾祖 群於周 以私田撥莊產以爲倡並覓莊址殫精 也而一家之鸝未有不始於忘本者也是公之善行足爲子孫法者一也凇源曰唯唯又聞吾祖又興復貞節祠於惠 齊以與復之會有以道遠梗其議者公慨然日常郡祠乃吾闔族宗祠也先靈失所幾二十年瞻仰之餘愴然流涕當 範也是公之善行足爲子孫法者二也淞源曰唯唯又聞吾祖奉督祖景溪公遺命商昆季輩興立義莊以瞻 易言苦節不可貞又言甘節吉自來貞節女士多有以苦節爲甘者蓋其至情天性之所發實倫紀之大坊晚近之模 **翹訪故址於瓦礫中而基地已為他姓所得輾轉商贖始克有成逢復舊觀復以節婦太姑母及張貞女蘭貞** 麓初椰人以孝貞女唐素工給事力貧終身以所得養其老父及歿爰奉祀之並以貞女唐秀鳳配嗣亦燬於洪楊吾 也故曰君子務本本立而道生而禮記亦曰傷其親是傷其本傷其本核從而亡自古一家之驅未有不基於敦本者 爲子孫訓 太姑母者吾祖之胞妹守節至數十年而蘭貞者太姑母之夫妹因其兄早亡願代子職守貞不字者也文治告之曰 推木本水源之誼與常郡族人共之何忍以道遠爲辭乎乃不憚跋涉親董其事逾年告成迄今常郡族 公之善行足爲子孫 云文治告之日萬物本乎天人本乎祖論語載有子言孝弟曾子言懷終追遠蓋孝弟人倫之本也追遠尤孝弟之本 禮宋范文正本經意創設義莊風行後世然如公之立志不渝始終曲成其事則錫類之仁尤有下可及者此 旣機志述事偕諸昆季建祠於惠麓復以常郡宗祠饗室燰於洪楊僅存前聽湫隘不足以安先蠶爰議集鉅 也越月復遭其子淞源來申前請文治爰詳叩公門內之行與其施於外者淞源日當聞諸伯叔父及吾父 相屬文治謂公已有碑銘不如作傳家記爲宜圻鎮日善吾之所望於子者將專記先人之嘉言 法者三也松源日唯唯又聞吾祖 壁畫 ||躬親厥勞今日之得有義莊繄維吾祖之賜文治告之日孝友睦 居恆屏絕虛名有推崇之者退然弗敢 居獨於育嬰 稱道弗衰 (稍肥 焉

恣伯賴惡之罷去而吾顧則貸以金令別爲業叉折閱街伯祖以匿稅誣控於官同業八家咸波及蓋布貨律 張楊園先 於義塚尤拳拳不 目傷心乃就原地 人也相與圖 靖江江畔有義塚爲水激盪將有沉陷之虞乃命四先伯鏡遠公偕同里廉茂苑先生詣靖籌爲臺 督匠臺造施棋若干具集若干會而成一 四也凇源曰唯唯又聞吾祖當於邑東北鄉嚴家橋創設施棺會蓋憫窮鄉僻壤之貧乏無告者死無以爲殮也每歲四也凇源曰唯唯又聞吾祖當於邑東北鄉嚴家橋創設施棺會蓋憫窮鄉僻壤之貧乏無告者死無以爲殮也每歲 則主郷間 與愛憐之天下之苦孰有大於是者公獨於乳者爲育嬰之命脈此所謂以慈衞之者也是公之善行足爲子孫 日天將殺之惟慈可以衞之矧育嬰堂都係棄子口不能言語生不能知其姓名茍有飢寒誰與喚咻之茍有 而男不僅見迨吾祖 忍見一孩顯連而憔 然任堂董無稍讓 經庚 各得 申 其所而己義莊育嬰使生治得其所也掩埋義塚使死者得其所也蓋生順而死寧者萬物一 分 (生築喪葬雜錄亦當立公葬會公與之不謀而合矣此公之善行足爲子孫 亂生產將日蹙吾祖 建事]成之及遷徙旣蔵事原江岸隨卽陸沉蓋千鈞一髮有如斯者又當於邑東郊見敗棺纍纍爨露風 畤 去懷 :購基以極埋之其地字號日玄題名玄公墓不日義塚公之也且爲死者地也迨任同仁堂董 蒞堂之日卽愼選軵苦能任事者細察哺嬰之情狀常曰呱呱者得長成與否權實操 有紀綱友某性譎 任堂董乞養男孩者先後計十餘名令各成家立業矣文治告之日慈者人生之本性也 每值冬令必令人發揮覆土於其上以合古人掩骼埋骸之意焉文治告之曰聖人之道: 與 證是季徐圖家業爰隨會祖在邑中開設時長布 記許會祖當戒伯祖與吾祖日此人有才無德宜 具之赞勸鄉人與一會或半會不等每會僅制錢百不足由已任之又當聞 肆 (由伯祖) 權衡以處之針 法 者五 履 也凇源日 卿公 徒針 經理之而吾祖 體之心也往者 袓 一就養者 歿 唯唯义聞吾 廉先 於乳 後 / 生亦仁 暙 故 女 使萬 事 13 法者 老子 對

人所不 治聞之 以對 焠而 致以 及於子孫也抑文治當聞邑中人言公於修橋築路諸公益無不爲於賑救各省飢民諸善舉無不與 賽昌而未有艾耶往者 仁民而愛物公惟推孝友之誼以及於宗族及於揶黨及於民胞及於物與故其積善餘慶自天祐之至於 維持之令攷公之德行洵足以傳諸無窮然而未之知者後之人宜勿替而引 者則未之聞也吾不知其苦心孤詣而當時歷境之艱辛爲何如也書曰孝乎惟孝友于兄弟孟子曰親親而 至其日吾昔日資君錢君豈忘之乎或乘其不覺置錢於室隅即匆匆去其心之厚於仁如此何怪 商 魯其 ·圻鎭鎣鎭諸昆季俾載諸家乘而不忘凡我同宗竊願相與共勉之焉 伯 同 家 加然作 知者 袓 業 例 與同 即上 奸獄旣成吾祖 有 傭 每值水旱凶荒及舊穀旣沒民生窮蹙之時輙訪飢餓 金向 業未當少累也厥後某老且貧不能自存吾祖惻隱爲懷復贈多金以活之所謂以德報怨者非 īfīj 無 嘆日有是哉仁人君子之心也古人爲其親以身犯難者有之矣若爲其兄犯雞委曲 以對吾父擎涕就道訴訟由邑而 於售貨時 先大夫有言君子之澤五世而斬故家累傳 知伯祖訥於言含冤無以辨慨 分項要會 以 貢國 郡而 庫 撫而 以 然口兄老矣同業危矣若不出當其衝 維商業顧某以 督盤根錯節歷 數 不 船 世 往往 出戶者叩其門予以錢若 此 五年得曾忠襄公平反吾祖 入伯祖罪糾邑之豪猾吏聯名誣 敗亡者多而興盛 之也松源旣退蓮齊祓 将内無 者 干緡 少 惟 其家道之淫熾 而 潘筆爲記以 尤有陰 求全一 以 蚁 行善乃可 終身 訝其 對兄 之精力已 至於 耶交 而 以 民 諗

君明純 介生乞文請爲 一言余披覧數遇作 卷六

上口なじそこてしまうここ言語

陸母吳太夫人入祀節孝

嗣記

辛未

中華民國二十年辛未之春余及門蔡君其標賽同邑陸君君明嗣祖妣吳太夫人入祀節

īfīj 嘆日

| 母儀之式其可風矣昔劉子

政撰列女傳

別仁智貞

順

節

孝嗣徴詩文事

狀

君 禮也民國十二年癸亥季秋太夫人卒先於淸季得旌表如例茲者君明筮吉奉栗主入祀節孝祠 彼歸 渭生固濟今先生鍾愛者也太夫人恩勤備至以迄成昏厥後陳氏以本支無後亟請歸宗太夫人曰吾令入 年 女聽 其孝思不匱之所致也吾於是並記其標之言以爲當世勸 貧民甚夥 遺 明之能達孝也其標告佘曰甲子冬齊盧構彙錫邑斗城危如累那 比 家閔 宗亦義也後吾宗而 類以 睨而欲 從百 凶 淑 夫 什. 十七點 若子 世 後讀 動 者數君明乃在資豐商棧開倉發栗隱患弭平 相 (之間) 檵 博士員陸濟令先生事姑黃太宜人克孝而相夫以義靡室不勞生子桂恩君佐 於人之宗非義也竟遣之其仁達爲何如者嗣 卽 ₩: 風 含辛茹菩忍淚以事高堂 興起歌泣隨之此 良知感發於不自覺者也太夫人姓吳氏爲邑中望族錫 嵵 五服 中無昭 人鮮有知之者君明之功德太夫人之遺教 長安保衞團守禦 穆相當爲之繼者爰擇懿親陳涓 孫君明族中之選 雖 固 也太夫人賢而立之立 而 僻院窮 太夫人之食報以 | 巷僑居| X 恩先 生恩撫 方 継義 越 也背 I 生 北 孫 也 之 餘

重建無錫忠義孝悌嗣記 吳酉

哉 齊 粤若稽古泰伯成父之志讓國於弟斷 人之所以率 周 君子 邑故 亦 而 有華 舍之西偏舊連 旣 有忠義孝悌祠 割以 賽 移身 性國之所以 畀 慕父母 我 國 名官 學 在孔子廟大門 皓首 專 爲學子日弟子入則孝 祠 修 辄 學 垂 一智以 修治 校 而 其壞 |髮文身用逃荆蠻而開吾邑民漸其教服義 東偏以祀邑人之副 儒子服終著名國史所以 更新爲橫 (漏而遷忠義孝弟祠之主祔 舍余以 出則弟謹 庸 一其行者式拜式瞻民俗以教徒以官失其守屋壞 陋實長厥校 丽 信 刑仁講護風际百 汎 愛衆而 乃度地 焉亦以有其舉之莫敢 親仁行有餘力則以學文子夏聖門高 鳩工日其何敢不 佛瓊以 代寧香焜爆一邑爲里子 機以承 廢 也獨念忠義 力重樓翼 於千百載 然既敕 弗 弟 蟹 李弟 修邑 作式 齑

践香高 與邑彦錢君基 宦 者庶其在此 舍忠義孝弟無學而學者所以學爲忠義孝弟也博文濁志唐言寡實紀綱性情必以四教惟邑人君子所以 弟傳授心法申言之曰賢賢易色事父母能竭其力事君能致其身與朋友交言而 祠 之 迤南 君文海涵叔之力爲多皆邑之良也例得書 面西而 तित 博子泉分任之不足資之國學專修學校癸酉九月工告迄功董其成者則陶君 嗣 嶞 背東建屋三楹以爲忠義孝弟祠 弗修蝶於非所其何以妥侑厥靈模楷人倫民益無嚴暴行攸作惕於廢典載寢載 而熱事孔子廟之舊有勞以食於廟者併以附焉其費所出 有信雖日 未 《學吾必》 守恆達三孫君家復 二謂之學 與乃擇 付任余 地 則

章世 癸酉仲秋同鄉張君亮孫屬表弟黃君玉儒爲介乞題其十世祖天如先生遺像余於先生向所服膺者也式瞻 張天如先生遺像記 艊 舉景附吾蘇若文護孟若瞿式耜若陳子龍浙江若錢士升若倪元璐河南若侯恂侯恪若喬允升 迺上苴而弁髦之誤哉誤哉當有明嘉隆間吾鄕王元美先生崛起弇山以文章氣節激厲當世天如先生繼之創設 有不勝感槪於懷者爰謹記其後曰天地問文化流行存亡興廢大之係一國小之係一 任魏忠賢溫體仁阮大鍼之徒摧殘士氣自促其亡故復社墟而明社屋諸賢殉節以死者不可勝 7 純 **盏悲夫悲夫方吾婁之盛也天** 為東南壇站主盟復社者復東林也合中州端社松江幾社浙江超社黃州質社等八社爲一 湖 肚若黃公輔諸名流八表告至安車蒲輪徵文礪行天下皆知儒行之可貴名節之宜珍而 廣若梅之煥若劉宏化山東苦范景文若張鳳翔陝西若李遇知若惠世揚福建若黃景昉若蔣德璟廣 癸酉 如受先兩 先 生激揚涇渭與 漳 州 黄忠端發 Щ 劉 忠正以 郷豈不重且鉅與怐媝之士 道 雲龍 富道 相 江西若羅萬藻若 數 Ü 者昏迷不 風虎之彦縣 國運文章

奮乎百世之上百世之下其必有瑰意琦行之人奉遺像紹復社遺規而重興吾國吾鄉之文化乎 當復 喟滄桑欷歔隕涕又何衰也豈運會使然與抑後生小子不克承其統緒與由後溯前盛衰之感若此 求所 秋帆 相與博考鄉先賢遺書而保存之而口誦之而心維之一鄕之文化不亡一國之文化不亡則一 奉常家訓 一海交通大學工程館記 |何如夫愛國者必先愛一國文化俾之不亡愛鄕者必先愛一槨文化維于不敞竊願吾鄕學者毋忘大本大原 《尚書淹貫考據實開阮文達之先河一時人才蔚起郁郁彬彬何其盛也洎乎晚近人務異學不復讀中國之] 称最低 謂 · 焉誰其尸之天之大昌斯文也先覺者之贄也天之將喪斯文也後死者之實也天如諸先生英**靈**其不 人才者或飢騷奔走散之四方或汙俗趨時半途易轍藝林寥落賽舍榛蕪憑弔弇圍七錄齋故址徒 琅 後若顧抱桐若沈敬亭若程迓亭亦以經術學術員令望令聞平陽科第鼎盛編輯婁東 琅 後野 踵 相接而理學 Œ 宗 若 陸 陳江 盤 諸 大儒 讚 論 道 **德於晦明風雨中** - 吳祭酒 撺 醰 精詩學十子 國未有 詩 由今策後景 派標 :亡者也 令人 和

擾未 因原 校繼任者爲門人粵東凌君竹銘于丙寅秋始籌建工程館立基石於兩操場之西幷募捐三萬五千餘圓 教電機科增建二楹為電機試驗室後叉增設金工廠先後購機約三千金其制粗模質陋不足資發展 **笔之三年乃就** 余掌上海南洋公學時改名交通部上海工業專門學校初設鐵路科旋設電機科繼設鐵路管理科又 有之機械金工廠十倍其容積而擴充之由邬達克建築師意匠繪圖馥記營造廠承造經始於庚午歲十二月 追建造 |越四年粤東黎先生曜生來掌是校商請鐵道部長孫先生哲生撥建築費四十五萬圓設備費六萬圓 上院後舊屋改作三楹購機器二千金略事 試驗教員李復幾實盡其事踰年延訂美 設機 也 會時 庚 謝爾 申 械 局 屯主 俶

壬申

來吾國 演講廳 更培養性之靈無幾乎體用兼備有以扞外侮而致太平矣是固黎先生之期望而余亦馨香以配之者也 知為萬能之萌抵也今人但務思想而不能修養其知覺夫知覺不本於善良則思想終歸於惡化試觀 余平日之志願 成吾國奇材異能當不預黎先生之苦心乎而余更有進焉者昔有明王文成公陽明先生常以致良知 竭思不惜糜數 械試驗 【鮮有發明葬器技能者何也知覺不良日趨於功利夸詐則思想因以窒塞而不敏也吾願諸生勤究物 日儀 器 室日水力試驗室日金工廠日材料試驗室日電氣試驗室日標本陳列室其上字日教室日繪圖室日 十萬之財 在造就中國之奇材異能冀與歐美各國頡頏爭將个黎先生之志亦猶是也自先生蒞事以 室日模型室日教授憇息室凡茲設備頗臻完美旣觀成黎先生來請爲記余迺郵文以告諸 月於是工 力以供諸同學之研求茲館規模閱遠矣惟願諸生朝於斯夕於斯釽規鎔鉤 程 館 宏規大啓其地佔七萬方尺其屋象口字形其質料爲鋼 骨水泥 其下字日鍋 立教誠 十世 而 生日 以良 含蔚 紀以

出 余 眎 一屆先大夫卜隱於錫邑西溪已十七载於茲習聞鄉父老追遠勝蹟感喟滄桑輒低徊焉而不 新 構 顧 辟 疆 能置 往 茂 顧 君

顧

辟疆

園記

戊

少貧 有池一 閩 非一人乃知辟疆園之際由來舊矣康伯紹承先志構葺屋字一邱一壑靡不殫心於丁卯冬而落之園中有 载吳中舊傳池 (盛名高 有 泉七 邁不羁當經吳郡造顧辟疆園肩奧徑入不通謁遊覧畢旁若無人辟疆以挾貴傲主人數之又中吳紀 因 當林泉之勝惟辟疆園爲第一見於題詠者若李太白陸羽陸龜蒙皮日休及近世張伯玉艷說 圍紀略並諸耆老題詠世澤宗風久而弗替豈僅碧山吟社嗣音而已哉夷孜晉書王獻之傳 地 設 施者有聽 事三 楹便座 一楹亭四軒 榭 而以五老拳四洞三 糇 而 31 土 飲之 康伯 Щ

小築其 念于後之人者則又何 及韓抵瓦 附屬於四泉 羲 日歸雲日問 古來名勝地得名流觴咏其間縱譚軼事舊聞何莫非則古稱先之助爰思東林壇玷高子水居及夫秦氏名圍感 眢 尹 者 便 謂 而 康 雄 得 座則顏日 漁橋日 等都 旭 伯之爲是阑聊以娛樂而已余以爲廢者興之舊者新之大之風俗人心小之郷邦文獻息息有相通之 名匯赑池亦露三眢井泉脈皆發於惠山二泉 者也日朝陽泉日 敳 |步鶴日三曲石梁而梧桐枇杷石榴綠莓梅與夫桂蘭芍藥諸名卉蓊繁葱蘢奇葩怒放| 清友山房其軒曰碧梧其榭曰藕香其亭曰徯月曰留馨此外又有方亭茅亭洞曰 十事蓋千百年之古物發之於一旦而適歸於好古家物之顯晦非偶然也其 如度必有起而新之者余作此記益墨然高望而不能已已也 涵碧泉曰戆川泉此附屬於匯蠡池者也所可異者浚四智井時据得 而灌 於井其日小平泉日辟疆泉日雲 홾 液 事 泉 |鶴賓日 則 龍 顏日 泉古 小 大可 中 辟 磁 石 紟 珨 M 此

F 時之盗數年來無此樂者然靜言思之吾祖吾母棄養久矣吾父雖少享 過蟹簖砉然聲光厲心爲動搖至里門舍親翁陸君勤之家親族僚友歡迎者數十人濟濟一堂歡然話舊可謂 太倉鄉先進葉涵溪先生皆吾師王文貞公入郷賢祠諸同郷邀余還里贊襄典 欣然出日汝父歸乎汝歸乎於是喁喁聚語一室雖王侯之樂無以過也此情此境蓋夢寐時猶 漁人獲之以爲利歲久圮壞則修葺之余幼時隨吾父館沺涇館蘇台館滬上往來必經是簖舟底砉然有聲每 距吾婁西門外三里許當太倉塘之首有蟹簖截流橫居其衝不知始自何時當八九月後夜燈火熒然蟹郭 心輒恨然以其離吾祖吾母而去也每歸 過
所則
數
喜
跳
羅
以
其
將
見
吾
祖
吾
母
也
迨
抵
家
吾
姊 一日之壽然棄養亦閱六年矣吾姊之歿則 醴 爱率長子慶 或見之己己春正月 同 候于門吾祖吾母 歸 | 舟若箭 索 上簖

太倉蟹簖記

文治於辛未歲清明前三日率長子慶詥赴劉

河表弟朱君壽臣叔姪殷殷爲主宿鎮

北之集善堂越

B

晟

往

拜

古

双工学とく住にころの

令是大鳥獸失喪其쫗匹越月踰時焉則必反巡過其故郷翔囘焉鳴號焉躑躅焉踟蹰焉然後乃能去之小者燕雀 墓由學宮前迤邐而 渡夾岸桃花繽紛陸君景周與樸丞弟慶厚姪已在渡頭相迓意俱懽然舟折而 **舅氏之凋零也謁**四 毋忘及歸 涇吾祖吾父母墓巡視 何曾到 冏 啼者 周 者之精神魂 磨滅者天地之至誠春之朝秋之晨麥飯一抹濁洒一杯臨風而號泣者翳何人翳何人惟 有關職之頃焉然後乃能去之可以人而不如鳥乎令人而不知祭其先忘其本傷其根 君子履之必有悽愴之心非其寒之謂也春雨露旣濡君子履之必有怵惕之心如將見之言如見吾親之形容也 知歟藉合併是而 先 大孺人简孝坊因告慶詒日此吾家百六十年舊物居然完好風霜駁蝕字跡不甚漫漶可喜也願世世子 1嗚咽者哭聲斷續而不絕也乃愀然歎曰吾郷民德之厚有如是哉豈非郷先賢講學之效歟抑發於 上入城勤之昆季迎於河下 城舊咸集即宿陸氏宅越日偕勤之昆季謁 儒 | 寓則親翁陸君勤之已遣其子慶熙由婁買舟來接慶熙余及門弟子也越日晨逐偕慶熙赴婁城舟| 九泉當此之時未嘗不潛焉出涕也而迄於今文治思之不禁痛淚之下咽於迴 有言祭於祠不如祭於墓然椎牛而祭墓不如雞豚之逮存也往者先大夫挈文治 魄永永而常存今文治拜吾祖吾父母之墓而痛吾祖父母之不及見也拜吾外祖父母之墓而 先生嗣卽山先生墓而痛其後人之無復有也嗚呼是後學者之貴也雖謂百世而 掃除之則孝弟之性滅人道淪於禽獸矣古先王之制禮也必使人有以自盡其心故曰霜露 南約行二里是日清明令節方嚮午有祭於家者有祭於野者老者少者男者女者獨者 松楸依依久之乃去旋 赴 海漕 拜始祖墓暨三世祖 墓 置本 陸陳江 西赴吳塘橋拜外祖父胡公墓 生高 盛四 祖墓幸皆無恙旋又謁 腸 雖能言曾鳥獸之不若乎 先生祠 賴子孫 也 掃 嗚呼人生如朝 墓与誦古人詩日一 之繩繩 並沈 後皆其雲奶 卽 1衆者娘 繼 心之 孫其 痛 四 差名

玉峯潭水深情彼此 也 万一 岡 一夫間問 間之哭聲命令文治之心靡瞻靡依宛轉 惘不忍別云 **凄其而腸断於吾親** 也 越日遄歸 無錫 勤 親

壬申遇盗記 壬申

惘

停舟 遽閉 辛未 髙 運 蘇州城外九日早舟啓行忽擱淺舟子邪許一時餘始得行至高店忽對面有懸郵船旗來者亦拖六艇舟中 不勝悲越二月二三日瀏河鄉人黃頌聲門人陸博泉先後來告避地事予途動救濟念擬親赴上海且先人壟墓農 茆 **眺野景僕人高福** 日 附近各處煙霧障天老幼婦孺號哭當是時東西南三城門均嚴閉居民避難者不能相顧皆踉蹌從北門出羣奔雙 支日人攻側 驚未卜安否亟宜詢諸郷人爰於二月八日約同鄉吳君昆生附申新貨艇以 一兵空船來隨之行空船速瞬息去午初過蘆城舟人相慶曰出險矣午正舟抵前山泖湖內子挈孫兒孝宣 市沙溪之郊漂流失所嗚呼慘矣予時居無錫正月三十日有州橋避難來錫者陸姓眷屬四 勿再進前五六里有盜船百餘艘吾輩遭刧掠盡矣旋聞舟中老嫗哭聲甚哀舟子大驚急下椗守候 警見田 艙 一十二月杪日人攻我吳凇閘北我十九路軍蔡廷楷蔣光鼐等力禦之守三十三日至正月二十 我船舵 門時 面由 I 槍聲已四起盗衆呼迫令停舟槍砲暴擊輪船岸高水淺彈雨從艙面飛過蔽蔽落水中管駕某惶 塍 唐 邱 墓間 入 劉 舟子張荷等大呼曰今日吾輩停亦 河楊林 躍 村落境幽靜有廟顏曰武帝宮遙見一人服西裝戴盆帽拖絲巾鳴槍二鐸以爲獵鳥 出 五六十 兩處登岸我師 人皆持盒子砲手槍羣擁而 左次退太倉敵從之駕天空飛機追擊擲彈如雨毀城中文昌廟及 死不 停亦死不 前大鷲日殆矣此盜也內子孝宣急避 如 速逃管駕者悟 行一小輪拖帶共六艘 随增 熱水管加足速 人為予詳 卯 .li 艙內高 旋有 刻登 H 孤 **逃慘狀予** 人大呼 **舟晚泊** 至船 軍 + 福惶 也忽 大橋 力不 九 頭

午餐流未集河干一幸也舟人遙望羣益來追時互相傾跌若有結草以亢之者追不能迅二幸也風順水亦順 形絕慘老於識途者日前山泖湖者諺所謂長毛城强盜村是也聞者咸咋舌余抵濾後親友咸來相慰門人陳 無礙復得三浜阻之三幸也無水盜來襲四幸也殆若天所助與而是晚嘉興至蘇州輪舟被刦水聲救之不能勝情 船解維安置之叉鼓輪行是夜宿閔行余犒管駕某及唐入張苟等以差舟人競告曰是役之得免蓋有四幸焉時方 日天之未喪斯文也余笑日莽禍烈矣吾誠不屑竊效其言然何敢擬於孔德邪 低呼舟子詢之則日對而有避難船來越婦女十數體開盜簪求附以行也乃拖帶疾駛二十里許至一村乃令避難 能越繞而行約里許又過一浜歷浜凡三槍聲乃漸遠漸稀忽輪舟停有婦女院呼聲衆驚以爲盗瀾微登舟也品屬 渡唐八復呼舟客臥倒避彈並呼曰水關端正蓋舵線直則舟行速也遙見攀盜來追者約二百人頃刻過一浜盜不 疾馳

茹經堂文集三編目錄

太倉胡吟石公傳畧 丁卯卷七 傳狀類

王晉藩先生生傳 辛未汪棣属先生家傳 丁卯

汪義門先生家傳

丁卯

蔡子厚先生家傳 丙寅孫君華樓家傳 己己

華子隨先生家傳 戊辰

朱秀坤先生家傳 庚午胡君劭介家傳 己己朱君蓉舫家傳 庚午

傅君晓淵家傳 辛未

傅君耐寒家傳 庚午 郁君佩如傳略 戊辰

古空をとき三言

目錄

李頌韓家傳 丁卯錢君復三家傳 己己

畢君枕梅家傳 麥酉 蘆江徐孝子傳 壬申 義士美國人蘇特傳 壬申烈士尚吉元傳 壬申

荣母石恭人家傳 丙寅高母李太孺人家傳 己己

朱節母陳孺人家傳

丙寅

外姑黄太夫人事略

甲子

汪夫人吳氏家傳 辛未

馮母李太孺人家傳 癸酉

陳節婦王孺人家傳己己

ì

傳狀類

太 倉 唐 文 治 蔚

芝 老

太倉胡吟石公傳略

首止吾家昤石公一人汝能繼起乎文治不肖不克副太夫人之期皇然每憶慈訓未嘗不深景行之思也癸己歲服 里開傳為美談先大夫亦屢述之云考公譜系蓋先母太夫人之高伯祖也文治游庠後太夫人誨之曰本朝吾孺解 入手云何吾顧聞之公卽背誦云云吳大鷲曰解元爲君奪去矣遂仆地不能起迨榜發公果第一吳先生第二於時 維時有吳維鍔先生字斂夫者高據鐘樓顧盼自得輙語其儕輩曰今年榜首舍我其誰會昤石公至吳先生問日君 根心生色是以爲門見而異之也吾郷預宮東南舊有魁星閣建鐘樓於其旁重九登高率應試者相聚撞鐘以爲樂 陳蔡游楚衞遇沮溺遇丈人皆隨孔子以行獨石門一役胡不與孔氏偕來也自此以下乃曲敍仲子寂寞無聊之戲 試時題日子路宿於石門晨門日奚自子路白自孔氏制義中有所謂入手者挈題綱領貴能攝取全神公搆思恭苦 自度不能勝餘子忽心動如廁聞同舍生語曰某鄉試必與其師偕今胡不然公豁然有悟卽歸號舍屬稿曰子路游 公諱溶字安公號吟石鎖洋邑廩生天性沈靜友愛尤摯乾隆十八年癸酉以第一人舉於鄉累赴禮部試不第三十 一年授蕭縣教諭年七十二以疾卒於官所著有昤石集吳門草薊門草燕臺草奈何草都凡三四千篇相傳公應聞

このないからていきょうこうの

卷七

能周知: 抉摘 大抵古詩宗漢魏近體效晚唐皆闡諧慢易寬裕內好及俛仰身世間效次山樂天所作又哀而不傷怨而 中人也公之詩爲其子文蔚建椿等所揖其目備載於嘉慶時鰲郡守圖所刋州志清浦王蘭泉先生爲之序謂 鈔迨經紅羊之厄孤本一失響絕音沉後來者迺益歎文選之不足徵欲問前因而故老皆無在者訪公後裔亦 人焉為之蒐集如公之詩旣得其令子之保藏矣又患無力以刊行之於是單傳孤本雪泥鴻爪專賴友朋之選 之元音渺乎不可復癥三四千篇煌煌鉅製僅得此吉光片羽之留存抑何衰也蓋自古文人學士著作之業最 **鳳賓始據湖海詩傳娈東詩派中摘錄寄貽合之止得九首嗚呼居令之時論公之世奚啻置身三代間以冲和** 恟 在耳 怕 師 刻削凌厲憤激之概迺益信 中 然抑抑然不言而 **惨懷百數十年滄桑之感家國同情縉紳之門第凋零文武之衣冠異昔讀** 舘於常熟翁氏門人翁生澤之以乾嘉閎墨 心如 噎蓋不獨痛鮮民之生矣爰綴舊文作爲傳略用告郷邦之同志或者有感於斯 飲 人以 公固性情中人也四十年來求公遺詩不能致隻字去歲門人李生頌韓外 和其詩之作往來江湖感時賦別得 束見示始見公文讀之則深深款款雅 於點 旅困苦者爲多 我先大夫與先 讃)其詞 韻 欲 太夫人之遺 味 流 其旨 迺 知 不 審 公 怒絕無 其節 蜴 固 性 情

承書號義門其 稱 平陽爲吾婁皇族自先世安徽歙縣遷居太倉鎭洋縣代有偉人而莫隆於乾嘉之世維時科 道 弗 接例 菝 而 不 、閥閥詳定興鹿文端公所撰墓誌銘中先生爲新寧公諱元崇長子出繼刑 知 縣丞分發官浙江 其 道 義之高垂百餘年來其子 一時髮逆石 達開竄浙輾轉於戎馬間者十 若孫猶矯矯亢亢恶園喜方者皆由祖宗 年不避艱險威惠有聲 部 積 公諱元爵後 累所 第鼎盛文章華國至今 初 施 者遐 見知於浙撫王 世先 性至孝承 生諱

汪義門先生傳

孝行著于家邦丈夫子四長次幼殤骨昌曾武克世其家而曾武至性過人與余爲三十年道義交相知最 之秦然也會新寧公卒解常山縣職掛冠歸隱居不仕越數年文襄督陝念舊馳書招之卒不往文襄固 龓 張宴先生同先大夫在座余侍飲應對先生頗器之室今猶耿耿不忘也先生春秋七十有六考終里第配王太恭 何金玉而有遐心耶蓋先生之高尚有非世俗所能知者已余總角時曾一見先生憶在陳太姻丈硯香先生家某日 而癸亥甲子兩攻杭州 禮退義豈非老成人之尤可法式者歟用表典刑以告郷邦之後進云 來乞余爲傳 時滴蔣果敏以開 燃奉 | 師僅於奏保案內得邀知縣加 殺其勢談 詩日 格不行途走杭州其所謂哲人知幾者歟左文襄督師浙中檄衞防支應局事蹇以才大心細奏獎攸 衝 州 圍防 雖無老成人尙有典刑吾郷自陸陳二先生講學以 藩引軍主衞遂調赴行營討賊壽昌湯溪富陽平湖海鹽海寧石門德清諸役叛刑 堵 躬冒矢石贼警慄筲遁全浙賴以义安厥功尤偉果敏之知人不亞於文寶也卒以大吏政見 行營攝龍游 [a]知街未獲 縣篆練阐剿撫措 大用之推不言祿而 置咸宜當是時金嚴蘭谿賊踑蔽天先生欲 觨 弗及馮唐白首終一 米士大夫素以氣節著如先生之峻直 郞 官古今同 出 服舍以次肅清 稔 奇 低而先生處 一粒往声 計 知先生者 爲掎 滅嚴 角 ٨

茹 整 堂 文 集 二 遍

念本生妣

潘

太宜人

(権 葬住:

姓汪氏諱承常棣阑

其字汇

碩立儒使百世之下聞風而

天地清剛正直之氣鍾於人問則往往生魁豪奇士以維氣節而勵人倫其所成就之事業無論鉅細

興起然斯詣也余求之近世蓋寥寥乎不可親惟吾譜叔棣圖先生庶

幾其

無

愧焉先生

顯幽皆足以廉

汪棣圃先生家傳

丁卯

卷七

_

|林未獲祭掃涕泣不能自己崎嶇數千里赴粤西省墓封樹表識以歸途中賦詩甚多思 蘇太倉人性純孝年十四遭父少文公之喪哀毀幾不欲生弱冠豬博士弟子員其明年

巷哭而 **仆忠哉** 雖 等州 生肄業 理州時漢中叛兵蔓延入境先生集土兵禦之土兵素蠻橫不用命以先生曾辦寧遠軍務懾其威稜望見先生旆 父母不能平力治獄致外人干涉內政吾之恥若之罪也今日當與若併命卽 聞于 夜 數 宣懷主路 拘華署中訂 西陳 鐵力防衛 生言無及矣旋改官知縣官四川歷權重慶香嶼寺唐家沱等處權務體念商艱耆艾歌詠歷任大足會 **X擾紳民** 英篇 様不 之念 力不能支 縣 廉 **"桴亭書院常以齊火自贍下筆灑灑數千言踔厲風發試輒冠其等夷壯歲遊鄂先後** 勇哉偉矣烈矣於是川中士民爭相殯殮權鄰於成都 嗣 訪 盗 事 朝追 倉皇不 敢惲抵 亂從此 皆有能名其權大足時有教民殺人先生捕兇手將置諸法牧師華某來請縱囚語言橫肆 於 歸 邊 資箴之聘治文書事洎 (中鎗 立民 國 境以寗川 榰 **贈知府照知府陣亡例賜邺** 有之議 墨之表 任後 殞 作矣雙流 教 知所措先生日 條約 時官 漢道 有敢 捕 語曰求忠臣必於孝子之門豈不 華唯 統三年十月二十日也歿後殭立不仆逾二日其子若壻往覓哭拜之先生始 戏 路於是得通至今商賈懋遷者猶頌先生之德云越數 土匪數人秩序稍定無何川省宣布 縣者地居披雞民情强悍衆莫能治 達者格殺勿論然川人因與外人爭 唯惟命先生具稟上台踰月報可始釋之出華鼠竄 廉訪調直藩擢湘撫先生偕行遇事直言無所隱頗不合途辞 | 禦灾捍患吾之資也躬督勇除追匪至 嗚呼天地清剛正直之氣豈不賴先生而存哉此雖有夷狄之行 信哉先生世 東門外十五里華陽縣境之曹家碑 獨立 路脂膏罄竭積不 上 游檄先生往先 土匪藉稱衛民揭竿粉 掇 簇橋匪大股雲集團之數重先 巍科襲厚 出手 庭而 載鐵 生知時不 能平羣設 他 鎗擬之牧師懼長跽請免先生乃 徙而民教 代守康 路風潮事起 可爲顧 應四 湧而起風鶴之驚 去後 相 课 德宗景皇帝 žĖ 安無 胢 不 先生日 念 郵 陳 有 趙 随汉 理南 會 生轉 世 傳 事矣其權會 被議 太史 其 者亦知 受 部 葳 |吾爲民 戦 瞑 位 尙 公 川 追 目 輔 地 奔 永 思 鉒 タ 忍 走 Ш 兂 先 江

世作史之君子 生既殁十有七年其猶子曾武予譜弟也以先生生平行述鹽平陽雜識來請文予不敢辭謹齋馛而爲之傳以俟後 呼至丙夜而 戟手罵坐客惶駭逡巡去先生又慨然謂余曰子出處宜愼若無所展其才寧蓍述以老耳予深佩其言相與歌 毅耿介根於天性而其才氣豪邁足以肆應萬變則爲人所不及知迨知之而已值亂亡之秋不克稍展其用至於殉 敬畏 生方以知縣引 **薄醉笑謂** 節捐驅以死悲夫悲夫先生狀貌懍然倜儻嗜酒予爲童子時隨 矣吾郷俗 別自此途不復見先生矣言念舊游宛然如昨而 先大夫曰君有令子幾生修到邪遂命予立其側各舉數觥殷勤勗勉語刺刺不休丁酉歲余官京曹先 尚循 見入都憘然道故痛飲于東城之德興堂比時執政貪庸外侮日亟國事幾不可問先生旣醉 謹然罷軟澳沼之事不免從風而靡先生必面斥之其有不孝不弟者至痛擊之不 先大夫故交更零落無復存者滄桑之慟何如也先 先大夫後與先生相遇于陳氏之集義堂先生已 稍 假 借 吟嬌 拍案 其殿

王晉蕃先生生傳 辛未

焉先生名康壽晉蕃其字文貞公之從弟也考菘哇公道光丙午賢書主講尊道安道婁東書院十餘年鄉里奉爲師焉先生名康壽晉蕃其字文貞公之從弟也考菘哇公道光丙午賢書主講尊道安道婁東書院十餘年鄉里奉爲師 表先生承家學幼刻苦讀書遇文義艱澀文心窒滯時輒以頭撞壁苦思力索而後得之年二十隨侍慈畦公於桴亭 代吾師王文貞公以理學爲後進倡入室弟子凡數十人而其承流宣教善繼師法者則以世丈王晉藩先生爲巨擘 後能爲君所以道一而風同者有師表也吾郷自陸陳江盛四先生講學以來抱桐敬亭宗風遞嬗師 天下無良師則國家無典型鄉黨無矜式風俗人心日益壞矣古之時卽君卽師故曰能爲師然後能爲長能爲長然 **番院讀小學近思錄思辨錄身心倫紀之學已有根柢二十一補博士弟子員厥後歲科兩試督學夏公子松黃公妆** 範 累世不 絕近

規每當日 李君虎臣 其文刻入 雅當在第 有 殿撰之聘襲 化於孝弟謹 孝友菘畦公兵養哀毀骨立微堊室後走謝弔者或值 汗下文治乃從事 此 慨然曰吾其 三人均安分讀 尤快事也其奚敢辭爰據先生行年志學表詮次書之俾後世之敦崇師法者知所興起云 余謂生傳非古也 閱 可 焉噫嘻先生以人倫 于富貴之場者其 知 矣德配 開墨世 配風 陸 流 從集許 君 辨 信四 舒 禮南皆摳謁受業其門相與讀四書大全三魚堂集博覧理學諸書兼約共爲日記有善相勸 此 ф 書能 南通師範學校宣統元年已酉文治敦聘至滬上襄辦高等實業學校時先生主學務垂十年 周 争 古 者战 淸 歛 而 |既而思之敬師之禮衰廢久矣表章先生之行所以明道也况以平生知己之言語| 夫 大家作 誦之先生意泊如也當光緒初年文貞公未入翰林授徒里開 先生則端正謹嚴 茗一杯賞奇析疑談論或至繼燭文治時未弱冠性頗疏 遊矣復 抑稍知省身修 冊 人 兢兢 得失爲何如辛未夏先生以書來曰吾年七十有七矣知我者無過於君請爲生傳 工其家天之報廉潔自好之士常有過于所期者太和之氣翔洽一 · 伉儷相得六十年來舉案齊眉有梁鴻風子鳳暉諸生次鳳**ূ寶於孔鳳曦** 師表之資其道德行詣足爲二曲習齋之亞迺世無知者卒至考槃自矢肥遯永貞天下事 业 往依張辦 爲周子曰師道立 雖 拔 高等不 德亦于是時得力爲多師友之淵源畢生之品行 每發一言或攻已過或指人瑕如鞭策如針灸凋澈 理呂四場墾牧主農務者又十年自是優游林泉不復出語日賢者避 得 居第 則善人多於先生驗之矣先生自菘畦公沒後益 先 他出則匍匐稽賴於門外其誠且學如此一 生 百 宗 師 疑 我 我益自 狂常執簡高譚以 信 間 矣旋 士林雲從景附先 係焉豈不 門融 食館戊子 肺肝是非立 融 無意 爲 重且大哉 洩 名教 秋 時椰里弟子感其 出 洩 試 嗣 淮 博 數 生典 誤 取 剖 自 孫 老人之一 Hi: 中 先生天性 聞 有 用音 弗 五人 應張季直 國變後 世先 文治 者 樂 有 副 替 地 輒 過 車 自 以 曾 暨 然

華子隨先生家傳成長

蓋莫非 或日當 先生姓華氏諱鴻模字範之晚號子隨江蘇無錫人世居蕩口鎭幼而岐嶷有至性由廩膳生登同治癸酉科拔貢 不通先生惶急星夜陸行達丹陽雇扁舟一日夜行二百五十里抵里門則母病霍然純孝之至通於神明昔吳南 先生不忍舍兼程回父子相見天倫之樂倍蓰於功名矣迨己丑秋奉母命送子省試忽家人倉皇至言母病時輪舶 厚或曰建義莊也與學校也修先塋也輯譜諜也或曰濬河導水利也築道成徒杠也掩骼 以是年舉於鄉三應禮 已子書云孝乎 守節迎養之及其歿也爲建節孝坊於墓門從父昆季十人皆以道德文章相切礦恰恰無閒有先逝者則撫其 作許孝子傳懷樂沈湘 本於孝弟而然當先生應光緒庚辰春明試甫出聞得家書知父疾先生遽馳歸道經津沽又得書病良已而 其疾革時殷殷以平羅爲事其惠及窮黎尤不可及也然吾當聞有子曰君子務本本立而 惟 李友於兄弟施於有政向使以先生之德行推而布之於天下則中和致而乖戾消人閒之劫 魂 部試不第遂不復求仕進隱居鄉里樂善不 歸醫母余深悲其遇若先生之於堂上兩獲無恙豈非天佑善人歟先生女兄適某氏早寡 倦數十年如 日 至今鄉之人稱 而埋街也捐 道生先生之善源 其積 **全** m 德 輸 孤若 賑 卽 也

若此可以風矣先生有子彥鈺光緒丁酉科拔貢先卒孫士異士鼎俱修行好學識者以爲必有達人云 "稍息矣乎然先生之垂殁也方應選孝 療方正 戚鄉以報 先生 **· 猶泫然手指孝字曰吾曷克當此嗚呼其**

論曰有天地以來世界之所以不陸沈人心之所以不盡死者賴有善人維持之而已子張問善人之道子曰不 余聞子隨華先生之行詣庶幾合於善人有恆之道矣故亟爲之傳以風鷹當世焉 亦不入於室踐迹者孝弟忠信克己復禮之功也孔子嘆善人不得見而思見有恆者蓋孳孳爲善皆從有恆中來也 践迹

華樓家傳

忠誠公坤一檄君任江 丁太夫人憂三年凡歷任至十一縣之多勤政愛民綽有餘裕其治桃源也值河湖汛濫歲大寢君詳考與圖地 爲非此不足以通下情宣上德而俾良有司克盡其才乃考君自戊戌始任桃源以迄辛亥移任無錫共十四年其 任桃源邳州安東江賓陽湖華亭元和金壇江陰丹陽無錫等縣軺車所經政績卓著往者余當持州縣久任之護以 樓之平生可知才德必歸於一貫彼創有才不必有德之說者貽禍當世非淺鮮也君諱友奈字華樓山東郷城 吏治日偸檢帛簽金好實無厭而民生之憔悴于虐政者至于剝膚椎髓而猶靡所底止悲夫悲夫觀吾同年孫君華 巨梟斬以徇匪氛遂靖其治元和也布政司某鑄當五錢因緣爲利君白大府收燬改鑄弊絕風淸吾蘇耆艾至今感 於上官以工代賑濬湖入河濬河入運昏墊之區悉成膏腴民懷其德備載桃源邑志中庚子之變江淮騷動 而岐嶷克紹家學年 宋司馬溫公曰德勝才謂之君子才勝德謂之小人近世以來尙才而不尙德且謂有德者往往無才用是使貪 十五豬博士弟子員十九登賢書屢躓南宮援例爲內閣中書壬辰成進士以知縣分發江蘇歷 寗佐理營務募壯丁數百人賽夜訓練梭巡省防安堵無擾其治陽湖華亭也除爨安良迭獲 蘇督劉 使詐 間

余維 必盡力助之不稍怠也有子三人日忠弼曰忠亮曰忠相忠亮能世其家惨惨不忘其親己已之眷以君行狀來請文 後解組歸田易名非吾慕宋孫子和留硯故事號留硯老人其孤懷之高朗尤有令人景仰而留連者顧于梓桑公益 告鴻雁曒於中澤婦孺化爲蟲沙有令人目不忍覩耳不忍聞者悲夫悲夫安得如君者起而救生民之塗炭哉辛亥 然嗚呼自學道愛人之義廢棄不講于是民胞物與習爲耳食者之空談加以天地之大時有所憾各省凶荒偏災迭 之才壹歸于德其本原蓋自有在君尊人德奧年丈言坊行表爲多士模範崇祀鄉賢伯兄幼青君至性過人徵舉李 語以爲弟子入孝出弟愛衆親仁與治國者之敬事而信節用愛人體用兼資有息息相通之理今職之於君益無間 姓之大粜其培養於性天之地者固非一朝一夕之故也書云孝乎惟孝友于兄弟施于有政豈非然哉余往者讀論 廉方正母殁哀毁以身殉亦崇祀鄕賢孝弟之行萃於一門和順之氣飲者心悅君本其親親之誠推而爲安人安百 計君所治之邑多不過 誠勸論懲爲首數人去掊克政民心大定其治無錫也值太湖水盗君籌施急振導水歸渠一如治桃源金墳故事綜 任江陰金壇父老子弟相與祖餞有感激泣下者其治丹陽也值前縣令苛斂囊怨郷民聚衆滋事勢洶洶君下車開 而道 儒 |君一生正直肫誠居官廉潔一介不取竊深敬其爲人故發明有才必本于有德之說俾後代史家知循更之傳 林道學有相需 之丙午鎮 屬大水金墳尤岌岌大吏檄君往治君至亟籌冬春振 而 為用者庶幾乎有才無德之徒知所矜式不至誤天下蒼生也 一二年少則僅七八月未當久任而指揮若素定者何哉其德其才有以勝任而 撫修城隍 濬河渠給籽種明年歲 則大 愉快也惟君 孰 及調

蔡子厚先生家傳 丙寅

1月以上が1月1日1日1日1日

有子有言君子務本本立而道生余當謂天者萬物之本也不敬天則萬物之序淆祖者人之本也不尊祖則人倫之

亦多有難能者又其言行已不能詳若任其湮沒更歷一二世子孫欲求其彷彿庸可得乎言已欲歡至泣下余感其 夏門人蔡生虎臣來述其骨祖子厚先生之行事求爲文以嶄不朽曰吾曾祖無特殊之行足以自表於世然其所爲 藏金油蛋中擔以行竟得無恙旣至肆原璧歸尤某綜核無毫髮爽於是尤某益信任焉君自奉儉約平居布 方家人共止之君曰吾食人之食可不事人之事乎毅然往既收金將行顧亂世伏莽徧地殺越人于貨者踵相接乃 默寡言笑然和易可親人皆樂就之稟性至孝父當病隱刲臂和樂以進病良已家人無知其事者惟君配某夫人知 篤於孝思而熟熟焉惟本是務也乃爲之傳曰君諱載堃字子厚世居無錫北里之長安橋少稔大義**臨財**不苟取**淵** 當世能文之士求爲之傳而垂諸後俾後世子孫讀之悽然而不能自已此非詩所謂永言孝思孝思維則者乎今年 道喪夫天人之事雖殊務本之道曷當異哉君子敬其祖則思有以述其志於是思其言思其行不欲 讀書人足矣他非所望也君歿後其孫和卿君豧博士弟子員能紹君志虎臣者和卿之子畢業於南洋公學慷慨有 竟不與較惟自咎不能 布冠造門訪 怡然目得見樸實無華者輒喜引與爲友其天性然也有諸某者素狡黠利君所有且易與也乃衣襁襫束韋帶 尤某知君深相處數十寒界未當有問言會洪楊亂起東南數省皆淪陷是時君擊家避**遞上仍孤身爲尤某收**儀 之君戒弗宣恐傷老人心也後君旣沒某夫人乃稍稍爲人道之君業買同邑尤某設油坊於邑之秦巷延君爲經紀 一子皆先君卒是時君已老日撫孤孫稍長卽命入學讀書自恨少未知學故屬望於孫者綦切當日願子孫不失爲 君與之語 訥 知人而已嗚呼此其孝於親也忠於友也儉以持己而誠以待人也蓋非常人所能及矣君生 訥不出察其意似 君子而非色莊者君慨然予以鉅金俾設錢肆未幾金盡爲所沒君聞之 其終 凐 衣 也 葛隆 粗 乃

志简义能世其家云

柳楮爲正宗參以董趙筆意蓋古人所謂心正則筆正習字雖小道亦可覘心術之邪正也嗚呼晚近以來孝悌之義 後器重之試輒列優等文名藉甚顧數奇九試揶聞不得售於是出其所學詔其子曰聖門崇尙躬行敦品勵學皆吾 于下蓋倫常之親善皆詩書禮樂之澤所漸染而薫陶者也先生幼習十三經年十九補邑諸生童林督學兩使者先 其殁之日里閈中咸流涕日情哉失一善人矣而余則更有進焉昔子奧氏論庠序學校之教曰人倫明于上小民親 宅爾宅田爾田識者日朱氏家道之康皆其賢伉儷克勒克儉之所致而不知其孝道之敦篤孺人內助之力居多爲 凊昏定晨省如是者蓋數十年如一日父母有疾不脫冠帶而養行不翔色不惰兢兢焉守禮經訓罔敢懈識 李經日先王有至德要道以順天下民用和睦子思子作中庸引孔子之言曰父母其順矣乎蓋和順之氣天地之心 儒分內事素位而行君子之道也汝曹其勉之晚酌杯酒每講漢書文選諸書娓娓無倦容又教以臨池規法以歐顏 有子四人世庠世邴世清世望皆克樹立一門之內色養溫溫由是其和順之所積發而爲簪行羅店有怡善堂創辦 庸行也而不知其卽良知之所發也蓋羽吉先生於是爲有後矣配顧孺人溫恭淑愼靈範聿昭處理家政雍 日幸哉朱氏復有孝子矣先生諱治甲睿舫其字世居羅店鎭天性至孝侍奉庭聞先意承志視無形聽無聲冬温夏 膾炙人口述其事者不知手之舞之足之蹈之識者謂此良知之所發也迄其七世孫有朱蓉舫先生邑之人稱願然 保嬰恤棾敬節諸善舉先生皆躬親其事寒暑無間值歲游饑鄉人及親友中有質不能自存者每傾變施予之故當 世界之内天理之所以常存人心之所以不泯者孝道而已矣孝者良知之所赞藕然粹然而不容已者也昔孔子作 鄉一邑多和順之氣則國以治一鄉一邑多乖戾之氣則國以亂矣吾鄉寶山有朱孝子羽吉先生者載諸邑黍 者日

市巠堂文集三遍

卷七

葉未有不覆者生人之大患皆起于忘本故居今世而正人心必以提倡孝行爲先務矣余故傳先生之孝行以諗吾 椰之人俾知所法式云 久矣漢延叔堅有言仁人之於孝猶手足之有腹心枝葉之有根本也腹心傷則手足未有不幾者根本 撥 刞 枝

胡君劭介傳 己己

洲人以道遠未及與猜忌滋甚然開局有期矣某族員爲德使所惑百計阻撓局不得開册不得註日本使怒揚言將 望迨商會旣立商律同時告成君潤色之功尤多尚書載育周振倚之如左右手三十一年開辦商標局 緒紛繁文書旁午加以 沈子培先生聞之而驚日劭介爲子所羅致耶對日實伍侍耶所薦也師日可爲商部慶矣通藝司管轄鐵路 爲侍郎君本在侍郎幕府中相偕入京舊雨重逢意聽甚途 介之歿追紀其傳不禁爲之流涕長太息也君諱祥鑅江蘇元和人光緒甲午科舉人戊戌科進士以主事用簽分戸 光緒之季朝廷鑒拳匪鴯銳意振興創設商部吾輩經營伊始所懷志願厥有三端一日恤商艱二日開商智三日造 **漂悔之助吳振麟者留學日本生頗嫻商務掌商標局君董其成當是時我國鹽日本商人請註册 冒货抵外商货然謀之而不能爲爲之而不能成迂謬之徒相與뼭齕之燕巢幕下而大廈終傾嗚呼此余於胡君** 東司兼雲南司行走余初見君於雲南司議論閔通神釆奕奕望而知爲經世之才也繼而相與談文章論學術 训 所 鉄 印漸學廬叢書駢雅訓纂見贈則又知其爲淹雅之士也旋以憂去官光緒二十九年初設商部 路 再疏陳三永佛山鐵 洋商壟斷罔利市僧飾僞萌生驟難梳理君相機因應動中級要下筆千言未當起草當 路三硫陳收囘川漢鉄路四硫陳 奏留商部補通藝司員外郎升耶中充主稿吾師嘉 白辦 **旭杭甬鐵路天下欣欣** 偷 祭日 者已數千人 君 新 伍秩庸廷芳 政庶 更得折衝

去商標| 外人不能速也三十二年冬君居憂去職其明年四月載尚書亦罷官君雖經當事者 賽君輓辭哀痛慰問先君殷勤望擊余讀之感泣不能已丁未秋余出掌上海南洋大學校君喜曰先生此 **黎痛哭人心因之大去而滬杭甬自辦鐵路併入滬甯路權亦歸英商新嘉坡華僑張振勳曰昔日商部保商** 抑鬱不自得宣統元年閏二月卒于官自君卒後川漢鐵路歸國有傳聞沒收民股川民憤激不平奉 **絢釆奪目絍線之精得光學陰陽向背之法女生從學者數百人事聞於** 络示余余維君平生出處已詳墓誌中故不備逃特詳君服官成績與商 阮 振 高舒磁撃 生不得則死然則劭介之歿於國家存亡消息之幾豈非爲之先兆與方余與君同官每當歲時伏臘相與飲酒 及而今安在 以考覧焉又尙介爲余及門弟子慕誌誤作金山阮慶元令是正之 (恆振翰) 族囘 |學覘商情矣嗚呼詎意自此一別遂不復見君耶而余方且詠考槃之詩寤言空谷偶訪商部舊友大都 尙 陽子所 介 局 國而 倘 始得成立是年商部開辦繡工科延蘇州舉人余兆熊之妻沈壽爲總教習載尚書命君監督之製品工巧 :幼女二人同時皆以疫殤戚黨莫不哀之其存者第三子振豫令己成立矣女長適上海李智裕次適奉賢 謂非徒相得之難而斧人君子欲使久存于世亦不可得豈不信哉豈不信哉嗚呼君之卒也以染時 ðñ 介拿人阮君子衡與君交極厚君歿二十年猶思念之不置以狀來諸屬傳幷出長洲章君 狂吟商標局挫折時諸同人交相憤懣有欲嚴劾某旗員者君輒爲滑稽語以排解之先妣胡 耶嗚呼燎原之火起于微星決隄之波濫乎一勺胡文忠公有言國家之于人才猶魚之有水也得 德使復來商部固請緩辦余以中國自有主權何得干涉德使不肯相下君則從旁談笑卻之德使無 政關係榮榮大者著于篇俾後世掌故家得 网宫 賞賣有加 奏保人才以参議候 識者嘖嘖稱道以爲 式之所撰 德宗木主掌 太夫人 雲散風流 去可以與 惟恐不 補 或登 之則 然恒

朱秀坤先生家傳 庆

衛近人 焉姓朱氏諱道懷字秀坤先生籍隸江寧之句溪家故望族年十三遭洪楊亂孑身避難出入槍林彈雨 零家衛 之體易泰卦上六之爻辭曰城復於陰象曰其命亂也亂離之世民生不得安其居于是依城郭或作堡陰碉樓以自 爲風 者輒虛廩給之無稍吝敬宗睦族修輯宗譜申孝悌之義考妣忌日主祭必敬必哀春露秋霜悽愴之感過於士夫家 運棉花布帛于牛莊烟台間駸駸起家蓋利涉大川乘木有功矣然先生執事勤立身儉而遇隣里鄉黨之貧乏告貸 痛矣哉能得至誠如先生者則人皆安其業則而樂其生矣德配施機施徐生子五長遐齡次遐振次遐康次遐泰其 庭偶語兄弟析居事必愀然不樂其季也友也背其誠也性尤急公值坏修邑城自貫千金以獻邑宰深敬之樹之以 咸日異哉吾謂此積誠之所致也易中孚豚魚吉信及豚魚誠之不可揜也先生於是設肆於市造五權帆船數艘 業張設網罟魚鱗鱗至土人忌之發其笥逝其梁而奪其地先生移網他所魚叉鱗鱗至而奪之者之處卒不得魚人 丈夫貴自立若局促寄人籬下証能長久吾願以四貫錢助君經紀商業孺子其圖之先生大喜逾望爰之海濱營漁 而至崇明蓋其困苦有非常人所能堪者低之崇依表戚某居某亡良遇之虐隣里黃駕凡長者也見而 中庸之言誠日 聲 人咸曰촭哉吾謂此稜誠之所致也古者量地制邑度地居民城隅九雉記於考工孟子譏貉狄無城郭宫室 落檢先生遺篋得他人覓債勞計及萬金偶索之覓者登其門佯言服生鴉片將自盡夫人大駭急以五百金 **多有接西國墮城之舉以例吾國者風氣知識** 興又 名誦 誠則形形則著著則明明則動自古以來險阻艱難之境惟至誠有以感而通之崇之邑有能立 諱女子五徐夫人之來歸也先生年己五十有七矣助理家政賢聲著閭里迨先生歿後商業凋 程度之不相同奚啻黑白冰炭之不相入持高論而被實 憐之日 中展轉 誠 嫅 流

採擇焉 忠瀧岡阡表見其惻怛至誠未嘗不流涕今誦韓傳狀雖不及瀧岡而其誠意亦有感人者爰爲之傳俾後之志乘家 心稍稍慰乙己夏就養京師旋肝胃病作遽卒誦韓大痛曰吾何以報吾親乎逎齎事狀蒲伏來乞傳余少讀歐陽文 於家以價其值人咸日賢哉吾謂此亦先生之積誠所推而致焉者也夫人旣訓誦韓成名中癸卯副寅登內閣中 原务源之並界五十金合調治資者喜疾驢去夫人憤甚將所存萬金券悉焚之曰毋以是爲吾家累見道中丐者 「餓則傾簞食以給之曰彼人也我亦人也我餓也彼亦餓也吾何吝焉鄰有醫飱不避者夫人輒招之作工俾就

論日孟子言君子之澤五世而斬先大夫曰凡故家歷數世興者變而爲廢衰者則未必變而爲盛深可懼也惟有至 傳後世子孫於無窮也 誠積善乃可以維持之誦韓爲余及門弟子當于役歐洲諸邦學識問通立行教篇深望其奉先人之訓以至誠之道

傅君曉淵家傳 辛米

育問 學校傅先生亦瓜代訪余道故相與暢論學術之源流世運之隆替與詁經精舍之人才盱衡往復竟日乃去自後則 後嘗欲博采邑先輩著逃剞劂流傳其有志斯道已如此光緒庚辰豧博士弟子是年考江峯先生卒先生致哀盡禮 先生行狀來乞傳余奚敢辭先生諱振海字曉淵世居浙江諸豐縣荷香阪自幼性沉潛惇行孝弟不怠通六經諸子 胡太夫人匯歸葬於劉河而傳先生來弔於擴旁執手慰唁余嗚咽稽賴末由通款曲也越數年余掌上海工業專門 光緒乙已丙午之際余服官京師聞吾婁分州有傳曉淵先生民戴之曰青天心嚮往之不能己丁未仲春余奉先妣 :鲜通迨丙寅秋冬間則聞先生死矣間歸劉河與父老言憑弔唏嘘未嘗不潛然流涕也辛未歲其哲嗣國芬携

市堅定と長三届

卷七

事民情: 版京 師 作以 豈不可爲哉患不能本身以作則耳越中詁經精舍倡自維揚阮文達公德濟俞曲園先生機之訓詁詞章彬彬乎著 之目洋洋盈閱閱問迨其去也士紳相與贖額曰清獻重來嗚呼此可見三代直道之公良知之不泯於人心矣賢吏 有感焉昔先賢言子宰武城播絃歌之化稱誦師法首在學道愛人嗚呼愛民之道今茲久不聞矣先生本 七月遠以疾卒嗚呼綜先生平生可謂忠孝之完人矣所著密甚夥具詳蔣氏所撰墓誌余先世居劉河遠先生 殁先生哀毀骨立告運後猶晨昏趨侍墓側如生時辛酉就吳中修志之聘寄居滄溟亭嘯傲義皇神志翛然乃 何 滿去對河任士民依依不忍別勒石志去思庚戌任太平廳同知政績勞動一如瀏河故事而值獲劇盜功德尤著無 百數十人有感動 河 戊子肆業杭垣話經精含涵積渟蓄學殖大進尤以詩鸣其堯友譚復堂先生當謂奇才易清才難清 意承志视無形 良至誠惻怛小試偏陬聞有不孝其親者其母以忤逆訴先生不施鞭朴但令其母子來衙署見先生侍奉太夫 選也可見其所造之深爲一代之作者矣丁酉膺拔萃選戊戌朝考不中第就職直隸州州判指分吾蘇兩委海運監 南北兵起先生乃挂冠歸矣厥後當道屢有勸之出山者先生默然以楊鐵涯王元章自期婉辭謝之丙辰太夫 任下 澗 鴻業者軌累連踵然欲求品端行粹方正賢良聲聞踔躒于仕途者自吾師錢塘張子處先生而外殆不多靚 洶洶縣令閉城請兵剿亂上游委先生往勘先生曰此愚民非亂民也請電止兵宣論擴循之事遂解 車伊始銳 冰雪風霜忍飢茹苦洊保知縣改獎同知乙已檄譽吾婁州同當是時太夫人在堂先生奉檄色喜奉 聽 意興利 | 泣下者暇則奉太夫人色養烝烝歡愉備至蓋名教中有樂地卽人倫中有師範矣屬崇明有毀 無聲太和之氣充溢家庭其子則大感泣我殆非人警從茲不復有忤逆事乃遺之去由是傳 除弊革陋規禁淫賭濬水利徵服途行周察民間疾苦日與黃童白叟講論忠孝節 才者 德行 曉 丁未 潤

先生以 後進崛起精舍中名實相符出 處不愧儒 菻 :循吏兩] 無間然矣家傳云乎哉家傳云乎哉

道其實非也自古英雄豪傑未當不爲聖賢所許且世有任俠則貪鄙悖逆之徒亦有所忌憚 論日先生子凡三人長日國英次日民俊季日國芬長子以討袁殉國次子爲兄復讎亦罹於難論者謂 丽 未至特忠其 (帙出 戊長 於範圍耳先生有知必當以余言爲不謬而當世佳子弟逢繼先志者其尚勗之哉 而 不敢逞 | 彼蓋 典先生不 ·聖 質

郁

君

佩

如

傳略

族容縣人漁夫榜婦羣笑而聚觀之而吾輩豪氣軼宕旁若無人者至夜開始殷勤 流 削 往 與二三知己如沈君夢花洪君澈霞朱君叔湄輩清譚暢飲以爲樂蓋陶白風流無多讓焉猶憶癸已春余將赴 鴙 嘗竊取程子之意以補之也 佩 如其一人也君諱宗欽佩如其字天性至孝幼穎悟絕倫爲文超出傳輩歲癸已受知於學使溥玉岑先生之門 剹 小試時邑尊爲光州吳專生先生延請 俗之滔滔士皆沈酣於勢利之場迷而不返欲求一 Ü 剹 ·特冠軍文名藉甚旋食廩餓顧君於功名進取泊如也君又精小學工篆隸書詩歌喜彈琴讀董每富春秋佳日**幅** 如何以未來吾家對日殆爲避嫌疑耳 河 |後十年余歸里君方居憂顏色憔悴余深訝其早衰又踰數年君果死矣傷哉屈子有言舉世 謁 爲古三江之一呼吸 先人 墓君置酒 作錢 長江水土清嘉人物秀美尤多隱居高尚廉潔風雅之士以余近數十年所見內弟郁 ·醉後送余登舟時明月當空天風浪浪海潮初上余與君憑眺河干爭聯詩句行歌互 先大夫歎賞不置言於邑尊置第一旋詢文治曰此非即佩 先大夫閱文得君卷有鄭箋孔疏未能盡聖道之精微語《中情用蓋題爲間 先大夫益加嗟賞曰佩如非特文思淵精乃其品行亦不可及也於是四 清潔自好者幾不可得如君者覺非人間世之清涼散耶 執手而 別此 如耶對日然 情此景宛然猜 混濁而 我獨清以 先大夫日 京 君佩

iii

邓运工長三届

君耐寒家傳

者宜 知所愧 | 矣君有子昌熙昌慈皆踔厲英跱克世其家余深堂其繼志遠 事 以 永君於不朽云

無辨 號之日傅 然蓋因癘 誕先傷寒舌鑑百二十圖葉天士溫證舌辨數百言類皆辨于傷寒之門絕不與于雜症 陰陽之相生相化其理實通於周易之太極生兩儀兩儀生四象而君書有補述九藏功用九條且以腦爲太極心腎 愐 余居椰時夙聞劉河名醫有傅大刀之名不知其何意或日大刀者氣魄之雄大也或曰刀圭之中理也後乃知其不 中之妙用而 之精微遠紹禮經之職掌霆樞精蘊於焉旁通午貫而靡遺矣其二日舌胎統志君自序曰內經難經中藏經諸書曾 洄溪曰古辈人洩天地之秘奪造化之權其理精深其詞古奧惟瀏覧各注疎漏難免故作玉屑以闡明之上契易傳 闸 傅君則 是適以殺之也嗚呼可謂仁人之言矣顧君有奇遇鄰婦馮姓臨孽前後患水腫甚衆醫莫能治君苦思無奇方丙 富探其原切其因辯其惡攷其證或不效必參而詳之儻因病稍重予以不寒不熱不表不裹之方自居於無過之 未發望氣者進而爲察胎庶得望聞之橐籥矣三曰醫案摘奇君自序曰病者不平也醫以平其病使其平也凡醫 舌辯胎明文惟長沙傷寒論有舌白胎滑一語亦別無餘辯當歷覧金鏡錄三十六圖觀舌心法百三十七圖 儀其言曰背黃帝定天下與岐伯等六臣互相鑄論而成內經景岳曰大哉至哉垂不朽之仁慈開生民之審域 疾危殆攀醫束手乃延傅君以决之君至則批卻導窾無弗愈然懦怯者不敢嘗其樂故有大刀之稱 通其中西發明醫理往往出人意表其所蓄書最顯者凡三種一曰醫經玉層周禮醫師參以九藏之動 帖云余攷往昔名醫如徐洄溪如葉天士如薛生白背以其術鳴然其時西醫尚未盛行所精者中學耳 作 是書且謂觀舌之要全憑日色弗假火光緣火光閃爍黃白易淆根底不顯故也凡屬茲論皆發前 爰採傷寒門.之捷徑補 或別 症

人也同鄉湯姓病服雅片沈疴將不起君誠之曰第服我樂至食雅片時能堅忍不食立愈矣後果舊然人咸 李值洪楊亂乃考挈全家避難君獨殿後以翼衞日寗可亡松不可傷父其誠摯如此亂平歸里遂殫心習譬旋父從 旣卒之十七年雍言刻君所著書裒然成巨帙稽顙來請傳余以君之學實足繼洄溪天士生白爲四爰大書之俾世 矣性尤剛介有某醫治疾輒勸人與雅片君譙讓之日治病自有法何用以雅片害人縱不死于病必死于貧眞不仁 表兄毛似蘭孝雅探討理學篤好小學近思錄力行精進日新其德而于古今中外醫學益深研究蓋藝也而進乎道 醫名會祖諱兆龍 此視病盡見五藏癥結君之遇殆與之相類焉君諱松元字耐寒一字崧園世居太倉目其五世祖諱五叙以來代以 夜忽聞空中人語云宜用文蛤散如是者再君豁然悟日此金匱方也顧于水腫證不相涉正躊躇間門外剝 神德配劉氏有賢德善治家子三長日雍言次日丕承三日某均以醫學世其家而雍言懸壺海上尤著名于一時君 厲急啓視則馮夫踵門求藥即以文蛤散投之至平旦大泄立蹇由是名傳遐邇昔扁鵲飲長桑君藥見垣一方人以 始遷劉河祖諱鈺父諱濟德君出爲從父諱濟仁後少從張君海溪遊教授四書穎悟異常兒性至 **瓜服之如** 烼

錢君復三家傳 已己

之學醫者知仁術之必本于心術也

吾友錢君復三旣歿之期月其兄誦三君以書來請日吾弟與子素相契而令已矣其平生行詣吾子知之最深爰乞 経世 聽慧年十九補博士弟子旋食館君少懷大志遭世杌隉知風氣將丕變爰殫精竭思研究數學遍覧中西諸書以求 一言以光家乘余讀其書不禁黯然以悲也君姓錢氏諱詩楨字憲民號復三江蘇太倉入爲世丈安之先生季子幼 沿國之務辛丑歲 應上海南洋大學特班 生試獲選預儲經濟特科徵辟甲辰走京師應北京大學試入師 範科

友管輯彭城宗譜句資付刊又偕誦三君創辦寗遠義莊以竟先世之志其敦宗睦族如 歿咸相與嘆息流涕日痛矣吾郷少一能任事之人矣君爲文法韓柳豪氣奔放有縱橫馳驟之槪詩學晚唐兼工 患咯血證丁卯後途臺證養疴杜門不出時與二三友人蒔花歌詠以爲樂余於辛酉春正返里與君握手驩 悲君之資志以歿故爲之傳以塞誦三君領原之痛且以慰友朋之思焉 法所著有樂陶陶齋文集二卷詩集二卷行年概略一卷輯有嚶鳴錄一卷本邑殷烈: 醵飲清談或達丙夜彼此聲聲不倦蓋先大夫與君尊人安之先生在六十年前同任淸粮局事交情素摰故 若輩免訟獄之累于心始稍安乎甲子齊盧構釁劉河當戰陳之衝炮火薄城堡居民遷徙一空君於倉卒問 山先生墓願 政教務及民報隻報編纂事宜不獲展其志旋任吾鄉市政局事慨然負資建市場築道路濬河渠修理鄉先賢沈即 昆季每論世誼 三君與諸縉 見君耿介超流俗不爲阿諛茍合之行心甚敬之以爲大用才也然君淡於榮利辛亥卽 學得優等獎文科舉人授職中書科中書旋報捐主事簽分民政部營繕司行走當是時余與君同居京師時相過從 肄業乙已假歸約同學創辦太鎭 新幹細 也]嗚呼萬方之多難也世路之險蟣也尹子漸之言生可厭而死可樂也夫庸知其非福也而吾鄕人士聞 ,种士設維持會又偕沈知事希白呂所長寶和組織保衞團倡辦教濟會邑中賴以安全君之力也內寅 揮里或有皆答之者君慨然嘆日吾知斯民直道之公而己若下儕流俗以取 故 一倍覺情親也今歲春余又返里訪君於里第閣者以病辭余亦不欲擾君途不及一晤孰謂 一次告者必委曲開導解釋之而後已當日揮愚無識鼠牙雀角之爭或致破家吾不過費口舌之勞而 學會 建設學校吾鄉 俗尙樸陋頗有中沮之者君屹然不爲動己酉畢業於 嫦 此子耀祖女耀英耀莊余旣 流芳集一 棄官歸曾一任數羣公學法 媚於人非 卷生平尤篇於 我所敢知也其 自 余興 然道故 僧兄誦 此 北 而 京

此情此 考德問業丙午歲 漟 有所得 市辦育嬰堂奔走捐貨擴充日益宏大疏濬東鄕河道監督工程櫛風沐雨無少懈於鄕文獻嘉言懿行注意闡 生紫翔定海黃先生元同之門聲譽藉甚繼又受業於吾友吳縣曹君叔彥曹君大器之頌韓遂從事於三禮之學深 毀不欲生嘗自述夜夢王恭人告以兒無苦宜讀書自立大哭而醒其誠摯如此事兄聯璧和而敬處家庭及郷里瑣 細事必先意委婉諭於道年十九補博士弟子員旋食廩餼試輒冠其儕肄業江陰南菁書院先後受業於吾婁王先 余當先後爲表墓作傳以顯微而聞幽者也頌韓姓至孝生而孤每道其尊人事未當不唏噓流涕九歲王恭人卒哀 詣潔白則又烏可以無言按君姓李氏諱聯珪頌韓其字江蘇鎭洋人考諱昌謨字遠甫贈中憲大夫妣王氏贈恭人 病家人匿不以聞越七日頌韓子家俊以書來乞傳余大駭涕霑襟嗚呼余何忍傳頌韓耶然如頌韓之好學篤志品 少余才七歲相依若昆季乃今歲五月聞頌韓病纏綿弗能起余甚憂之而頌韓竟以九月一日死矣赴至之日余適 入笑曰吾聞棋聲知唐先生至矣手出一帙呈余則會課卷也余閱其文倜儻有浩氣亟賞之拔前茅頌韓途來受業 嗚呼余與頌韓交垂四十年憶昔光緒庚寅之歲余自京師下第歸省郁氏外舅於新塘市與內兄擷芳奕頌韓 一無意科舉納資爲郎簽分法部主事余掌商部時調任商標局並佐崇文門稅務增井然有條理時仍居余家暇 Щ 講學頌韓留滬校蹤跡稍 |景霄堪復憶耶自後余出掌上海南洋公學頌韓亦翩然歸余途聘爲國文科長相依者又十五年辛酉歲 丁酉歲應北聞試寓余家朝夕攻苦 余遭 先妣胡太夫人之喪含殮之日余哭踊頌韓力抱余翼衞以成禮後家人告余始 疏然每歲必來一二次訪余其道德文章吾見其進未見其止也性尤好善在 先大夫與之論文不倦迨榜發不中第 先大夫爲嗟嘆者數日頌韓 知之鳴

李頌韓家傳

則頌 子齊軍 齊余深望其克承先志編輯造書以永令聞云 文學之盛權與於王弇州張天如兩先生迨陸陳二先生出崇尚躬行宗風益粹厥後郷曲間若彭甘亭崔不 亦以爲英才雖得如頌韓者無幾大用於世爲吾道光即不然亦當從容論學紹述先儒矜式一鄕以揚名於後世庸 之間吾鄉風尙振興士務實學同志賢豪相率爲文酒之會頌韓每在坐苕發顯竪靅論驚人一時名宿交相推 生亦能各퍱專長別立一幟今頌韓所造雖不逮王張諸先進而其精神魄力較之彭崔有過之無不及當壬辰癸己 詩力追李杜教學子直而剛 時此 知其 韓其又奚悲至其平生所著不自收拾鮮有成書頌韓有子四人長家譽殤次家俊出爲兄聯壁後三家修四 作 一時者悠悠芬天不可得而問也豈不大可哀哉雖然頌韓往矣而余反爲後死者紀其行誼俾不致於泯沒 **遠止於此嗚呼世與人之不相侔也時與學之不相合也賢人君子之瓠落無聊不獲太平而奪考也所謂** 難瀏 河新 塘各區婦女殉節者甚夥若張氏烈婦 有踰越禮法者面斥之不少假借嗚呼孰 趙女鳳姑頌韓皆立碑 說謂天不 佑善人而 作傳以樹坊表爲文規 儒林中不怒遠模範耶 瑚 韓 重余 吾郷 歐 家 彼 先 爲

烈士尚吉元傳 壬申

死嗚呼孰謂我中國無人哉烈士名吉元字一乾遼寗海城籍幼沉毅寡言素以剛直聞於椰家故實習香業誠且篇 人恆愛敬之日人旣發難吉元仰天歎日吾東省淪爲異域矣途棄所樂急走遼陽謀所以殺敵者或謂之曰日防 民國二十年九月日人由吉林襲我奉天省城旋奪錦州偪山海關當事者棄疆土不守而有民人尚吉元者起義以 固若欲殺敵珍蚍蜉撼大樹耳吉元曰不然我四萬萬人一與一殺之甕矣何懼爲當是時遼陽有滿州紡 也吉元乃日資冰糕於其門視虛實主廠者姓大竹爲退伍少將吉元旦夕謀殺之居二月與工 漸 私月探 紗廠 敵所 知其 養

→印欧出宅と食二二届 地名

乎痛哉事後聞日人言蘇州一役中華機師戰鬥之勇令人咋舌驚佩而大谷中尉者亦幾覓

漸壯吉元乃糾合工友千六百人爲內應焚工廠倉庫殺日人三名時大竹己有備吉元竟被捕死年二十七時壬申 也逐出關投滿州 情實矣乃走北平以血書遺其友曰吾將爲國死死之後請君以血書宣於衆傳國人作其忠義之氣且幸得 쯊 作工夜則密約華工講演日人陰謀吾國將不國狀聞者感憤咸思投袂起值遼陽救國軍聲勢 恤 我族

八月初旬事也

聞 義 浮躁叫囂事泄先聞適以取禍若吉元者蓄報人之心具深沉之略蓋可以爲國人法矣事之成敗豈可逆覩乎哉 論曰端木子有言無報人之志而使人疑之愚也有報人之志而使人知之危也事未發而先聞殆也吾嘗閱日本 **【士美國人蕭特傳** 其父赤貧不能自給吉元恤族之請非私也孝也語曰求忠臣必於孝子之門嗚呼此尤可爲非孝無親者鑒也 相疏稿謀所以覆亡我者其不使人知之計險矣狠矣而吾國東北一隅恆舞酣歌因循奠省其他淺愁之徒又或 壬申

爲 蘇州飛機場規模関敞已置機數十具將出攻敵播音無線電傳之爲敵所聞二月二十二日日飛機六架排陣至半 聞 中華民國歲在壬申二月二十二日美國人蕭特在蘇州閶門外飛機場駕機與日人戰於天空隕焉當是時吾華人 逃楊樹浦去而追逐蕭特之日機突發數槍中蕭特腦後蕭遂死機落而蘇州製造飛機數具盡爲日人炸彈所燰悲 隱雲中突出其後左右圍繞用機關槍互轟擊洊雷骥電聲振天空相持十分鐘日機師大谷爲蕭特槍擊覓 (轟炸機半爲追擊機蕭特慷慨語同事者曰若輩未諳戰務吾一人當之乃駕機獨與敵戰逐一機不意有二日機 者 靡不爲之感憤奮發云初蘇州建飛機場固當韜晦不使敵人知也有某部員者以爲日人叮哃 嚇 而退乃大言 (重傷飛

傷以死越二月蕭

天性所樹立非偶然也雖古豪俠不過在九洲之內耳何足以及此 路軍中多摯友當告我軍人曰大丈夫當立功當世我愛航空他日戰死飛機中於願足矣卒如其言蓋其義烈出於 故爲美國飛機駕駛員其後在卡利福尼亞行駛尤著名其來我國當民國十九年先在廣州 自美來迎 工工,更慘怛莫名狀華人送殯至滬者雜遝至數萬人夾道嗚咽有哭失聲者鳴 呼可謂 留居數月故 Ä 莊 與 我 矣 十九 蕭 特

人助我至捐項糜踵而不悔茫茫宙合孰友孰仇我國人其猛省哉其猛省哉 身先死尤可悲也又聞其母言蕭特之弟某亦飛行家迨學成後亦將爲吾中國効力云夫美國與我邦交最厚其國 論日吾國當咸同 廬江徐孝子傳 壬申 ,中興時有英將戈登者助李文忠程忠愍公轉戰江南破蘇常威聲聞遐邇今蕭特繼之功未, 成而

樓經略與林率團往攻之經略塗遇賊奮身鬥斃賊二賊大至瓊攻之遂被執賊以合子槍內經略齦觸聞彈發入 以身質賊不許挈其父去九月二十七日賊復至廬江經略與兄林夜襲之斃賊八求父無踪痛哭返翼日賊 死守二十七日夜賊乘不 金牛鎮及桐城孔城鎮竄廬江老牛嵌並侵桐城境擒其縣長勢張甚官兵莫敢攖其鋒各鄕麇爛時孝子豶 旋離校專攻國文壬申歲皖省盜匪蜂起鄉民團練築壘禦賊孝子與其兄林協力共保援七月十六日賊衆; 者則 之時其親之死間不容髮爲子者出入鋒鏑冒萬死救之求以身代幸而得所求孝子之心亦安矣然聞其事 人子之於其親一體而分者也親疾病革人子呼籲哀號求以身代幸而得所願子心安矣至于干戈遍地流 《爲之慘怛而流涕也門人廬江徐生林逃其弟救父慘死事嗚呼是眞孝子矣孝子名經略廬江高 備破壘入廣經略父雲程以去迨黎明經略求父不得使人詭言于賊吾有資財願贖 等小 数千 學 而傳之 離顯沛 居 學生 掠

論日昔巴陵許孝子伯泰因母病急求藥乘舟溺死洞庭湖中母夢伯泰來飲已藥病獲癢蓋孝子之心但知 漿潰 父安然歸豈非弟于冥冥中以身代父乎于是ూ之人相與流涕稱之日孝子孝子蓋其死事時年 得歸兒竟慘死乎越七日其父則道脫歸其兄林乃私哭之曰天乎始吾與弟百計救父不可得令弟死後不 出死時 林 # 後 除救 不及二十九 H 1异尸歸 血 跡 殷 然 人不 忍 視 其 母 張 氏撫而 哭之日 天平兒爲 崩 + 父也 親

已親而

死猶已死也親而生猶已生也徐孝子曷當死哉吾特大書其事將以愧世之非孝而遣親

者

机梅傳

者不能 相告以 君偕赴 於江陰 者跺年拙嘉殁於京師余與君哭諸寢門外君泫然曰拙嘉家貧巨燗之實非吾兩人其誰 也當是時友人張君拙嘉以詞章頁令望乙酉君舉優貢拙嘉得拔萃三人實相往來飲酒論 傾倒 子君登賢書明年偕 君年 **吾友畢君枕梅諱光祖江蘇太倉人系出尚書秋帆公後考諱蓉第附貢生君幼聴慧華秀穎竪下筆千言光緒** 十五 座人才思橫溢過經史繁難老師宿儲不能解者君略省覧即瞭其義甲申督學瑞安黃激勵 一甫菁斌 默以 辨 君 經緯 往試 余年 慶薄暮抵大沽春冰乍泮阻不得進則涉小 ||接猝| (余方潛研性理君務博習多聞人或相嘲以漢宋門戶不知余固就許鄭君亦服) 經學古學情第一瑞安師書甚曰大江南北涉獵之學當以此生爲最太倉畢 十四 見白山 赴春明試乘招商輪舟日鎭東值大風浪砰訇簸蕩舟軋軋作聲夜過之罘成 同 豧 應郡試識君 當前將觸礁惶駭鳴鐘放救生舢板旋急鼓輪退始得免而君與余方酣 於州署中是年君補博士弟子庚辰余亦遊於庠君時過余譚文藝發 舠兩 人 **蜷伏其中浪衝冰石下大者如** 則與 世 氏有傳人 桌 (余稍稍 上下 程朱 小 山 師 以翌晨 機以 古今旁若 相 創 如 (休助 師而 (矣) 設 大 南 角中人 其喪 一
我
者 **事**司 不 4 語 書院 名篇 戊寅 無 相 氽

啜茗賦 叉當 後 曉均下第維時吳會名流方標光希騖索隱鳴新或拾一二詳金吉石干謁當道夤緣奔競覬弋科名君 **恶背道而馳薪爲善者懼矣君之言尤可悲也自君卒後邊疆告警東海沸騰患難頻仍日蹙百里君獨先朝** 之頃故其人多剛方畢氏得氣之清故其人多俊穎而君尤得其秀而最靈者方其弱冠時踔 默不語是年冬凶問卒至囘憶五十年交情不覺淚之盈睫也天地磅礴扶輿之氣率鍾於舊族名門吾婁王氏得 植之辦路政辛亥國變絕意仕進施君 逆於心不啻數經生家法也丙午余丁先妣憂君來弔余伏苫哭君曰子宜節哀以視吾少年孤露至今家破 都 襄公督兩 不爲動嘗發憤累歎儒林品詣墮落無餘終亦必亡而已後果鮮命終者華誕浮徒不 可哀也已平居當慨然謂余曰凡人善惡與禍福往往相戾無足憑者嗚呼患獨禍福爲然近世是 當意乃以其才之高學之博不獲稍施於世洎乎晚年世變多故徒隱於詩隱於酒隱於奕蒿目時艱鬱鬱以歿鳴 家圍等旅店 除造其 .世求賢者所當引爲殷鑒者也壬辰余中甲榜分農曹時君丁祖母憂遊幕粵中晉問稍疎矣光緒中葉南 薄 何 者如 詩奕 如 蓋是時 湖提倡樸學問羅天下通人達士以禮延君頗倚重之君始稍稍展所長薦保知縣癸卯文襄入覲 室君方草大學堂章程案卷插 刃 棋以自 左 燈黯 右撞 君之夫人方病殁於南中也於是相對 造一 淡僕御交蹠臭穢不可選君 擊傾敬體沾濡凛冽不 戯風 雨晏如也辛未春諸郷 奉使美邦邀君往坚不就隱居里閈矣時余掌南洋校每歸 梁櫛比鱗次相與談公牘文字上自魏鄭陸范下逮曾胡 敢 出氣漏 壁額日此諺所謂 將 人會飮與 哽咽不能成聲厥後文襄內用幕僚或散 盡始至紫竹 君譚少年事余笑謂君曰 地 獄 林 一變相也余笑曰勞筋餓體 君候覆試期嚮明即 可信若此 逾 數 鷹風發視當世 乘 阅運人 年 車 非好 婁恆 大任 君 去君佐錢 赴 諸賢源流 重 京夜過 [與君聚] 恶 遊泮 才娴 砥 將降 亦 礪 多與 事 皮張文 受其 矣迨 露 唐 君 節 楊 水 畢 而逝 貫莫 頒 無足 村 呼 誊

院山 應人之求娶張 長 知 非 十餘年得君婿快 藴 邓 君 氏賢而 文高 雅 無子以猶子壽成爲嗣婦翁張孫華先生邑老名士也數奇屢赴閉試不售爲安道 贮 詩 尤雋逸顧 著作零 落不自收拾幼 İ 篆隸 臨曹 全碑 數 华 不 輟 晚 好 作 楷 行 朰 然 不

外姑黃太夫人事略 甲子

至百十二 呼傷哉 後恐將 諾 來節 咸備歲以爲常靡所顧 **赞屬婦兄彬琳而益以百金請董其事彬琳於是鳩工庀材躬自監督不數月告战植碑刋外王父母姓氏以** 汝家墳墓背立墓門中 歡亦無絲毫越禮外舅贈榮祿公浚之先生僅有田二百畝摒擋家計樂周濟其伯兄不足則挹書院齊油以注之又 閈歟太夫人瞿然曰汝何以知之則對曰知之素矣以吾母將獨力成之故不敢請耳太夫人始炫然曰吾見人家與 外姑黃太夫人文治之姨母也病且殁吾婦流涕謂文治曰吾母病革恐不起矣顧母有心事向狷 足則 母其 衣 付諸 **給每當春秋伏臘及俗所稱冥誕週忌者宗親姻婭諸姑伯姊爛其盈門價道雜遝僕輿雲屯饌精酒** 此積累之百餘金不啻數千金也蓋太夫人家本小康而風尚奢侈一賓客之需或至數十 無憂太夫人乃出貨與文治蓋心血之金止此文治受之出寢門不禁嗽然哭也越三日母遂卒文治 紹食僅得百餘金今吾死此事已矣他日汝能助成之亦汝母之志也則吾目瞑矣於是文治與婦皆泣應日 東流領子有以贊助之也文治聞之凄然出涕夜侍疾爰從容請曰母將 簮 珥 以 佐之婚嫁喪葬予取予求如是者二十年迨榮祿公卒尚有田百畝然太夫人 藉加以繼姑嗚嗚求全幼妹絮絮乞物不肯稍曲諒而太夫人兢兢業業黽勉 建一屋歲時祭掃設奠不憂風雨今吾父母墓地狹隘無墓門汝母既殁吾終鮮兄弟十 脩外王父母之墓而 席 介不 有亡無 性至康未當以 一祭祀之需或 以告人今殁 建設 **浜頃刻失** 一芳明器 / 誌之鳴 乃以) 其牆 餘

工商 別 夫人未嫁文治方四 者 先大夫棄養又逾四年文治始克和淚以紀其事蓋追念先妣之殁二十餘年而手足至親如 日卒享壽七十有六以婿文治責誥封一品夫人子二彬琳廩資生好學樂善能世其家彬瑞殤女一彬瓊適同邑農 尤不樂道人惡所自刻厲者惟孝惟廉惟慈惟儉而己以道光二十九年三月二十三日生民國十三年二月二十九 得臻上霽居京時與先妣相敍懽甚迺庚子歲攀鷊驟作避難京北平義分村辛苦流離至今思之猶爲零涕焉其平 其後先妣忠肝疾外王母抑鬱寡歡滫髓之調脂膏之奉疾痛疴 豈意若爲吾婿也光祿公歿先妣與太夫人相抱痛哭皆量絕鄰里親戚咸爲感涕曰嗟哉有女如此遠勝於有子矣 制度功在無形豈非然哉自光緒戊戌就養入都以迄南歸而上海而無錫從未向吾婦取一錢而吾婦問亦無儲 良亦本於外王父母之家訓而安雅 貧乏故累及親友而堂上之甘旨無 日之養 立傳考諱汝直字古愚贈光祿大夫亦別有傳妣陳氏贈太夫人當粵匪亂初平先考妣常與外王父母同居時太 |故日此積累之百餘金不啻數千金也太夫人姓胡氏諱蘗珍年二十一歸吾外舅榮祿公諱鏡渠字浚之文治爲 部左侍郎署理尚書唐文治孫一圖閣孫女二鴻閣鶯閣太夫人歿逾數月齊軍搆難江南幾無 祥和緩侍之數十年從未見其 痛 何 如 셊 五歲太夫人 紡織劍文治於旁見紡機軋軋搖動 堂黃 名氏 少 有疾言遠色雖婢媪獲罪亦無怒容自奉尤約一 缺 之所以維持至今日者固由於榮祿公之孝友勤 黨之饋問 無 妏 遺論 者謂 賽之慰問抑搔麥半由太夫人任之是以 則 其 欣喜不啼厥後當笑謂文治曰吾當紡 未當學問 丽 能 衣之微至十數年垢敝不忍棄 持 大 施實由於太夫人之節以 鱧 太夫人者並不 此 固 出 完土又逾 於天 北堂之疆 性 数月 之純 繖

朱母

陳孺

諸姪尚 者而 不爲朱氏守亦無害於義而節母之必不出乎此者行其志所安也椎心忍死克成其節經營朱氏陳氏間 乃孝專親 也久矣江山靈氣之所鍾 黃浦江聲相和行人之過其門者指而謂曰此太貧朱節母之所設也則相與嘆賞不絕口云嗚呼名節之不爲世重 貧苦之來學者兒其舜來者日夥校舍不敷乃於甲辰冬獨出三千金廣闢新廈禮聘名師益臻完美絃歌之音日與 傷身世之悲涼而所學未顯感慨不自己癸卯歲遇同志童同雲女士創設女學於滬江顏日宗孟師孟母也凡貞節 父嫁妹治喪未遑一日暇鞠育其姪以至完婚乃不一載而姪婦又相繼沒節母憂痛迫切每夜闌鐙靜萬象寂寥自 宗生命入嗣爲後節 以莘農之變婉告之節母聞之暈絕逾半日乃蘇宛轉求死者數矣顧 **率不效時幸農年十七以苦讚嬰傷寒不起家人以蘭亭先生病且危節母遑迫救父秘不敢遽告迨先生率三日始** 母得無恙者賴 婦 然變計矢志歸守冘彼兩髦實維我特時年方十九也舅湘舟先生乃命長孫女宗饕女之越三年冢嗣之次子增 書識大義十五遭母喪蘭亭先生以家事顚沛居常鬱鬱節母善爲勸慰必得歡欣然後己先生恆顧謂日吾喪而 人達義矢節者衆矣吾獨傳朱節母 能 在提抱事多待理乃請於姑攜子女暫居母家令增宗入學讀書節母則佐其弟若婦主持家政數年之間葬 **庶幾乎易曰甘節吉又曰安節亨豈不信哉時之人葬倫相乖異說相耀不惜舉數千年** 而親早亡義從夫而 :有汝也無何先生患咯血症劇節母日夕侍奉衣不解帶者數月呼天無靈則背人割股肉 一母以事父母者事舅姑妯娌相處無間言撫育子女慈而有法未幾舅卒服旣閱念母家無長男 乃獨在於女子嬰兒子之孝魯陶嬰之節曹大家之教得一已難節母一身足茲數美異哉 夫夭折茹苦含卒以終一生迹其遭遇何其悲也雖然母志也奚以悲且節 爲之嘉暵不置焉節母陳氏滬江人父蘭亭先生許字余表弟太倉朱君 念死易立孤難莘農之志未有繼事未有述 Ż 心 蒕 母當時 非君子人 和樂以進 李農

為人子者汲汲褒顯其親壽之金石則欲使之千載不死與日月爭光夫固孝子之盛心也然其所以不死其親者要 論日節母余表弟頌也十年前予以事至其家節母方率子拜於堂奧之主心竊怪之或日此節母拜莘農之靈 在自勉而已发詮次其狀以爲傳節母工詩能文有省間詩文稿待刋後世必有能讀而稱之者 增元以狀來乞予文噫節母落落數大事自卓絕於天地間要其節義之心發於天理之誠豈有意乎後世之名哉而 以先知覺後知先覺覺後覺也曾謂迂愚者而如是耶其志堅其行芳蒼蒼然松柏之貞浩浩乎白泉之潔也普賢謂 潛 衆親仁畢業於震旦大學醫理日精又命從余遊講求道德比年以來孫枝繞膝晚境悠然稍足自娛於是解脫萬緣 聞 午政變以來痛時事 壞之而澌滅之彼矯然拔俗以節義自守者則羣且非笑之以爲迂愚乃若節母其立身大節 :心釋氏之敎方謂克享期頤乃竟以丙寅六月二十日疾卒享年五十有六天之報施奪人抑何嗇哉增宗介其兄 .伯夷柳下惠之風者頑夫廉懦夫立聞節母之風者其亦可以興矣節母旣主持女學復壹意訓增宗入孝出悌愛 日非謂非興學不足以救國毅然以振興女學爲已任復創復心女校風雨如晦雞鳴不巳方將 固已不可及矣而

對母陶太夫人家傳 丙寅

追矣節母居傍滬江風雨之夜江流泱泱緬想神靈當與山

水找俗鍾毓之靈不斬於婦人女子昔漂母不受千金之贈而能周人之急史公特稱道之是則太夫人生有異秉 母 有年矣喪母後泣述母狀丐傳於余余惟太夫人淑德懿行鄉閭族黨靡不稔知固宜傳之以爲坊表吾聞淮 。陶太夫人淮安望族也先世居淮東鄉之土樓年十九歸寶應進士年丈劉先生茀卿生三女一子子名啓瑞從 爲之數十年如一日余聞之肅然起敬洎與節母談明達通世變誠女丈夫哉囘首會幾時而節母之音容已杳不

水而俱長也

按視汝歸自塾汝母常倚閭而望汝籍燈夜讀一册書弗畢弗使止所以望汝者至矣汝其志之哉 言日生年二十時侍 啓瑞見太夫人每於歲杪日必焚香稽首祀天地神祇爰私詢諸長老長老曰汝九歲病項核腫潰成癰义發疹賴汝 以家庭之中不憚亹亹言之此可以見天倫之樂而啓瑞之孝思不匱蓋有由也萬石之家風殆無以過之矣抑又聞 用以述於余夫禮記有言父母在言孝不言慈此何以言慈者蓋太夫人能曲體高堂愛孫之心移而爲愛子之心是 紅勢苦弗懈處貴與處賤無異汝父之行詣得以有成者亦汝母內助之力也汝其志之哉啓瑞受其言鏤心刻骨! 以臂為枕寒氣襲腠理每作後至不能舉物吾甚憐之汝其志之哉汝六年方冤乳十六年始獨宿而 產難 不足以知之矣戊申蔣卿先生奉命出守紹興未幾掛冠去旋丁母憂辛亥國變啓瑞亦乞假歸自是一 啓瑞隨太夫人入都 室數楹糞娛晚景而太夫人終不以爲豫者蓋不勝令昔之感也夫人性慈善初鄰 束馬絕意任進而太夫人安之若素也丁已秋茀卿歸道山太夫人恆鬱鬱不樂啓瑞心傷而色養之爲闢 母禱祀以獲安白是於歲之除夕率以爲常啓瑞聞之至於感涕不能已內戌蔣卿先生成進士官戶部江 棚先 齊家足爲女範者未始非天地溫厚之氣所鍾也太夫人事舅姑惟謹克盡孝道相夫以義教子以慈嘗聞啓 太夫人益欣然曰吾不願汝作縣令也往者叔祖楚楨公清廉自矢猾且被累可爲殷鑒嗚呼此 幾瀕於危三日而後発身爰得外痔證發輒累日故年未四十體已衰矣生汝惟一子愛護尤甚汝襁褓時 生馳赴行 在 先王考侧先王考詔啓瑞曰汝母爲吾家婦柔順婉娩事姑得歡心娣姒莫之及者汝之始生也 辛丑亂平壬寅太夫人又入都癸卯甲寅啓瑞兩試皆捷太夫人顧而色喜後引見以內閣 甲午以中東之役歸踰年荊卿先生丁父憂旣移喪復入都庚子義和拳難作太夫人避居 婦有病歿者託其女於太夫 米鹽 非知幾而 汝母輒 瑣 門之內懸車 (骨洗濯 西司主 五畝 夜起 開道者 中醫 毎 東昌

七十有八郷之人凡沾其德者來弔喪無不哭失聲云 皇恐不及其睦婣任恤之道老而彌擊尤可風已太夫人積勞遘雖得心悸肝疾歷時愈劇以乙丑八月某日卒享年 如己出爲擇配中年喪夫又來相依許伴朝夕平時御下有恩紀無疾言邈色好施與遇困乏者或典質以應其求皇

論曰易坤之文言傳曰積哲之家必有餘慶先儒以乾爲積善而聖人著於坤象者蓋正位乎內佐乾以成之也善者 無他庸行之謹爲孝爲弟爲慈而已矣君子不出家而成敎於國撍紳之家獨邑之模範也啓瑞善承太夫人之敎其

高母李太孺人家傳 已已

移身勉之哉

影相弔其顧復思勤者惟變成立是望叉踰十年始爲變娶婦踰年變入邑庠又踰四年爲太孺人六十設稅之期變 生女仍無子也又踰八年始得變以爲嗣胞兄近齋先生之子也又踰十二年遺嫁其女爱命變往依焉一家二口形 博士弟子員太孺人之來歸也年二十六爲繼室逮事其祖姑錢太宜人暨姑莫太宜人孝敬盡禮元配俞太孺 吾母其可乎余讀其行述憮然歎曰嗚呼人倫之不泯其在于茲乎高氏先世業農變之嗣考曰秦麓先生始讀 變以書來請日變不幸今爲無母之人矣向之稍愜于心者吾親健在色養融融也而今豈可復得耶敢乞一言以傳 天道之所以維持人倫者雖累經世變而無或爽也金山高君吹萬名燮篤行君子也戊辰秋其母節孝李太孺人 知守節大義古今中外莫不同符而其間之備歷艱劬久而弗懈者潛德幽光積厚磅礴則必康彊逢吉澤及子孫蓋 人之所以為人者倫而已矣有天地然後有男女故夫婦有別聖賢相傳以爲人倫最重之事余當考墳典涉重 二女撫之如己出乃甫踰一年秦麓先生遽卒當是時重閱在堂遺孕在腹太孺人銜哀擘涕暫緩須臾死踰七月而 洋而 遺

乎然後知苦節之貞有以享人世之福固非偶然而天 當 秋未嘗泯 孔長也恆之象爲雷爲風君子以立不易方求諸近世此風蓋已渺矣得太孺人德行以風厲之庶幾如奮雷之一 胴 之母屯艱貧苦以 命 如 嫦 前今何時敢言壽平吾當聞孟子有言徒杠與梁民未病涉汝其移建坊之資爲築橋之費吾願足矣樊爰承太孺人 而樂之分雖推黎歡聲達戶外令德所孚一門賢孝人間至樂無逾于斯較諸震川所述其菀枯之遭際义何如 孫女二 考周易恆之五爻日恆其德貞婦人吉節之五爻曰 建河 是具 也昔明歸 正氣凛然不 塘石橋八座行旅感頌不置焉又踰五年樊別築新屋顏曰慈竹長春奉太孺人以居惟時有孫四人皆已娶 一人督孫 滅也吾故饉爲之傳後世講倫紀之學者當知所取 有 司 聞于 獨增高 終不獲享一日之樂而太孺人則審考康强孫會繞膝每當月正元日蹌蹌濟濟轉騰滿 入 人曾孫女四人一家增至二十餘口回憶囊者母子祭祭寒燈課讀風雨淒其其盛衰之况味 朝 得 氏之光質足爲人倫中之矜式也又踰二十年躋入秩家人謀所以爲壽 旌表節孝 如例 **追維太夫人之飲冰守志已三十有三年矣隣里** 地之道貞觀不爽其所以維人倫于將墜者雖當晦盲否蹇之 甘節吉往有尙蓋節之象澤上有水君子以議德行 法云 揶 **一**僉稱太 者太孺 川 孺 人日 然而震 見流 堂 工太孺人 [嗟爕來 澤之 莊 震 沠 侚

榮母石恭人家傳 丙寅

余昔掌南 越 。為之傳日恭人姓石氏世居無錫富安鄉石巷父諱慶榮母戈夫人生一子三女恭人其季也咸豐庚申之難粵 數 4年宗 銓復來請曰吾母恭儉仁慈畢生勤苦深懼遠型湮沒不彰敢乞一言以光家乘余深敬其孝思之不匱也 洋大學創建圖書館錫邑同鄉榮宗錦宗銓昆仲捐資萬金蔵其事旣爲其先人文治先生立像鐫石 以記

古郊地とに三国・衆

卷七

上

聞其言知其疑昌寇熾之未有艾而要皆本於恭人勤儉之德有以致之也昔雅詩之類天保日徧爲爾德孟子之論 陵浮薄之習無有稍稍沾染之者待先生則誠且敬待郷人則和而公因利患工振窮補不足遐爾更多樂道之者 睦門無詬醉之聲室無玩好之具兄弟子女數十人同堂而食規矩秩然其男則孝弟親仁其女則婉 有不可及者也恭人以咸豐辛亥年某月某日生以光緒戊申年六月二十六日卒享年五十有入子宗敬宗銓以 為競化女學之始其平生訓宗敬宗銓惟曰爲善曰擇交而其知人之明料事之主多所奇中蓋其精明端於忠孝尤 天性者然也不十年後厥宗大昌子孫繁衍恭人念女學之重譆譆焉論宗敬宗銓創設女校由家塾而推 奉之薄無異曩時然每當閭里告貧或戚黨稱貸之時靡不盡力以供給之雖撤瓊填無稍吝惜耋其仁慈之德根於 光緒中葉閱閩休發生息榮氏家計亦頗裕而先生以光緒二十二年六月十一日卒恭人益茹苦含辛主持家政自 也恭人 又踰四年生長女後歸項氏者也又踰四年生次女後歸尤氏者也旋丁姑某太夫人憂恭人哀毀甚而艱劬彌 直振捐獎發提舉語封恭人吾友元和江太史霄緯有道君子也當爲吾言曰余設帳榮氏見其家肅肅雖 惟以勤儉訓其子女所居榮巷鎭郷人初不諳蠶桑之利某太夫人首創之而恭人擴充之或曰其利薄不足僕厥息 火熒熒每至夜分凡所烹餁縫製之具皆不取售於市其勤儉之操可謂難矣年二十三生子宗錦踰二年生子宗銓 終身鄉人僉日幸哉有女如此勝於有子矣先生自經兵燹後家道中落**養魚耕田以自給恭人朝夕辟纏以佐之燈** 日其瑣尾流離之苦有非常人所能堪者年十九來歸先生事堂上恪恭克盡孝道念戈夫人榮獨無依迎之家養之 竄錫境家陷賊 ,力排其說以爲勝於紡織先後植桑于株育蠶繅絲歲取盈焉由是鄉人額其所爲而蠶桑之利冠於通邑矣 (中慶榮先生父子俱被掠長次二女亦俱卒惟戈夫人與恭人獨 存 | 風平歸| 里家產 邁 焼椒 進內 順 至鄉邑是 恃 世俗 女 至日 紅 和

一天傳曰樂善不倦然則後之人所以繼繼而繩繩者詎可忘恭人之訓乎哉

亨者耶今世土君子皆欲 人言夫婦之義當爲萬世法矣今攷節婦之行經三十餘年錯節盤根而卒成其志非所謂由苦而甘困而不失其所 始於咸恆二卦咸者感也言至情至性之相感也恆者久也久於其道故曰恆其德貞婦人吉而其下繼以困節二卦 婦旣歿之數年汝濟介余宗姪凇源來請曰吾姑庸德庸行久而弗曜心滋戚焉敢請一言用垂不朽余維夫婦之義 以其次女淑靖爲節婦嗣女迨節婦疾革淑靖割臂和藥以進實有以療之人旣嘉淑靖之季而又嘆節母之慈也節 苦當迎養於家會其姪汝濟喪母幾五齡姪女方週歲節婦則撫育之邪襲之教之誨之以至於成立先是汝濟之母 夫弟以履之子爲林爲嗣並爲摒擋娶婦念宗祧之任重能恩斯而勤斯嗚呼可爲難矣其問王氏昆季憫乃姊之艱 困之条傳日因而不失其所亨而節之爻辭則日苦節叉曰甘節蓋惟歷境之苦者久乃彌甘而不失其所亨大哉聖 不懈姑歿號泣不成聲繼之以血鄉里琅御愈日幸哉有婦如此可謂孝也己自是厥後淒風苦雨歷三十年始克立 泣曰兒乎寧留一後爲夫後乎節婦憬然悟遂毀容守節焉未幾聘臣先生捐館京師姑復年高善病侍奉湯樂經年 言歸道者知所起敬焉 上爭舅姑柔色怡聲溫恭孝敬者靡不至乃結褵數月以晉遘厲疾逮卒節婦驟膺變故痛不欲生將自裁舅姑持之 納習書畫姆教婉娩聽從年二十二歸江陰陳君以晉以晉者太史聘臣先生之子也聽慧劬學善屬文節婦于歸 陳節婦王孺人家傳 。姓王氏諱鏡祥字時芬其祖諡武愍父子泉入名宦祠母李氏教督綦嚴故節婦自幼通曉大義讀書之暇嫻 譜明氣節以求自立夫氣節之恆久專壹必自人倫始矣故因凇源之請特爲之傳傳後世

市型尼文集三届

卷七

夫人吳氏家傳

年夫人 聞矣若夫人者洵足以勵末俗哉仲虎弱冠幕游鄂垣一時名流羣相歆慕投贈稿紵與之結納旋官京師夫 子職主持家政以儉以勤用是家道不失其亨程子謂婦者家之所由 芸太倉廩貢 敢乞一言 前 高 孫篾赴京就學 居 心嗚呼何 余 尙 一数故 逝 余 矣汪 秋譜 與仲 鉞 Ŧ. 者多至仲虎家或 於其 不 津 **,黹及給事至今詩靈遠稿猶有存者疾革自作挽句曰平生只願成人美到此方知偕老難可以見其襟懷** 氏故 虎同 先 其言之沈痛而夫人之孝德益彰矣夫孝弟之行禮經內則所或往時搢紳之家行之若素者至今闡寂無 23 苇 一段也仲虎以文哭之曰此去黃泉可事兩親吾父吾母鍾愛惟君九京先靈見君當慰難堪者我梵然索 睎 來 後 傳 Æ 生吳公東軒之女天性純篤三歲失恃哭泣如成人丁亥來歸仲虎事舅姑先意承志夙夜定省能 先君旋 寒媛飲食皆爲料量不假僕從手蓋惟其止于孝故能止于慈也性尤慷慨 庸 仕 吾典望族 君仲虎遭其夫人之喪以書來請曰內子舉生艱苦相從四十五年不幸先我去瞻望遺柱 十 可呼 知 載 京師退食之暇 非 縞 復 留宿數月供應畢備 棄養迄今又十餘年世變倉黃東鄰屬鷊四海鼎 腷 相 組 而 仲 介與 値 我仲 虎淵 滬濱 仲虎有知已之雅矧夫人賢德著于族 見夫人 輒 源 虎睹 家學 邀同獨諸親友爲交酒之會燕市酣歌淋漓角逐不數年 滄桑之屢易覧百川 一輩聲詞 於客邸言念往事 雖然中饋之吉濟食之議 墳 遠紹婁 相對新 東詩 一之衡流其悲痛有在 派夫人 핤 御剛 而 **頒木足盡其懿** 盛衰豈非然哉己而遺其姪益符鶯符 夫 相 沸燕薊間風鶴頻點 人以家君 與 幽之貴其奚敢 唱 和戚 人間世以外者又豈僅潘令悼亡而 黨 德也 人 秩 僚友 伊 迹 好施與善烹調鄉 辭夫人吳氏名慶 其生 選 嘳 illi 余丁母喪南歸 夫 預 嘳 平 稱 訂 人 - 嫻詩書 仰於此 稱 羨 觴 囘憶三十 之約 域 / 雲字院 善 乏人 時 仲 爽 奄 虎 其 身 得 凄

Ĩ

遊

咏

挺

堂

愴

滾

年

馮母李太孺人家傳 癸酉

先大父母勤儉持家凡耕稼蠶桑靡不親理厥事先大母恆督農事於外門以內酒漿籩豆先妣實尸之先大父母無 冬季假兄 熟常倍於他童厥後汝力遊學桂林弟子與揮頁笈上海幼弟拯拔亦就里塾中讀先妣教之一如教弟子時每當夏 如巳出汝力與弟子等亦忘其爲異母兄弟也汝力先出外遊學弟子與弟揮就揮墊讀每夜分先妣寶燈火執女紅 殁盡哀盡禮先府君棄養亦如之鄉之人食曰幸哉有婦賢者此振又述曰弟子與兄汝力雖異母生而先妣親汝力 遺罹居恆先意承志視無形而聽無聲凡棗栗甘旨之闔黽勉求之必躬必親罔不周備十數年如一日逮先大父母 年二十來歸 述曰先妣爲鬱林李公樹人長女幼頴悟記憶力逾於常人凡耳所聞目所見終身未當忘雖未精文學而雅慕讀書 爲傳以慰先妣於地下嗚呼余亦無母之人也聞振言若飄風發發之砭吾骨也爱亟詢太孺人之乎生振乃悽然而 之感悲不能已深懼嘉言懿行無以傳於後世令弟子昆季戌受業於先生先妣在時素敬先生道德文章敢乞一言 門人北流 則舉以韶勗語簡而嚴猶憶某夜弟子授諸弟歐陽永叔瀧岡阡表畢先妣慨然顧弟拔曰歐公生四歲而孤汝之孤 **令弟子等讀其旁溫日間所讀書必一字無齟齬乃令預習下課天將明又呼背誦** 一歲耳歐公爲世名儒文傳而人亦傳汝曹宜何如弟子等廟然受駁至今思之猶覺其言之悲也乎居又慨然日 馮振佐余掌無錫國學專修學校有年壬申歲之杪悽然來請曰先妣棄養距今十年餘矣春露秋霜煮蒿 弟五人怡怡先妣之側夜則選授諸弟文章先妣就旁坐聽諸弟背誦雖一字之誤不能欺 府君雨三公府君先娶前母陳氏生兄汝力繼娶先妣生不孝振及弟揮弟拯弟拔凡四人弟子家故貧 通乃入墊故弟子等讀書史治 每遇古人

WILLIAM AND THE

太儒人之實事求是救崇品行驺造士林俾世之有志讀書而不得其門者作家庭之模範可也 以歸 之和氣所以能綿延而勿替惟賴正位乎内者庸言庸行攝以威儀自然下觀而化矣奚必有赫赫之名哉太儒人生 聞之喟然感曰有是哉太儒人之孝且慈也昔吾蘇善述母行者首推歸護川張皋文二先生今振稱述母儀愷惻怒 甘以周貧乏遇人有恩禮鄰族政黨無不愛且誠人亦樂爲之盡不幸臥病經年時劇時差存間者不絕聞稍愈咸色 子多有不能記其考若妣之忌日者矣今馮氏兄弟孝悌雍雍當以此訓其子孫而及其郷里故特連類書之貽與振子多有不能記其考若妣之忌日者矣今馮氏兄弟孝悌雍雍當以此訓其子孫而及其郷里故特連類書之貽與振 於清光緒乙亥夏歷五月二十六日民國十一年九月二十日卒享年四十有八董自近代非孝無親之說與世之人 孝貴乎愛敬明察故其和順通於神明慈貴乎精細縝密故其博施周於宙合大學論齊治之道引康誥如保赤子而孝貴乎愛敬明察故其和順通於神明慈貴乎精細縝密故其博施周於宙合大學論齊治之道引康誥如保赤子而 摯當與二先生相亞請卽紀茲爲傳可矣且夫天生烝民良知同具人第知孝之出於天性而不知慈之亦根乎天性 釋之曰心誠求之雖不中不遠矣此言慈之發於天性也今太儒人能敎其子非所謂心誠求之而不遠者耶夫 然以喜比劇琴戚然以憂及歿來弔者流涕踵相接也先妣雖不獲中壽而其死也哀追歸潛德維先生其光剡之余 有昌者汝曹其勉之哉嗚呼先母之志維先生其表揚之振又述曰先妣宅心惟仁制行惟儉不願膏梁之味節腴分 自吾爲汝家婦稔知汝祖汝父愛讀書恥子孫不爲士人故不惜艱劬縮衣食響學費以造就汝曹吾家素 。載諸家乘昔荀卿子論證書之法曰誦數以貫之思索以通之今學校誦數之法不講肄久矣深願振昆弟輩以 僡

茹經堂文集三編目錄 碑銘類

秦佩鶴先生墓志銘 戊辰 劉河保衛團紀功碑 甲戌 無錫楊君翰西商團功績碑丁卯 陜州召公甘棠廟碑 辛未 哀辭類

華耀廷先生墓志 庚午 陳君善餘墓志銘 己己 孫君鶴卿墓志銘 戊長 雷君辅同墓志銘 辛未

錢融耆先生墓志銘 戊辰

高老恐先生墓志銘 戊長

顧君伯圭墓志銘 丙寅 金君鞏伯墓志銘 丁卯

俞鳳賓墓碑銘 庚午

口配合と連二品

過智修振災死事碑銘 庚午 肅君錦堂墓碑銘 辛未 蕭君肖甫墓志銘 丁卯 新君佩子墓志銘 丁卯

袁君汝舟墓誌銘 壬申王君受尹墓誌銘 壬申馬公雲亭神道碑銘 壬申

張子處先生墓表 甲戌

林燮軒先生墓表 癸酉

王君靄亭墓碣 辛未

蒋君伯言墓誌銘 甲戌鄉諡惠毅施君左虛墓碑銘 辛未

朱君叔子墓志銘 甲戌周君敬甫墓碑銘 甲戌

行生海净墓碣銘

甲戌

股烈婦熊氏碑銘 戊長 沈君蓉汀墓志銘 乙亥

资丹董夫人墓志銘 己巳 傳母朱太夫人墓碑 戊辰 黃烈婦李氏碑銘 己己

凌夫人石氏墓志銘 甲戌 唐母陳夫人墓志銘 甲戌 薛母施太夫人墓碣銘 奏

王蔚人哀辞 己 太倉九曲鎭楊龔氏焦氏鹭二女分媛瑛媛殉難哀辭 庚午 弟婦馬氏殉國難碑銘 壬申

戴惠蒼哀辭 辛未

茹經堂文集三編卷八

太 倉 唐 文 治

蔚 芝 者

碑銘類 哀辭類

宅以丕揚天休公之功不其偉歟若夫敬天勤民節性日邁祇愼用懋申儆惟新耈長典型令聞矢洽公之德不其遂 召公甘棠廟在陝州境上章敦牂之秋無錫施永成膺溥仁慈善會唐滋鎭圻鎭華堂等推選往振於陝拜於 其懿歟爰爲詩歌用代郷邦之樂其辭曰 曷不廟雝季女尸齊式昭忠信人倫正斯小民親蔽芾之詩情深文明誦絃弗替然則公之功德固不容沫公之祀典 歟且世之盛也以倫紀興世之衰也以倫紀廢夷攷鵲巢釆蘩釆蘋諸篇無非明夫婦之禮人道之經是以王姫事御 唐文治爲碑記文治曰若古攸訓有功德於民則配之成周之初周召東西分陜而治旣宣重光共作大邑惟太保相 傾棟折上無蓋障州人相告曰是駐卒所爲也永成蹙然請於會是張簡生醵資鳩工經營而修葺之旣蔵事 陜州召公甘棠廟碑 **庸可廢鳅往聞曲阜周公廟兵燹蕩爲樂崩禮闕鼓南子弟抱器咨嗟鑑我將我享同復烝當則於化民成俗之本不** 爾則牆 太介

1日 Militaria / MUI · IIII

卷八

公降監兮陜之州召公若曰我陜民殺機罟痠盈乾坤迷復弗戢將自焚詎

澗蘋潦藻召南風築廟翼翼典攸崇庶民子來營新宮聿修配事拜召公蕩蕩天門開爛昭昭兮靈之來雲旆兮悠悠

止十年

不克征天地大德是曰生何

蚩尤戰退場 農 累相食無 [力耕毋敢妖妄畔常經毋侮聖言毋亂名毋作穿霰毋害人毋冒貨賄毋施爭歲月日時父用明和 人倫孝弟忠信溶饌根自貽哲命在 田 機槍上帶臨汝降百群自今伊始豐穫穫綏我士女喜洋洋五穀蕃熟滿倉箱我民莫酒躋公堂千秋萬 **應老嬴白骨溝中填願公護持拯顯連召公义曰我陝民積善長久致太平上下登德痛洗** 初生嗚呼公不 見婦子保抱哀籲天旱魃煽虐滌 山 川 苗 槁 風 林 心士務 甘 禿怪 13 河 鼠 Щ 通 羵 新 經 人

昔人 オ 力不逮什一故僅 詩云吏部文章在光芒萬丈長昌黎生富元和時故有平淮西碑南海神 能爲此種文字目愧且自歎也文治記 腐曹成王等碑文我生非若昌

無錫楊君翰西商團功績碑丁卯

歲歌甘:

號爲庶富之域顧比年以來軍事繁興甲子秋有蘇浙之役乙丑春有蘇奉之役其冬又有浙奉之役丁卯春又 天下事之險阻艱難 而乙丑月正二日戰於錫邑惠山之麓職火殷闌民咸股慄當是時各邑之逃亡轉徙崩潰糜爛者不可勝數 北軍之役幾於無歲不戰而其中尤以乙丑春孤城八日功績爲尤著云當齊氏之拒奉也一敗於丹陽再敗 不大哉吾特揭無 丑之後其 然無恙衆皆曰此楊君之功也橫覧四郊烏合蟻聚之徒侵掠焚殺村落爲墟亦不可勝數而城 此 大要在於酮 君之功也余 錫商 而 卒能 軍實察戰略聯感情故於各軍之過境者無論其爲剛爲柔爲强爲弱爲正爲偏爲逆旅爲運 阁會長楊君翰西立心辦事之恆與誠以風示天下焉錫邑當滬甯之衝地大民夥殷殷軫軫 **瞥推原其功之所自而知楊君閱歷之精審蓋在於甲子之前而** 有濟者恆而已矣誠而已矣天地之道恆久不巳精誠之至金石爲開恆與誠之所 其措 施之適宜乃 中獨安堵 於 在 而 有南 錫邑 常州 通

往者君於太湖之濱有萬頃堂之築今茲時事愈棘矣烟波浩渺流水孔長君其賡續前功而益勉之哉 演之熟防守之嚴練胆練心體用周至每當淨暑嚴寒疾風暴雨午夜更開居民高枕而君方巡視街衢抽查崗位縣 以保衛之策而其責任乃惟商團之是屬君之訓團員也日養氣曰愛槨曰習勤曰守儉一衲之於軌物之中而其操 者流卑者止是故積者多施者不遐也今君積其有恆之精神與夫至誠之道德他日者光而大之安知其 士雅歌投壺劇飲大醉以爲娛樂君之續雖不逮剛直然昌黎韓子有言譬諸水其爲澤不爲川乎川者高澤者卑高 梗易爲馴良雖有浮囂化爲敦篤以誠感誠之效有如此者昔彭剛直嚴毅厲威笑比河清然每遇戰勝之後 少倦怠迨撤防之後恆出己資相與歡叙蓋其待團員也如腹心手足然以故團員之視君也如家人父子然雖有强 不 相頡碩於是往 數行下迨惠山 孤城八日之圍齊軍索供億以兵要我其勢岌岌不可終日君與宋君靜庭鏡君孫룕華君藝鴉等爲民請命至於泣 、心人心刦運生於奢侈錫邑工廠林立商賈懋遷長袖能舞故凡物質之文明與夫窮豪極侈之景象無 行 李往來周旋悉當雖千里廳糧龍蛇 而流涕也然余謂君功績之可見者固恃有恆之精神而其功績之無形者實惟至誠之道德天地封運根於 一來其間者不知其實而徒歆羨其名或且眈眈逐逐以爲奇貨可居有識之士方且引爲大憂日靜所 (既敗齊軍嗣入西城商團隱雉媒間以鎗瓊擊之乃逃竄城賴以全至今鄉之人猶有能道之者未) 争門而 **萬家燈火雞犬無驚佛** 罪有 人焉專心壹意調護幹維曷克珠 不 與滬上 爲川 必與 此當

率 **椰陸桴亭先生著治椰三約** 2011年11日11日11日 其屬而授兵登陴凡盜賊水火之患皆司之扞禦外侮安靖閻閻瀌良意美遙遙二百年來能實行之者厥爲吾 **褂每鄉設保正一人掌一鄉保衞事任役民之籍頒射法教擊剌習守禦國有大故**

河

保

衙團

紀功

甲戌

爲 行上海問北等處保衞團辦理聯防復於十九年冬徵集各團在劉會操團員九百餘人聲威遠播干城腹 年五 之追思不置云雖然欲中國之治平必自地方自治始而地方自治必自民間保衞始文治劉人也綜計吾劉保衞 **北黃君曰天下事獨立則勢孤合羣則功集守望相助古有明訓爰聯合太倉嘉定南翔寶山羅店大場江灣吳松劉** 巢穴驅蛮斃楊遣散客民之無賴者團衆奮勇無前卒能消除鉅害是其功不可沒者三十八年眷歷氛復熾隳突南 十七年沿海崔苻充斥北自滸浦南訖吳淞風鷂頻傳富室遷徙人心惶惶團衆扼守南北二十餘里匕鬯無驚是其 者五二十三年七月奉合改編團衆途星散器械服裝移送本邑縣政府訖鄉之父老相與誦 團衆間道抵滬分別安插五月九日敵退團衆先期集合維持善後鄉人之避難來歸者咸慶 絕不得己暫解散寄槍械 **操任義勇軍** 自十六年春至廿三年秋凡七年有五月特書其功績攀犖大者勒之于碑用騐來茲 憃 是其功不 務散空浮 月跪稱 可沒者二桃園爲劉河險僻盜薮匪魁董重黨楊小六子盤踞其中四出摽掠黃君與公安局長夏君眷淦搗其 方杌 隉 移 挺進除駕檣 不 橋楊林茜涇相 可沒者四自二十世紀以來外侮頻仍其最烈者莫若 河 駐 · 宵劉人黃君頌聲創設保衞募丁籌餉購械設局 宋志大固郷玉山者海 匪也其黨羽出沒沒港 地處海濱當上海吳淞大場之背爲軍事要衝保衞顯之散始於民國十六年四月惟 道塘廟海口防禦森殿資糧供億等到價至二萬金之鉅三月一日畝以煙幕彈 於吳縣政府時黃君來錫告余壹是意氣激昂慨然日吾輩不能爲國糧敵愧 帆 繼 抵劉圖行郑團衆覺之押解松鴻警備司令部繳械遺散民賴以义是其功不可沒 **|陷劃河失犄角閣衆猶死守旋奉令隨駐軍退太倉蒐輯戎裝改守雙鳳** 廿一年中日滬上之役比時 桴寧先生治鄉之約 安堵為是其 我軍 障 我從陸 相 時 何 無 持 吾 如矣酒 功 Ē 心骨攸寄 蘇 何 不 接 浜 急 重 者 間

辛卯充 品夫人庶妣金氏庶母何氏亦以覃恩得她封如典兆甲公生子九人公其仲也幼聽穎性至孝當封臂以寮親疾年 學政任丁未改授鑲黃旗豪古副都統充優貢朝考閱卷大臣調補鑲黃旗滿州副都統戊申進士館及外洋游學墨 修庚子授齊事府詹事辛丑授內閣學士兼禮部侍郎銜簡放福建學政使擢工部右侍郎甲辰調兵部左侍郎仍留 往形諸歌詠間 護軍 業生考試閱卷大臣 起居注總辦順天武壩試主考官乙未充 生 員外郎妣金氏周氏考諱兆甲貢生分部 公姓秦氏諱綬章字佩鶴江蘇嘉定縣人曾祖考諱鳳輝 外貌寬和而 塘发上疏 采常以古大臣爲準 五六爲文苕發穎監已爲李文忠公鴻章 朝考一 統領庚戌充舉實覆試拔貢 國史館 立請 等以知縣用己卯中順天鄉試舉人癸未成進士改翰林院庶吉士旋丁兆甲公憂服閥 :德性堅定局量閔通平生于訓詁詞章之學靡不究而尤研精時務自經大考超擢感激 解職 至臨殁時 協修癸己充湖 得蒙爾允時是年十月初九日也厥後遷居滬濱杜門著魯賓客罕親其面而江湖魏 削甲 孝欽顯皇后 無一語及家事惟慘慘以君國爲念遺疏上特賞志潔行 午後國勢岌岌可危公于是有備 南 椰試 朝考孝廉方正 德宗景皇帝升遐上諡暂安百日周年屢派几筵寶城前行! 行 副考官甲午大考翰詹列一等二名擢侍講學士充日講起居 馮林 走那中妣潘氏自曾祖 咸安宮總裁丁酉充順天椰試同考官戊戌轉侍讀學士充 一先生桂芬所器賞同治丙寅補 廷試閱卷大臣辛亥八月武昌告警公鑒于人心不 附貢 款購械之疏又有論列 生妣盧氏金氏盧氏祖考諱溯董太學生兵部武 以下俱以公貴贈光祿大夫 芳運額 博士弟子員光緒 和 欽之疏又有請 嗚呼可 建威 謂 禮大臣已酉策 将軍 補散館授編修 丙子舉優行貢 停江 忠而貞者矣公 注官旋充 知遇言論丰 國史館 妣 南息借商 開之思往 俱 圆 選 事 餶

秦佩鶴先生墓誌銘

戊長

曾榮姪曾源也舉進士號聲翰苑者公之姪曾潞也玉昆金友五步十連椰門舉**噴噴稱幾而不知其先世之積德累** 兄諱毓麒也與公同入詞林典試浙江出守廣平者則公之弟諱夔揚也膺拔萃者公之子曾誥也登賢書者公之子 之盛復甲全省二徐二廖先後隱騰迨其季也乃獨鍾於秦氏公旣掇巍科躋卿武而先登乙榜司鐸澄江者則公之 行其家風則追蹤乎萬石其學詣則聯武乎九錢故有以致此豈偶然哉文治自幼即聞公名蓋先大夫與公同應科 信禮義廉恥之在人心者則雖廢而終不廢彼詆科舉足以禍世者蓋未當讀書閱世之論也嘉定爲吾婁屬邑俊彦 復存值國家大事徇私滅理更不能虛心審慮以求歸於至當而生民之受困亟矣故吾當謂制舉文當廢而孝悌忠 風從爲同 公之以道德文章爲體以經濟時務爲用亦何嘗不能陶鑄人才一旦廢棄之餘諸生迷於所嚮且謂聖賢之道不足 安定先生經藝治事分賽設課爲法而參以時務科學一時人文郁乎彬乎化成大效矣嗚呼自唐代以科學取士宋 明以來相沿不改論者以爲末流之弊足以論世必掃除之而後快不知科舉不過考試之法在知其意而善用之如 規湔除積弊約束差丁恆以勤愼淸廉自矢其教士也服膺顧亭林先生之訓體用戀賅必以行已有恥爲本並以胡 集之編蓋足爲歷代名臣奏議之續矣公迭掌文衡鄄拔多知名士而尤以在閏政續爲尤著凡任學政四載縣 銀幣製軍械援工程八事之疏蓋公以文學侍從兼復通達治體 廟大祀朝會筵宴耕藉閱射慶祝盛典 有廣鑄銀銅幣之疏庚子後 款之疏嗣以俗學剽竊宜注 **插所莫能及乾嘉之際錢竹汀先生大昕崛起以經學名聞當世兄弟子姪相繼迭興號爲九錢厥** 重經史輿 朝廷稍稍振作公于是有巫求人才並條陳立商部節國用定訟律改捐例劃 地掌故算譯 變與所位問不珥筆以從館閣奏進文字同列羣推 t理化諸學于是有整頓書院之疏又以圖法日**獎湯**巵外 倚畀特隆故自造膝密陳拳拳諸 公撲擬于是有珥形 大政外舉凡壇 後科第 溢于是 例 、朱鏞

胡天不弟不怒遠先生緬懷明德含章以時貞滔滔濁世不溫蓬其身蕭然著述與三古爲鄰陸文端後實維第 主事娶浙江秀水王氏曾愷四品隆生先卒娶蘇州顧氏會修殤女四孫八元炳元衡元怡元軺元崇元颴元寓元詵 孫女四曾孫三詒 誥封 之感人心世道之憂縈結於中嗚呼其能無恫乎其能無恫乎公以道光二十九年三月十五日生乙丑年二月十三 水王氏骨誥邑庠生己酉拔貢 日卒春秋七十有幾所著有靈香館文集夢盦吟稿補諷籀室囊鈔各若干卷湘岹紀程一卷湘絃詞一卷配王氏 夫棄養不逾二月而先生哀計亦至痛哉痛哉又逾三年文治因曾誥之請謹銘公墓禾黍之悲蓼莪之恤身世交游 入都 試 1 (夫人德協珩璜相夫有禮側室汪氏賈氏子五會蔚邑庠生正二品廢生刑部主事奏補大理院推事娶浙江) 相見懂然道故嗣後行郷飲醴歲必數會文治侍坐偶論學先生輒嘉獎之命次子曾語來受業甲子冬季先大 相值於號含題日 頒品 祺 1接琴作 詥 |泰曾孫女二將於戊辰年某月葬於某郷之原銘日 水 朝考一等正二品廕生郵傳部主事婺蘇州馮氏督榮邑庠生壬寅舉人農工商部 仙 操賦公清思易渺搞詞飄飄欲仙先大夫嘆服逐訂 交爲 光 緒 癸已先大夫就 秀

雷君譜桐墓誌銘 辛未

史家载筆允兮採茲文

洪楊之亂避兵佘山被掠以死妣楊太夫人茹苦守節矢儉矢勤數十年如 皆以飲藏愼固守弱制剛爲宗旨達治體以聯邦交時收折衝禦侮之效頗君先卒而 俱涇欝以終嗚呼可哀也已當君諱補同譜桐其字松江人嗣考諱某字亦山衆脁考某字莘耕本生考諱某字惕卿 禁大開後至重者惟外交學光緒 中葉吾蘇以外交著者有顧康民侍耶繼起有雷譜桐星使鄒紫東尚書三人者 日君幼頴悟年十五補 雷鄒兩 君 如 **駿之舞卒膺國變** 塱

則數 外務 書旋 初 導鉄深依賴之顧好大喜新之徒以爲行人之職當屬譯鞮不知儒者能 光間惟骨惠敏收回伊犂足光史乘郭薛黎三賢亞之繼其武者厥惟許文廟袁忠愍兩公亦雅 僅屬私家著述之空言條約爲壓迫束縛之具於是弱國無外交之說洋溢同聲庸懦畏事者率以此爲藉口吾國同 內政之日非逆知外亂將萌又以母老陳情乞終養得 等第一雙龍寶星君奉親圖南赴與任庚戌任滿與皇特贈頭等金鷹鐵冕寶星十二月囘國時 癸卯升郎中京祭一等記名以道府用 古名教大坊首基氣 屋數楹旗曰夢華小築又購南埭草堂爲邑先儒姚春木先生著書之所因而葺之仍其故名初庚子之變同鄉宋養 者瑞安黃激蘭先生見其文大器之調南著書院肄業乙酉膺找萃選朝考授職 在末 《此君子小人消長之機辨之不可不蛋辨也求息事者轉致 侍 月三十日卒享壽七十配王夫人簉室白氏子四澤揚炳揚棣揚銘揚女一錦蟾將于某年某月某日葬于某原之 御 兼充總理 一十年來外交積弱之故可以彰往而知徵矣君爲人通敏沈默案牘洽熟因應咸宜晚年自號 部釐定官制左丞瑞君鼎臣右丞顧君康民以君勤慎厥職白慶親王以章京補外務部考工司 仰 節 藥殉 而 識 國氣 各國事 者 |乃菲薄| **%節農糧** 箭子輿氏有言人必自侮而後人侮之國必自伐而後人伐之凡國家所以致 | 粉衙門章京庚子拳匪禍作 儒 一時君 生以 爲不諳世 與同鄉章君嬖盒經紀其喪雖當危難 存 升 .右參議乙巳轉左參議丁未升右丞是年七月簡出 務豈不謬哉豈不謬哉君生於清咸豐某年某月 內外 如沸樂君奉親留守京師屹不稍動 旨報可踰年國變澇與君途杜門不出云鳴呼自萬國 多事喜滋事者必僨大專剛柔毗重 持大體舌人或涉委瓊甚至以內情輸 備物盡禮嗚呼此亦可見君之風骨 小京官簽分戶 辛丑 某日以民國 部廣 維宣統二年君 使與國大臣賞 重 侮之由在 味隱謝絕世 蓋胥失之觀乎此 顧 和 東 雷娜三君批 員外郎充掌 議 司 成改總署為 - 戊 本原 九 矣千 公法 4 爭 諸 怵 登 於 外

矸 君 Œ 歿 之六月澤揚等來乞銘余與 君同官戶部六 年同官外務部五 年 每商權公贖評量是非丙午歲與君

別

聲彼剝 不 通 音 問 果 二十餘年滄桑之感彼此同之聞君噩耗不禁百端之交集也爰爲銘曰 一樣升木醬彼例泉淪胥誰覺燎原之火君炪謀作決隄之波君跳大陸幾 者 動微次精 怵目 「銘茲幽·

錢融者先生墓誌銘 戊長

秋炳熘

當乾嘉 孫會祖詩 錫邑錢 務立言當世戰林 文敢以屬之於子嗚呼余何足以銘先生顧念與基博昆季居同里開以文章道誼相切剛且衡恤之感彼此 **福煒君擊節歎賞日是非解元卽下第耳己而主試者果擬元而副** 先生日是何難 申耆先生之門夙爲士林 誦 不 而 舟子魁 獨勤 行狀 而 諱士鏡 有大恫於厥心者其何敢以不文辭護按先生姓錢氏諱福炯祖耆其字江蘇無錫人吳越武廟王三十一世 祖 于 奴 學 後 **香先生既殁之三年其子基博踵門來請日吾父性剛不喜標榜聲華以迎媚當世子素韜晦者今銘** 一扶與靈秀之氣往往鍾於家庭吾吳則有惠半農父子高郵則有王懷祖父子閩侯則有陳 登先生舟鸱 羅削之爲墊師所覺察日此大器也遂送先生歸從仲兄熙元君學補博士弟子員甲子秋試歸 祖諱若浩能文精八法武進李申耆吳縣馮敬亭無錫秦湘樂諸先生數偁之考諱維楨廩黃生受樂 偁 :奉爲矩范先生旣紹承家學兼尙力行孔子曰善人吾不得而見之矣又曰吾未 爲善人剛 張 推服維植公生子五人先生居第四生而聽戀奉維楨 張艇 者殆 * .無愧焉某年江南饑穀價騰湧先生隻身赴皖購賑米履舟裝載蚰艫 競其競中金也先生覺之卽召諸舟子謂之曰若曹良苦此 主者謂其聲稀昧決竟黜之顧先 公命業賈居停子爲文艱苦不 舟 金例 見削 生不 数百街 至 左 者 某 兂 海 層 同 父子 層 生 處方得 尾行 伯兄 幽之 生 於 得 惰 此

平先 率來歸先生遂告邑令捕秃者事遂定客問先生**曩**者君何恃而不去先生笑曰若輩亦人類迫而 紳倉皇避先生富門坐察其意氣忽然指揮跳盪者則闖然一禿者也先生徐語之日若明事理好動衆歸悉 載於券尾於是諸舟子咸愕然叩頭曰今而後不敢無禮矣先生乃返舟賑米得無恙光緒戊戌歳早民艱 首以孝弟繼以忠信又繼以愼終追遠夫民德涼薄於今爲烈如先生者豈非人倫中之模範哉而文治更有感慨 什二乃盡罄所積 也 而已怒及於其屋物何邪令亦悟笞一人架二人而事解擲人至今偁之蓋先生之濟衆也智仁勇皆全而 燉其屋途刷 進士都事侵漁廉得其實盡發其覆衆爲側目而先生不顧 怯若吾去糶局毁矣非所以全吾郷民也然先生性雖慈於地方事利害不稍叚借目覩積穀飯實日深有某孝 議出積穀平羅推前浙江臬司鄒仁溥總其事而 於江流吾將 舟立停蓋窺其艙中賑米也先生從容懷雇券詣善後局舟子至請登舟先生日吾不復登若舟矣若曹蠻悍 給吾今先予若曹以 |吾祠燬吾將以身殉矣用是悒悒以卒永盛典者先生家所設也地處光復門外齊軍至予取予求不遺錙| 萴 生以爲 維以孝當殫畢生精力積萬餘金拓建宗嗣于惠山之麓甲子歲齊變元興兵搆難舉其嗣一火焚之先生大慟 合夥之股金力出有餘而存戶之寄資家非優聽雖兵災例不任價而吾心不可負也然劫餘 E 以 紳 狀檄 有氣 金並基博兄弟館穀所入以償存戶所寄百分之五十三蓋邑中所僅有焉昔孔門楊論 價勞衆皆感激其魁逢不得逞迨舟抵金陵大勝綱魁告先生曰舟 無錫縣若曹能上九天邪卽出雇券示之蓋諸舟子之姓名籌貫居處先生于雇舟時皆 力者以白蛋焚劫白江陰令令故武健逮數十人將興大獄先生往爲解說之曰果 自主東城糶局一日海暮有奸民圖掠穀聚衆百餘人洶洶 也已酉冬江陰璜塘鄉有 奸僧用價貨龍 無米將斷 爲此其 炊諸 斷 舟子 欽 所存不 其 盗 財 心 食 學而 黍亂 甯無 者意 立 亚 椰 助 先 劫 教 諸 民 生 之関 足 狙 詳

一段で

者 悲憫以沒嗚呼彼軍人之過惡天下自有公論如文治輩不孝之皋其可逭哉此文治作先生之銘不禁投筆長號淚 月琴孫九人銘曰 雨落而进之以血也先大夫有言君子之澤五世市斬惟爲善者可繼續於無窮然則文治與基博昆季所以相勗 博昆季既不能如鄭君之高行黃巾不入其鄉又不能如陸桴亭先生之避地浮家爲未雨綢繆之計坐祀吾親憂鬱 君 諸齊齊曰嘻曉噉起遁矣城賴以免方事之殷文治甫丁先大夫憂絜子婦倉皇出走途遇基厚慰之曰城中必 慘然齊復勒索巨資十萬不者且攻城時先生季子基厚任市總董惶急與諸紳多方羅掘得二萬金夜半縋 七十有八德配孫宜人嚴內則訓以孝以慈相夫教子不踰禮法治家整廟督勞執勤其嘉言懿行具詳於吳縣張 惟 盍歸休文治乃歸泣告先靈嗚呼孰意相距歲餘而基博昆季亦同鮮民之痛邪哀哀蓼莪巷歌丽咽如文治 不 有讀書爲善以期無負先人之志而已矣先生生於道光二十九年七月八日歿於民國十五年八月十一日享 麔所撰墓表中某年月日合葬于某鄕之阡子四基成先卒娶毛氏基全殤基博娶王氏基厚娶高氏女二素琴 **配己者當齊軍** 之掠 無錫 也寒冰凛冽天 地為愁汽車聲鳴鳴然槍礮聲隆 隆然四 郊居民震哭聲歌 然嚎 城 與基 無恙 出納

驂鴈行我銘以貞援契傳章明德之後長發其詳 龍 山之陽湖水湯湯猗敷先生道德精驧遺澤孔遠山高水長資爲人文八龍嚴艱玉昆金友英時高翔 儒林 茶藻

如

孫君鶴卿墓誌銘 戊辰

錫 卷蓋 孫君鶴廟旣歿之後族黨戚友相與弔於庭工人相與歎於肆農夫相與嗟於野鰥寡孤獨縈熒無告之民相與 君當修水利潤農田建絲廠經理四鄉公所設溥仁慈善養濟等會以故惠澤邁於鄉閣達於遐寓且觸日

學靜坐法得專氣致柔之旨體稍稍健矣今年春遭仲兄之喪抱痛鴿原悒悒時有所感竟於民國十七年五 稜之綿 其言爱請同邑錢君子泉以爲輔由是風雨晦明絃歌不輟吾數人者心相印而道相同 君以事中輟君途主董院事當從容爲余言邇來正道淪胥燕朋逆師燕僻廢學風紀蕩然伊於胡底幸賴吾院爲 學院一事自歐風 食報於後爲吾人所不 耳鳴呼古傳有言天道無親常與善人乃至今世爲善者幾若獲罪於天何耶豈陰陽消息之機墋黷而 **七日嬰肺炎病卒享年六十** 苦含辛維持終始又越二戰余以憂患餘生屢思退老君蹙然日公靈心力我盡財力患難相依彼此幸弗渝 於惠山之麓延余主講然退息無居君爰度金匱縣學舊址修復明代尊經閣別建齋舍俾諸生遷徙其中越三載 恩貢生歷江 善人不可得而復見矣將葬其家來徵銘 延學者尚 西同 「東漸士夫糟粕五經弁穩六藝以爲不足復存君獨慨焉憂之會錢塘施君省之創設國學專 知捐 知孝悌親師之誼十年而 知 升道員然君淡於仕進壹以胞與爲懷樂善博 着耶 有一其曾祖諱沛祖諱元楷考諱昌烈均封贈 銘日 余與君 後庶幾其有豸乎越一 為執友奚敢 辭君諱鳴圻鶴卿其字邑廩生赴聞試屢薦 載齊盧難作黌舍飄搖君在滬書來謂 施旣如上所述而其有功於名教者尤 如例配陳氏機配程氏 也君體素贏患咯血 遠孤 靡常 鍾 **吾儕宜** 海 不 月 也 在 症 | 氽感 修館 比歲 抑 Ŧi. 辦 逐以 茹 國

孤峯慘悴松柏牢愁哀哉 孫 君積善離憂歸藏於斯令聞千配敬勗後人善繼厥志

陳君善餘墓誌銘己己

君 政 姓陳氏諱慶年 大夫妣柳氏 字善餘江蘇丹徒縣人曾祖諱景周妣耿氏祖諱英俊妣江氏原氏洪氏考諱懋 **誥封恭人自君之卒也士夫僚友莫不驚相告曰江蘇大師陳先生歿矣相與咨嗟道其遺事踰** 恆 字子 卣 對

夫山 大義江南 述物價研究史料關于地利者有法顯行程圖玄奘旅行圖元代疆域圖奧地新資料關于兵事者有京口兵事通 此後生然此未足以盡君也君之志以爲士不通經不足致用然非致用亦不可謂通經故于食貨財用兵陳策略 五代史略明史詳節遼史講義陶隱居蘇魏公沈夢溪楊文襄諸年譜渟齧廣迤騰踔百家間作單 聖志潤古述 南菁書院著有知亡錄司馬法校注輯司馬法逸文漢律逸文疏證補三國志儒林傳厥後淹貫史乘掌故又著有宗 漏国幽必實事求是折衷至當而後已其強歲所著有古香研經室筆記爾正漢注輯述配鑑書述故中年肄業江 為海禁大開後載書紛綸必熟知彼已深維利害始足裕因應之方故令日儒者决非畫封故步所能 天緯地之才而後可以登山臨水顧亭林先生之言君蓋心知其意矣然此示足以盡君也君之才將開物而 兵法史證兵法史料口義柏舉戰史吳越戰史萬曆蜀徼征播史兵事囊鈔等方張文襄勘查京山 著外交史料列國政要與鄂省諸學了講明中外形勢瞭如指掌蓋當是時君方佐張文襄幕府管 然不忍不銘也君爲學大旨不分漢宋門戶篤守孔門博文約禮家法于諸經中三禮春秋尤精兼復旁搜遠紹補 月其孤裕菁裕業等迭以書來請曰先生與吾父交最深夙以學問道義相切劘知吾父尤稔敢請 地學偕君行他人方飲酒 ïĽ 川 呃 圖書館 塞諸要端靡不殫精竭思究其源流終始嘗主修兩淮鹽法志別爲撰要其關于農事商政 北 諸名宿飲手推服長沙王益吾學使定海黃元同先生皆驚賞曰吾門得 一四石城風俗志石城鄉人遊記橫山鄉人邀鈔京口掌故遊編風俗史料近代史料通鑑紀 U 汇督端忠敏實委君主之君高掌遠蹠先購杭州丁氏藏書數十萬卷又采取 賦詩而君獨步荒郊挈測器實地勘驗並訪野老詳詢疾苦狀文襄尤器之夫人必具經 一汪容甫矣俞理初輩 攝雨 一辭短簡亦務合于 他 唐 銘余揮 濟 者有丹徒 心口提工以君 る事本末り 近世而 局 湖學務云其 不免畏 安人爱 成 涕 務以 要略 不 陰 能 與

輩不顧 世滄桑之變易朋奮之凋零益復累歎欷歔而不能已已也君以同治元年十二月十五日生民國十八年六月三日 能行 午歲余-譚 丙戌歲與君同學于南菁時 讀 君肝腸寸斷幾不知有生比送臺灣之人聚觀日嗟乎白頭孝子乃哀痛如斯耶雖古之顏丁少連奚以加 駭星夜馳歸見太夫人無恙則先笑後咷日吾母乃健存吾豈在夢中耶及太夫人病君侍奉數十晝夜太夫 見先生鬚髮蒼然不覺淚盈干睫過焦山淒然西望猶感泣庚子拳匪亂作柳太夫人憂君甚識言病電速君 者靡不至壯歲官學四方眷念庭闡夢越魂聽輒于中筲流涕赴江陰時乃考子貞先生送至江干君于岸上燈 後海孔子言孝爲德本教所由生君之所以不可及者孝行純篤而已矣君之幼歴境彌艱而其親于無形聽于無聲 之有益于邦交也然此未足以盡君也天之生君子也其智慮宜充周乎萬彙其行詣必矜式乎聖賢三王祭川 之不 經或 高囑君哽咽斷續不 我 與日 担担 禁災血 設傳 山近 講堂 亦丁先妣憂君 롐 日人島田彦楨再拒木村恆雄等購書之請 後離索天各一方而音問往往不絕辛酉歲余創辦無錫 角藝爭相 西澤 堂子關國學館從此終隱可矣嗚呼曾幾何時章君逝世余旣爲文以哭之今又哭君而爲銘 一交进嗚呼方今世道日衰良知泯昧人倫之教不養重哉然則君之不朽者固在此 爭囘東沙 先後以爲笑樂暇則登君山寬長江天風浪浪遙吟高唱一吐其胸中之奇他人以爲狂 | 貽書慰藉並述柳太夫人遺言謂他人母皆死汝獨求母長生無是理也毋爲愚孝滅性毀身 能成語及殘號哭不絕聲子貞先生疾革時君伏其側先生日汝盍重呼我我將戰汝聲以去 則又有江陰章君琴若常州莊君思緘趙君劍秋常熟孫 . 岛蓋授雍正間陳倫炯海國聞見錄沿海形勢圖以爲據海內播紳交口稱類甚矣! 蓋 非 此 則 吾江 國學專修館延君主講君復審謝 南之書勢將 茅 君 脛而 師鄭數 走君之功于是爲大叉: 入 者最 而 不 臼 吾病· 在彼也 相 流路循道 得 俯仰 蚁 人以 回君 宿 先河 光中 通人

坤正 皖有東原揚有汪南皮長沙嶷二張君累著書百斯箱學貫天人參翺翔夙昔抗懷大道行春風化雨三千英胡 審銜其平生著書校,結都凡千餘卷至不可勝紀今著錄者十之四五而已夫人何氏機配張氏皆有賢行子四人; **賓朋來集涕縱橫際此生死安足論嗚呼君兮君兮穆愉以甯奮乎子孫濟美能傳經百世而下聞者莫不興** 菜裕武 氣渺沈淪龍蛇之蟄以存身憂鬱于中不得伸矧復蓼莪銜恤鮮民生莫年慨歎亡臣精壹病痿痺九載 裕潤克紹孝德世其家女二人孫男八人孫女四人某月某日鄰于某所之原銘曰 有八光緒 戊子科優貢生當選授江 浦縣教諭微辟經濟特科皆辭不就癸卯鄂撫端忠敏奏保內閣中 期 乾 吟

序四 善行於是風俗之薄刧運之興迄於無所底止若吾錫邑華耀廷先生庶幾有以矯之矣先生諱步照耀廷其字世 嗚呼埋學之澌滅於天下久矣世道衰微席豐履厚之家率以殖貨財廣田宅爲事而所以傳其子孫者有惡德 華耀廷先生墓誌 聯語以自惕故三十年託足公門遇有鼠牙雀角之爭無不片言立解云綜計先生善舉建造杠梁十餘座畚築石 者老僉稱之曰善人既以鄊飲正賓蔥而同郷京寮復於民國十年合詞公請於豫大總統特頒獎額日孝義 十餘里經募義振數達十餘萬餘如修輯宗譜捐置義田靡不見義勇爲顧夷考其平生則常在稱貨中於是邑撍 侯師卒先生迫於貧從事公門簿書然終身未當忘師訓也居恆懸汪龍莊先生苦心未必天終貧 知行 孝友純篤年十七遭洪楊亂奉親避難北郷以修脯所得供菽水資與季弟受業於邑之名孝廉侯楨侯師 東郷堠陽鎮清咸豐初徙東里之熙春橋曾祖諱文元妣蔣氏祖諱南祥妣張氏考諱秉智妣王氏生子五先生 一爲宗旨先生聞 道既蛋律己綦嚴其天性之善淬厲益深故能忍人之所不能忍而於世壹是無所 辣手須防人不堪 治理 而 争 居 無

行盱衡於民生之憔悴聖道之陵夷善人之不可得見不禁悄然以思悽然以泣記曰將爲善思貽父母令名必果斯 敢以爲請文治爰念先生之生也以壬寅而先大夫之生也以辛丑相距不過一年先生之歿也以壬戌而 則文治與堂所當互相勗 文宇者可以無矧夫文字之傳非淺學所敢輕擬而積善以求理學則先大夫夙夜諄諄以爲教者也茲者叙先生遺 棄養以甲子相距不過二年風木之悲文治與堂彼此同符痛乎鮮民之生街恤靡止矣宋歐子<u>日積善者有後託於</u> 孫男女若干人將以庚午冬月卜葬於縣城北鄉張繆舍附近之某阡其子堂欷歔來告曰吾父畢生正直表墓之文 月十五日生以壬戌九月二十六日卒享籌八十有一配張安人子二長寶善出嗣次堂當舉省議員樂道不仕女三 贈遐齡碩望壽區嗟乎此可以見三代直道之公而子孫之被其蔭者於是乎厚矣先生以道光二十二年壬寅十二 . 勉而共維先德於無窮者也 先大夫之

高老愚先生墓誌銘 戊辰

間浸長矢力於忠憲公主靜養氣之學丰裁嚴峻悃愊無塞言行交飭蓋恟恂君子人也授讀於鄉終日緣督無倦容 逐其 生行狀累見於陳氏澹然墓表王氏蘊登諡議錢氏基博家傳中而余復不能已於銘者則以令子文海孝思不 先生無錫人姓高諱汝璞字韞甫自號老愚鄕之人私諡曰孝慤爲忠憲公兄鳴陽先生十一世孫忠憲公以理 之內戲而不歎先生其知之矣家貧無以爲養乃遠遊而贛而蘇蓬飄二十年而孺子之慕未當一日去諸懷倦遊歸 儼然爲師表而 節著鳴陽先生以孝友稱世澤宗風由來舊已會祖諱琪妣秦氏祖諱鶴田妣華氏楊氏父諱光照妣顧氏繼張 請 也先生昆季三居次六歲喪母兄若弟俱黃世幼小能體父意以解憂年十二事繼母能鑑孝友愛異母弟無 出入庭聞告面定省色笑承懽抑復如孩提然禮曰儽威嚴恪非所以事親 也成人之道也又日閩門 匮爲 氏先 學

於許原之阡洎太君合葬時其子文海來請銘爰爲銘 六年卒子三文煥早卒文彬文海能世其家孫四振武振霄振新振滿曾孫二丙鈺丙炎於是年十二月二十一日 年八月三十日卒春秋六十有三疾革自述云到死保全遺體平生未有愧心此郷之人所爲諡孝慇歟太君後先生 君持門戶常綢繆未雨勤於教子而篤於任恤嗚呼刑于之化又可風矣先生以清咸豐五年八月初九日生民國六 有子日君子務本本立而道生余當謂本立即天下之大本道生即天下之達道鄭君以大本爲孝經豈 任同仁 先生有賢德先生自幼善病輒以數月太君謹湯藥且藉女紅黽勉有無不令先生知祸卒以瘳先生外出太 堂育嬰事保抱恩勤如己出頌聲遍鄕里顧先生從容謙謹自視常畓然此 百 推孝弟之道舉斯 心以 非然哉配 加 彼

宣聖有言孝爲德之本天經地義民之行疾痛慘怛呼吾親良知不昧夜氣存孝慇本原眞性情龍山之篚埋幽 金君鞏伯墓誌銘 丁卯 銘

之士靡不相與咨嗟太息或稱之爲法律家或稱之爲美術家余謂此二者君之餘事爾君蓋義俠君子人也其稱君 大理院刑 乞一言以銘其墓謹按君諱紹城字鞏伯浙江南潯人其曾祖諱某祖諱桐父諱燾世有潛德自君之歿也當世知 爲法律家者曰君自少讀律研究刑法博通中西譯述宏富光緒之季浙江沈子敦尚書聘爲編訂法例 余友金君鞏伯旣歿之期年其季弟紹基以書來請曰吾兄之喪將以今年冬月卜葬於先瑩先生知吾兄最深者敢 文有若考察各國監 歐洲列邦考查監獄前後年餘所著有若第八 科第三庭推事 獄報告書提要考察各國司法制度報告書提要有若各國司法 並 監造法庭工程處會辦法律館協修宣統二年法部派充美洲萬國監獄改良 、次萬國監獄協會報告書提要第八次萬國監獄會報告原 制度十 Ŧī. 判 **, 監獄調** 館 會代 編修奏補 本

SCHOOL SECTION

卉與 爭當是時直聲震天下余與君相見十數次必談論道德時湖南旗 經指 之餘事何哉蓋攷事必闡其德而論人宜表其徽君之始出在光緒三十一 為天下慟者也君以 巾 Ш 一開藩開 見深相契委任爲公廨襄讞時有專省宦婦黎王氏者西 範 Щ 君 中 -年以後: 事課 各國 生 谷 授 水 琢 其 課 刻效 無 匾額受天百祿春條以給事而邀殊榮洵異數也比年君又創辦中國董學研究會集思廣益踵門 風 宴 崎嶇巓厓峁箻余阻之行君愀然曰士固伸於知己熊先生背嘗知我今稍稍失意可退 餘 俠 余 習書 於握管點染丹青深夜不輟潯鎭搚紳收藏素富偶假古人卷册臨事無不心領神會其留學英國 監 土物植包孕瑰 骨 不卓然成家而 見君 熱腸 化像 古詞章之學聞皇日隆所著有若藕 能世其家銘 如故 制 無 奥 度譯略十八 調 、聊視同 ()仲季 休沐 光緒戊寅年九 和 新 娳 中日書畫聯合展覧會亦賴 瑋 B 莅 。雖皆藐然少年愈不自得病機之伏蓋原於此嗚呼可哀也已方今世變日 出遊凡經博物院美術館輙流連不置畢業囘圖紆 弟侍側周旋寒燠出入扶持應對唯俞惟謹乃嘆君之學行根於天性本立道 一發之於縑楮間研精縋深學以大進官京曹時退食之暇與王公親貴名流 压 國游 幾 納 月某日生以 民於軌 記等書美矣備矣允宜採諸實行者矣其 物 m 廬香草有若北堂設置藉然有北金南 人 民國十五年七月三十日卒享年 心 君以 世 道 捕以其多撈婢女誣爲鬻販人口 成立令聞爛 乃 能漸致於中 **秉三先生督辦陝西長延** 然傳諸國史豈 和君體 年比時湖南袁海觀 称 道美法諸邦縱覧名山 君爲美術 用 四十有九葬於某鄉 純全而 **不偉歟** 顧 心之稱宜 家者曰君 徒費 一縣煤油 速 **巡避險阻** 令 制 顧 付 Ħ 志以 是二者余以 統 生有夙 方握 礦 獄 時 关 新正 當 殁 耶 務 君 之某阡有子 生有]| 某日 調 以 上海 清益 御 碩 呝 去就力 彦研 奇葩 慧幼 哹 顙 君 賜 终 道篆 爲君 页 主其 有 曲 君 此 求

君伯圭墓誌銘

吾郷自: 擊所謂夫日志有所至也事繼妣周太夫人恪盡孝道而周太夫人亦視君如已出一門雍雍無間然幼頴慧小坡稚 六日生方其生也聞太夫人卽於是日卒君自有知識後引爲終身之戚每屆懸弧之辰恆悒悒不樂蓋其秉 小坡五品銜分部主事常州府學教授姚季氏考諱榮第號稚奎太常寺博士妣聞氏繼妣周氏君於同治 有合於老成之典型爲君諱聘璜字渭臣號伯圭太倉鎭洋縣人曾祖諱經號芝田曆事府主簿妣某氏|恂恂束身自好內行循謹務實崇文無有軼乎禮法之外者君子之澤豈不久且遠哉以余所見同郷顧| **堇其事**宣 以上若不 意泊如也初居邑之浮橋鎭瀬海偏僻旋於光緒三十一年卜居邑城武陵橋東復於宅後闢地數弓構屋兩楹顏曰 學官弟子員二十四年歲試列前茅調考南菁書院踰年食廩鎮一時名士尚詞華 奎兩公先後親授之讀離經辨志識者已知非凡品矣迨出應郡試始就外傅文理斐然益有聲於時光緒十三年補 者素器君委充簿備自治所所長及水利委員君皆謝不就甲寅舉商會副會長又舉款產處經理已未舉催 植嘉樹室栽花藝菜蘭詠 濟主任均以桑梓之務誼 陸 統 知世事之蝴螗也顧邑中乏幹濟才輒欲强君出光緒三十一年吾鄉創設會議公所爲自 陳 元年改設 汇盛四先生提倡道學砥礪修名一時風氣純 縣公產經理處仍舉君爲經理農 不 其中間則購書畫春秋佳日與二三同志煑茗品評或臨池讀書逍遙容與 獲辭 勉任厥職旋復辭去然君性固廉介又精遂算數勾稽出納 會成立學君爲會長嗣以 樸敦龐號爲極盛遞攬至二百年後庠序之士亦 病體 譚時務爭相角逐而君澹於榮 不勝 繊細 煩 劇 不 先 恍 治 後 然置身 權奥 젪 辭 君 諱承 伯 四年九月 去 (君被 舜 圭蓋 而 忠 之肫 局 利

世曷禁百感之交禁也爰爲銘曰 綺字同邑陸元浩將以丁卯年某月某日葬於本邑五都四圖露字圩之原余於庚寅歲自津門歸里會君與頌韓李 先卒俞氏賢而有子途告於宗族繼爲正室子一光鐸謹厚能世其家女三長文絅適邑庠生蔣恩鑑次文穀殤三文 瀛弱早歲得咯血證經人事變遷中心鬱伊晚年益劇以丙寅七月十四日卒享年六十有二配聞氏簉室俞氏聞氏 子有文社之約謬推評院其首列者即君也自是識君名迄今蓋三十餘年矣念考槃之舊友嘆獨寐而寤言俯仰身 恤貧乏又視其力之所至不稍吝惜平居家諛常以宅心忠厚力戒邁薄爲宗旨嗚呼此 君於丁未歲詳加校刋踰年始告嚴其勤於掌故又如此君律身以謹治家以勤交友以誠自奉儉約而 人士皆以君之高尚其事爲可惜也吾 鄉 志乘自王蘭 泉先生 棄輯 後 閱時旣久舊聞放失吾師王文貞公修 非得老成之典型者耶 周 塘 親 而 位素 族 成

旃蒙首紀極目烽烟雷吼藺石林簇戈疑琡奪于貨比戶相連至君之門再踣而顯良善獲報祐之自天胡踰 耗俄傳弇山雲黯婁水 淚連敬勗後人永嗣君賢

載

雅

俞鳳寶墓碑銘 庚午

戊申畢業得醫學博士供職同仁醫院辛亥政變組織救護隊偕弟慶垚赴南京浦口諸戰地救死扶傷艱辛備奢越 姊 以太倉州試第一人入泮精中西文充電報學堂監督三十餘年平生耿直淸廉崇尙氣節不阿權貴妣顧夫人 **表甥鳳袞博士姓俞氏諱慶恩汇蘇太倉人祖諱廷鸞字序聯淸道光甲午舉人嗣考諱檠祥本生考諱書祥** 就傳蘇州五畝園年十四肄業上海聖約翰大學家人往探問之必涕泣思親不置其純孝之情已過人違矣光 也 一、耽審史工吟咏篇嗜同椰吳梅村先生詩集背誦 無遺 · 才榦明敏教子女慈而嚴鳳賓自幼天性孝弟聰慧端莊 字隸雲 余表

性剛肝鬱痼疾本不可療然調和數年微子之力不及此子其毋滅性自是鳳賓猛敦孔懷誼賢送乃弟慶垚妹慶棠 必詳以周每值盛界穢氣蒸爍或嚴寒丙夜起冒風雪造病者家迄無倦怠余當謂之曰俞者愈也宜子治病之立愈 幾不欲生余握手慰之曰嗚呼八萬里遊子初歸何以堪此然尙得親承色笑雖爲日無多亦天之所以佑孝子也子 醫心之病夫醫 乃二百餘年風 願太倉崑山兩邑當有明之季陸桴亭顧亭林諸大儒出間氣所鍾人才蔚起維時抱道守藝專門名家者不可彈數 適氽 之志嗚呼近世淺媕之徒方且掃除本國文化標新領異以爲名高聞鳳賓之言可以內媿而 卷而深味之相依若性命然於是刻太崐先哲遠書二十餘種臨歿猶屬其家人曰吾死後子孫有賢者必繼吾刻 鳳賓肅然對日恐不能用心爾其畓然不自滿如此又越數年其尊人隸雲君忠中風疾展轉牀夢閱數寒暑鳳寶 伊 亦 常取先哲人格以爲標準或諷道其嘉言懿行俾志氣高尙庶可成有用之才吾醫士也人但知醫身之病而 美各 維護當病大作時衣不解帶者恆雜旬戌午歲隸雲君卒鳳賓哀毀呼天不能自已余叉握手慰之日嗚呼奪公 《滅性旣卒哭出診名醫之稱已遍海內時余掌上海南洋大學敦聘兼校醫職鳳賓視人疾 詩以 峇 姑唐太夫 所 一段堂 國留學先後學成歸 訡 (流歇絕遺著零落有於焉無復知者鳳賓慨 疾資赴 上蓋其孝親之念無一日去懷也又越三年得公衆衞生學博士學位及熱帶病學專修證書歸 心有道證先哲書而 人先卒鳳賓流涕對余曰吾不得見外祖母矣依依作孺子慕乃甫而月母氏顧 新大 陸 國而 入 本雪 已迺搜集鄉先賢各書都凡二百餘種未經刊刻者 心力交瘁矣然鳳賓所以大過人者不僅入孝出弟之常經尤在守先待後之宏 文義大學專修內 科診断 然曰世變至今日亟矣國學淪胥人心陷溺凡知自愛者 |熱帶病及公衆衛生學每當課 數十種實則庋藏之夜 目 徐蝦 如己疾參九藏之動 夫人病歿鳳賓 反矣不幸忠心 日蚊 值 4 一大慟 維 則

岩原工造と食ご言語・

妻徐夫人同里徐抱仙先生第三女有賢德子五鼎文煥文松文沛文佾文女三錦文秀文鋤文孫二永章平章將以 中醫亦不可得嗚呼痛矣夫鳳寅以清光緒十一年六月二十八日生以民國十九年十二月四日卒享年四十有六 **也民胞物與之量應幾具體而微獨恨夫叔季之人情多與善人爲仇而晚近之天道亦頗與善人相阨雖求其達于** 令鳳蜜克已以恕與人以忠如是其仁也學該今古藝貫中西如是其精而博也德性溫**厚與世無爭如是其和而平** 普聞古之仁人與萬物爲一體其視天下之疾苦猶一已之疾苦視天下之毀傷若一身之毀傷是之謂胞與而大同 學名詞五十年之中國衞生醫學論文及雜文共數十篇又與顏君惠慶同譯之書曰英華大辭典可謂夥矣嗟乎余 義學校衞生要旨個人衞生篇性愁衞生篇肺痨康復法衞生囊話共五集健康學生理衞生教育法衞生要義細菌 **會委員南京衛生部中央衛生委員會委員中國紅十字會總醫院特約醫師等所著書日嬰兒保育法學校衛生講** 猶手不釋卷綿惙數月遂卒綜其平生所 任事爲約翰大學醫科教授中央大學醫學院教授上海市政府建設 討

アスタボード・ハイハー・1970

爲曲直淚引河澗之浪浪 制鼠跳而縛狙蹑運神斤與鬼斧軒岐贊歎而徬徨胡立孝參鉤命決上帝遽筮乎巫陽嗚呼閶鶥九重不可望吾其 際乾坤之雺圞萬怪惶惑而披猖坐墨胎於塗炭掃泰嶧如粃糠宰吾甥之崛起徽柔忞慎以扶綢常合佉盧於倉史

祖與先大夫遺稿尤可感也爰爲銘曰

民國二十年四月卜葬于某鄉之原其家人來請銘余深有恫於中蓋鳳賓對于余家愛護無徵不至而其刑刻先高

李胞與先生墓誌銘

《世運富墋黷渾濁之會民生顯連憔悴以哀籲天則必有善人維持于其間以保乾坤之善氣此易所謂碩果不食

校上が上しまれている日

滿君肖甫墓誌銘 維先生培養德旣踐迹亦入室訓子孫爲法式師子輿擴仁術致良知道本一心理同萬方治庶有瘳善吾國 及天津浙江 月以狀屬溧 二十日以 適徐祖蔭次適陳 行之毋懈 民國十九年二月十三日卒享年七十有五德配葉夫人勤儉以和上事下撫井然秩然子二晉授 **噫先生以經商起家而** 旅津 陽周 冠璋孫男一順祥孫女二順秀順英晉綬善承先志籌辦南開大學鑛業專科主持擴 辛未 君敬甫永請銘余深惟邇來世道人心必以提倡善行爲先務之急先生善人也其奚敢 公學規畫周詳可謂孝矣而晉于近年又爲陝振會副會長振恤災黎殫精不倦于先生旣歿後 工具言行有過于士大夫者豈非其好善之出于天性數 先生 生于 清 咸 充中國大學 丙 女二長 辰

卹局 德幼而聴慧年十六遭粵匪難右肩爲賊斫暈而蘇後無恙隨父避江北行筬中惟携家譜轉徒流離途失學亂定還 之季歲薦饑當積穀萬石輸實戶不取値叉出數千金代貧戶納稅一鄕之民感其德考諱希鄧精易理通醫學形勝 術好善不息湖北京口鎮 蕭君肖甫旣歿之三十七年其季子景翹余及門弟子也踵門來請曰昔伯晧題有道之碑永叔誌致薨之墓吾父績 福七者始自武進蕭巷任 學勵行抑 三裕後昆 山妻某氏亦被人誘寶嫁長興農民旋家破無依為訴之官關提給領一家得完聚洪楊役後瘡痍滿 棲流 所董理地方兩次募集萬金建復城塘橋閃溪橋二橋者宜荆壇溧要衝也其先德博厚 者見其淵源有自以診來學謹按君姓蕭氏諱書白肖甫其字攷其先世遺德足以焜耀 塞不遇賣志以終沒世之名非先生誰與傳敵頓首以請余深嘉其孝行誼不得辭爰述 一本府教授愛宜興山水遷居其邑上富里十九傳而至君其會祖諱得功祖諱節 趙世寬妻某氏暨子蒙喜爲人掠賣帳 轉至宜爲贖其子資遣還籍趙祀得不絕又客氓馬 君所以 家乘元末遠 如 此 目則又設撫 君旣席 機 達當嘉慶 志述事 궲

翁君佩孚墓誌銘 者維艱食報者無窮糞比戶之諭曉俾人心可發蒙嗚呼善人吾不得而見曷緬懷先進之遺風 宜荊之山崛锋蒼翠佳 |氣盤蔥人文挺秀維君不嗜聲華能庸言庸行之自守醫善國之良樂在强爲善以成功創

曾祖諱洪慶祖諱永昌 丁卯季秋之月及門翁以觀以丁父艱匍匐持行狀乞余爲銘善哉孝子之爲心也按君諱振銘字佩孚江蘇武 九 潘吉甫朱雲隆 諸 君之門年十七補博士弟子員是時朱君雪脞官臺諫聘君課其子弟設帳六年 考諱淦君生而枝嶷 八歲能 詩尤喜讀四子書背誦 無遺先後受業於本 鄉薛 沛之趙審 即以師

古の主とことに言言

卷八

君曰 文自闢町畦卓然成陽湖派與桐城派合轍君蓋得其流風餘韻矣光緒末葉君掌本邑正則小學獨任巨貲不檿公 稍息讀書多心得爲文操筆立就顧不欲留葉壯歲迄晚年如一日在昔乾嘉之際吾蘇惲子居張皋文諸先生治古 家村祖瑩之側 集立可以觀能 錦繡之富聞君之風知所愧己君於同治七年正月二十七日生丁卯七月三日卒享年六十配莊氏機孫氏子五爲 度足以敗家苦樂在 意者則溫言慰藉周急惟恐不逮自奉極嗇非祭祀賓客食不踰二簋一羊裘御數十冬語 正之本君其 工其家君淡於名利不屑層習舉業實慨然日制 毎 袖 格致誠正修齊治平之道舍六經安所謂明體達用者易曰蒙以養正聖功也有子曰君子務本本立而 課卷歸 、知之矣教育十餘年從遊日衆齋不能容聲氣之感有如此 篝燈 銘 均能世其德長女煒適同邑陸元昌次萃未字孫二孫女二以丁卯某月某日葬於定西郷姚家橋余 評閱朱墨爛然至午夜無倦旋關校舍易名明志蓋承先德志也校中特設讀 心不在物嗚呼今觀撼曲之子心存勢利模榜結納日事豪華以肥已者瘠人侈然自 義獲 取功名非真學問 心益 者性嚴峻 一曆揅經史子學博 遇世俗顯官若將: 家人日物力有限享用無 攻翠書焚膏繼 經 浼 科 爲 或目為迂闊 戚友 暴其 道 生養 有失

四子六經廢不讀君獨 潛 心 玩而熟俯仰千秋恶薄俗怡情金鼎摩石索美哉荀氏八龍續山 高水長

盧君錦堂墓碑

銘 辛未

姓盧氏諱正衡字錦堂晚號遜叟先世居福建汀州府永定縣以耕讀 衡中學之美 一政時常提倡商業道德以爲必商人而有儒者之詣乃可以樹之風聲而戰勝於商界比年來數 心竊敬之辛未秋及門張生文湛手盧君行狀來 諦碑 銘然後 經商世其家爲閩望族骨祖諱 知君成人作士之德固 椰之人 有

含成病 聞矣如君者洵可以風世哉君生于清咸豐八年戊午三月二十七日以民國十九年八月二十六日卒春秋七十 中興名臣功名赫弈究其實際皆鄉黨忠敬篤實之君子也汝曹宜知所法嗚呼近代以來砥行勵 當春秋佳日必力疾蒞校攷諸生成績吶屆畢業扶持親臨蓋君視 于瑾懷莊 常手先朝中興名臣事略不釋卷居恆教其子曰士君子窮達不可知而立身要有根 爲之無稍 先而大本之不容不講也既遺厥子赴美遊學即于本邑東下塘鳥衣橋畔獨力營中 小而慎微儒 君護諾積數 然流涕金太夫人教子有法度屬君業志成錢肆歲入較豐迺勗之曰吾事針黹茹苦可度日汝父有夙逋 友廉潔事 君幼端挺六 逐江 一也先後延君經理君以金融爲商務之樞紐而信義尤爲金融之根源于是夙興夜寐業業兢兢手訂規 而于公私 稍 稍 百俞孟 倦怠而 母金太夫人惟謹先意承志數十年護堂無鬱拂母卒哀毀逾恆誦曾子子欲養而親不在之語未嘗不 润 痊 者之行也君其兼之矣故雖遭家不造身歷坎坷然于建宗公嗣修遠顧墓舉火政散義振皆殫精 界限辨析秋毫雖子弟一飯不糜公家辛亥世變公司危而復安皆君之力嗚呼孝也廉 年債畢價背父執休助醫藥喪葬之資無契約可稽者也蔚豐錢肆與和慎銀公司者邑紳翁氏惲氏所 歲隨父避亂江北掴港促邵君湘秋讀絕聰穎迨父歿蕭然環堵不能終衆遂習商非君 進營菸業遂家焉祖諱映輝 方訓 巡派承諸! 其平生所注意者尤在與學自歐風 其子曰校 君董其事開校之日蹌濟一堂君款款熟熟所以開示諸生者至誠愷悌意盗于辭 由我建賣由我盧氏始終到之即以 考諱 詩書習儒工書遺洪楊亂襲 東漸科學渤 我之名名校示世世子孫毋忘延孟 興天演競爭在于無形之際君維世 諸生如子弟而 轉 **化離卒年未及强仕時** 諸 生親 本本立則在朝在野一以實之 學一所甫鳩工而 君 如 家 名之說次乎不復 畏 志也 君 也 也忠也誠也謹 心 君病矣迨 界智力之是 方 君 **心程信賞**必 史錢 汝其毋忘 君 + 雅 好 嗣 文學 後 琳 堨 故

國際 書館主任祖詒美國麻省理工大學碩士南開大學電機工程學主任祖謀上海交通大學理學士任職 新 阡 無 汪 張生文湛與盧氏昆季交誼素篤故來乞余爲銘余不獲辭爰爲銘曰 綫 氏 繼 恺台女三孫三錫疇錫鍉錫康孫女三民國二十年十月十五日鄰于循理郷三十四都四團 配 江氏叉繼配 江氏又 繼 配 徐氏子三祖 隆畢 業于前! 農 商 部 地 質研究 所 歷 充 原 部 技 韴 真茹交通 及 丁溝邨之北 陳 列 館 部

値 君子曰是蓋圭 公之相期矧明倫以弼教數干戈而敦詩書恆旼旼而穆穆晉道德之訓辭其精神魂魄之所寄惟孝弟忠信之良規 衙 璋之質松柏之姿後之拜斯墓者尚其矜式于茲 閱閱之師資惟儉勤之是淬常皎潔以自持痛鮮民之銜恤誦蓼莪而悽悲云祭豐不如養薄宋崇

過君智修振災死事碑銘

庚午

于 勝 己已歲陜豫大旱赤地千里哀鴻嗷嗷遍乎中澤老羸婦孺輾轉溝壑道殣相望申錫紅卍字兩會號于衆曰慘狀 潘 施善人其何 魂乎千里之外嗚呼悲夫藉 蹲往 |君靖宇遄往十二月抵鄭設粥廠收養飢民奔走陝州靈寶間雪往柳來飢寒顯踣極人間勞瘁不敢辭 數 君君又曰諾六月復 賴 迄庚午夏振 振炎無 (波之劉 如哉茫茫氣數 錫過君智修挺然應曰諾蓋君故經商鄭州稔知地方情形者爰于是年十月偕沈 君劍菲 務告竣將歸 選糧 潘 走陜州不意道病災區乏醫藥病益劇將返鄭遠以六月十八日客死于洛陽之明義族 掻 使 君 君而 矣當是時戰 |首問天蓋不可得而測矣君諱士鈞卒年三十有七母氏蔣妻氏王有子日隆梧 靖宇沈君雅 歸也或可不病病而得良醫藥或可不死而今之死則痛深而 卿爲之殯殮旅概凄凉曾無親屬視舍噩耗傳來老母寡婦哭望天涯招 霧亘天戈雞滿地同 胞藻析 離居目不忍覩有惠生社 **惛絕也造物者報** 君 雅 卿 全活 賑事 耿 君 亟請 不 衡 व 甫

士當必有以慰君之靈余深維晚近人心陷溺如君之勇于好義以身殉振其情可悲而其事可風世也爰書之以鑄 歲女二長 才 四 歲 幼 倘 在 襁 褓 中賃屋于錫邑東河頭 巷孤苦零丁且君之盥淹留異地 尚未 能歸 葬於先 **坐同** 志之

諸碑且爲銘日

萬方多雖六合雲屯龍戰蛇門於鄭之門萇楚沃沃苕華青青血飛骨糜民怨厥生三代樂善聿惟過君出入戎馬 精經營胡天不淑嬪疾遠摟洛陽旅邸風雨孤魂鬼神感泣草木凄清嗚呼過君天道甯論靈兮歸來千秋令名 平未 殫

君姓王 **整督君又慨然曰余不遑暇食也爲之飦雠餺飥以周之凡茲見義勇爲莫非孝道所由推原夫孝經之義無所不包** 當慨然自輸金六百以爲倡曰余不忍已獨溫飽也於是應募者踵相接癸丑七月凇滬軍事卒興避難者營集乏食 以四閱月募款督工歲其事邑令釐定車捐君抗議曰吾以利交通不忍衣裋褐者加重貧議途寢頻年各省災祲君 消防商會電廠及舊有濬河建橋築路諸工程勞勩三十年厥功其偉寶山縣道自大場賞彭浦 **基**月而第 考諱美東始遷大場君幼頴悟長業商事親怡怡光緒庚辰丁父憂君以父畢生頓 王君靄亭墓碣 下霑襟而 流 小之日用尋常大之天地民物君祖 長豈弟之懷發爲事業大感則大應小感則小 氏諱式金字霧亭江蘇賽山縣大場人先世居邑之陳行守耕讀曾祖諱聖謨能繼父志以孝行聞 母唐太夫人治家尚嚴年踰八十猶陷隨緣督其子孫君常先意承志弗懈當選舉爲大場學務所 小學成越三年而第二小學成儉寒子弟就學得所前邑令王德庚君多君賢且才委以 若父夙有萬石風而君事亡事存養生喪祭尤能 應人皆知君之僶勉於社會者爲難 体未 能庸 曲 穫 致 JŁ. 蘇養抱恨終 誆 知閨門之內 誠 達 根大者枝 開北 鄊 天時享 長十八里君 自治凡善堂 袓 茂 襄 諱 源 理不 殿 邦 泣

卷八

Ī

素也君 二月鄰於賽邑大場鄉 配汁夫人後君一歲卒子四應淵 黎原之阡二十年 夏五應淵等具狀清碣爰書其德以 應源應沂應游女五 適林孔梅浦張 孫 九竹孫六既於民國 六年 Ť 卯

弱冠補 先生姓 辰辛己! 復滿 張四出侵掠先生奉親避富陽山中中途丁父憂賊且大至先生哀痛覓父書掖母周太夫人行一日猝遇賊 張子虞先生墓表 生裹創以肩背承母三日疾行數百里卒免大難易曰君子維有解有学於小人豈非純孝至誠之所格哉未幾杭 矯健善超避怒甚躍馬奮長矛刺傷腕仆地執先生母詢所從米噤不能答道檢視所負書嘆日此孝子也舍之去先 歷充國史館 登賢書主試者南皮張公孝達同榜者許竹貧烹爽秋譚復堂陶子方皆名宿成大業者顧先生屢困禮部試 稍涉浮夸先生甄拔 署蘇州府末牛戟奉丹 開分 目 國指遠乞假 瘡 一張氏諱預字子處浙江錢塘人世居杭州上泗鄕考諱道邑庠生博洽多聞有聲於時先生幼岐嶷能讀 博士弟子員從全椒薛慰農先生游文思益進苕發泉滂咸豐辛酉中拔萃榜當是時粵寇再陷杭城 校 間 毎 與 痍蔣 修 雞 會典館功 鴻起 继 鄰泉方伯 輔 甲戌 鮱 樸學崇尚 主講 内 通志癸未成進士殿試原定一甲厄於徐蔭軒相 「臣館纂修協修本衙門撰文清秘堂總辦戊子鄉試已丑會試同考官所得多知名士嘗日吾 夜宿 諱去官先生以文學侍從之臣體用兼賅敭歷中外倘得竟其用封圻重任獨當一面 求賢亟先生走謁條陳撫循士庶蠲免賦稅二事爲救民之本蔣建之辟爲幕僚同 敷 文書院丁酉以保送知府分發江蘇己亥補 無 (寸暑暇) 禮 教屏供張 懼 負考試 祛積弊正學重光會胡遺風賴以不墜任滿 諸君 也 庚寅教智 **庶吉士辛卯** 國一言降列二甲改庶吉士丙戌散館 松江府在松三年政 諗 督學湖 來者 後 轲 駸 湘 通 駸 省自 民和耆艾歌詠 大用矣顧 4 興 後 以 人 光緒 文蔚 治 見 m 授 焻 丁卯 先 突 旋

調勉如 己秋在邸抄中讀先生奏報疏嘆曰吾師可謂文武兼之矣惜今茲稿佚故人鮮稱道之者先生生於道光二十年 曰子鄉試閘墨爲左文襄公所激賞許公星叔嘗爲我言之此次薦而不售由我補薦過運憾何如矣庚寅載謁先 先生己丑春明所得士挑取謄錄檢視落卷評語有淹貫諸子百家皆騰躍而出其腕下可稱雄博云云爱往謁先生 繼配吳夫人子鴻禮湖北知縣項夫人出女鵵宜吳夫人出適同邑朱士振孫元珪文雅英發無幾克世其家文治爲 子某月某日宣統二年庚戌某月某日卒春秋七十有一所著有崇蘭堂文稿二卷駢文二卷詩集若干卷配項夫人 **陣令知府督民壯巡街懸重賞殺賊便宜行事賊偵知有備失勢以走民慶無事蓋先生智勇周故膽略勝文治於癸** 會匪犯邵陽先生按臨實慶探諜走報寇氛日迫顧請拨已不及乃與府縣聲籍紳魏公鑄守繫之策先生與魏公登 墓用抒知己之感云 無時或釋於懷也甲戌夏其文孫元珪來以行狀見示距先生之歿蓋已二十五年矣亟序而書之傳補表於先生之 爲蔣果毅所器賞而維時若李文忠若李勤恪若譚文勤諸公亦皆以安車蒲輪迓先生恐後方其督湘學時也洪江 志是秋逑攖末疾卒朝野上下相與嗟嘆謂國家失一名臣藝林少一通儒蓋浙江自王文成讚學以來一 師黃元同劉藝蘭二先生並稱宿學聲名鵲起其所爲詩文刋入精舍三集中而先生兼精研經世之學講求武 山楊園再變而爲梨洲實齋泊阮文達督浙倡設詁經精舍厥後俞曲園先生主之咸同之間先生當肄業其中與先 先生手筆丁未南皮張公奏調赴鄂辦建存古學堂旋張公內召繼任者留充督署文案庚戌豐潤張公聘修江蘇通 乃甫起旋躓豈造物 昔沆瀣倍增壬辰文治捷南宫先生在湘嗣後音問疏關丁未奉諱僑居海上竟未知先生踪跡然耿耿私 者有以阨之悲夫悲夫服闋後寶慶魏公督兩江延先生總辦學務處保升道員章程條例 變而 庚 故

林燮軒先生墓表 癸酉

慈者救世之大寶也安得仁慈如先生者救天下之倒懸哉昔平湖陸清獻公爲邑宰毎朔望屬諸生講四書大義 勿歸 八十三矣先生將乞養太夫人遺書教之曰吾年雖髦而體尙健知縣親民之官願汝修德行仁澤逮黎庶吾願足矣 īΕ 祀 權靑陽光 先生姓林 人嗚呼可以見三代之人心矣先生文行上官夙敬之郷聞輒得分校乙亥亞魁丙子壬午解首皆出其門 正課醫產價不足大更撤追嚴邑紳民相與謀曰賢牧令爲民所累其可坐視爭醵金代價得還 日吾得賢牧令矣先生益務 此先後服 躬 一姓獨 家屢躓童子試年三十八始補博士弟子咸豐己未登亞魁同治乙丑成進士以即 有如此 通 長 物 先生途之皖横篆望江富是時兵燹初定元氣未蘇下車伊始絕苞苴鋤豪猾理寃振滯撫卹瘡痍邑民走 翻 行先生爲治亦然集士子一堂考德課業親若家庭無敢干以私者顧淸獻有松陽講義治嘉 越 非 節 製力 緒 者嗚呼自坐循吏之選愛民愛士而己愛民者如保赤子顧赤子之痛苦悲啼父母恆嫗煦之爲其一 官十餘年三宰望江一臨靑陽所至壹意撫字不便於民者掃除更張不憚大吏引疾歸 氏諱調陽榜名秋奇字燮軒福建長樂縣人考諱某生子四先生其季也幼孝弟敬恭從長兄學爲文自 介 年卒望江之民交走巷哭設位遙祭王守珠者感雪冤恩聞赴奔喪廬幕三 體乎至於怨憤號呼長民者恆讎視之或且斬艾之生民憔悴於茲極矣道德經曰天將殺之以慈衞之 人道地資二千金爲馨先生怒峻卻之後爲同官某羅 **壬午復知望江邑大水縣北數十圩悉被衝決先生為植堤冒風雪巡畚築踰年圩工訖事民** 、本動農 修建來優書院化龍橋方公堤劉猛將軍廟百廢舉歐丁卯歲饑籲 致夤緣躋顯秩人笑先生愚而 用知縣分發安徽時 載其餘跋 任丁太夫 遺績 涉哭靈者數 行 弗 李蕭然圖 顧 也 减 人憂起 太夫 其 某 建 征 生酮以 嚴 頭 譴 體也 殺 官子 砥

馬公雲亭神道碑銘 壬申

兄福壽同遊武庠鄕黨以爲榮韓太夫人獨不懌曰挽萬石曷若通一經公悚然折節讀書蓋 公姓馬氏諱福祥字雲亭世居甘廟河州韓家集陽窪山考諱某妣氏韓昆季四人公居季孝友出天性年十七與叔 生平出入戎行垂四十年登以和平爱民為主旨庚子之役各國聯軍薄京師公先時駐兵翦州至是偕仲兄福祿 鏿旋簡西甯總兵其在西甯也當調處達賴喇嘛與阿嘉呼圖克圖爭鬭弭患無形嗣調巡防統領駐 牌守仲飲彈殞 匪 勢張 甚公單 緑 陣前公力戰奪囘城棲茹痛統仲兄衆旋隨扈西安宿衞宮禁積功以提督記名歷任莊濮 入匪營宣諭德意亂遂已論者謂郭子儀退回紇不是過云辛亥國變公以所部 文武兼資權 昭武 省垣 軍 一時洗屬 靖遠各協 奥 扞衡甘省 此 登

ACTALIC DANS COMB

十日鄰于北平阜成門外三里河之阡友人太倉唐文治特紀其神道之碑曰 卒于琉璃河途次於是所部將校兵士逮蒙囘族衆聞赴咸奔走巷哭政府**護悼特贈五千元遣員致祭遂以**八月1 抵于是達賴貢忱中央班禪委贊展觀公之力也二十一年春心臟病作辭職六月赴漢口因疾革遄返北平寮 興革實視民意為依歸閱七月復調任蒙藏委員會委員長公故熟諳西北邊事益殫精竭思淬鷹教育以樹大同 常薄己而厚人敦本閩 狼等寇掃穴擒渠民慶安堵建生祠報功十年調任綏遠都統至則餉糈奇絀掃地赤立公以所部皆故鄉子弟給餉 二年改任奪夏將軍兼護軍使其在甯夏也籌旗民生計禁煙苗濬河渠卹篾灾輯道志百廢舉廞復命子 盟鴟張響應公適由青海辦事長官阿爾泰護軍使移鎖甯夏設計誘擒之大難底定包頭五原編氓立碑 比時人心浮動官與官爭紳與官爭公苦心調協民賴乂安是年十月庫倫獨立蒙兵南犯活佛王德呢瑪 南下受任爲軍 工潮澎湃公與 事委員會委員北平開封政治分會委員等職國府深倚重之十八年復任青島市長方是時值紗廠 日領事訂信約召集華洋廠主及衆職工悃款勸導途復業事平越歲復調任安徽省政府主席 、宋整吏治勸工商擴農墾撫蒙旗幾蒸蒸乎上理矣復改任西北邊防會辦又督辦航 鴻逵剿白 紀 率 心空辞職 德民 治竟 凡所

詩嘆日 叉傳聞告醫矣血氣之倫靡不切齒闘功爭欲致死於寇公愴懷國豐迄不得施昔宋宗忠簡志在滅金臨歿時誦 乃僅于西北偏陲小試其能而天性誠態不憚艱屯更世多難排患衡平劍屨鞅掌顧踣恐後致殞其生是以 昔成周中興文武吉甫萬邦爲憲車攻徂東軍威震疊詩人詠勸傳爲美談公以崧生嶽降之姿其才厥德詎 才論之可爲痛 出師未捷身先死長使英雄淚滿襟於時風雨畫晦大呼渡河者三後人讀史憑弔歉歔爲之酹泣公之遺志 ů 流 涕者也扶桑啓釁由瀋侵吉黑奪錦州巍楡關犯熱河偵河北內外蒙疆天險皆岌岌邇者四 公國家人 近後申甫

證擋著國鑑軍箴成書郵公是正公喜甚先後爲序許爲救國救人之言並將國鑑中短篇格言錄作座銘先以克已 澤公之遇不爲不嗇虖乎此非人之所能爲也皆天也當爲天下慟者也公生於清先緒二年正月十日以民國二十 誼論之更可爲痛心流涕者也虖乎天之待公不爲不豐而公之才實未竟其用公之德至厚且隆而民未得獨被其 爲治平之本篇書以見际乃墨蹟猶新而人琴遽杳虖乎藉令公請學名山摩義漸仁風紀必爲之丕變是以學術交 格言匡翼世教前數年文治因溧陽周仁壽君紹介與公訂交公貽凊眞指南要言大化總歸四典要會諸書虛已質 有磨盾餘墨蒙藏狀況先哲言行類鈔叉復究心經典天方五功精顰靡問刊印性理典禮諸書無慮數十種且廣刊 鄂魯若察綏各淸眞學校莫不依助成之惟以品行道德誼訓學者平居教訓子弟條列家法問越積善箴規所著書 肆家騏家駿竊維公樂善施惠源遠流長必當大昌厥後云銘曰 敗至今而極淺假而害及人心公之平生興學爲急蘭河兩州多獨立創設之校轍迹所至若京滬若平津若皖浙若 一年八月十九日卒春秋五十有七德配某氏繼配某氏長子鴻逵爲軍長仲子鴻炳孫敦厚敦靜敦仁敦炎曾孫家 簡將毋同倘天假之年壯猷丕著恢復殊勳必可成于一旦是以國難情勢論之尤可爲痛 心流涕者 也學

國恤拯吾黎民顯揚遺烈千秋令名

騰黑眚翠蔽

飛

鳥

維公之教清眞是宗維公之學道德是崇允文允武克孝克忠胡天不弔遠罹鞠凶國運杌隉外侮憑陵蚩旗煽毒海

凶晉公懷義憤夙夕呻吟悒不克伸遠恨九京告公無恨德在子孫繼志述事帶甲厲兵舒吾

王君受尹慕誌銘 壬申

トロダンシュアンミラニニ三角

崑山王君受尹旣殁之四年其子鍾懿以書來告曰伏以先生與先君有一日之雅先君在日亦數稱太倉唐先生者

十 八 世人混濁君獨清世運禁亂君獨甯玉峯縹緲樹青青鐫石埋辞永君名 秋五十有六德配繆氏子三鍾懿鍾恩鍾恣孫二邦鼎邦選于某年某月鄰于某原之阡銘曰 君赴為之驚怛者累日茲鍾懿請銘奚可以辭君以清同治十三年入月十三日生卒於民國十七年十二月六日眷 舞歌大江 际予讀其譜文字古雅詩亦有宋人風予嘆曰世衰道微君軒冕錙躟甯自放於山野者哉君 歌嘛 持正 之君雅好文學旣落落與時寡合年四十卽隱居山南相里橋絕意仕進更不欲以詩文顯世惟與邑中同好三 滬局總稽查並駐京海運局總收支海運滬局總監監提調督清直有政聲積功奏保以知州用加花翎四品街平生 之博習親師推恩建於遠孤晚近久不得見矣君懃於學問澹於功名然胸有所蘊頗欲一試其才能迭任浙江 **袭莊廣恤**族中貧乏無告者又構樓十有三楹俾伯仲叔季各得其所可謂**善繼志**矣少小耽學先後**受業**於江左名 兄又早世梵梵一身遺家不造於時君上奉繼母下撰弱弟懷淡持家傷經況瘁顧君處之晏然承遺命割產千畝爲 **瑯琊選吾蘇崑山途占藉焉曾祖諱某祖諱某考諱鼉林登賢書育丈夫子四君其叔也君性孝友十九歲喪父其一** [山水浩然懷終焉之計癸亥冬君以山水來梁谿過予廬一見如故命酒劇談酒酣君] 一不畏强圈癸卯冬漕鎮特高猾吏作奸勒索民怨沸騰君大憤星夜與友華航赴蘇詣藩署力爭事遂寢闔邑頚 君大憫親鞠育之又醮資贍其家鄰黨歸仁長老嘆息嗚呼師道之陵替久矣士氣囂張反面若不相 湘丹張鴉林諸先生服習其道不倦而於鴉林先生尤拳拳服膺生死不忘焉鴉林先生之卒也遺孤貧乏不言 雖交後而言深異日銘我莫唐先生屬嗚呼今先君已往矣敢 東 去 一開擺笛倚聲神響飛越一座傾倒余笑曰此陸桴亭先生所謂片刻義 請維君姓王氏諱慶祉 黄也翌日別 和出自訂年譜 先 狂喜握手稱 世有 澄 去越五年忽得 綠 公者自 詩如 知己尊起 識 求 **千首** 一四輩 海 如 Ш 君 能

烧杏孫 羣材稍衰歇矣余主南洋校稔知科學惟電用最宏**发設電機一科邇來電話電燈暨無機電台幾逼達各行省矣**然 知者有汪君叔芾何君仲圻俞君隸雲俞君掌電報學堂最久其資格與君相埒其清介之操亦與君相同泊乎今茲 規劃當竭蹶應付之時每午夜不得休息滬局信用賴以維持僉曰徵君之力不至此溯自咸同而後海禁宏開武進 大著辛亥後政局丕變粵東唐君鐸関來長滬局知君能特委總司出納甲寅任交通部郵傳司材料 要衝電信旁午當事朱君檄調君駐滬局歷充收發處洋帳處總局副收支各要職君淬勵操守絲毫 務兼繁君自報生擢領班殫心厥職當事廖君尤倚重之庚子拳匪禍作江督劉忠誠公力謀保障東南滬上爲江海 生君自樂遊學歸君得其教導始習西文考取電報學堂派赴南京電局練習南京為舊時總督駐在地庶政殷軫報 其清廉恪慎始移如一 之知令卜葬有期敢請銘爰攝君之生平與電政人才消長之數略序之爲當世告蓋君佐理電政四十餘年人皆服 見於徐家匯其色容莊其氣容廟其聲容靜其言論恂恂退讓必中於理余心敬之知其爲篤實君子人也歲壬申君 君諱長慶字汝舟曾祖諱 以疾卒其子紹昌余及門弟子也旣踰小祥踵門來請曰弟子侍先生有年非尊常氣誼可比而先生與吾父有一 **莨君汝舟墓誌銘** 南 科學之萌柢非徒執一藝擅一能而已必將以道德品行爲權奧否則工業之化並成積弊之區欲强國而 京下關電報局局長辛酉補江蘇電政管理局出納並兼滬局出納員時電款支出夥隨每處不 尙 害于各 省創設電局高掌遠蹠消息擴風呼吸萬里泗州楊杏城侍耶繼之于時人才奮起霞蔚雲蒸余所 庸詎知其有本有原而能然者君之幼也天性誠孝其尊人寶善先生鍾愛之年十七乃兄靜 **| 維藩祖** 諱永茂考諱寶善其先浙之上虞人後徙江蘇上海余掌南洋校居上海時與 示 敷周轉君殫精 科副科長己未 荷聲望用! 君 B

壬申

原銘日 德昌同濟大學畢業先君卒女二長適川沙陸次適上虞徐將以民國二十二年十二月四日葬于上海永安公墓之 處長次福昌華童公學畢業考入鹽務稽核總所歷任濟南分所青口支所揚子巡緝局高等科員旋調總所供職三 君生于清同治四年乙丑七月七日以民國二十一年壬申四月二十四日卒春秋六十有八夫人陳氏子三長紹昌 調汝曹其戒之以故紹昌襄理路政壹秉君教當、曰吾所期無忝於高堂者在不茍得三字嗚呼可以知君之家法矣訓汝曹其戒之以故紹昌襄理路政壹秉君教當、曰吾所期無忝於高堂者在不茍得三字嗚呼可以知君之家法矣 乃弟汝玉君同孁數十年如一日待姊妹訴合無間又賞訓其子曰積財與子孫不如積德與子孫悖入悖出古有明 :郵傳部高等實業學堂畢業歷任滬甯路車務副總管代理平漢路車務處長鐵道部專員京**滬滬杭甬路車務副** 無寒心昔韓子有言爬羅剔抉刮垢磨光非得廉潔如君者焉能作中流之砥柱哉君篤友于之誼和樂 A. 孺 奥

墓垂千秋貪夫愧汗 我聞一小不取 與厥 頑立 惟廉 者任大事緊君廉隅能矯世辛勤四十有四祀蒼天不貧善人心龍蛇起陸生令子我銘君

椰證惠毅施君左虛墓碑銘 辛未

君幼 謂剛而近仁者也奚可以不銘君諱奪賢左虛其字會祖諱榮字茂椿以善行重於塘祖諱以德考諱文林世有潛 衡天下之人才蓋寥乎不能親海門施君左虛旣歿之排年其子一陽等以書來請銘余讚其行狀肅然曰此聖門所 之本分散仁之施蓋天地淸明正直之氣實萌柢於溫厚以爲用故秉剛德者必有仁心仁聞互相表裏吾當持: 聖人言未見剛者亞聖論浩然之氣日至大至剛剛之爲德不綦難哉禮記儒行篇言剛毅特立獨行要歸於溫 剛正性仁慈四歲見圬者乘屋藉瓦禿首蹲烈日中急覓笠呼令下授之見者驚異七歲從兄織雲讚於塾成 良 徺 以

平剝帽 技寖失其傳夷人竊我緒餘以勝俄而稱霸而吾國學校中於强身術徒飾外觀心滋戚焉爰聘拳師教 視 祖 學令子弟肄業其 能 建永安保安復安等大小 爲怨植事業歷受天磨地磨錢財磨勢力磨而視茫茫而髮蒼蒼而齒牙缺傷然未當有動乎中稍挫吾志汝曹宜 等日凡人建功立業雖 始定卒以其餘資什之四 有 之變遷天也 善泅者教游泳蓋斯議余於南洋大學中實創之與君不謀而合世之談教育者能 病 童 安橋阻之君思承先志對之零涕爰分別 間 宗 奉賢海壩荒 爲此言者矣自歐風 病 (德澤 洞 不 椎 能與乃完醫理立方試服病良已體益充遂以所學濟世君之言曰醫者意也扁鵲飲長桑君藥見垣一方人 見五 之厚 髓掃 | 豆獨造 時事之挽救人也中國以農立國爲治者舍此無以握其本比年以來農民困於兵困於 藏 守背賢養 地數千頃未闢途變產携資往懇其地乃以民智未開爭齡齕之君屹不爲動盤根 地無餘君 癥 中編 結 斯理精微實包孕哲學之元奧非殫精體驗則眞理不違誤人滋多蓋徐洄 稍 課 東漸淺躁愁徒逐末忘本蝔經學爲無用君慨然曰學問宜求實用何分新舊爲創設復古小 乘時會而 長 式志之箴 石橋以利行者民國八九年間興築縣道保安復安二橋先後被毀十九 .捐助閔行廣慈苦兒院恤孤不倍羣懷其德己未春君五十欖揆初度設 一愀然日管子有言倉廩實而知禮義今農事不修閱闔愁苦無怪 立 應試 程 不 中年考校則經史地理英算諸科兼綜旁通 興然有志者事竟成孟子有言貧賤不移威武不屈乃可謂之尚志吾自 得志慨然日 無忝所生勿計利鈍窮達積厚流 移 建 科果 重 搆當日不 非 我 志也即棄 食 (非義) 去潛研哲理學經濟學能通其奧麥壯歲 財 光吾願足矣蓋君因 則 事 理明不 人成折服又以黄百家諱內家拳 存富貴念則 反其本吾國庶 會祖 危機四 茂椿 志氣 溪薛生白而 先生樂 (錯節十: 年匪 家廳 有 伏 3多平且 匪困於水 觸 練諸生丼 君 1幼坎坷 即發 乃 餘 後莫有 法後 患弱 韶 年 夫 幾 世 而 矣 體 獡

之新阡銘日 二十日卒春秋六十有二德配陳氏子三一陽北京交通大學畢業仲陽上海南洋大學畢業均歷任無線電台長及二十日卒春秋六十有二德配陳氏子三一陽北京交通大學畢業仲陽上海南洋大學畢業均歷任無線電台長及 救國矣夫余所以銘君之墓爲之唏噓太息也君生于清同治九年庚午三月十一日以民國二十一年辛未 守不隨流俗轉移豪傑之士相與閩風而墓之嗚呼今世競言敦國者而國乃愈風若君之心術與其德行庶幾可以 致中和感人心而天下平者大共誹笑以為迂闊鷸變之來非一日之故也君獨秉嚴毅之性彙爲慈惠之師始終: 贵一旦得志好寶貪汚靡所不至而矯之者又爲激烈之行叫囂恣睢逞意氣尙浮華適以敗常而廢綱紀昔賢所謂 慈外战則人 程 師 職戦陽攻讀女四菊英適陸菊庭適貫菊貞適習菊芳適秦孫男女六民國二十一年十一月鄰于東天補沙職戦陽攻讀女四菊英適陸菊庭適貫菊貞適習菊芳適秦孫男女六民國二十一年十一月鄰于東天補沙 'n 服而 [事易集嗚呼此非剛而近仁者歟方今風俗澆薄士務 熟 軟甘言令色取媚耳目 1競圖 小十二月 畊

蔣君伯言墓誌銘 私惠靡旣强而能斷古稱毅鄉邦耈長僉曰然乾坤正氣長縣延上盤蒼冥下九淵萬古浩浩護 在昔周子著易通 |陰陽剛柔執厥中貞固嚴介挽頹風先知先覺破顧蒙自君之卒敦公誼儒林諡法會同 甲戌 議勤 旌

移積勞卒君性季友入學鼓篋即耽古文辭不屑屑爲章句學平生不苟言笑淵然有大度光緒庚辰補博士弟子員 鹽運司提舉街祖諱某考諱銘勳邑諸生以軍功麼保知府授湖北荆山府有政聲旋援例以道員用調專東總辦洋 君諱汝坊字伯言江蘇太倉人曾祖諱治道光三年邑大水傾實助振又出粟平糶先後捐善舉數萬婚大吏以聞賜 余同 奉嚴命離鄒歸里攝家政用是潛研經世之學旁逮九章句股靡不通賞時余居里開恆相過從偕友人畢君枕 : 損泮芹訂交自此始君屢躓鄕闌不介意值秦晉災振報捐知事晉員外郎或勸之官則退然日吾斯之未能

葬於太倉某原之阡銘日 年六月某日卒暮年喪明君之病實中於此二女煐灼孫三憲淸憲濤憲澂孫女二憲瑞憲璆將以某年某月之吉卜 德先君卒子二恩鎔恩鑑均邑庠生旋入復旦大學畢業恩鎔現主任地方學務恩鑑前任太倉地方銀行經理於本 跋涉而年來君養疴九獅峯杜門却掃跫然空谷足音彼此不相遇壬申春敵氛方惡君與余先後至 **費南枕梅諸君均相繼怛化常不悲夫君以咸豐十年七月生民國二十三年十月卒春秋七十有五配武夫人有賢** 嗚呼世變食皇五十載舊交一別而千秋矣善人不可得而見囘溯同遊庠者僅存許君弼丞與余二人而仲京被 商務議員歷十餘載聊慮固護歲有儲積潛弭工潮殫精竭智利溥弗替餘如董理財政力爭減賦開濬劉 者積善尤大吾婁地方療苦僅賴農產君曰是非勸工不足以補苴爰舠設沙溪濟泰紗廠時余官農工商部薦君爲 力捐貲創辦太倉電報學堂延師教授學子景從數年後任電局要職者達數百人其培植貧寒子弟傳贈 等小學日毓婁女學日師範請習所懋懋慎慎鉅細不遺當是時語邑俞君隸雲方總理上海電報學堂君與會商獨 追憶矣君之敬恭桑梓也首在興學曰思益學堂曰太鎭小學普通小學曰正則女學復從而擴充之曰四路 少散多而存間之書不絕庚子拳匪禍作余奉親避難京北平義村亂稍平君卽遺書慰問慇懃周摯嗚呼而 懽笑以歸 諸海港善學尤夥揶黨僚戚稱其克繩祖武馬余自僑寓錫山每讀暮雲春樹之詩緬懷丰釆無聞歲月以目會 l君別墅亦関飲與君暨其季弟仲京從兄弟薇卿書南等飛觴論文或投壺角藝君亦時過余齋每漏三下步月 "友朋之樂食謂千古無匹也丁亥君遭母喪癸已又奉父諱六七年間梵梵在疚此時余觀政農曹與君樂 泥江 一竟性 河戚浦 (其身家 小學高 个不堪

古川昭治とて長二二届

卷八

九獅峯頭鐸光晞三徑松菊景全非主器克家恭而頎我銘九幽累敎數千秋魂魄此相依

<u>-</u> 十

竇生海亭墓碣銘 甲戌

兄坐亦 古 哭之慟曰天乎何奪吾孫之速乎戚郁師友相與痛惜僉曰生事親孝事兄恭撫弟友愛無疾言無妄語步趨必中規 慧也年十六由小學入中學义越數年銜乃祖命來應無錫國學專修學校試余口試時生正容聽恭言皆有序余日 子生而穎悟眉目明秀亭亭玉立長者咸愛重之年五齡其兄某就外傳生隨往家人以爲觀禮也迨抵數兄拜亦拜 竇生海渟旣沒之三月乃祖檍枰先生以書來請曰吾仲孫死矣其書容笑貌宛在目前惟先生道德文章夙爲吾孫 矩抗 發返泊七月中炎景蘊隆流汗霡霂或邀生出遊暮歸病大作咯血其醫束手綿惙而月竟於八月二十一日卒乃 隨 此 子與盜跖果執短而孰長乎明乎此理則死生殆不足道況生旣稍稍有聞于時乃祖之悲其少釋矣乎生娶程氏子 [朱師澈賞圖校傳誦歲餘轉入滬西光華大學課繁重生體弱而病矣亟歸養病旋赴靈岩憩恩病稍瘥今年六月 世家子弟無浮靡習特拔之在校恂恂循謹守程子四箴校師朱叔子先生命賦井泥詩成五言一章神味駸慧 仰爰忍淚乞銘以垂不朽其可乎余深恫其言迺序而書之生初名襄騰後易名海渟江蘇邳縣人實君毓盃第二 侍乃祖遊莫于山逭暑挹清光服天氣遊劍池觀瀑布侍乃祖攝影大竹蔭空桐枝茁秀翛然自得意豁如也琴疾 邦學程爬羅鴻紛我國效能博技多聞學子菁菁或苦弗勝嗚呼 **飕豫飕豐以本年九月二十五日卜厝于永安公墓峩帽區遺文有荀子政治學觀覽雜詩文若干篇銘曰** 心希古鍥而不舍何斯人而有斯疾乎余維造物墋黷之數固有不可知者然聖人有言朝聞道夕死可矣夫顏 坐兄執書亦執書依依不肯去遂留學焉數年卒業四子書彙涉獵五經爲文潔淨幽秀見者嘆曰此子有夙 實生胡劬學而 竟隕厥

周君敬甫墓碑

銘

甲戌

守護農民耘籽盛暑不輟十六年視察屬縣值冬粮已盡春耕方作鴻嗷遍野爰籌急振發倉實結民團防姦宄項 檄調琅琊道尹下車伊始盜聞風遁當是時山東迭經兵事徵調頻煩民間疾苦壅不上聞久矣君簡從下擲躬巡 政百 字會運輸 學魃爲慮積荒六七載矣怪鴞餓鼠出沒跳跟草不潰茂民如棲苴君仰天嘆曰嗚呼何辜今之人乎急偕上海紅 會王君一亭施急振辮平騷兼設貧民醫院爲療治其飄泊無告者遠二萬人爲一一資遺歸籍朱君子橋吾國大善 之使去夫人躬自操作每日廨中用錢不逾五百有盈羨悉充善舉蓋君行善芰於天性是以出則爲循吏處則爲善 擢膠東道尹兼烟台交涉員庶政繁賾君勤恤民隱交隣以誠比歲沂境萑符充斥當道以君治莒久沂民懷德畏威 所同仁會等創辦小學復捐廉設中學校彬彬乎小子有造矣而君益自刻勵於清慎勤三德俱無愧色民國十四 士也主河北振務當道檄君助理君於冰天雪地中飢渴顯踣犧其身而不辭天篇降喪耗斁下土陝甘僱告災寢畫 二千餘年 若 挪 解組後辦濟兩冬振十七年春夏間交涉事棘血流波道間里爲塘魯民交走或員重創死無弔君乃偕上海濟生 溧陽 相 廢舉底莒邑紳請於大吏調宰莒時値政變伏莽鑪起君壹以戢强撫弱爲事閭閻慶安堵次第設因利局習藝 建 团 告日我侯親民事如家事甘棠之愛吾輩其毋忘綜君之爲政不用吏胥徒役有訴訟者自候於門或片言理 性 來流風 赡 :亦遭巨淺民掘土粉充食君四方號呼匍匐以救踰年春溧邑無稻種君驚所居宅購; **饘飥以拯餓者收容陝甘災童千餘名送之滬瀆飲食教誨務俾得所二十年蘇運浹口君捐互賷助工振** 必 族立義莊義塾刊善書修橋梁施棉衣設義塚諸善事不 公正 未 **沫友人溧陽周君敬甫治莒先後十五年莒之人相告曰吾邑賴有賢侯蓋君始仕冠縣愛民勤** 廉 潔之有司以倡導之煦育之而 後善氣綿延不絕於天下魯聖人禮義之邦莒賢宰治 勝番嗚呼晚近以來仁義不請良 種 分給農賴以 知良能泯 化 之地 所

年某月葬於某所之阡銘曰 德昭廉昭賢昭良昭慎昭讓君生於同治甲子十二月一日以民國二十三年甲戌二月十三日卒春秋七十有一某 **次理傳署山東博山縣知事俱先君卒次昶直隸任用知事次銘傳河北保定電報局局長孫九人昭樸昭勤昭儉昭** 諱仁壽字敬甫庚子辛丑併科舉人曾祖諱某祖諱某考諱某世有潛德娶湯氏有賢行子四長經傳直隸試 故其歿也家無擔石之儲而乞賜者尙踵接於門有識之士相與流涕曰吾國少一善人矣悲夫廉吏豈不可爲夫君 日救國之策惟 患途乘隙以入昔孟子告膝文禦侮之方不過日彊爲善而已又引亶父日君子不以其所以養人者害人 國性日益消除乖戾之氣充塞宇宙殺機洋溢性命同於草莽百姓死盜賊死兵戈死水旱凶荒者不可勝 有正人心拯民命兩端培養元氣無過於此然則君之所以汲汲皇皇樂善不倦者其苦心蓋大有在 余 數 用知縣 敵

朱君叔子墓志銘 栗彙解衣帶丁老贏兇啼饑吁嗟天不佑峇人魯靈光殿頹然傾我銘君墓淚縱橫哀此無告之窮 乾坤善氣浸雺團八表同昏罹浩刼赤地千里莽白骨長安慘怛人相食維君惻隱孑遺黎間關奔走 甲戌 垂涕淚: 八飛芻輓

飛厥 倡導奧東從遊者連踵極一時之盛君文釆變然亦往受學文貞公器賞之當語余日朱生吾門長才且安貧樂道能 生伯兄諱文照字日初廩膳生君幼性純良孝友恭敬光緒十年甲申舉博士弟子員當是時吾師王文貞公以理學 如吾友朱君叔子文章行誼方諸堯夫子野殆有過之用是拭淚爲銘以慰君於地下君諱文熊江蘇太倉人初字叔 余讀歐陽文忠公作張薨夫張子野墓銘感慨身世發抒性情輒爲往復流連不能自己嗚呼余文豈足以擬文忠然 .後慕甯都魏叔子文更字叔子本生考諱作標字卯君恩貢生踐履篤實邑中推爲長者嗣考諱作楏字兩鋤諸

奄忽如身之折臂何以爲情歐陽文忠謂善人君子非徒相得之難欲使幸而久存於世亦不可得嗚呼其命也 余與君共事教育二十餘年晨夕相聚心腹其敷每當春秋暇晷二三同志飲酒歌詩角藝高譚憘然無間今君 及在講堂授業時氣或促諸生常預備參苓湯以進此尤近世之所難詩曰載色載笑匪怒伊教君蓋得其旨矣甲戌 實践躬行道德仁義之訓漸漬於人心邇來稍凌替矣槨使君克臻上壽異時風氣轉移吾鄕文化當可蒸蒸日上矧 外其評改文字手不停披一目數行下雖多至百餘卷越宿卽宣示諸生無有逾兩日者以故感情之厚非他人所能 以爲銘日 享年六十有七有丈夫子五女子三孫幾人所著書有莊子新義十卷詩文集若干卷君喜誦楚辭爰仿九歌招魂體 而用之余亦豈得爲無過追念迴慮不知涕之何從也吾揶自陸陳江盛諸先生講學以來王文貞公繼之崇尙名節 夏蘧以中風證卒余哭諸寢門之外友朋弟子往弔多有泣下者嗚呼山木自伐蘭膏自焚君之志良苦然竭其心力 難相依彼此 延君教授君欣然來南洋諸生開會送別皆戀戀不能舍也丁卯二月專修館被匪人解散五月復興君去而復來患 畢業後郡中就婁東書院地址改設高等小學延君爲校長整飭規則寓嚴於寬其特拔者瀏河傳煥光陸承禧等數 亥余與君 人已酉余兼長太屬中學延君爲主任刮垢磨光激厲道德其特識者嘉定潘文安太倉戴國鏐崇明童冠英諸 補行庚子辛丑郷舉改試策論君已獲選誤中副車擲長老深惜之維時枋政者廢科舉立學校君赴上海學習師範 砥礪名節者庚寅君以史論受知於學政楊蓉浦先生科試第一 並 悲喜交集初君教授史學理學繼復改教詩經莊子古文辭暨詩詞等循循善誘誦 辭 去中學乃延君爲南洋大學學監兼敎職諸生翕服癸亥余辭大學校長改就無錫國學專修館館長 與伯兄文照同時入館文名藉甚藝林爭推之壬寅 讚吟唔聲項然出戶 夫君 入辛 旦

實 漢陰嚴誠兮機心機事絕壽陵游學兮匍匐啜其泣嗚呼俗儒鄙夫兮翫所習哫訾粟斯兮率羣匹惟君教思兮崇樸 敢効職濁世粃糠兮掃厥迹秋水時至兮訪河伯蚿蛇風目兮毋惶惑鲲鵰徙南溟兮垂天翼神人御飛 日 鴻闢兮天門上帝降監兮召司文发告巫陽曰莽莽榛 時雨普施兮成人有德但嶄後進嬗君之學說千秋萬歲吾國國文國學國性永不滅 [維紫陽之裔孫琴叢兮繽紛鈞天韶濩兮齊迎君南華逍遙兮楊班爲賓天如前導兮聿桑梓之先民君拜賴首兮 蕪大道陵夷雄虺九首誰 其 逐之渾沌. Ł 竅 呓 颠 龍兮藐姑射 乏巫 陽

沈君蓉汀墓志銘

乙亥

風鶴花是邑者目爲腹心巨患君曰吁彼鹽民亦人子也胡爲乎閔不畏死甘罹法網哉是蓋飢寒迫之也 之悲孝思不匱己奉賢地處海濱產鹽饒沃小民煑賣爲奸官緝其私鹿鋌走險覔嵎狡抗以殺 入幕君固 顯揚吾父或可稍減不孝之罪余聞其言不禁惻然有動於中也按狀君諱光裕字蓉汀先世舊隸松江華亭縣爲華 安豫良驊不孝居不能致敬養不能致樂病不能致憂今己矣欲復親一日之色笑而不可得矣敢請先生一言用以 旃蒙大淵獻之歲鴉月門人沈生良驊持其尊人蓉汀君行狀來乞銘且嗚咽而言曰吾父一生辛苦不獲享一日之旃蒙大淵獻之歲鴉月門人沈生良驊持其尊人蓉汀君行狀來乞銘且嗚咽而言曰吾父一生辛苦不獲享一日之 嘆日幸哉有子如 如成人稍 陽橋望族嗣遷居奉賢曾祖諱遇昌妣高氏祖諱世椿妣楊氏考諱恕齋妣錢氏滕氏君性至孝年十四居父喪哀毀 光拉官奉邑練達吏治馳檄上奉改剿爲撫君翊贊其間承流宣諭化黠爲良選材官蹶張編爲卒伍干城迄今垂 |辭之母年高善病呻吟床釋侍湯樂罔敢懈迨棄養焦心乾肺瞿瞿梅梅長號徹糜粥絕而蘇者數 長讀書通晓經誼 。此可謂孝已春秋時享追念考若妣嘉言懿行泣下霑襟曾子曰椎牛而祭不如雞豚之逮存風 將母如不追奉遠遊戒恆依膝下敬恭桑梓操守廉潔邑宰金元煁器重之遷調時, 止 盗勢若燎原 時有郭 应 揶 阊 延

卷八

某年某月某日以民國某年某月某日考終滬庽春秋六十有七子一良驛女三長雲娟適某氏次錦娟三闆娟先後 信哉君配 利祿為良肆迺絕意仕進途應上海安迪生電器公司之聘十餘年來克彈厥職奉君教也孝以先意承志爲大豈不 仍習電機 殤孫二孫女四將於某年某月卜葬於某原之阡銘日 工業専門學校肄 無事光緒 先後得6 末葉科 ·鍾氏繼楊氏俱有賢德楊氏於壬申歲卒君伉儷情篤曾著傳略以寫憂思而病中膏肓矣君生於清同治 綱 學士碩士歸國後有勸其從政者君曰吁吾子非仕途中人也世事元黃惟實業足以救國奚庸希 舉旣廢君與同邑王夢蟠朱蓉潔創設驗文學校濟濟多士成人有德君於是遺其子良肆 飭 業電機科時余掌斯校見良肆深器之時詔以砥德礪行明體達用之學旋遊學美國康乃爾大學 **碩悍帖耳辛亥國變訛言四起君與傑士沈夢鯉友善相與綏靖** 地方消弭在苻民賴其

追 孝弟之主通神明橫溥四海貫古今維君實踐進民經孝乎惟孝荄天真冬溫夏靖親無形寸草 殷烈婦熊氏碑銘 孫 萬然道德充家庭吁嗟乎十室之邑必有忠信聞風興相期無忝爾所生我特大書以表名俾知吾國有人倫 痛吾親蓼莪隕涕哀鮮民躃踊哭泣送精魂至誠恍惚達幽冥父子天性賴恩動明發不寐懷二人和氣煦嫗感子 戊長 未報春暉心逝不可

戊辰 狀水徵文嗚呼吾邻頁表揚名教之責若殷氏之烈行蓋宙合間之所難鳥可無文以銘之護按 世其家者惕銘病痿痺樓居臥榻不能起方難之作也實由火油鐙覆樓板家人以水沃之火暴起不轉瞬勢已燎原 堂懋遷吾郷居沙溪 歲三月二十七日 夜太倉南牌坊州橋東河濱殷姓不戒於火其婦熊氏殉夫死事極慘同 適殷樹鑫字惕銘邑庠生其曾伯祖諱瑞玉咸豐十年歲貢生光緒六年 狀烈 擲 重游洋水蓋以詩禮 陸 婦 修 姓熊 瀌 蓬 **...氏父字** 士

越落出出 風者良心當可以不死也抑又聞烈婦四德具備逮事祖 四生子三人長文炳次文炤次文煊余深望節義之後必有達人云爰爲之銘並以代迎送神之樂曰 難 漓也哀莫大於心死也 陸陳江盛諸先生講學以來禮義廉恥之坊明倫弼教之旨深入於人人之心故雖婦人女子亦皆通明大義不 星吾當謂乾坤正氣雖當晦蒙否寒之時必不至于盤滅乃不鍾於通都大邑特顯于太倉一隅其故何與蓋吾婁自 成日錢倫攸敍獎倫者人之室情體之所由起也宋文文山先生曰天地有正氣雜然賦流形] 者豈非其恩義之素篤良知之不泯而惛怛至誠有以致之哉昔箕子論五行之汨陳曰葬倫攸斁而其論大禹之平 身以成仁烈婦之遇救而得免也藉令其不復登樓以死固不得謂之求生又豈得謂之害仁而烈婦必殺身以: 婦于是邑之搢紳士大夫集會以追悼之相與爲文辭詩歌以紀其事嗚呼聖人有言志士仁人無求生以害仁婦于是邑之搢紳士大夫集會以追悼之相與爲文辭詩歌以紀其事嗚呼聖人有言志士仁人無求生以害仁 烈婦 從火勢不可鄉運 亦非倉卒而 無免且主赴湯蹈火糜爛頂踵而無所顧惜以視世之乖戾性成弁髦倫紀者爲何如哉嗚呼民德之薄也世 大呼 急 伯姫堂魂 吾 長婦 能然者而惕銘以文弱書生病體支離宛轉床褥同歸於一燼嗚呼其亦可哀也已烈婦享年五十 在 挾 而 火中 兩 魄 列 見下惕銘急促婦 一毅兮南牌坊心悽惻兮良人旁精神耿耿兮格穹蒼闆圖驟開兮吐奇芒雲旗逶迤兮羽蓋 |如烈婦者身雖死而心不死也心不死而名更與之不死也吾未見蹈仁而死者也聞烈 婦 誰與救者急提 :这死於火矣越日於灰燼中覓遺骸頭足不全如焦炭然道路觀者咸 |水復大呼速沃被或可裹吾夫出當是時火燒梯將斷烈| 出 婦 《固守不 去 頃 田與其舅姑克盡孝道戚郁 刻 間 烟焰 瀰 漫香 量不 知所 無 措教 問言蓋其天性純厚殉夫之 火者へ 下則為 太息流 婦 倉 癃 皇至 河 而 上則 涕日 急 救 叓. 烈締 者 婦 道之 婦之 徒臨 爲日 殉夫 有殺 弗能 下

揚赤熛前迎兮祝融後

· 將白龍蜿蜿兮靑鳥蹌蹌簸史上昇兮弄玉週翔昔有昭烈妃兮江水之神今有殷烈婦兮離

二十五

宮之靈炎帝日休哉 汝惟璇閨淑質名世之女英命汝禦災而捍患兮永沫夫大火之星冷氛消鑠兮善良是黨

黃烈婦李氏殉夫碑銘 己己人間世兮無焦頭爛額以哀籲天之窮民

門人陸君景周與余言杭州黃烈婦殉夫死節事狀極慘余曰此足以風當世者請進而聞其詳於是景周復因 庚年十九歸杭州黃君子厚時王母暨舅姑皆在堂烈婦侍奉旨甘孝敬綦篤而杭俗重男輕女烈婦三案皆得女王 鬱積於家庭閨闥之間錯節盤根倏焉剛烈正大之氣一破其昏蒙而人心固有之良知從此光明焉此易所謂苦節 弟博泉馳書烈婦子菩從等追詢始末越數月善從哀泣以狀來余讀而喟然曰嗚呼乾坤堙塞渾沌之氣旁薄人 親族 身雖未死而其心固無日不死也旋子厚遠書屬遷太倉烈婦料檢行李罷苦煩勞時方有娛登舟夙震產而不育視 平鶬吾夫不 子厚走太倉充太倉鹽権司會計時在光緒十八年居無何子厚病甚促烈婦往視烈婦惶急淚熒然謂其弟婦 母輩大失望則苛待之雖子厚亦不慊於妻也於是勃谿之事起而烈婦之苦甚矣踰數年王母與舅逝世家益中落 凶者轉而爲甘简之吉豈不可哀而尤可敬也哉謹按狀烈婦姓李氏諱文舜湖南湘潭人幼讀詩曉大義考諱隆 《姻友分潤其餘或乃疑烈婦處境安樂庸詎知其相夫御窮之苦也光緒二十八年壬寅太倉疫癘流行子厚達 也烈 以五 一夜以手擗其心或自持刃斫其脰或春玻璃屑將吞之爲其二女奪去乃于六月九日夜潛覓剪刀自裁斷 月十日卒烈婦長號求速死或告之日子女不可棄也烈婦目瞿瞿然容纍纍然謀所以善後之策不可得 婦 愈者吾不返矣迨烈婦抵太倉子厚疾解烈 痛 心量絕久始蘇踰年生子善從义踰二年生善登先後生子女共七人太倉地故貧瘠子厚歲入不豐 ·婦返杭城其弟婦始以此語告人然烈婦小居茹苦含辛其 工族 其 日

未獲旌表又懼其代遠而無傳也故大書之以貽善從等俾鐫諸石且爲銘曰 由也然既自由矣而婦之道彌苦於前何哉倫紀乖而性情溥也嗚呼聞烈婦之風者可以興矣余既悲烈婦之苦節由也然既自由矣而婦之道彌苦於前何哉倫紀乖而性情溥也嗚呼聞烈婦之風者可以興矣余既悲烈婦之苦節 治曰男有分女有歸繼之曰夫義婦聽叉繼之曰夫婦有所是謂承天之祜夫夫婦之不得其所者說者以爲不克自 其女遺嫁而諸子亦自成立迄今二十七年家道稍稍裕天所以報節烈之後誠不爽哉吾讀禮運篇聖人論大同之 若不相侔而其心之苦無二致己朱君竹生者善士也爲經紀其喪攜善從教養之以其子女分養于乃叔家先後: 嘆日壯哉烈婦昔孔子言殺身成仁孟子言舍生取義宋文文山先生有取其言夫烈士之殉國與烈婦之殉夫其事 喷 湧濺៉灣壁塗死當是時天地凄悲月星慘悴悲風簌簌然二女覺之大駭奔哭告長老於是邑之賢 子大 夫 相

傅母朱太夫人墓碑 載埋荒坵我今憑弔爲關 厗 其喉故鬼號哭新鬼愁碧血黯澹留千秋世界巾幗誰與傳二十七

青天恨海空悠悠及爾同死復何求玉腕金翦刺

卑服田功辨色而起達於丙夜一燈熒然不肯自休亦未嘗蓄婢媪膝前子女十三人大者牽衣小者提抱出入顧復 僅數十緡耳厥後稍發展增置機器軋棉及建築瓦墁具當是時吾母外而酮應商賈內而緣督司事或 孝思爰慨然諾之煥光遂言曰吾母來歸後事堂上惟謹婉娩得歡心吾家世業醫至吾父乃兼營花米雜粮 德行心迹鲜知之者而今已矣欲求先生文章以傳之其可乎煥光者蓋二十年前及門弟子也夙 傳母朱太夫人吾婁劉河鎮人也歿後其子煥光踵門來告哀其容蹙然其音悄然已乃憯然而言曰吾母睪生辛苦 恩斯勤斯凡成立者八人心力交瘁幾於捐頂而糜踵而吾輩至令不能復親一日之色笑也慟何如也煥光又言曰 嘉 其誠篤 酒 食是議 業賞金 H 其

不興起 氏內 家聲之克振微太夫人之力不至此可見非煥光之私言矣太夫人生于某年某月某日卒于民國十七年九月十 吾婁自陸陳江盛四先生講學以來沈敬亭顧抱楊兩先生繼之表式人倫爾揚禮教燦然盛於一 天倒也韓子有言古之君子其貴己也重以周其待人也輕以約此士大夫之所難而太夫人獨能秉此行誼何哉 拜鳴吧巷哭者余聞之而歎曰有是哉太夫人之性慈而德廉也洵可謂賢母者矣孟子有言仁義忠信樂善不 吾母以衣食者實繁有徒即昔年之洶洶索債者亦爲吾母所周恤也故令茲吾母棄養族櫬自**滬歸劉多有零** 民展轉號呼若雉罹羅若魚入網奔走不得脫吾母急出貲賃汽車往來十數次全活數百人比年以來家境稍裕賴 吾母孳孳爲善喜利物濟人甲子之秋齊盧攜釁劉河當滬太之衝蘇軍豕突鴟張四出刦掠戈鋌滿 年吾父卒吾母痛不欲生日夜繞室長號幾不知人間世復有生事嗚呼此情此境爲子者殆不忍逃 不能償則 易家人卦之爻辭曰閇有家悔亡節卦之爻辭曰甘節吉往有尙令攷太夫人治家政鷹節操實有與周易大義 日享年七十有一與贊庭君合葬于劉河鄉之某阡有子五人煥階煥榮煥光煥燦煥章女七人孫二孫女六余 、帕陵替矣太夫人獨提倡而維持之豈非諸先生講學之效歟抑亦郷邦元氣之留遺與頑者廉薄者敦聞之者能 則 歟 相 句一 析 太夫人姓朱氏父字肇周居何家橋年二十來歸傳君贊庭自贊庭歿後鄰里鄉 券以 協 書於家庭鲜訓織悉周詳至誠且摯以故閩閣名媛下速機櫃老婦亦皆深明大義廉潔堅貞近今此 鎭 **」殷之對於我之頁人者則統籌償額分其緩急而先後之棄產以清理之罄其所有而典質之踰三** 解 ΝĪ 職去吾父受憤得腹疾於是涉訟公庭乞憐紳董吾母皆忍尤含淚而爲之對於人之貧我者貧 素性長厚協鎮某官劉湄時其署中人時來貸米不給値積數年吾家虧: 耗數千金債資驟 時而其 傅氏世澤之縣延 地鎗炮震天擲 心煥光又言曰 尤要在顧

合者发大击之以胎煥光俾碣于墓且載諸家乘用闡幽光焉

資母董夫人墓誌銘 己己 含者发火 哲之以射爆火倒磷 子墓上刺諸家家

戊辰秋邳縣資生海渟來從學於余己己春其祖妣董夫人卒于滬濱之寓舍冬海渟奉其祖檍坪 語與子 人為善如是其周且擊也奚可以無銘夫人姓董氏邳縣岔河村和運先生之女年十七來歸穩坪先生逮事其姑宋 略來請曰吾祖妣歿已數月矣祖父思之不能釋吾伯父暨吾父苫塊哀痛累然未已今將葬矣護將祖父命乞先生 起晏瘊夫人食必與太夫人共弗敢獨餐退必俟太夫人瘊弗敢先寐樓坪先生性劬學夜然爽讀書每至漏四下夫 持之八九年檍坪先生自鄂歸見其閩內秩然齊莊和肅大心折之厥後連歲婚嫁鞠育益多心力益瘁自甲子歲齊 者已鲜夫人殆可為婦道中之模範矣據坪先生由內閣中書出守襄陽以家事殷繁未追絜眷食指百餘口夫人主 則誦碑官小說道古今軼事必得堂上之歡悅而後已鳴呼禮經內則之訓後世視爲具文卽吾蘇縉紳巨族能行之 太夫人太夫人世所傳節母金墳馮夢華同年當爲之傳而義霄陳三立先生爲之表其墓者也性方殿治家整肅黃 廬搆難閭閻阢隍風雨播遷檍坪先生率全家避兵海上比年以來夫人每終日沈思不作一語 靜 言以爲銘余讀其事略反復數四喟然嘆曰嗟乎婦德之衰久矣令觀夫人事姑如是其孝也相夫如是其賢也與 坐以待之迨就枕輒不知東方之旣白也太夫人出入則先後扶持之或有不懌事則下氣恰色以解其紛平時 ·若婦若 母歲解 思沛嗚呼可爲賢矣而余則更有進焉孟子有言樂善不倦此天爵也蓋士君子之所難而夫人獨秉太夫 孫訣 衣推食惠邮窮黎丁酉戊戌之間徐境洊飢餓李载道夫人顧而慨然多方教濟不足則撒 蓋其勞心焦思多在於相夫子長養子孫之中而其憂時感事消耗精 神亦 彌留時亦無 復不少雖千歲之後 先生所 環以補

重於婚 海渟海澄海溶海澄孫女九曾孫二以民國十九年庚午春卜蔡於東江東也山麓之原銘曰民國十八年已已二月二十三日享年六十有七子三長某楊次統嘉拔貢生三統委博士弟子員女子一孫五海澗 然則死者有知當可無憾於地下而檍坪先生悲痛之情其亦可以稍穩矣夫夫人生於清同治二年某月某日歿于 慶以故太和洋溢子孫衆多令嗣毓盃當刲股以寮親疾雖未獲愈而孝弟之德崒于一門融融洩洩後頭正未 之收養童孩以數百計次春疫大作嬰孩達厲者泰半爲之發樂濟其夭死暨歲稔凡留養之無歸 、蛟成立而去者輕戀戀流涕不忍合也印籌虧都十餘種選數萬卷聞風感化者不可勝數積善之家必有餘 者 剫 仍收 畜 有艾

在中饋而貞吉繁家人卦以傳欽女士之釐爾協既醉之終篇懿軟夫人令德淑賢敬恭擊悅嘉告豆篡願子孫之繩 繩 紀孝行於萬年

薛母施太夫人墓碣銘 疾午

嗚呼自先王惠鮮鰥寡之意逕而卹寡之典遂廢彼嫯婦之憅懃恤緯而爲豪勢家奪其志者蓋不 海門薛尚志先生踰數年先生卒江北鄉僻風俗險惡有族中强者以寡孤可欺旣其產必欲嫁其寡而市其孤 得已也今而後吾知免夫爰卜吉以葬蓋距尙志先生之殁二十一年矣嗚呼此非孔子所謂歲寒之松柏孟子所謂 殉狀强者懼始得兇自是以後太夫人迄與懂相依以爲性命迨其子成立太夫人迺潛然歎曰吾亦知遲猈失禮 人椎心之餘憑槍長號冀人或不忍焉而强者不慊也月六七促速寥不得逞乃糾衆勢洶洶强變之太夫人縱身作 毁室以王於自戕其性命者。 無人以表章之也以余所聞薛母施太夫人事其智其勇深足敬焉太夫人年十 不能移威武不能屈者歟其百折不囘之節蓋士夫所不能而太夫人獨茹蘗含辛以躬蹈之可不謂難默其平 可勝數於是取子 大夫 九歸

十七

日本にかって加えて、新田

霽八十有四子民惠業醫孫一塵好學能文任漳廈海軍警備司令部外交秘書一鳴亦習醫業女孫六曾孫一 凡系以銘日 沾露如浴冒烈日饕寒風而體不疾蓋其得天者獨厚矣太夫人生於某年某月某日以民國二十年某月某日卒享 家稍稍裕矣或勸之少息太夫人曰勤儉吾分也願子孫守寒素家風足矣年**屆耄鬢如雲顏如朱耕作如故晨** 生以力耕爲菜遺秉滯穗不屑拾夜則課子讀漏三下紡織不輟旦則遺族人抱布走三十里外貿易之以存活晚 於大橋鎮南 半里日盛池大路東尙志先生之阡一廛爲余及門弟子以狀來乞言余深嘉其志爰壽厓略傳碣於墓 祔郯 出

乾坤正 飲其節厥後克昌造徵令 氣鬼神爲泣薛氏有婦錚錚烈烈之死靡他維我儀特臘存與存矢不撓屈論教子孫自食其力天鑒其誠 IJ 人

唐母陳夫人墓誌銘甲戊

之設吾父兢兢於民生日用衣食之經闖內事固賴吾母主持之而闖外事亦賴吾母翊贊之吾家舊居湫溢卜築於 在周三浜有錦豐絲廠之設义先後集股有九豐麪粉廠慶豐紡織廠之設復有漂染整理廠利農磚瓦廠福源堆棧 之喪吾母之孝行如此又曰吾父之經營商業也權輿於本邑三里橋永源生米肆之設旣在蓉湖有益源堆棧之設 年二十來嬪吾父時先王父母健在侍奉農昏蘭陔駕賽槃匯滫瀡佐錢溫愉晉接諸奪長妯娌靡不歡洽迨 凤聞夫人賢將紀其懿行會其子炳源煜源持狀稽類來諮銘曰吾母爲外王父志初公長女婉娩淑順 唐母陳夫人余宗弟保謙之婦也民國二十三年甲戌十月二十五日以中風疾卒族鄭姻戚奔走弔哭填咽愴怳余 乘養先王母常患氣逆證吾母視當湯藥須臾不敢離衣不敢解髮不敢櫛及先王母逝世擗踊哀毀一如遭先王父 奉庭 先王父 一朗惟謹

眞應道 **厚憫彼擴苦怒焉如傷惟有損己之有餘以彌人之不足吾父命不孝等書紳以誌吾母之積善又如此語畢慘怛不** 乙亥年某月葬於某里之原余嘉炳源昆季之孝思爰爲銘日 襄理慶豐公司事務女四長適蔡次適王三四均幼殤孫五瑞千群千驥千駿千駿千孫女四曾孫一曾孫女二將以 議合議員次廷源均先卒三炳源留學美國麻省理工專科現任慶豐公司經理簡任全國棉業統制會委員四煜源 于之化而六丿善持室家之靈可勸美一郷之風俗矣夫人生于同治六年十月九日享壽六十有八子四長穀源省 化調習孝德之感人者此易家人卦日在中饋貞吉孔聖贊之日夫夫婦婦而家道正正家而天下定今保護弟 省醴自書記簡諒以至方物出謀各有一定之準繩而實踐之者蓋鮮史稱萬石君子孫勝冠者在側雖燕必冠申申 勝余歎曰懿歟夫人之賢也憶昔禮經所載婦學之教曰德容言功而其節目之詳著於內則自鳴鷄誠旦以至佩蘭 龍江湖北水災庚午豫陜旱災吾父號呼捐振吾母並殫私蓄彙解災區當詔不孝等日吾等飽煖應知天之予我者 樂善解衣衣人推食食人遇年老孤寡賙之必力而不令人知吾父屢爲色喜曰此吾之志也乙卯丙辰已未天津黑 不稍息憶自勝衣就傅負笈各校資遣美洲吾母分勞於吾父者不啻恆河沙數吾母之慈惠恩勤如此又曰吾母性 提携嗅咻購卜醫療幾忘寢食不孝等寖長吾母與吾父謀延師授讀尸養之暇勤紡織工針黹簿燈督課祁寒暑雨 日吾母生子女衆多鞠育顧復不假婢媪衣履胥手製賞患十指疗拘變不能伸而忍痛哺乳不倦不孝煜源幼養病 也僮僕訢訢如也近骨文正述其父之孝行乃祖患痿痺乃父聽於無聲常先得其意久而諸孫孫婦內外長幼式 巷凡採度監造丹青土木分吾父之勞者不 一而料量喪葬婚嫁罔不井然秩然吾母之佐助吾父者如

十四次上記としたとこの回り

卷八

夫人之德和睦溫恭一門齊潔蕭廟雅雅夫人之敎以勤以儉茀祿滂興聿維好善四方多難饑饉薦臻鴻磬安宅夫

-+ (

賢孝永言 (之仁傾 斯 A 虚廩 施窮民蔀尾 騰 歡 夫 X. 之恩皇天 無私 惟 德是 輔 家道 久 長 坤 元 協 助 Ш 胂 紆 迸 佳 氣 絪 子 孫

凌夫人石氏墓誌銘甲戌

美旅 夫所 餘力入學讀書日吾以補 義 之願 法英美日等十 赴桂任事夫人致哀靈禮 氏耳聴不明於是代主 先生文不足以傳吾婦余悲其言奚忍不銘按狀夫人姓石氏字心蘭考諱懷慶始由閏占粵籍夫人天性純孝妣 有坤德之貞以 余讀周易坤 庚申來嬪凌氏時鸿勋自美遊學歸 也然而 自此 行記 能及者哉庚午酒助 得 tļi 深得見童教育之旨綜其平生學務經歷 宏矣壬申又隨鸿勋 以 此義不明於天下久矣粵東凌夫人爲余門, 卦 公諸世是年冬返國隨鴻勛 國每主則諮詢彼 輔之然後其峇氣綿延家國之間 傳 日 至哉 中價撫教弟妹家庭之職一身任之親疾刲股 奉派 而于附身附棺之具靡不周備識者謂其內行篤矣庸詎知其瓊遊瀛海 椰日之不足也泊徙滬後復赴中西女塾補 坤 元 赴株 乃順 赴歐美夫人爱以鹍鵬壯志比翼凌霄自籍資斧聯秧偕遊凡歷俄 邦人情風俗視察學校家庭及慈善事業尤輝研幼稚 韶 供職薊北石 承天灭日 路局事自廣州而衡州以子女就學又遷南京躬自督教攷 赴 隴海鐵路局事 至柔而 而不 氏鐵室偕行夫人事 在南洋大學創辦培真小學及幼稚 泯是以家人卦曰男正位乎外女正位乎內男女 動 人鴻勛之室賢而 剛 至 居鄭州凡交際集會轉移流 靜 ij. : 徳方坤 其姑與母棗栗殿脩黽勉有無佐 療治者二次嗚呼孝爲百行 習其虛心劬學如此丁卯 有道德其殁也 道其順乎承 鴻勛以 園在梧州 俗胥仔肩 教育之組 天 而 時行 遭 書 波 園屋世 之先 任省立 織兵 姑氏喪 來鬱 薂 厥 乃 校課 德瑞典丹麥比 知 足以 正天 其 伊 钱罔缺又以 乾元之養 女師 立人 循 設 不 時鴻勛方 有非丈 風世 膀 循 Ħ 矣 某

從可知矣宜乎鴻勛之悽愴神傷而不能自己也夫人生子三日崇光崇裕崇勵女二日崇秀崇英以民國二十三年 四月葬于某所爰叙而善之以諗來者並以慰鴻勛云銘曰 推折之以至于死其弟壽馥醫士也用西法刺血灌輸以療妨疾不愈痛極以身殉此則同可悲夫而夫人友于之教 之豈非佼佼而錚錚者哉向使推而廣之于天下則人心可以變險而爲平國性可以改惡而爲善奈何造物不仁建 攀本原於道德者有由來矣嗚呼天下之大患莫如有己而無人比年以來自私自利**之風運于中國求一潔身自** 者已不可得若失克已而博愛去僞而存誠隱合于大同大順之志此士大夫之所難夫人以婚道獨能躬行而實踐 在鄭州 ,勛痛甚發其筬得日記數册皆鞭辟自勵之辭以會文正公爲法蓋其持躬之儉律已之嚴治事之動愛人之 《任青年會義務學校教員皆主德化甲戌二月以疾赴專入中山大學醫院刀圭無效于是月1 Ħ.

不佑善人瑤池遠返雲凄清雌鳳隕翼雄悲鳴書來淚跡猶縱橫我嘉其行揭諸銘百世而下揚清芬 扶奧淑秀鍾南學有齊思媚欽婦怎相夫教子有令則博施濟衆勤公益項項日記語千百閨阁名言無媿色何其天 婦馬氏殉國難碑 銘 壬申

業蘇州女校覽吾婁正則學校年二十幾來歸我唐氏爲寄亭公第四歸事舅姑霽孝文荃奔走族食四方輒與 兄文壽文萃先已分炊至是逃散於鄉越二日乃成殮凡見與聞者奠不酸鼻越三月其夫兄文治護列 機鄉 乘復和淚爲之銘弟婦姓馬氏字擷南松江庠生馬君穀訥女母夫人許氏三歲而孤依舅氏許君弼丞以居先後歸 壬申春日人攻上海我十九路軍察廷楷等禦之相持月餘敵由我邑劉河楊陵登岸我師左次退婁城敵從之駕飛 炸彈 ,如雨族弟文荃婦馬氏病不能起竟中彈殉難于北城之北濂術尸體附牀躍起飛鄰舍時文荃從軍於費 事狀載諸家

七口目間からて住に二日間

一十九

樓框 徒以 告吾母死矣吾外祖 抱育於椰踰月訪得之傷哉 躍下 病 繞屋角亟命子女趨前樓避猝砰然巨響地坼天崩樓傾弟婦逝母夫人許氏壓於隨下鑪旁慶泓 **仳離** 體支離速罹 奪門 未當 H H 則 惨刦而 軍 得輕息也生子 母尚有呼號聲乞往救軍官遂率兵士於瓦礫煨爐中曳夫人出暈絕而就蘇焉而 人塞路慶埠呼救一軍士持之去逾日始得歸 母夫人榮獨無依哀痛欲絕九京有知目不瞑矣闡揚之責非我而 傷哉亂不已居夏五始設奠成禮嗚呼弟婦一弱女子讀書明大義不能 女八 / 殤者五 存 者 女 《慶泓子 慶淖 慶泓皇建奔毓婁校見一軍 慶 瘟 弟婦之卒也慶泓 慶焯 誰 官踰 銘 侍 執 於 干戈衙 精出 慶淖 側 慶福爲乳嫗 闻 長 駭 認 社

壬申太倉軍民殉難碑記 壬申

堂閔斯稚子徂厥亡目極千里春心傷婁江恨水終古長茫茫

其鄰登天入地蒙艱貞痛吾弟婦義行芳以死殉國家之光雷電晦冥毅魄藏闆圖俄闢含涕望忍不能舍維高

天刑出乎爾者反其身降群降殃害惡分何期無妄罹災會飛鳥垂翼遣凶音豐屋蔀家幽不

明處于其

躬于

古来香戰

服

側襲 倉軍 民國二十年秋 也于是大戰 軍 將領 厇 若浮橋悉淪于寇悲乎痛夫敵旣得逞肆其積憤蹂 無論 (祭廷楷) 緊作自旦見星不息彈樂罄繼以肉摶顧以援師淹滯退扼城垣而我太倉東郷若茜涇若新塘迤北 智愚靡不知大禍之將屆迺相與保聚屬武分組保衛團執銳披堅以待敵旣不得志于淞滬則以 河 以 東人發雅遼寧明年春處我大軍將北征也更舉海師搗我淞滬以制華南之兵維時我駐淞滬 拊 蒋 派滬之背而吾邑適當其衝三月敵 光 飙 **翁照垣等靡** 不 裂眦衝寇爭欲致死于寇不 潤 艦蔽江至炮聲 百里間 白骨 惲征 相望旣而 震天彼蓋稔吾婁防 繕痛 創日 飛機歡空繞城闕垂其翼投彈 軍于閘北 無 江灣 重兵以爲可唾 間 重兵

願吾邑人民每飯不忘此役之慘而成仁取義之風聲有以換張全國也至若死者姓氏爲碑侌所不及載擬別 死而己又何泰山之可崇豈不尤可痛哉嗚呼顧忠揚烈固足爲邦家光而今茲樹豐碑據念書蓋不獨微顯聞 名節明恥教戰扞侮折衝他日犂庭掃穴喋血復讎則吾郷人魂魄有知寧不含笑于地下苟或不然則吾郷軍 入俾垂不朽云 民殉國以死可謂 可勝數又何其慘也夫人莫不恶其死而我太倉軍民視死如歸何哉古人有言死有重于秦山有輕于鴻毛菩幫 雪大辱或力不任轉爲所乘又何烈也而或藝林達者播紳士夫**慨邦**土之腥羶甯絕食以全志至如閨閣淑女鄉僻 **丛姑夙嫻** 一以殪十迄于彈盡力端距羅奮身從容就義何 于 禮義節重 Ш 重于泰山矣然文治更有涕泣而道者死者長己矣誠使自今伊始吾國上下戮力同 上生輕或懷石而沈河或投穩而自縊其餘選逅鋒鏑欲避無途宛轉于血刃裂尸于藺石者更不 [江浦血殷滄月樓傾落颿橋斷嗚呼我太倉片土尙有天日哉若夫帶甲之士狙伏要衡間 其壯也 亦有老農樵子牧暨村童擔石荷鋤三五道左思猛錐以 心尙道 幽 民徒 攻 軍

太倉九曲鎮楊龔氏焦氏暨二女分媛瑛媛殉難哀辭 庚午

蓋從此 **刼景姓沈姓二家當是時霜露旣降悲風簌簌然龔氏焦氏皆沿舊例裹足顯踣者屢血殷膝脛欲呼籲** 飾焦氏知不可理喻急以管鑰授之匪旣盡掠諸物卽擄賡韶襲氏焦氏及思聰思恭分媛瑛媛並奪以行 恭女分媛瑛媛孫鑫尚在襁褓民團十八年已已八月三日夜盗匪入其家勢洶洶擣野器具聲震屋字復胠篋索衣 吾婁九曲鐵楊君祖隆字永清弟祖夔字廣韶家道近小康永清妻龔氏廣韶妻焦氏俱以仁孝開永清生子思 去而竟不返也哀哉行八九里經六公市至海灘苦楚困憊不能立匪衆挾登舟 揚 去 初 泊草 而無門嗚呼 過東 鎖叉 心思思

堅 色 と 集 二 編 ■ 巻八

茚

去

嗚呼猿鷂蟲沙風飃日沒些哀我椰人同罹奇阨些安得中流砥柱石兮挽茲浩琡些 冰清玉潔不染糜埃些魂兮歸來化作杜鵑些朝朝啼血訴我沈寃些魂兮歸來化作鳳凰些啖彼鴞鴟返我朝陽些 魂兮歸來毋羨人生些戈疑滿地白骨纍盈些魂兮歸來化爲松柏些歲寒挺秀甘我苦節些魂兮歸來化爲寒梅些

王蔚人哀詞 己

死甯隨侍吾師於地下慧言其叉奚悲爰書此以慰之且爲辭曰 及其既覺豈足追維是則彭殤長短同一夢耳何足算乎今世之人方且死於兵戈死於盜賊死於飢寒生則生順 息矣如生之好學而短命能無爲慧言悲又豈僅爲慧言悲也然韓子有言凡人之生如夢一覺當其夢時有樂有悲 授亦當誠之曰弟用功勿過猛恐傷神損腦矣乃生遽於今年五月病於七月二日本得年才二十余聞之大駭泫然 出涕念慧言上有老母其將何以爲情憶余在鄉里時每聞人家子弟某也賢某也英**儁某也知孝弟禮讓今此風稍** 大學工程科生殫精剔抉渺慮沈思慨然常有開物成務之志余因其體孱劬學心重憂之長子慶詒在交通大學教 童子來列旁聽席文理濬哲特補正課生後入省立太倉中學試輒冠其儕畢業後入蘇州東吳大學改入上海交通 窮之主乎其極雖通博者或不能答余大器之以爲庶幾繩武吾師歲壬戌余創立國學專修館於無錫生以 蔚人姓王氏名鸿楑吾師文貞公孫世弟慧言君長子生幼聰穎絕倫議論踔厲有昂頭天外之版每問一 事 理必

昔聞宋賢有言兮生可脈而死可樂矧逢天之癉怒兮宜死灰而稿木彼形形而色色兮何必復觸於吾目又聞莊生 之達觀兮云蟪蛄不知有春秋嗟吾曹之淺識兮甯知大化之遷流謹摛詞以寄語兮勿傚西河之哀愁

1日以口言で「とかに」、「日田」

得一二孔子曰知之者不如好之者好之者不如樂之者吾謂人苦於不知道耳苟能知之未有不好而樂之也如戴 不舍旋余復爲紹介受薬蘇州曹叔彦先生肄習士禮逾年又即其所學則對日生讚理學書如前曾熟讀者不 亭先生思辨錄等籍且告之曰吾鄕陸陳江盛四先生學術衰落久矣子其勉之當是時余訪求寶應朱止泉王白田 子耶方生之將終業也會齊燮元與奉軍構釁蘇錫二百里之間虽霧橫空驚霆不測生方在蘇謁曹先生徒步百里 以妻孥相累此則長逝之魂魄抱恨於無窮耳旣果於七日歿嗚呼此亦豈有夙因耶近世以來士習講陵孝弟之養 矣年僅二十有六 自其口出旁涉他精則未能也余笑曰子殆有夙因耶甲子冬生畢業歸者問逢隔庚午秋忽同學相告生以八月死 兩先生所評朱文公集遣生偕同學數人同往鈔錄生遂購朱子大全別自臨鈔丹黃滿 生者已造於好之樂之之域所謂可與共學進而可與適道乃不圖竟以夭死豈天地閉塞昏粜之氣不怒遺讀書種 禮義之經相率廢棄不講偶有研說國學之士不過於訓詁詞章標新領異飾爲美觀其求聞大道之要者千百中僅 錫國學專修館試禮貌恂恂發問中理嶄 生恩溥字惠蒼江蘇太倉人也世居璜涇鎭河北 疾大漸文治料檢醫藥惶急萬狀旣而春暉遽殞銜恤鮮民家國桑滄途不得與生話別言念及此不禁涕淚之浪 也 生叔國鏐亦余及門弟子以生事狀來請文爰爲辭以哀之曰 行 休業禮又徒步數百里反太自甲子十二月中旬至乙丑正月之杪雪虐風饕流 余大點悼义聞其臨歿前衣冠拜別共親謂兒當以七日去幸大人毋悲惟鞠育之恩罔極未報重 然見頭角余深器之旣甄錄詢 街父國釗博士弟子員生幼體贏弱性 其所學則對日好讀理學書 離顯踣始克抵家惟 紙時值盛暑流 聴意劬學年 汗腻深续 時先大 來 授以 ·啻若

崢嶸小戴海之濱淵源伊洛溯考亭居敬窮理聖門箴盡孝務本明人倫吾當軒渠笑語生陸陳絕學有傳

人胡期上

一つロスコイニュー・ラー・コー

君子深造之以道欲其自得之也自得之則居之安居之安則資之深資之深則取之左右逢其原孟 子此章大義非我

文集第三編未刻稿完好無恙同志欣然相告日此實物也乃遂倡議即屬華豐印鑄室付諸剞劂於 問無成詎不大可痛哉今夏家山淪陷避居滬濱適幸我 夫子返自桂林遺伻還無錫携出茹經堂 經無論矣而其牖民覺世之苦心發爲文章等於布帛栗菽寒必以爲衣飢必以爲食生民得之則生 **茹經夫子其孰能當之 夫子生平彈自得之力著書數十種早經風行海內戶誦家絃其爲羽翼草** 是同門張君公權章君增復王君叔言孫君宇晴沈君志開張君松亭胡君粹士張君貢九裘君次豐 **還外內質裹使事垂三十年對於周旋壇站未嘗不兢兢業業時奉 夫子以爲依歸而光陰盧耗學** 友李君頌韓即世後年長弟子中果能紹我 夫子心傳者亦遂寥寥不可多親誦韓自丁未出國以 弗得則死非深造之以道左右逢其原者豈能開示後學若是其深切而著明耶囘憶及門弟子自吾

趿

告諸同人日此舉留爲我 陳君柱尊陸君景周雀君雲潛酌任資斧分擔校讎誦韓趨步後廛閒參末議未數月而書已告成乃 夫子洗廛之思可乎衆皆欣然日宜哉戊寅十一月受業門人朱誦韓蓬